

Suttantapiṭake Khuddakanikāye

Paṭisambhidāmaggapāliyā saṁvaṇṇanābhūtā

Bhadantamahānāmattherena katā

Saddhammappakāsinī nāma

PAṬISAMBHIDĀMAGGAṬṬHAKATHĀ

(Paṭhamo bhāgo)



Buddhavasse 2552

Marammavasse 1370

AD. 2008

Romanized from Myanmar version published in 1950

© Buddhasāsana Society

Aṭṭhakathā Series 46

First published in 2008 by Ministry of Religious Affairs

Yangon, Myanmar

THE PĀLI ALPHABET
IN BURMESE AND ROMAN CHARACTERS

VOWELS

အ a အာ ā ဣ i ဤ ī ဥ u ဦ ū ဧ e ဩ o

CONSONANTS WITH VOWEL "A"

က ka	ခ kha	ဂ ga	ဃ gha	င ṅa
စ ca	ဆ cha	ဇ ja	ဈ jha	ည ṅa
ဋ ta	ဌ tha	ဍ ḍa	ဎ ḍha	ဏ ṇa
တ ta	ထ tha	ဒ da	ဓ dha	န na
ပ pa	ဖ pha	ဗ ba	ဘ bha	မ ma

ယ ya ရ ra လ la ဝ va သ sa တ ha ဠ ḷa ၵ ṁ

VOWELS IN COMBINATION

-၁ ၵ = ā ၵ = i ၵ = ī ၵ - ၵ = u ၵ - ၵ = ū - = e -၁ ၵ = o

က ka	ကာ kā	ကိ ki	ကီ kī	ကု ku	ကူ kū	ကေ ke	ကော ko
ခ kha	ခါ khā	ခိ khi	ခီ khī	ခု khu	ခု khū	ခေ khe	ခေါ kho ...

CONJUNCT-CONSONANTS

ကက kka	ဃ န္ဂha	ဏ န္ဓha	ဈ သ္ဃa	ဠ ပာ	ဣ လာ
ကွ kka	ဠ င္ဂa	ဣ န္ဓa	ဥ သ္ဃa	ဦ ပာ	ဣ လာ
ကျ kya	ဣ င္ဂa	ဣ န္ဓa	ဣ န္ဓa	ဣ ဝ္ဃa	ဣ လာ
ကြိ kri	ဣ ဣa	ဣ န္ဓa	ဣ န္ဓa	ဣ ဝ္ဃa	ဣ ဝ္ဃa
ကလ kla	ဣ ဣာ	ဣ တာ	ဣ န္ဓာ	ဣ ဝ္ဃာ	ဣ ဝ္ဃာ
ကွ kva	ဣ ဣာ	ဣ တာ	ဣ န္ဓာ	ဣ မ္ဃာ	ဣ ဝ္ဃာ
ချ khya	ဣ ဣာ	ဣ တာ	ဣ န္ဓာ	ဣ မ္ဃာ	ဣ ဝ္ဃာ
ခွ khva	ဣ ဣာ	ဣ တာ	ဣ န္ဓာ	ဣ မ္ဃာ	ဣ ဝ္ဃာ
ဂွ gga	ဣ ဣာ	ဣ တာ	ဣ န္ဓာ	ဣ မ္ဃာ	ဣ ဝ္ဃာ
ဣွ ggha	ဣ ဣာ	ဣ တာ	ဣ န္ဓာ	ဣ မ္ဃာ	ဣ ဝ္ဃာ
ဂျ gya	ဣ ဣာ	ဣ တာ	ဣ န္ဓာ	ဣ မ္ဃာ	ဣ ဝ္ဃာ
ဂြ gra	ဣ တာ	ဣ သာ	ဣ ပာ	ဣ မ္ဃာ	ဣ ဝ္ဃာ
ကံ ṅka	ဣ တာ	ဣ သာ	ဣ ပာ	ဣ ဝ္ဃာ	ဣ ဝ္ဃာ
နံ ṅkha	ဣ တာ	ဣ သာ	ဣ ပာ	ဣ ဝ္ဃာ	ဣ ဝ္ဃာ
ဂံ ṅga					

၁	၂	၃	၄	၅	၆	၇	၈	၉	၀
1	2	3	4	5	6	7	8	9	0

Paṭisambhidāmaggaṭṭhakathā

Paṭhamabhāga

Mātikā		Piṭṭhaṅka	
Ganthārambhakathā	1

1. Mahāvagga

1. Nānakathā

Mātikāvaṇṇanā	12
1. Sutamayañānaniddesavaṇṇanā	55
Vissajjanuddesavaṇṇanā	55
Abhiññeyyaniddesavaṇṇanā	59
Pariññeyyaniddesavaṇṇanā	101
Pahātabbaniddesavaṇṇanā	108
Bhāvetabbaniddesavaṇṇanā	116
Sacchikātabbaniddesavaṇṇanā	125
Hānabhāgiyacatukkaniddesavaṇṇanā	129
Lakkhaṇattikaniddesavaṇṇanā	131
Dukkhasaccaniddesavaṇṇanā	131
Samudayasaccaniddesavaṇṇanā	146
Nirodhasaccaniddesavaṇṇanā	147
Maggasaccaniddesavaṇṇanā	149
Saccapakiṇṇakavaṇṇanā	183
2. Sīlamayañānaniddesavaṇṇanā	187
3. Samādhībhāvanāmayañānaniddesavaṇṇanā	213
4. Dhammaṭṭhitiñānaniddesavaṇṇanā	221
5. Sammasanañānaniddesavaṇṇanā	227

Mātikā	Piṭṭhaṅka
6. Udayabbayañāṇaniddesavaṇṇanā	234
7. Bhaṅgānupassanāñāṇaniddesavaṇṇanā	239
8. Ādīnavañāṇaniddesavaṇṇanā	242
9. Saṅkhārupekkhāñāṇaniddesavaṇṇanā	244
10. Gotrabhuññāṇaniddesavaṇṇanā	253
11. Maggañāṇaniddesavaṇṇanā	255
12. Phalañāṇaniddesavaṇṇanā	260
13. Vimuttiñāṇaniddesavaṇṇanā	260
14. Paccavekkhaṇañāṇaniddesavaṇṇanā	261
15. Vatthunānattañāṇaniddesavaṇṇanā	263
16. Gocaranānattañāṇaniddesavaṇṇanā	264
17. Cariyānānattañāṇaniddesavaṇṇanā	264
18. Bhūminānattañāṇaniddesavaṇṇanā	268
19. Dhammanānattañāṇaniddesavaṇṇanā	273
20-24. Ñāṇapañcakaniddesavaṇṇanā	276
25-28. Paṭisambhidāñāṇaniddesavaṇṇanā	276
29-31. Ñāṇattayaniddesavaṇṇanā	278
32. Ānantarikasamādhiñāṇaniddesavaṇṇanā	279
33. Araṇavihārañāṇaniddesavaṇṇanā	281
34. Nirodhasamāpattiñāṇaniddesavaṇṇanā	283
35. Parinibbānañāṇaniddesavaṇṇanā	290
36. Samasīsaṭṭhañāṇaniddesavaṇṇanā	291
37. Sallekhaṭṭhañāṇaniddesavaṇṇanā	292
38. Vīriyārambhañāṇaniddesavaṇṇanā	294
39. Atthasandassanañāṇaniddesavaṇṇanā	295
40. Dassanavisuddhiñāṇaniddesavaṇṇanā	296
41-42. Khantiñāṇapariyogāhaṇañāṇaniddesavaṇṇanā	298
43. Padesavihārañāṇaniddesavaṇṇanā	298

Mātikā		Piṭṭhaṅka
44-49. Vivattañānachakkaniddesavaṇṇanā	...	301
50. Iddhividhañānaniddesavaṇṇanā	...	304
51. Sotadhātuvisuddhiñānaniddesavaṇṇanā	...	312
52. Cetopariyañānaniddesavaṇṇanā	...	314
53. Pubbenivāsānussatiñānaniddesavaṇṇanā	...	316
54. Dibbacakkhuñānaniddesavaṇṇanā	...	334
55. Āsavakkhayañānaniddesavaṇṇanā	...	340
56-63. Saccañāṇacatukkadvayaniddesavaṇṇanā	...	342
64-67. Suddhikaṭṭhisambhidāñānaniddesavaṇṇanā	...	344

Paṭisambhidāmaggaṭṭhakathāya paṭhamabhāge mātikā niṭṭhitā.

Khuddakanikāya

Paṭisambhidāmaggaṭṭhakathā

Namo tassa Bhagavato Arahato Sammāsambuddhassa.

Ganthārambhakathā

Yo sabbalokātigasabbasobhā-
Yuttehi sabbehi guṇehi yutto.
Dosehi sabbehi savāsanehi,
Mutto vimuttiṃ paramañca¹ dātā.

Niccaṃ dayācandanasītacitto,
Paññāravijjotitasabbaneyyo.
Sabbesu bhūtesu tamaggabhūtaṃ,
Bhūtatthanāthaṃ sirasā namitvā.

Yo sabbabhūtesu² Munīva aggo,
Anantaṅkhesu Jinattajesu³.
Ahū dayāññāguṇehi Satthu-
Līlanukārī janatāhitesu.

Taṃ **Sāriputtaṃ** Munirājaputtaṃ,
Theraṃ thirāṅekaguṇābhirāmaṃ.
Paññāpabhāvuggatacārukittiṃ,
Susantavuttiñca atho namitvā.

1. Paramañva (Syā)

2. Sabbasattesu (Sī)

3. Jinatrajesu (Sī)

Saddhammacakkānupavattakena,
Saddhammasenāpatisāvakena.
Suttesu vuttesu Tathāgatena,
Bhūtatthavedittamupāgatena.

Yo bhāsito bhāsita-kovidena,
Dhammappadīpujjalanāyakena.
Pāṭho viṣiṭṭho paṭisambhidānaṃ,
Maggoti tannāmavisesito ca.

Vicittanānattanayopagūḷho,
Gambhīrapaññehi sadāvagāḷho.
Attatthalokatthaparāyaṇehi,
Saṃsevanīyo sujanehi niccaṃ.

Ñāṇappabhedāvahanassa tassa,
Yogīhinekehi nisevitassa.
Atthaṃ apubbaṃ anuvaṇṇayanto,
Suttaṅca yuttiṅca anukkamanto.

Avokkamanto samayā sakā ca,
Anāmasanto samayaṃ paraṅca.
Pubbopadesaṭṭhakathānayaṅca,
Yathānurūpaṃ upasaṃharanto.

Vakkhāmaṃ Aṭṭhakathaṃ janassa,
Hitāya saddhammaciraṭṭhitatthaṃ.
Sakkacca **Saddhammapakāsiniṃ** taṃ,
Suṇātha dhāretha ca sādhu santoti.

Tattha **paṭisambhidānaṃ maggoti tannāmavisesito cāti** vuttattā paṭisambhidāmaggassa paṭisambhidāmaggatā tāva vattabbā. Catasso hi paṭisambhidā atthapaṭisambhidā dhammapaṭisambhidā niruttipaṭisambhidā paṭibhānapaṭisambhidāti. Tāsaṃ paṭisambhidānaṃ maggo adhigamūpāyoti paṭisambhidāmaggo, paṭisambhidāpaṭilābhahetūti vuttaṃ hoti. Kathamayaṃ tāsaṃ maggo hotīti ce? Pabhedato desitāya desanāya paṭisambhidāñāṇāvahattā.

Nānābheda bhinnānaṃ hi dhammānaṃ nānābheda bhinnā desanā sotūnaṃ ariyapuggalānaṃ paṭisambhidāñāṇappabhedāṅca sañjaneti, puthujjanānaṃ āyatiṃ paṭisambhidāñāṇappabhedāya ca paccayo hoti. Vuttaṅca “pabhedato hi desanā ghanavinibbhogapaṭisambhidāñāṇāvahā hoti”¹. Ayaṅca nānābheda bhinnā desanā, tenassā paṭisambhidānaṃ maggattasiddhi.

Tattha **catassoti** gaṇanaparicchedo. **Paṭisambhidāti** pabhedā. “Atthe ñāṇaṃ atthapaṭisambhidā, dhamme ñāṇaṃ dhammapaṭisambhidā, tatra dhammaniruttābhilāpe² ñāṇaṃ niruttipaṭisambhidā, ñāṇesu ñāṇaṃ paṭibhānapaṭisambhidā”³ vuttattā na aññassa kassaci pabhedā, ñāṇasseva pabhedā. Tasmā “catasso paṭisambhidā”⁴ti cattāro ñāṇappabhedāti attho. Atthappabhedassa sallakkhaṇavibhāvanavavattānakaraṇasamatthaṃ atthe pabhedagataṃ ñāṇaṃ **atthapaṭisambhidā**. Dhammapabhedassa sallakkhaṇavibhāvanavavattānakaraṇasamatthaṃ dhamme pabhedagataṃ ñāṇaṃ **dhammapaṭisambhidā**. Niruttippabhedassa sallakkhaṇavibhāvanavavattānakaraṇasamatthaṃ niruttābhilāpe pabhedagataṃ ñāṇaṃ **niruttipaṭisambhidā**. Paṭibhānapabhedassa sallakkhaṇavibhāvanavavattānakaraṇasamatthaṃ paṭibhāne pabhedagataṃ ñāṇaṃ **paṭibhānapaṭisambhidā**.

Tattha **atthoti** saṅkhepato hetuphalaṃ. Taṃ hi yasmā hetu-anusārena arīyati adhigamīyati pāpuṇīyati, tasmā atthoti vuccati. Pabhedato pana yaṃkiñci paccayasamuppannaṃ⁴, nibbānaṃ, bhāsitaṃ, vipāko, kiriyāti ime pañca dhammā atthoti veditaṃ. Taṃ atthaṃ paccavekkhantassa tasmīṃ atthe pabhedagataṃ ñāṇaṃ atthapaṭisambhidā.

Dhammoti saṅkhepato paccayo. So hi yasmā taṃ taṃ vidahati⁵ pavatteti ceva pāpeti ca, tasmā dhammoti vuccati. Pabhedato pana yo koci phalanibbattako hetu, ariyamaggo, bhāsitaṃ, kusalaṃ, akusalanti ime pañca dhammā dhammoti veditaṃ. Taṃ dhammaṃ paccavekkhantassa tasmīṃ dhamme pabhedagataṃ ñāṇaṃ dhammapaṭisambhidā. Ayameva hi attho abhidhamme³—

“Dukkhe ñāṇaṃ atthapaṭisambhidā, dukkhasamudaye ñāṇaṃ dhammapaṭisambhidā, dukkhanirodhe ñāṇaṃ atthapaṭisambhidā, dukkhanirodhagāminiyā paṭipadāya

1. Abhi-Ṭṭha 1. 99 piṭṭhe.

2. Atthadhammaniruttābhilāpe (Sī)

3. Abhi 2. 307 piṭṭhe.

4. Paccayasambhūtaṃ (Visuddhi 2. 70 piṭṭhe)

5. Vidadhāti (Sī), dahati (Visuddhi 2. 70 piṭṭhe)

ñāṇaṃ dhammapaṭisambhidā. . Hetumhi ñāṇaṃ dhammapaṭisambhidā, hetuphale ñāṇaṃ atthapaṭisambhidā.

Ye dhammā jātā bhūtā sañjātā nibbattā abhinibbattā pātubhūtā, imesu dhammesu ñāṇaṃ atthapaṭisambhidā, yamhā dhammā te dhammā jātā bhūtā sañjātā nibbattā abhinibbattā pātubhūtā, tesu dhammesu ñāṇaṃ dhammapaṭisambhidā.

Jarāmaṇe ñāṇaṃ atthapaṭisambhidā, jarāmaṇasamudaye ñāṇaṃ dhammapaṭisambhidā, jarāmaṇanirodhe ñāṇaṃ atthapaṭisambhidā, jarāmaṇanirodhagāminiyā paṭipadāya ñāṇaṃ dhammapaṭisambhidā.

Jātiyā ñāṇaṃ -pa-. Bhave ñāṇaṃ -pa-. Upādāne ñāṇaṃ -pa-. Taṇhāya ñāṇaṃ -pa-. Vedanāya ñāṇaṃ -pa-. Phasse ñāṇaṃ -pa-. Saḷāyatane ñāṇaṃ -pa-. Nāmarūpe ñāṇaṃ -pa-. Viññāṇe ñāṇaṃ -pa-. Saṅkhāresu ñāṇaṃ atthapaṭisambhidā, saṅkhārasamudaye ñāṇaṃ dhammapaṭisambhidā, saṅkhāraniyodhe ñāṇaṃ atthapaṭisambhidā, saṅkhāranirodhagāminiyā paṭipadāya ñāṇaṃ dhammapaṭisambhidā.

Idha bhikkhu dhammaṃ jānāti Suttaṃ Geyyaṃ Veyyākaraṇaṃ Gāthaṃ Udānaṃ Itivuttakaṃ Jātakaṃ Abbhutadhammaṃ Vedallaṃ¹. Ayaṃ vuccati dhammapaṭisambhidā. So tassa tasseva bhāsitassa atthaṃ jānāti ‘ayaṃ imassa bhāsitassa attho, ayaṃ imassa bhāsitassa attho’ti. Ayaṃ vuccati atthapaṭisambhidā.

Katame dhammā kusalā. Yasmiṃ samaye kāmāvacaraṃ kusalaṃ cittaṃ uppannaṃ hoti somanassasahagataṃ ñāṇasampayuttaṃ rūpārammaṇaṃ vā -pa- dhammārammaṇaṃ vā. Yaṃ yaṃ vā panārabbha tasmim̐ samaye phasso hoti -pa- avikkhepo hoti. Ime dhammā kusalā. Imesu dhammesu ñāṇaṃ dhammapaṭisambhidā, tesam̐ vipāke ñāṇaṃ atthapaṭisambhidā”ti-ādinā nayena vibhajitvā vibhajitvā dassito.

Tatra dhammaniruttābhilāpe ñāṇanti tasmim̐ atthe ca dhamme ca yā sabhāvanirutti abyabhicārirohāro, tassa abhilāpe bhāsane

1. Vedallanti (Sī, Sya)

udīraṇe taṃ lapitaṃ bhāsitaṃ udīritaṃ sabhāvaniruttisaddaṃ ārammaṇaṃ katvā paccavekkhantassa tasmim̐ sabhāvaniruttābhilāpe “ayaṃ sabhāvanirutti, ayaṃ na sabhāvanirutti”ti evaṃ tassā dhammaniruttisaññitāya sabhāvaniruttiyā māgadhiḱāya sabbasattānaṃ mūlabhāsāya pabhedagataṃ ñāṇaṃ niruttiṭṭisambhidā. Evamayāṃ niruttiṭṭisambhidā saddārammaṇā nāma jātā, na paññatti-ārammaṇā. Kasmā? Yasmā saddaṃ sutvā “ayaṃ sabhāvanirutti, ayaṃ na sabhāvanirutti”ti jānāti. Paṭisambhidāppatto hi¹ “phasso”ti vutte “ayaṃ sabhāvanirutti”ti jānāti, “phassa”ti vā “phassan”ti vā vutte pana “ayaṃ na sabhāvanirutti”ti jānāti. Vedanādīsupi eseva nayo. Aññaṃ panesa nāmākhyāta-upasagganipātabyañjanasaddaṃ jānāti na jānātīti? Yadaggena saddaṃ sutvā “ayaṃ sabhāvanirutti, ayaṃ na sabhāvanirutti”ti jānāti, tadaggena tampi jānissati. Taṃ pana nayidaṃ paṭisambhidāḱiccanti paṭikkhipitvā “bhāsaṃ nāma sattā uggaṇhantī”ti vatvā idaṃ kathitaṃ—mātāpitaro hi daharakāle kumārake mañce vā piṭṭhe vā nipajjāpetvā taṃ taṃ kathayamānā tāni tāni ḱiccāni karonti, dāraḱā tesāṃ taṃ taṃ bhāsaṃ vavattḱāpentī “iminā idaṃ vuttaṃ, iminā idaṃ vuttan”ti. Gacchante gacchante kāle sabbampi bhāsaṃ jānanti. Mātā dāmiḱi, pitā andhako. Tesāṃ jātadāraḱo sace mātu kathāṃ paṭḱamaṃ suṇāti, dāmiḱabhāsaṃ bhāsisati. Sace pitu kathāṃ paṭḱamaṃ suṇāti, andhābhāsaṃ bhāsisati. Ubhinnampi pana kathāṃ asuṇanto māgadhiḱabhāsaṃ bhāsisati.

Yopi agāmake mahā-arañṇe nibbatto, tattha aññaṃ kathento nāma natthi, sopi attano dhammatāya vacanaṃ samuṭṭḱāpentō māgadhiḱabhāsameva bhāsisati. Niraye tiracchānāyoniyāṃ pettivisaye manussaloke devaloketi sabbattha māgadhiḱabhāsaṃ ussannā. Tattha sesā oṭṭakirāta-andhāḱayonakadāmiḱabhāsaḱā bhāsa² parivattanti, ayameveḱā yathābhuccābrahmavohāra-ariyavohārasaṅkhātā Māgadhiḱabhāsaṃ na parivattati. Sammāsambuddhopi tepiṭakaṃ Buddhavacanaṃ tantim̐ āropento Māgadhiḱabhāsaṃ eva āropesi. Kasmā? Evaṃ hi atthaṃ āharitum sukhaṃ hoti. Māgadhiḱabhāsaṃ hi tantim̐ āruḱhassa Buddhavacanaṃ paṭisambhidāppattānaṃ sotapathāgamaṃ eva

1. Niruttiṭṭisambhidāppatto hi (Syā, Ka)

2. Aṭṭhārasa bhāsa (Abhi-Ṭṭha 2. 371 piṭṭhe)

papañco. Sote pana saṃghaṭṭitamatteyeva nayasatena nayasahassena attho upaṭṭhāti. Aññāya pana bhāsāya tantim āruḥhakaṃ pothetvā pothetvā uggahetabbaṃ hoti. Bahumpi uggahetvā pana puthujjanassa paṭisambhidāppatti nāma natthi, ariyasāvako no paṭisambhidāppatto nāma natthi.

Ñānesu ñāṇanti sabbatthakaññānamārammaṇaṃ katvā paccavekkhantassa tasmim ñāṇe pabhedagataṃ ñāṇaṃ, yathāvuttesu vā tesu tīsu ñānesu gocarakiccādivasena vitthāragataṃ¹ ñāṇaṃ paṭibhānapaṭisambhidā.

Imā pana catasso paṭisambhidā dvīsu ṭhānesu pabhedam gacchanti, pañcahi kāraṇehi visadā hontīti vedītabbā. Katamesu dvīsu ṭhānesu pabhedam gacchanti? Sekkhabhūmiyañca asekkhabhūmiyañca. Tattha Sāriputtattherassa Mahāmoggallānattherassa Mahākassapattherassa Mahākaccāyanattherassa Mahākoṭṭhitattherassāti-evamādīnaṃ asītiyāpi mahātherānaṃ paṭisambhidā asekkhabhūmiyaṃ pabhedam gatā, Ānandattherassa, Cittassa gahapatino, Dhammikassa upāsakassa, Upālissa gahapatino, Khujjuttarāya upāsikāyāti-evamādīnaṃ paṭisambhidā sekkhabhūmiyaṃ pabhedam gatāti imāsu dvīsu bhūmīsu pabhedam gacchanti.

Katamehi pañcahi kāraṇehi visadā hontī? adhigamena pariyattiyā savanena paripucchāya pubbayogena. Tattha **adhigamo** nāma arahattappatti. Arahattaṃ hi pattassa paṭisambhidā visadā hontī. **Pariyatti** nāma Buddhavacanaṃ. Taṃ hi uggaṇhantassa paṭisambhidā visadā hontī. **Savanaṃ** nāma saddhammassavanaṃ. Sakkaccaṃ aṭṭhim katvā dhammaṃ suṇantassa hi paṭisambhidā visadā hontī. **Paripucchā** nāma Pāḷi-Atṭhakathādīsū gaṇṭhipada-atthapadavinicchayaṃ. Uggahitapāḷi-ādīsū hi atthaṃ paripucchantassa paṭisambhidā visadā hontī. **Pubbayogo** nāma pubbabuddhānaṃ sāsane yogāvacaratā gatapaccāgatikabhāvena yāva anulomagotrābhusamīpaṃ pattavipassanānuyogo. Pubbayogāvacarassa hi paṭisambhidā visadā hontī. Imehi pañcahi kāraṇehi visadā hontīti.

Etesu pana kāraṇesu pariyatti savanaṃ paripucchāti imāni tīni pabhedasseva balavakāraṇāni. Pubbayogo adhigamassa balavapaccayo,

1. Vitthārato (Syā, Ka, Visuddhi 2. 72 piṭṭhe ca)

pabhedassa hoti na hotīti? Hoti, na pana tathā. Pariyattisavanaparipucchā hi pubbe hontu vā mā vā, pubbayogena pana pubbe ceva etarahi ca saṅkhārasammasanaṃ vinā paṭisambhidā nāma natthi. Ime pana dvepi ekato hutvā paṭisambhidā upatthambhetvā visadā karontīti. Apare āhu—

“Pubbayogo bāhusaccaṃ, desabhāsā ca āgamo.

Paripucchā adhigamo, garusannissayo tathā.

Mittasampatti cevāti, paṭisambhidapaccayā”ti.

Tattha **pubbayogo** vuttanayova. **Bāhusaccaṃ** nāma tesu tesu satthesu ca¹ sippāyatanesu ca kusalatā. **Desabhāsā** nāma ekasatavohāra kusalatā, visesena pana Māgadhi ke kosallaṃ². **Āgamo** nāma antamaso opammavaggamattassapi Buddhavacanassa pariyāpuṇaṇaṃ. **Paripucchā** nāma ekagāthāyapi atthavinicchaya pucchanaṃ. **Adhigamo** nāma sotāpannatā vā sakadāgāmitā vā anāgāmitā vā arahattaṃ vā. **Garusannissayo** nāma sutapaṭibhānabahulānaṃ garūnaṃ santike vāso. **Mittasampatti** nāma tathārūpānaṃyeva mittānaṃ paṭilābhoti.

Tattha Buddhā ca Paccekabuddhā ca pubbayogañceva adhigamañca nissāya paṭisambhidā pāpuṇanti, sāvaka sabbānipi etāni kāraṇāni. Paṭisambhidāppattiyā ca pāṭiyekko kammaṭṭhānābhāvanānuyogo nāma natthi, sekkhānaṃ pana sekkhaphalavimokkhantikā, asekkhānaṃ asekkhaphalavimokkhantikā ca paṭisambhidāppatti hoti. Tathāgatānaṃ hi dasa balāni viya ariyānaṃ ariyaphaleheva³ paṭisambhidā ijjhantīti. Imāsaṃ catassanaṃ paṭisambhidānaṃ maggoti paṭisambhidāmaggo, paṭisambhidāmaggo eva pakaraṇaṃ paṭisambhidāmaggappakaraṇaṃ, pakārena kariyante vuccante ettha nānābheda bhinnā gambhīrā atthā iti pakaraṇaṃ.

Tadetaṃ paṭisambhidāmaggappakaraṇaṃ atthasampannaṃ byañjanasampannaṃ gambhīraṃ gambhīratthaṃ lokuttarappakāsaṇaṃ suññatāpaṭisaññuttaṃ paṭipattiphalavisesasādhanam⁴

1. Atthesu ca (Syā, Ka)

2. Visesena māgadhi ke kosallaṃ (Syā, Ka)

3. Ariyaphaleneva (Syā, Ka, Visuddhi 2. 73 piṭṭhe ca)

4. Paṭipattiphalavisesāvaham (Sī)

paṭipattipaṭipakkhapaṭisedhanam¹ yogāvacarānam
 ñāṇavararatanākarabhūtam dhammakathikānam
 dhammakathāvilāsavisesahetubhūtam saṁsārabhīrukānam
 dukkhanissaraṇam tadupāyadassanena assāsajanattham
 tappaṭipakkhanāsanatthañca gambhīratthānañca anekesaṁ suttantapadānam
 atthavivaraṇena sujanahadayaparitosajanattham Tathāgatena Arahatā
 Sammāsambuddhena sabbattha
 appaṭihatasabbaññutaññāṇamahāpadīpāvabhāsenā
 sakalajanavitthata mahākaraṇāsinehasiniddhahadayena
 veneyyajana hadaya gata kilesa sandhakāra vidhamanattham ujjalitassa
 saddhammahāpadīpassa tadadhippāyavikāsanasinehaparisekena²
 pañcavassasahassamaviratam ujjalanamicchatā lokānukampakena
 Satthukappena Dhammarājassa Dhammasenāpatinā āyasmatā
 Sāriputtatherena bhāsitaṁ sutvā āyasmatā Ānandena
 paṭhamamahāsaṅgītikāle yathāsutameva saṅgītiṁ³ āropitaṁ.

Tadetaṁ Vinayaṭṭakam Suttantaṭṭakam Abhidhammaṭṭakanti tīsu
 ṭṭakesu Suttantaṭṭakapariyāpannam. Dighanikāyo Majjhimanikāyo
 Saṁyuttanikāyo Aṅguttaranikāyo Khuddakanikāyoti pañcasu mahānikāyesu
 Khuddakamahānikāyapariyāpannam. Suttam Geyyam Veyyākaraṇam Gāthā
 Udānam Itivuttakam Jātakam Abbhutadhammam Vedallanti navasu Satthu
 sāsanaṅgesu yathāsambhavam Geyyaveyyākaraṇaṅgadavayasaṅgahitam.

“Dvāsīti Buddhato gaṇhim, dve sahasāni bhikkhuto.
 Caturāsīti sahasāni, ye me dhammā pavattino”⁴—

Dhammabhaṇḍāgārikattherena pana pañcasu ṭṭānesu etadaggaṁ āropitena
 paṭiññātānam caturāsītiyā dhammakhandhasahasānam bhikkhuto gahitesu
 dvīsu dhammakhandhasahassesu anekasatadhammakhandhasaṅgahitam.
 Tassa tayo vaggā Mahāvaggo Majjhimavaggo Cūlavaggoti. Ekekasmim
 vaggasmim dasadasakam katvā ñāṇakathādikā mātīkākathāpariyosānā
 samatimsakathā. Evamanekadhā vavatthāpitassa imassa
 paṭisambhidāmaggaṭṭakaraṇassa anupubbam apubbapadatthavaṇṇanam
 karissāma. Imam hi pakaraṇam paṭhato atthato uddisantena ca niddisantena
 ca sakkaccam uddisitabbam niddisitabbañca, uggaṇhantenāpi

1. Paṭipakkhapaṭisedhanam (Sī, Syā)

3. Saṅgaham (Syā, Ka)

2. ...siñcanasinehaparisekena (Sī)

4. Khu 2. 347 piṭṭhe.

sakkaccaṃ uggahetabbaṃ dhāretabbañca. Taṃ kissahetu? Gambhīrattā imassa pakaraṇassa lokahitāya loke ciraṭṭhitatthaṃ.

Tattha samatimsāya kathāsu ñāṇakathā kasmā ādito kathitāti ce?
Ñāṇassa paṭipattimalavisodhakattena paṭipattiyā ādibhūtattā. Vuttaṃ hi Bhagavatā—

“Tasmā tiha tvaṃ bhikkhu ādimeva visodhehi kusalānaṃ dhammānaṃ. Ko cādi kusalānaṃ dhammānaṃ, sīlañca suvisuddhaṃ diṭṭhi ca ujukā”¹.

Ujukā diṭṭhīti hi sammādiṭṭhisāṅkhātāṃ ñāṇaṃ vuttaṃ. Tasmāpi ñāṇakathā ādito kathitā.

Aparampi vuttaṃ—

“Tatra bhikkhave sammādiṭṭhi pubbaṅgamā hoti. Kathaṅca bhikkhave sammādiṭṭhi pubbaṅgamā hoti, sammādiṭṭhiṃ ‘sammādiṭṭhī’ti pajānāti, micchādiṭṭhiṃ ‘micchādiṭṭhī’ti pajānāti. Sāssa hoti sammādiṭṭhi. Sammāsaṅkappaṃ ‘sammāsaṅkappo’ti pajānāti, micchāsaṅkappaṃ ‘micchāsaṅkappo’ti pajānāti. Sammāvācaṃ ‘sammāvācā’ti pajānāti, micchāvācaṃ ‘micchāvācā’ti pajānāti. Sammākammantaṃ ‘sammākammanto’ti pajānāti, micchākammantaṃ ‘micchākammanto’ti pajānāti. Sammā-ājīvaṃ ‘sammā-ājīvo’ti pajānāti, micchā-ājīvaṃ ‘micchā-ājīvo’ti pajānāti. Sammāvāyāmaṃ ‘sammāvāyāmo’ti pajānāti, micchāvāyāmaṃ ‘micchāvāyāmo’ti pajānāti. Sammāsatīṃ ‘sammāsatī’ti pajānāti, micchāsatīṃ ‘micchāsatī’ti pajānāti. ‘Sammāsamādhiṃ ‘sammāsamādhi’ti pajānāti, micchāsamādhiṃ ‘micchāsamādhi’ti pajānāti. Sāssa hoti sammādiṭṭhī”².

Pubbaṅgamabhūtāya hi sammādiṭṭhiyā siddhāya micchādiṭṭhinampi micchādiṭṭhibhāvaṃ jānissatīti sammādiṭṭhisāṅkhātāṃ ñāṇaṃ tāva sodhetuṃ³ ñāṇakathā ādito kathitā.

1. Saṃ 3. 124 piṭṭhe.

2. Ma 3. 116 piṭṭhe.

3. Sādhetuṃ (Syā, Ka)

“Apicudāyi tiṭṭhatu pubbanto, tiṭṭhatu aparanto dhammaṃ te desessāmi imasmim̄ sati idaṃ hoti, imassuppādā idaṃ uppajjati, imasmim̄ asati idaṃ na hoti, imassa nirodhā idaṃ nirujjhatī”¹ ca pubbantāparantadiṭṭhiyo ṭhapetvā ñāṇasseva vuttattā ñāṇakathā ādito kathitā.

“Alaṃ Subhadda tiṭṭhatetaṃ ‘sabbe te sakāya paṭiññāya abbhāññiṃsu, sabbeva na abbhāññiṃsu, udāhu ekacce abbhāññiṃsu, ekacce na abbhāññiṃsū’²ti. Dhammaṃ te Subhadda desessāmi, taṃ suṇāhi sādhukaṃ manasikarohi, bhāsissāmi”² ca—

puthusamaṇabrāhmaṇaparappavādānaṃ vāde ṭhapetvā ariyassa aṭṭhaṅgikassa maggassa desitattā, aṭṭhaṅgike ca magge sammādiṭṭhisāṅkhātassa ñāṇassa padhānattā ñāṇakathā ādito kathitā.

“Cattārimāni bhikkhave sotāpattiyaṅgāni sappurisasamsevo, saddhammassavanaṃ, yoniso manasikāro, dhammānudhammapaṭipattī”³ ca—

“Saddhājāto upasaṅkamati, upasaṅkamanto payirūpāsati, payirūpāsanto sotam odahati, ohitasoto dhammaṃ suṇāti, sutvā dhammaṃ dhāreti, dhātānaṃ dhammānaṃ paññāya atthaṃ upaparikkhati, atthaṃ upaparikkhato dhammā nijjhānaṃ khamanti, dhammanijjhānakkhantiyā chando jāyati, chandajāto ussahati, ussahitvā tuletī, tulayitvā padahati, pahitatto kāyena ceva paramatthasaccaṃ sacchikaroti, paññāya ca naṃ paṭivijjha passatī”⁴ ca—

“Idha Tathāgato loke uppajjati -pa- so dhammaṃ deseti- ādikalyāṇaṃ”⁵ ca—

anekāni suttantapadāni anulomentena sutamaye ñāṇaṃ ādiṃ katvā yathākkamena ñāṇakathā ādito kathitā.

1. Ma 2. 223 piṭṭhe. 2. Dī 2. 124 piṭṭhe. 3. Sam̄ 3. 354; Dī 3. 190 piṭṭhesu.
4. Ma 2. 145, 385 piṭṭhesu. 5. Dī 1. 58 piṭṭhe.

Sā panāyaṃ ñāṇakathā uddesaniddesavasena dvidhā ṭhitā. Uddese “sotāvadhāne paññā sutamaye ñāṇan”ti-ādinā nayena tesattati ñāṇāni mātikāvasena uddiṭṭhāni. Niddese “kathaṃ sotāvadhāne paññā sutamaye ñāṇam. ‘Ime dhammā abhiññeyyā’ti sotāvadhānam, taṃpajānanā paññā sutamaye ñāṇan”ti-ādinā nayena tāniyeva tesattati ñāṇāni vitthāravasena niddiṭṭhānīti.

Ganthārambhakathā niṭṭhitā.

1. Mahāvagga

1. Nānakathā mātikāvaṇṇanā

1. Tattha uddese tāva sotāvadhāne paññā sutamaye ñāṇanti ettha sotasaddo anekatthappabhedo. Tathā hesa—

Maṃsaviññāṇaṇṇesu, taṇhādīsu ca dissati.

Dhārāyaṃ ariyamagge, cittasantatiyampi ca.

“Sotāyatanam sotadhātu sotindriyan”ti-ādīsu¹ hi ayam sotasaddo maṃsasote dissati. “Sotena saddam sutvā”ti-ādīsu² sotaviññāṇe. “Dibbāya sotadhātuyā”ti-ādīsu³ ñāṇasote. “Yāni sotāni lokasminti yāni etāni sotāni mayā kittitāni pakittitāni ācikkhitāni desitāni paññapitāni paṭṭhapitāni vivaritāni vibhattāni uttānikatāni pakāsītāni. Seyyathidam, taṇhāsoto diṭṭhisoto kilesasoto duccharitasoto avijjāsoto”ti-ādīsu⁴ taṇhādīsu pañcasu dhammesu. “Addasā kho Bhagavā mahantaṃ dārukhandham Gaṅgāya nadiyā sotena vuyhamānan”ti-ādīsu⁵ udakadhārāyaṃ. “Ariyassetam āvuso aṭṭhaṅgikassa maggassa adhivacanaṃ, yadidaṃ soto”ti-ādīsu⁶ ariyamagge. “Purisassa ca viññāṇasotaṃ pajānāti ubhayato abbochinnaṃ idha loke patiṭṭhitaṅca paraloke patiṭṭhitaṅca”ti-ādīsu⁷ cittasantatiyaṃ. Idha pañāyaṃ maṃsasote daṭṭhabbo. Tena sotena hetubhūtena, karaṇabhūtena vā avadhīyati avatthāpīyati appīyatīti sotāvadhānaṃ. Kim taṃ? Sutaṃ. Sutaṃ ca nāma “bahussuto hoti sutadharo sutasannicayo”ti-ādīsu⁸ viya sotadvārānusārena viññātaṃ avadhāritaṃ dhammajātaṃ, taṃ idha sotāvadhānanti vuttaṃ. Tasmim sotāvadhānasaṅkhāte sute pavattā paññā sotāvadhāne paññā. **Paññāti** ca tassa tassa atthassa pākāṭakaraṇasaṅkhātena paññāpanaṭṭhena⁹ paññā, tena tena vā aniccādinā pakārena dhamme jānātītipi paññā.

1. Abhi 2. 70, 89, 128 piṭṭhesu.

2. Ma 1. 238 piṭṭhe.

3. Dī 3. 240 piṭṭhe.

4. Khu 8. 30 piṭṭhe.

5. Saṃ 2. 386 piṭṭhe.

6. Gavesitabbaṃ.

7. Dī 3. 87 piṭṭhe.

8. Ma 1. 277 piṭṭhe.

9. Paññānaṭṭhena (Sī)

Sutamaye ñāṇanti ettha sutasaddo tāva sa-upasaggo anupasaggo ca—

Gamane vissute tinte, nuyogopacitepi ca.

Sadde ca sotadvārānu, sārāñāte ca dissati.

Tathā hissa “senāya pasuto”ti-ādīsu gacchantoti attho. “Sutadhammassa passato”ti-ādīsu¹ vissutadhammassāti attho. “Avassutā avassutassa purisapuggalassā”ti-ādīsu² tintā tintassāti attho. “Ye jhānapasutā dhīrā”ti-ādīsu³ anuyuttāti attho. “Tumhehi puññaṃ pasutaṃ anappakan”ti-ādīsu⁴ upacitanti attho. “Diṭṭhaṃ sutam mutam viññātan”ti-ādīsu⁵ saddoti attho. “Bahussuto hoti sutadharo sutasannicayo”ti-ādīsu⁶ sotadvārānusāraviññāta-dharoti attho. Idha panassa sotadvārānusārena viññātaṃ upadhāritanti attho. **Sutamaye ñāṇanti** yā esā etaṃ sutam viññātaṃ avadhāritaṃ saddhammaṃ ārabha ārammaṇaṃ katvā sabbapaṭṭhamañca aparāparañca pavattā paññā, taṃ “sutamaye ñāṇan”ti vuttaṃ hoti, sutamayaṃ ñāṇanti attho. Sutamayeti ca paccattavacanametam, yathā “nahevaṃ vattabbe⁷. Vanappagumbe yathā phussitagge⁸. Natthi attakāre natthi parakāre natthi purisakāre”ti-ādīsu⁹ paccattavacanam, evamidhāpi daṭṭhabbam. Tena vuttaṃ “sutamayaṃ ñāṇanti attho”ti.

Atha vā sutena pakato phassādiko dhammapuñjo sutamayo, tasmim sutamaye dhammapuñje pavattaṃ taṃsampayuttaṃ ñāṇam sutamaye ñāṇam. Sabhāvasāmaññalakkhaṇavasena dhamme jānātīti ñāṇam. Taṃyeva ñāṇam¹⁰ pariyaṇavacanena adhippāyapakāsanattham aniyamena “paññā”ti vatvā pacchā adhippetam “ñāṇan”ti niyametvā vuttanti veditabbam. Ñāṇaṃ nāma sabhāvapaṭivedhalakkhaṇam, akkhalitapaṭivedhalakkhaṇam vā kusalissāsakhitta-usupaṭivedho viya, visayobhāsanarasaṃ padīpo viya, asammohapaccupaṭṭhānam araññagatasudesako viya. “Samāhito bhikkhave bhikkhu yathābhūtaṃ pajānātī”ti¹¹ vacanato samādhipadaṭṭhānam. Lakkhaṇādīsu hi sabhāvo vā sāmāññaṃ vā

1. Khu 1. 88; Vi 1. 4 piṭṭhesu. 2. Vi 2. 276 piṭṭhe. 3. Khu 1. 40 Dhammapade.
 4. Khu 1. 9; Khu 2. 130 piṭṭhesu. 5. Ma 1. 189 piṭṭhe. 6. Ma 1. 277 piṭṭhe.
 7. Abhi 4. 1, 10 piṭṭhesu. 8. Khu 1. 7, 314 piṭṭhesu.
 9. Dī 1. 50 piṭṭhe. 10. Taṃyeva dhammaṃ (Sī, Ka)
 11. Saṃ 2. 303; Saṃ 3. 363 piṭṭhesu.

lakkhaṇaṃ nāma, kiccaṃ vā sampatti vā raso nāma, upaṭṭhānākāro vā phalaṃ vā paccupaṭṭhānaṃ nāma, āsanna-kāraṇaṃ padaṭṭhānaṃ nāmāti veditaḅbaṃ.

2. Sutvāna saṃvare paññāti—

Pātimokkho satī ceva, ñāṇaṃ khanti tatheva ca.
Vīriyaṃ¹ pañcime dhammā, saṃvarāti pakāsītā.

“Iminā pātimokkhasaṃvarena upeto hoti samupeto upāgato samupāgato upapanno sampanno samannāgato”^{ti}² āgato **pātimokkhasaṃvaro**. “Cakkhunā rūpaṃ disvā na nimittaggāhī hoti nānubyañjanaggāhī. Yatvādhikaraṇaṃ cakkhundriyaṃ asaṃvutaṃ viharantaṃ abhiññādomanassā pāpakā akusalā dhammā anvāssaveyyuṃ, tassa saṃvarāya paṭipajjati, rakkhati cakkhundriyaṃ, cakkhundriye saṃvaraṃ āpajjati”^{ti}-ādinā³ nayena āgato **satisaṃvaro**.

“Yāni sotāni lokasmiṃ (ajitāti Bhagavā),
Sati tesāṃ nivāraṇaṃ.
Sotānaṃ saṃvaraṃ brūmi,
Paññāyete pidhīyare”^{ti}⁴—

āgato **ñāṇasaṃvaro**. “Katame ca bhikkhave āsavā paṭisevanā pahātabbā. Idha bhikkhave bhikkhu paṭisaṅkhā yoniso cīvaraṃ paṭisevatī”^{ti}-ādinā⁵ nayena āgato **paccayaṭisevanāsaṃvaro**, sopi ñāṇasaṃvareneva saṅgahito. “Khamo hoti sītassa uṇhassa jighacchāya pipāsāya ḍaṃsamakasavātātapasarisapasamphassānaṃ duruttānaṃ durāgatānaṃ vacanapathānaṃ uppannānaṃ sārīrikānaṃ vedanānaṃ dukkhānaṃ tibbānaṃ kharānaṃ kaṭukānaṃ asātānaṃ amanāpānaṃ paṇaharānaṃ adhivāsakajātiko hotī”^{ti}⁶ āgato **khantisaṃvaro**. “Uppannaṃ kāmavitakkaṃ nādhivāseti pajahati vinodeti byantīkaroti anabhāvaṃ gametī”^{ti}-ādinā⁷ nayena āgato **vīriyasaṃvaro**. “Idha ariyasāvako micchā-ājīvaṃ

1. Vīriyaṅca (Sī, Syā)

3. Dī 1. 66; Ma 1. 238; Saṃ 2. 384; Am 1. 111 piṭṭhādīsu.

4. Khu 8. 6; Khu 1. 434 piṭṭhādīsu.

6. Ma 1. 13; Am 1. 433 piṭṭhesu.

2. Abhi 2. 255 piṭṭhe.

5. Ma 1. 12; Am 1. 433 piṭṭhesu.

7. Ma 1. 14; Am 2. 342 piṭṭhesu.

pahāya sammā-ājīvena jīvikam kappeti”¹ti āgato **ājīvapārisuddhisamvaro**,
sopi vīriyasamvareneva saṅgahito. Tesu sattu samvaresu
pātimokkhasamvara-indriyasamvara-
ājīvapārisuddhipaccayaapaṭisevanasaṅkhātā cattāro samvarā idhādhippetā,
tesu ca visesena pātimokkhasamvaro. Sabbopi cāyam samvaro yathāsakam
samvaritabbānam kāyaduccaritādīnam samvaraṇato samvaroti vuccati.
Sutamayañāṇe vuttaṃ dhammaṃ sutvā samvarantassa samvaraṃ karontassa
tasmim samvare pavattā tamsampayuttā paññā “suvāna samvare paññā”²ti
vuttā. Atha vā hetu-atthe sutvāti vacanassa sambhavato sutahetunā samvare
paññātipi attho.

Sīlamaye nāṇanti ettha sīlanti sīlanaṭṭhena sīlam. Kimidaṃ sīlanam
nāma? samādhānam vā, kāyakammādīnam susīlyavasena avippakiṇṇatāti
attho. Upadhāraṇam vā, kusalānam dhammānam patiṭṭhāvasena
ādhārabhāvoti attho. Etadeva hi ettha atthadvayam saddalakkhaṇavidū
anujānanti. Aññe pana “adhisevanaṭṭhena ācāraṭṭhena tassīlaṭṭhena²
siraṭṭhena sīlaṭṭhena sivaṭṭhena sīlan”²ti vaṇṇayanti.

Sīlanam **lakkhaṇam** tassa, bhinnassāpi anekadhā.
Sanidassanattam rūpassa, yathā bhinnassa nekadhā.

Yathā hi nīlapītādibhedena anekadhā bhinnassāpi rūpāyatanassa
sanidassanattam lakkhaṇam nīlādibhedena bhinnassāpi
sanidassanabhāvānatikkamanato, tathā sīlassa cetanādibhedena anekadhā
bhinnassāpi yadetaṃ kāyakammādīnam samādhānavasena kusalānañca
dhammānam patiṭṭhānavasena vuttaṃ sīlanam, tadeva lakkhaṇam
cetanādibhedena bhinnassāpi samādhānapatiṭṭhānavasena anekadhā
Evamlakkhaṇassa panassa—

Dussīlyaviddhamāsanatā, anavajjaguno tathā.
Kiccasampatti-atthena, **raso** nāma pavuccati.

Tasmā idaṃ sīlam nāma kiccaṭṭhena rasena dussīlyaviddhamāsanarasam,
sampatti-atthena rasena anavajjarasanti veditabbam.

1. Sam 3. 8 piṭṭhe.

2. Ādhāraṭṭhena sīlaṭṭhena (Sī, Syā)

Soceyyapaccupaṭṭhānaṃ, tayidaṃ tassa viññuhi.

Ottappañca hirī ceva, **padaṭṭhānanti** vaṇṇitaṃ.

Tayidaṃ sīlaṃ “kāyasoceyyaṃ vacīsoceyyaṃ manosoceyyaṃ”¹ti evaṃ vuttasoceyyapaccupaṭṭhānaṃ, sucibhāvena² paccupaṭṭhāti gahaṇabhāvaṃ gacchati. Hirottappañca pana tassa viññūhi padaṭṭhānanti vaṇṇitaṃ, āsanna-kāraṇanti attho. Hirottappe hi sati sīlaṃ uppajjati ceva tiṭṭhati ca, asati neva uppajjati na tiṭṭhāti evaṃvidhena sīlena saha-gataṃ taṃsampayuttaṃ ñāṇaṃ sīlamaye ñāṇaṃ. Atha vā sīlameva pakataṃ sīlamayaṃ, tasmīṃ sīlamaye taṃsampayuttaṃ ñāṇaṃ. Asaṃvare ādīnavapaccavekkhaṇā ca, saṃvare ānisaṃsapaccavekkhaṇā ca, saṃvarapārisuddhipaccavekkhaṇā ca, saṃvarasaṃkilesavodānapaccavekkhaṇā ca sīlamayañāṇaneva saṅgahitā.

3. **Samvaritvā samādahane paññāti** sīlamayañāṇe vuttasīlasaṃvarena saṃvaritvā saṃvaraṃ katvā sīle patiṭṭhāya samādahantassa upacārappanāvasena cittakaggaṃ karontassa tasmīṃ samādahane pavattā taṃsampayuttā paññā. Samaṃ sammā ca ādahaṇaṃ ṭhapananti ca samādahaṇaṃ, samādhissevetāṃ pariyāyavacaṇaṃ.

Samādhibhāvanāmāye ñāṇanti ettha kusalacittakaggaṭā samādhi. Kenaṭṭhena samādhi? Samādhānaṭṭhena samādhi. Kimidaṃ samādhānaṃ nāma? Ekārammaṇe cittacetāsikānaṃ samaṃ sammā ca ādhānaṃ, ṭhapananti vuttaṃ hoti. Tasmā yassa dhammassānubhāvena ekārammaṇe cittacetāsikā samaṃ sammā ca avikkhipamānā³ avippakiṇṇā ca hutvā tiṭṭhanti, idaṃ samādhānanti veditabbaṃ. Tassa kho pana samādhissa—

Lakkhaṇaṃ tu avikkhepo, vikkhepaddhaṃsanaṃ **raso**.

Akampana**mpaṭṭhānaṃ**, **padaṭṭhānaṃ** sukhaṃ pana.

Bhāvīyati vaḍḍhiyatīti bhāvanā, samādhi eva bhāvanā samādhibhāvanā, samādhissa vā bhāvanā vaḍḍhanā samādhibhāvanā. Samādhibhāvanāvacanena aññaṃ bhāvanaṃ paṭikkhipati. Pubbe viya upacārappanāvasena samādhibhāvanāmāye ñāṇaṃ.

1. Dī 3. 184; Khu 1. 233 piṭṭhesu.

2. Soceyyabhāvena (Syā, Ka)

3. Avikkhipamānā (Sī, Syā)

4. Paccayapariggahe paññāti ettha paṭicca phalameṭīti paccayo.

Paṭiccāti na vinā tena, apaccakkhitvāti attho. eṭīti uppajjati ceva pavattati cāti attho. Apica upakārakattho paccayattho, tassa paccayassa bahuviddhattā paccayānaṃ pariggahe vavatthāpane ca paññā paccayapariggahe paññā.

Dhammaṭṭhitiñānanti ettha **dhammasaddo** tāva sabhāvapaññāpuññapaññatti-
āpattipariyattinissattavikāraguṇapaccayapaccayuppannādīsu dissati. Ayaṃ hi “kusalā dhammā akusalā dhammā abyākatā dhammā”ti-ādīsu¹ sabhāve dissati.

“Yassete caturo dhammā, saddhassa ghamesino.
Saccam dhammo dhiti cāgo, sa ve pecca na socati”ti²—

ādīsu paññāyaṃ.

“Na hi dhammo adhammo ca, ubho samavipākino.
Adhammo nirayaṃ neti, dhammo pāpeti suggatin”ti³—

ādīsu puññe. “Paññattidhammā niruttidhammā adhivacanadhammā”ti-ādīsu⁴ paññattiyaṃ. “Pārājikā dhammā saṃghādisesā dhammā”ti-ādīsu⁵ āpattiyaṃ. “Idha bhikkhu dhammaṃ jānāti Suttaṃ Geyyaṃ Veyyākaraṇaṃ”ti-ādīsu⁶ pariyaṭṭiyaṃ. “Tasmiṃ kho pana samaye dhammā honti⁷. Dhammesu dhammānupassī viharati”ti-ādīsu⁸ nissattatāyaṃ. “Jātidhammā jarādhammā maraṇadhammā”ti-ādīsu⁹ vikāre. “Channaṃ Buddhadhammānaṃ”ti-ādīsu¹⁰ guṇe. “Hetumhi ñāṇaṃ dhammapaṭisambhidā”ti-ādīsu¹¹ paccaye. “Ṭhitāva sā dhātu dhammaṭṭhitatā dhammaniyaṃmatā”ti-ādīsu¹² paccayuppanne. Svāyamidhāpi paccayuppanne daṭṭhabbo. Atthato pana attano sabhāvaṃ dhārentīti vā, paccayehi dhārīyantīti vā, attano phalaṃ dhārentīti vā, attano paripūraṇaṃ apāyesu apatamaṇaṃ dhārentīti vā, sakasakalakkhaṇe¹³ dhārentīti vā, cittaṇa avadhārīyantīti vā yathāyogaṃ dhammāti vuccanti. Idha pana attano

1. Abhi 1. 1 piṭṭhe.

2. Khu 1. 14 piṭṭhe.

3. Khu 2. 272 piṭṭhe.

4. Abhi 1. 13, 14 piṭṭhesu.

5. Vi 1. 150 piṭṭhe.

6. Am 2. 76 piṭṭhe.

7. Abhi 1. 35 piṭṭhe.

8. Dī 2. 230; Ma 1. 76 piṭṭhādīsu.

9. Am 3. 433 piṭṭhe.

10. Khu 7. 111 piṭṭhe.

11. Abhi 2. 307 piṭṭhe.

12. Saṃ 1. 264; Am 1. 289 piṭṭhesu.

13. Salakkhaṇe (Sī, Syā)

paccayehi dhārīyantīti dhammā, paccayasamuppannā dhammā tiṭṭhanti uppajjanti ceva pavattanti ca etāyāti dhammaṭṭhiti, paccayadhammānametaṃ adhivacanāṃ. Tassaṃ dhammaṭṭhitiyaṃ ñāṇaṃ dhammaṭṭhitiñāṇaṃ. Idaṃ hi samādhībhāvanāmayañāṇe vuttasamādhinā samāhitena cittena yathābhūtañāṇadassanattāya yogamārabhitvā vavatthāpitanāmarūpassa tesāṃ nāmarūpānaṃ paccayapariggahapariyāyaṃ dhammaṭṭhitiñāṇaṃ uppajjati. “Nāmarūpavavatthāne ñāṇaṃ”¹ti¹ avatvā eva kasmā “dhammaṭṭhitiñāṇaṃ”ti vuttanti ce? Paccayapariggaheneva paccayasamuppannapariggahassa siddhattā. Paccayasamuppanne hi apariggahite paccayapariggaho na sakkā hoti kātum. Tasmā dhammaṭṭhitiñāṇagahaṇeneva tassa hetubhūtaṃ pubbe siddhaṃ nāmarūpavavatthānañāṇaṃ vuttameva hotīti veditabbaṃ. Kasmā dutiyatatiyañāṇaṃ viya “samādahitvā paccayapariggahe paññā”ti na vuttanti ce? Samathavipassanānaṃ yuganaddhattā.

“Samādahitvā yathā ce vipassati,
Vipassamāno tathā ce samādahe.
Vipassanā ca samatho tadā ahu,
Samānabhāgā yuganaddhā vattare”ti—

hi vuttaṃ. Tasmā samādhiṃ avissajjetvā samādhiñca ñāṇaṃca yuganaddham katvā yāva ariyamaggo, tāva ussukkāpetabbanti ñāpanatthaṃ “paccayapariggahe paññā dhammaṭṭhitiñāṇaṃ”icceva vuttanti veditabbaṃ.

5. Atītānāgatapaccuppannānaṃ dhammānaṃ saṅkhipitvā vavatthāne paññāti ettha attano sabhāvaṃ, uppādādikkhaṇaṃ vā patvā ati itā atikkantāti atītā, tadubhayampi na āgatā na sampattāti anāgatā, taṃ taṃ kāraṇaṃ paṭicca uppādādi-uddhaṃ pannaṃ gatā pavattāti paccuppannā. Addhāsantatikhaṇapaccuppannesu santatipaccuppannaṃ idhādhippetāṃ. Tesāṃ atītānāgatapaccuppannānaṃ pañcakkhandhadhammānaṃ ekekakkhandhalakkaṇe saṅkhipitvā kalāpavasena rāsiṃ katvā vavatthāne nicchayane sanniṭṭhāpane paññā.

Sammasane ñāṇanti sammā āmasane anumajjane pekkhaṇe ñāṇaṃ, kalāpasammasanañāṇanti attho. Idaṃ hi nāmarūpavavatthānañāṇānantaraṃ

1. Nāmarūpassa vavatthānaṃ ñāṇanti (Sī), nāmarūpavavatthānaṃ ñāṇanti (Syā)

nāmarūpapaccayapariggahe dhammaṭṭhitiñāṇe ṭhitassa “yaṃkiñci rūpaṃ atītānāgatapaccuppannaṃ ajjhattaṃ vā bahiddhā vā oḷārikaṃ vā sukhumāṃ vā hīnaṃ vā paṇītaṃ vā yaṃ dūre¹ santike vā, sabbaṃ taṃ rūpaṃ aniccato vavatthapeti, ekaṃ sammasanaṃ, dukkhato vavatthapeti, ekaṃ sammasanaṃ, anattato vavatthapeti, ekaṃ sammasanaṃ”²ti-ādinā² nayena vuttasammasanavasena pubbe vavatthāpīte ekekasmim̐ khandhe tilakkhaṇaṃ āropetvā aniccato dukkhato anattato vipassantassa kalāpasammasanañāṇaṃ uppajjati.

6. Paccuppannānaṃ dhammānaṃ vipariṇāmānupassane paññāti
santativasena paccuppannānaṃ ajjhattaṃ³ pañcakkhandhadhammānaṃ vipariṇāmānupassane⁴ bhaṅgadassane paññā. Yasmā “ime dhammā uppajjitvā bhijjantī”²ti udayaṃ gahetvāpi bhedeyeveva cittaṃ ṭhapeti, tasmā avuttopi udayo vuttoyeveva hotīti veditabbo. Paccuppannānaṃ dhammānaṃ dassanena vā udayadassanassa siddhattā udayo vuttoyeveva hoti. Na hi udayaṃ vinā dhammānaṃ uppānattaṃ sijjhati, tasmā “paccuppannānaṃ dhammānaṃ uppādavipariṇāmānupassane paññā”²ti avuttepi vuttameva hotīti veditabbaṃ. “Udayabbayānupassane ñāṇaṃ”²ti niyāmitattā ca udayadassanaṃ siddhameva hotīti anantaraṃ vuttassa sammasanañāṇassa pāraṃ gantvā taṃsammasaneyeva pākaṭṭhūte udayabbaye pariggaṇhitvā saṅkhārānaṃ paricchedakaraṇatthaṃ udayabbayānupassanaṃ ārabhantassa uppajjati udayabbayānupassanañāṇaṃ. Taṃ hi udayabbaye anupassanato udayabbayānupassanāti vuccati.

7. Ārammaṇaṃ paṭisaṅkhāti rūpakkhādhādi-ārammaṇaṃ bhaṅgato paṭisaṅkhāya jānitvā passitvā. **Bhaṅgānupassane paññā vipassane ñāṇanti** tassa ārammaṇaṃ bhaṅgato paṭisaṅkhāya uppānassa ñāṇassa bhaṅgaṃ anupassane yā paññā, taṃ “vipassane ñāṇaṃ”²ti vuttaṃ hoti. **Vipassanāti** cavividhā passanā vipassanā. Ārammaṇapaṭisaṅkhātipi pāṭho. Tassattho—ārammaṇassa paṭisaṅkhā jānanā passanāti vuttanayeneva ārammaṇapaṭisaṅkhā “bhaṅgānupassane paññā vipassane ñāṇaṃ”²ti vuttaṃ hoti. Yasmā pana bhaṅgānupassanāya eva vipassanā sikkhaṃ pāpuṇāti, tasmā viśesetvā idameva

1. Dūre vā (Sī, Syā)

3. Ajjhattānaṃ (Syā)

2. Khu 9. 51 piṭṭhe.

4. Vināsadassane (Syā)

“vipassane ñāṇaṃ”ti vuttaṃ. Yasmā udayabbayānupassanāya t̥hitassa maggāmaggañāṇadassanaṃ uppajjati, tasmā tassā siddhāya taṃ siddhameva hotīti taṃ avatvāva bhaṅgānupassanāya eva vipassanāsikhaṃ ñāṇaṃ vuttanti veditabbaṃ. Udayabbayānupassanāya superidiṭṭha-udayabbayassa supericchinesu saṅkhāresu lahuṃ lahuṃ upaṭṭhahantesu ñāṇe tikkhe vahante udayaṃ pahāya bhaṅge eva sati santiṭṭhati, tassa “evaṃ uppajjitvā evaṃ nāma saṅkhārā bhijjanti”ti passato etasmim̐ t̥hāne bhaṅgānupassanāñāṇaṃ uppajjati.

8. **Bhayatupaṭṭhāne paññāti** uppādapavattanimitta-
āyūhanāpaṭisandhīnaṃ bhayato upaṭṭhāne pīḷāyogato sappaṭibhayavasena gahaṇūpagamane paññāti attho. Bhayato upaṭṭhātīti bhayatupaṭṭhānaṃ, ārammaṇaṃ, tasmim̐ bhayatupaṭṭhāne. Atha vā bhayato upaṭṭhātīti bhayatupaṭṭhānaṃ, paññā, taṃ “bhayatupaṭṭhānaṃ”ti vuttaṃ hoti.

Ādīnave ñāṇanti bhumavacanameva. “Yā ca bhayatupaṭṭhāne paññā, yañca ādīnave ñāṇaṃ, yā ca nibbidā, ime dhammā ekaṭṭhā, byañjanaṃ eva nānaṃ”ti¹ vuttattā ekamiva vuccamānampi avatthābhedenā muñcitukamyatādi viya tividhameva hoti. Tasmā bhayatupaṭṭhāna-ādīnavānupassanāsu siddhāsu nibbidānupassanā siddhā hotīti katvā avuttāpi vuttāva hotīti veditabbā.

Sabbasaṅkhārānaṃ bhaṅgārammaṇaṃ bhaṅgānupassanaṃ āsevantaṃ bhāventassa bahulīkarontassa tibhavacatuṇipañcagatisattaviññāṇaṭṭhitinavasattāvāsesu pabhedakā saṅkhārā sukhena jīvitukāmassa bhīrukapurisassa sīhabyagghadīpi-acchataracchayakkharakkhasacaṇḍagoṇaṇḍakukkurapabhinnamadacaṇḍah atthi ghora āsivisa-asanivicakkasūnāraṇabhūmi jalita-aṅgārakāsu-ādayo viya mahābhayaṃ hutvā upaṭṭhahanti, tassa “atītā saṅkhārā niruddhā, paccuppannā nirujjhanti, anāgatāpi evameva nirujjhissanti”ti passato etasmim̐ t̥hāne bhayatupaṭṭhānaṃ ñāṇaṃ uppajjati. Tassa taṃ bhayatupaṭṭhānañāṇaṃ āsevantaṃ bhāventassa bahulīkarontassa sabbabhavayonigatiṭṭhitisattāvāsesu neva tāṇaṃ na leṇaṃ na gati na paṭisaraṇaṃ paññāyati, sabbabhavayonigatiṭṭhitinivāsagatesu saṅkhāresu ekasaṅkhārepi patthanā vā

1. Khu 9. 259 piṭṭhe.

parāmāso vā na hoti, tayo bhavā vītaccitaṅgārapuṇṇā aṅgārakāsuyo viya, cattāro mahābhūtā ghoravisā āsivisā viya, pañcakkhandhā ukkhittāsikā vadhakā viya, cha ajjhattikāyatanāni suññagāmo viya, cha bāhirāyatānāni gāmaghātakacorā viya, sattaviññāṇaṭṭhitiyo nava ca sattāvāsā ekādasahi aggīhi ādittā sampajjalitā sajotibhūtā viya ca, sabbe saṅkhārā gaṇḍabhūtā rogabhūtā sallabhūtā aghabhūtā ābādhabhūtā viya ca nirassādā nirasā¹ mahā-ādīnavarāsibhūtā hutvā upaṭṭhahanti, sukkena jīvitukāmassa bhīrukapurisassa ramaṇīyākārasaṅṭhitampi savāḷakamiva vanagahanam, sasaddulā viya guhā, sagāharakkhasam viya udakam, samussitakhaggā viya paccatthikā, savisam viya bhojanam, sacoro viya maggo, ādittamiva agāram, uyyuttasena viya raṇabhūmi. Yathā hi so puriso etāni savāḷakavanagahanādīni āgamma bhīto samviggo lomahaṭṭhajāto samantato ādīnavameva passati, evameva so yogāvacarō bhaṅgānupassanāvasena sabbasaṅkhāresu bhayato upaṭṭhitesu samantato nirasam nirassādāni ādīnavameva passati. Tassevam passato ādīnavānupassanāñānam uppajjati.

So evam sabbasaṅkhāre ādīnavato sampassanto sabbabhavayonigativinñāṇaṭṭhitisattāvāsagate sabhedake saṅkhāragate nibbindati ukkaṅṭhati nābhiramati. Seyyathāpi nāma Cittakūṭapabbatapādābhirato suvaṇṇarājahaṃso asucimhi caṇḍālagāmadvārasāvāṭe nābhiramati, sattu mahāsaṅgāyeva abhiramati, evameva ayam yogīrājahaṃso suparidiṭṭhādīnave sabhedake saṅkhāragate nābhiramati, bhāvanārāmatāya pana bhāvanārātiyā samannāgatattā sattu anupassanāsuveva abhiramati. Yathā ca suvaṇṇapañjarepi pakkhito sīho migarājā nābhiramati, tiyojanasahassavittate pana Himavanteyeva ramati, evamayampi yogīsīho tividhe sugatibhavepi nābhiramati, tisu anupassanāsuveva ramati. Yathā ca sabbaseto sattappatiṭṭho iddhimā vehāsaṅgamo Chaddanto nāgarājā nagaramajjhe nābhiramati, Himavati Chandantarahadeyeva ramati, evamayam yogīvaravāraṇo sabbasmimpi saṅkhāragate nābhiramati,

1. Nīrasā (St)

“anuppādo kheman”¹ti-ādinā¹ nayena niddiṭṭhe santipadeyeva ramati, tanninnatapponatappabbhāramānaso hoti. Ettāvātā tassa nibbidānupassanāñāṇaṃ uppannaṃ hotīti.

9. Muñcitukamyatāpaṭisaṅkhāsantiṭṭhanā paññā saṅkhārupekkhāsu ñāṇanti muñcitum cajitum kāmeti icchatīti miñcitukāmo, muñcitukāmassa bhāvo² muñcitukamyatā, paṭisaṅkhāti upaparikkhatīti paṭisaṅkhā, paṭisaṅkhānaṃ vā paṭisaṅkhā, santiṭṭhati ajjupekkhatīti santiṭṭhanā, santiṭṭhanaṃ vā santiṭṭhanā, muñcitukamyatā ca sā paṭisaṅkhā ca santiṭṭhanā cāti muñcitukamyatāpaṭisaṅkhāsantiṭṭhanā. Iti pubbabhāge nibbidāñāṇena nibbinnassa uppādāṇi pariccajitukāmatā muñcitukamyatā, muñcanassa upāyakaṇatthaṃ majjhe paṭisaṅkhānaṃ paṭisaṅkhā, muñcitvā avasāne ajjupekkhanaṃ santiṭṭhanā. Evaṃ avatthābhedenā tippakārā paññā saṅkhārānaṃ ajjupekkhanaṃ ñāṇaṃ³, muñcitukamyatāpaṭisaṅkhā-santiṭṭhanāsaṅkhātānaṃ avatthābhedenā bhinnānaṃ tissannampi paññānaṃ saṅkhārupekkhataṃ icchantena pana “paññā”⁴ti ca “saṅkhārupekkhāsū”⁴ti ca bahuvacanaṃ kataṃ, avatthābhedenā bhinnassāpi ekattā “ñāṇa”⁴ti ekavacanaṃ katanti veditabbaṃ. Vuttaṅca “yā ca muñcitukamyatā yā ca paṭisaṅkhānupassanā yā ca saṅkhārupekkhā, ime dhammā ekaṭṭhā, byañjanaṃ eva nāna”⁴ti. Keci pana “saṅkhārupekkhāsūti bahuvacanaṃ samathavipassanāvasena saṅkhārupekkhānaṃ bahuttā”⁴tipi vadanti. Saṅkhārupekkhāsūti ca kiriyāpekkhanti veditabbaṃ. Avatthābhedenā pana tena nibbidāñāṇena nibbindantassa ukkaṇṭhantassa sabbabhavayonigati-viññāṇatṭhitisattāvāsagatesu sabhedakesu saṅkhāresu cittaṃ na sajjati na laggati na bajjhati, sabbasaṅkhāragataṃ muñcitukāmaṃ chaḍḍetukāmaṃ hoti.

Atha vā yathā jālabhantaragato maccho, sappamukhagato maṇḍūko, pañjarapakkhitto vanakukkuṭo, dalhapāsavasamgato migo, ahituṇḍikahatthagato sappo, mahāpaṅkapakkhando kuñjaro, supaṇṇamukhagato nāgarājā, rāhumukhapaviṭṭho cando, sapattaparikkhitto purisoti-evamādayo tato tato muccitukāmā nissaritukāmāva honti, evaṃ tassa yogino cittaṃ sabbasmā saṅkhāragatā muccitukāmaṃ nissaritukāmaṃ hoti. Evaṃ hi vuccamāne “muccitukāmassa muccitukamyatā”⁴ti pāṭho yujjati. Evaṅca sati

1. Khu 9. 57 piṭṭhe.

2. Muñcitukamyō, muñcitukamyassa bhāvo (Syā, Ka)

3. Ajjupekkhānaṃ paññā (Sī, Syā)

4. Khu 9. 259 piṭṭhe.

“uppādam muñcitukamyatā”ti-ādīsu “uppādā muccitukamyatā”ti-ādi vattabham hoti, tasmā purimo eva attho sundarataro. Athassa sabbasaṅkhāresu vigatālayassa sabbasaṅkhāragataṃ muñcitukāmassa muñcitukamyatāñāṇaṃ uppajjati. So evaṃ sabbabhavayonigativīññāṇaṭṭhiti-sattāvāsagate sabhedake saṅkhāre muñcitukāmo muñcanassa upāyasampādanattham puna te eva saṅkhāre paṭisaṅkhānupassanāñāṇena tilakkhaṇaṃ āropetvā vipassati. Evaṃ hi vipassato cassa aniccavasena nimittaṃ paṭisaṅkhāñāṇaṃ uppajjati, dukkhavasena pavattaṃ paṭisaṅkhāñāṇaṃ uppajjati, anattavasena nimittaṅca pavattaṅca paṭisaṅkhāñāṇaṃ uppajjati. So paṭisaṅkhānupassanāñāṇena “sabbe saṅkhārā suññā”ti disvā tilakkhaṇaṃ āropetvā saṅkhāre pariggaṇhanto bhayaṅca nandiṅca vippahāya bhariyāya dosaṃ disvā vissaṭṭhabhariyo viya puriso tassa bhariyāya saṅkhāresu udāsīno hoti majjhato, “ahan”ti vā “maman”ti vā na gaṇhāti. Tassa evaṃ jānato evaṃ passato tīsu bhavesu cittaṃ patilīyati paṭikuṭati paṭivattati na sampasāriyati. Seyyathāpi nāma padumapalāse īsakaṃ poṇe udakaphusitāni patilīyanti paṭikuṭanti paṭivattanti na sampasāriyanti. Seyyathāpi vā pana kukkuṭapattaṃ vā nhārudaddulaṃ vā aggamhi pakkhittaṃ patilīyati paṭikuṭati paṭivattati na sampasāriyati, evaṃ tassa tīsu bhavesu cittaṃ patilīyati paṭikuṭati paṭivattati na sampasāriyati, upekkhā saṅṭhāti. Evamassa saṅkhārupekkhāñāṇaṃ uppannaṃ hoti. Iminā saṅkhārupekkhāñāṇena saddhiṃ upari gotrabhuññāṇassa sādhaṅkaṃ anulomañāṇaṃ pubbāparañāṇehi¹ avuttampi vuttameva hotīti veditabham. Vuttaṃ hi Bhagavatā—

“So vata bhikkhave bhikkhu kañci saṅkhāraṃ niccato samanupassanto anulomikāya khantiyā samannāgato bhavissatīti netam ṭhānaṃ vijjati, anulomikāya khantiyā asamannāgato sammattaniyāmaṃ okkamissatīti netam ṭhānaṃ vijjati, sammattaniyāmaṃ anokkamamāno sotāpattiphalaṃ vā sakadāgāmiphalaṃ vā anāgāmiphalaṃ vā arahattaphalaṃ vā saccikarissatīti netam ṭhānaṃ vijjati”ti-ādī².

Vuttaṅca Dhammasenāpatinā—

“Katihākārehi anulomikaṃ khantiṃpaṭilabhati, katihākārehi sammattaniyāmaṃ okkamati. Cattālīsāya ākārehi

1. Pubbāparañāṇehi vuttehi (Sī, Syā)

2. Am 2. 385; Khu 9. 409 piṭṭhesu.

anulomikaṃ khantiṃ paṭilabhati, cattālīsāya ākārehi sammattaniyāmaṃ okkamati”ti-ādi¹.

Paṭṭhāne cetaṃ vuttaṃ Bhagavatā—

“Anulomaṃ gotrabhussa anantarapaccayena paccayo. Anulomaṃ vodānassa anantarapaccayena paccayo”ti-ādi².

Tassa hi taṃ saṅkhārupekkhāñāṇaṃ āsevantassa bhāventassa bahulīkarontassa adhimokkhasaddhā balavatarā hoti, vīriyaṃ supaggahitaṃ, sati sūpaṭṭhitā, cittaṃ susamāhitaṃ, saṅkhārupekkhāñāṇaṃ tikkhataraṃ pavattati. Tassa idāni maggo uppajjissatīti saṅkhārupekkhāya saṅkhāre “aniccā”ti vā “dukkhā”ti vā “anattā”ti vā sammasitvā bhavaṅgaṃ otarati. Bhavaṅgānantaraṃ saṅkhārupekkhāya katanayeneva saṅkhāre “aniccā”ti vā “dukkhā”ti vā “anattā”ti vā ārammaṇaṃ kurumānaṃ uppajjati manodvārāvajjanaṃ. Tadanantaraṃ tatheva saṅkhāre ārammaṇaṃ katvā dve tīṇi cattāri vā javanacittāni uppajjanti. Taṃsampayuttaṃ ñāṇaṃ anulomañāṇaṃ. Taṃ hi purimānañca aṭṭhannaṃ vipassanāñāṇaṃ tathakiccatāya anulometi, upari ca pattabbānaṃ³ sattatiṃsāya bodhipakkhiyadhammānaṃ anulometi. Yathā hi dhammiko rājā vinicchayaṭṭhāne nisinnō aṭṭhannaṃ vohārikamahāmatṭānaṃ vinicchayaṃ sutvā agatigamaṇaṃ pahāya majjhatto hutvā “evaṃ hotū”ti anumodamāno tesañca vinicchayassa anulometi, porāṇassa ca rājadhammassa. Tattha rājā viya anulomañāṇaṃ, aṭṭha vohārikamahāmatṭā viya aṭṭha vipassanāñāṇāni, porāṇarājadhammo viya sattatiṃsa bodhipakkhiyadhammā, yathā rājā “evaṃ hotū”ti anumodamāno vohārikānañca vinicchayassa rājadhammassa ca anulometi, evamidaṃ aniccādivasena saṅkhāre ārabha uppajjamānānaṃ aṭṭhannañca vipassanāñāṇaṃ tathakiccatāya anulometi, upari ca pattabbānaṃ³ sattatiṃsāya bodhipakkhiyadhammānaṃ. Tasmā anulomañāṇanti vuccati.

10. **Bahiddhā vuṭṭhānavivaṭṭane paññā gotrabhuñāṇanti ettha bahiddhāti saṅkhāranimittaṃ.** Taṃ hi ajjhatacittasantāne akusalakkhandhe upādāya bahiddhāti vuttaṃ. Tasmā bahiddhā saṅkhāranimittamhā vuṭṭhāti vigataṃ hutvā

1. Khu 9. 411 piṭṭhe.

2. Abhi 8. 138 piṭṭhe.

3. Vattabbānaṃ (Sī)

uddham tiṭṭhatīti vuṭṭhānaṃ, vivaṭṭati parāvattati parammukham hotīti
vivaṭṭanaṃ, vuṭṭhānañca taṃ vivaṭṭanañcāti vuṭṭhānavivaṭṭanaṃ.

Tenevāha—

“Gotrabhuñāṇaṃ samudayassa asamucchindanato pavattā na
vuṭṭhāti, nibbānārammaṇato pana nimittā vuṭṭhātīti ekato vuṭṭhānaṃ
hotī”ti¹.

Puthujjanagottābhībhavanato ariyagottabhāvanato gotrabhu. Idaṃ hi
anulomañāṇehi padumapalāsato udakamiva sabbasaṅkhārato
patilīyamānacittassa anulomañāṇassa āsevanante animittaṃ nibbānaṃ
ārammaṇaṃ kurumānaṃ puthujjanagottaṃ puthujjasaṅkhaṃ
puthujjanabhūmiṃ atikkamamānaṃ ariyagottaṃ ariyasaṅkhaṃ ariyabhūmiṃ
okkamamānaṃ nibbānārammaṇe paṭhamāvattanapaṭhamābhogapaṭhama-
samannāhārabhūtaṃ maggassa anantarasamanantarāsevana-
upanissayanatthivigatavasena chahi ākārehi paccayabhāvaṃ sādhayamānaṃ
sikhāpattāṃ vipassanāya muddhabhūtaṃ apunarāvattakaṃ uppajjati.

**11. Dubhato vuṭṭhānavivaṭṭane paññā magge ñāṇanti ettha dubhatoti
ubhato, dvayatoti vā vuttaṃ hoti. Kilesānaṃ samucchindanato kilesehi ca
tadanuvattakakkhandhehi ca nibbānārammaṇakaraṇato bahiddhā
sabbasaṅkhāranimittehi ca vuṭṭhāti vivaṭṭatīti dubhato vuṭṭhānavivaṭṭena
paññā. Tenevāha—**

“Cattāripi maggañāṇāni animittārammaṇattā nimittato vuṭṭhahanti,
samudayassa samucchindanato pavattā vuṭṭhahantīti dubhato vuṭṭhānāni
hontī”ti².

Magge ñāṇanti nibbānaṃ maggati pekkhati, nibbānatthikehi vā
maggīyati anvesīyati, kilese vā mārento gacchati pavattatīti maggo, tasmim
magge ñāṇaṃ. Jātiggahaṇena ekavacanaṃ kataṃ. Taṃ hi gotrabhuñāṇassa
anantaraṃ nibbānaṃ ārammaṇaṃ kurumānaṃ sayamvajjhe kilese
niravasesaṃ samucchindamānaṃ anamataggasaṃsāravaṭṭadukkhasamuddaṃ
sosayamānaṃ sabbāpāyadvārāni pidahamānaṃ satta-
ariyadhanasammukhībhāvaṃ kurumānaṃ aṭṭhaṅgikaṃ micchāmaggaṃ
pajahamānaṃ

1. Visuddhi 2. 321 piṭṭhe.

2. Visuddhi 2. 321 piṭṭhe.

sabbaverabhayāni vūpasamayamānaṃ Sammāsambuddhassa
orasaputtabhāvamupanayamānaṃ aññāni ca anekāni ānisaṃsasatāni
paṭilābhayamānaṃ maggaññaṃ uppajjati.

Ṭhātuṃ icchaṃ puriso, laṅghitvā mātikāya paratīre.

Vegenāgamma yathā, gaṇhitvā orimatiratarubaddham¹.

Rajjuṃ vā daṇḍaṃ vā, ullaṅghitvāna pāraninnatanu.

Pārāpanno² pana taṃ, muñciya vedhaṃ patiṭṭhahati pāre.

Evam yogāvacarō, sakkāyamayamhi orime tīre.

Diṭṭhabhayo abhaye pana, ṭhātuṃ icchaṃ amatapāre.

Udayabbayānupassana, pabhutikavegena āgato rajjuṃ.

Rūpāvhaṃ daṇḍaṃ vā, taditarakhandhāvhaṃ sammā.

Gaṇhitvā āvajjana, cittena hi pubbavuttanayatova.

Anulomehullaṅghiya, nibbutininno tadāsanopagato³.

Taṃ muñciya gotrabhunā, aladdha-āsevanena tu pavedhaṃ.

Patito saṅkhātapāre, tato patiṭṭhāti maggaññaṃ.

Passitukāmo candaṃ, cande channamhi abbhapaṭalehi.

Thulakasukhumasukhumesu, abbesu haṭesu vāyunā kamato.

Candaṃ passeyya naro, yathā tathevānulomaññaṃhi kamā.

Saccacchādakamohe, vināsīte pekkhate hi gotrabhu amataṃ.

Vātā viya te candaṃ, amataṃ na hi pekkharenulomāni.

Puriso abbhāni yathā, gotrabhu na tamaṃ vinodeti.

Bhamitamhi cakkayante, ṭhito naro aññadinnasaññāya.

Usupāte phalakasataṃ, apekkhamāno yathā vijjhe.

Evamidha maggaññaṃ, gotrabhunā dinnasaññamavivahāya.

Nibbāne vattantaṃ, lobhakkhandhādike padāletī.

1. Orimatīre tanubaddhaṃ (Sī)

2. Pārāsanno (Sī, Syā)

3. Tadāsannagato (Sī, Syā, Ka)

Saṃsāradukkhajaladhīm, sosayati pidahati duggatidvāraṃ.

Kurute ca ariyadhaninaṃ, micchāmaggaṇca pajahāti.

Verabhayāni समयate, karoti nāthassa orasasutattam¹.

Aññe ca anekasate, ānīsamse dadāti nāṇamidanti.

12. **Payogappaṭippassaddhipaññā phale nāṇanti** ettha **payogoti** bhuso yogo, phalasacchikiriyāya maggabhāvanāya ubhato vuṭṭhānapayogo, tassa payogassa paṭippassambhanaṃ niṭṭhānaṃ payogapaṭippassaddhi. Kim taṃ? Catumaggakiccapariyosānaṃ. Tassā payogapaṭippassaddhiyā hetubhūtāya pavattā phale paññā payogappaṭippassaddhipaññā. Phalati vipaccatīti phalaṃ, tasmim phale taṃsampayuttaṃ nāṇaṃ. Ekekassa hi maggañāṇassa anantarā tassa tasseva vipākabhūtāni nibbānārammaṇāni tīṇi vā dve vā ekaṃ vā phalacittāni uppajjanti. Anantaravipākattāyeva lokuttarakusalānaṃ “samādhimānatarikaññamāhū”² ca, “dandhaṃ ānatarikaṃ pāpuṇāti āsavānaṃ khayāyā”³ ca ādi vuttaṃ. Yassa dve anulomāni, tassa tatiyaṃ gotrabhu catutthaṃ maggacittaṃ tīṇi phalacittāni honti. Yassa tīṇi anulomāni, tassa catutthaṃ gotrabhu pañcamaṃ maggacittaṃ dve phalacittāni honti. Yassa cattāri anulomāni, tassa pañcamaṃ gotrabhu chaṭṭhaṃ maggacittaṃ ekaṃ phalacittaṃ hoti. Idaṃ maggavīthiyaṃ phalaṃ. Kālantaraphalaṃ pana samāpattivasena uppajjamānaṃ nirodhā vuṭṭhahantassa uppajjamānaṃca eteneva saṅgahitaṃ.

13. **Chinnavaṭṭamanupassane⁴ paññāti** tena tena ariyamaggena samucchinnānaṃ taṃ taṃ upakkilesaṃ pacchā passane paññā. **Vimuttiñāṇanti** vimuttiyā nāṇaṃ. **Vimuttīti** ca upakkilesehi vimuttaṃ parisuddhaṃ cittaṃ, vimuttabhāvo vā, tassā vimuttiyā jānanaṃ nāṇaṃ vimuttiñāṇaṃ. Kilesehi vimuttaṃ cittasantatimpi kilesehi vimuttabhāvampi paccavekkhanto kilesehi navinā paccavekkhatīti etena pahīnakilesapaccavekkhaṇaṃ vuttaṃ hoti. “Vimuttasmim vimuttamiti nāṇaṃ hotī”⁵ hi idameva sandhāya vuttaṃ. Avasiṭṭhakilesapaccavekkhaṇaṃ pana avuttampi imināva vuttaṃ hotīti gahetabbaṃ. Vuttaṇca—

1. Orasaputtataṃ (Sī, Syā)

2. Khu 1. 5, 312 piṭṭhesu.

3. Am 1. 467 piṭṭhe.

4. Chinnamanupassane (Syā), chinnavaṭṭamanupassane (Sī)

5. Vi 3. 20; Dī 1. 79 piṭṭhesu.

“Vuttamhi ekadhamme, ye dhammā ekalakkhaṇā tena.
Vuttā bhavanti sabbe, iti vutto lakkhaṇo hāro”¹.

Atha vā arahato avasiṭṭhakilesapaccavekkhaṇābhāvā catunnaṃ
ariyānaṃ labbhamānaṃ pahīnakilesapaccavekkhaṇameva vuttanti
veditabbaṃ.

14. **Tadā samudāgate dhamme passane paññāti** tadā maggakkhaṇe
phalakkhaṇe ca samudāgate paṭilābhavasena ca paṭivedhavasena ca
samāgate sampatte samaṅgibhūte maggaphaladhamme catusaccadhamme ca
passanā pekkhaṇā pajānanā paññā. **Paccavekkhaṇe ñāṇanti** nivattitvā
bhusaṃ passanaṃ jānanaṃ ñāṇaṃ. Iminā ca ñāṇadvayena
paccavekkhaṇañāṇāni vuttāni honti. Sotāpannassa hi maggavīthīyaṃ
sotāpatti phalaparīyosāne cittaṃ bhavaṅgaṃ otarati, tato bhavaṅgaṃ
upacchinditvā maggapaccavekkhaṇatthāya manodvārāvajjanaṃ uppajjati,
tasmim̐ niruddhe paṭipāṭiyā satta maggapaccavekkhaṇajavanānīti. Puna
bhavaṅgaṃ otaritvā teneva nayena phalādīnaṃ paccavekkhaṇatthāya
āvajjanādīni uppajjanti. Yesaṃ uppattiyā esa maggaṃ paccavekkhati,
phalaṃ paccavekkhati, pahīnakilese paccavekkhati, avasiṭṭhakilese
paccavekkhati, nibbānaṃ paccavekkhati. So hi “iminā vatāhaṃ maggena
āgato”²ti maggaṃ paccavekkhati, tato “ayaṃ me ānisaṃso laddho”³ti phalaṃ
paccavekkhati, tato “ime nāma me kilesā pahīnā”⁴ti pahīnakilese
paccavekkhati, tato “ime nāma me kilesā avasiṭṭhā”²ti uparimaggavajjhe²
kilese paccavekkhati, avasāne “ayaṃ me dhammo ārammaṇato paṭiladdho”³ti
amataṃ nibbānaṃ paccavekkhati. Iti sotāpannassa ariyasāvakaṃ pañca
paccavekkhaṇāni honti. Yathā ca sotāpannassa, evaṃ sakadāgāmi-
anāgāminampi. Arahato pana avasiṭṭhakilesapaccavekkhaṇaṃ nāma natthīti
cattāriyeva paccavekkhaṇāni. Evaṃ sabbāni ekūnavīsati
paccavekkhaṇañāṇāni. Ukkatṭhaparicchedoyeva ceso.
Pahīnāvasiṭṭhakilesapaccavekkhaṇaṃ sekkhānaṃ hoti vā na vā. Tassa hi³
abhāvato yeva Mahānāmo Sakko Bhagavantaṃ pucchi “kosu nāma me
dhammo ajjhattaṃ appahīno, yena me ekadā lobhadhammāpi cittaṃ
pariyādāya tiṭṭhanti”⁴ti-ādi⁴.

1. Khu 10. 3 piṭṭhe.

2. Uparimaggattayavajjhe (Visuddhi 2. 316 piṭṭhe)

3. Tassa hi paccavekkhaṇassa (Visuddhi 2. 316 piṭṭhe)

4. Ma 1. 126 piṭṭhe.

“Lokuttaram jhānam bhāveti niyyānikam apacayagāmiṃ diṭṭhigatānam pahānāya, kāmarāgabyāpādānam tanubhāvāya, kāmarāgabyāpādānam anavasesappahānāya, rūparāga-arūparāgamāna-uddhacca-avijjānam anavasesappahānāyā”¹ ca kilesappahānamyeva adhikam katvā maggapaṭipattiyā vuttattā paṭipattānurūpeneva kilesapaccavekkhaṇassa ādibhāvo yujjati, Aṭṭhakathāyaṃ vuttakkamo pana dassitoyeva. So pana kamo pañcavidho uppattikkamo pahānakkamo paṭipattikkamo bhūmikkamo desanakkamoti.

“Paṭhamam kalalam hoti, kalalā hoti abbudam.
Abbudā jāyate pesi, pesi nibbattatī ghano”²—

evamādi uppattikkamo. “Dassanena pahātabbā dhammā, bhāvanāya pahātabbā dhammā”³ evamādi pahānakkamo. “Sīlavissuddhi cittavisuddhi diṭṭhivissuddhi kaṅkhāvitaraṇavisuddhi maggāmaggañāṇadassanavisuddhi paṭipadāñāṇadassanavisuddhi ñāṇadassanavisuddhi”⁴ evamādi paṭipattikkamo. “Kāmāvacarā dhammā, rūpāvacarā dhammā, arūpāvacarā dhammā”⁵ evamādi bhūmikkamo. “Cattāro satipaṭṭhānā cattāro sammappadhānā cattāro iddhipādā pañcendriyāni pañca balāni satta bojjaṅgā ariyo aṭṭhaṅgiko maggo”⁶ vā, “anupubbikatham kathesi. Seyyathidam, dānakatham sīlakatham saggakatham kāmānam ādīnavam okāram saṅkilesam nekkhamme ānisaṃsam pakāsesi”⁷ vā evamādi desanakkamo. Idha pana cuddasannaṃ ñāṇānam uppattikkamo paṭipattikkamo ca tadubhayavasena paṭipāṭiyā desitattā desanakkamo cāti tayo kamā veditabbā.

15. Idāni yasmā heṭṭhā sarūpena nāmarūpavavattāhānañāṇam na vuttam, tasmā pañcadhā nāmarūpappabhedam dassetuṃ **ajjhattavavattāhāne paññā vatthunānante ñāṇanti**-ādīni pañca ñāṇāni uddiṭṭhāni. Sakale hi nāmarūpe vutte yaṃ pariggahetuṃ sakkā, yaṃ ca pariggahetabbam, taṃ pariggahessati. Lokuttaranāmaṃ hi pariggahetuṃ ca na sakkā anadhigatattā, na ca pariggahetabbam avipassanūpagattā. Tattha **ajjhattavavattāhāneti** “evam pavattamānā mayam

1. Abhi 1. 72, 89 piṭṭhesu.

2. Saṃ 1. 208 piṭṭhe.

3. Abhi 1. 2 piṭṭhe.

4. Ma 1. 199 piṭṭhe.

5. Abhi 1. 12 piṭṭhe.

6. Ma 3. 33; Khu 7. 362; Khu 8. 75 piṭṭhesu.

7. Vi 3. 27; Dī 1. 102; Dī 2. 38 piṭṭhesu.

attāti gahaṇaṃ gamissāma”ti iminā viya adhippāyena attānaṃ adhikāraṃ katvā pavattāti ajjhattā. **Ajjhattasaddo** panāyaṃ gocarajjhatte niyakajjhatte ajjhattajjhatte visayajjhatteti catūsu atthesu dissati. “Tena Ānanda bhikkhunā tasmimyeva purimasmiṃ samādhinimitte ajjhattameva cittaṃ saṅghapetabbaṃ, ajjhattarato samāhito”ti¹ ādīsu hi ayaṃ gocarajjhatte dissati. “Ajjhattaṃ sampasādanaṃ², ajjhattaṃ vā dhammesu dhammānupassī viharatī”ti³ ādīsu niyakajjhatte. “Cha ajjhattikāni āyatanāni⁴, ajjhattikā dhammā”ti-ādīsu⁵ ajjhattajjhatte. “Ayaṃ kho panānanda vihāro Tathāgatena abhisambuddho yadidaṃ sabbanimittānaṃ amanasikārā ajjhattaṃ suññataṃ upasampajja viharatī”ti-ādīsu⁶ visayajjhatte, issariyaṭṭhāneti attho. Phalasaṃpatti hi Buddhānaṃ issariyaṭṭhānaṃ nāma. Idha pana ajjhattajjhatte daṭṭhabbo. Tesāṃ ajjhattānaṃ vavatthāne ajjhattavavatthāne. **Vatthunānatteti** vatthūnaṃ nānābhāve, nānāvattūsūti attho. Ettha javanamanoviññāṇassa paccaṃbhūto bhavaṅgamanopi cakkhādipaṅcakaṃ viya uppattiṭṭhānattā vatthūti vutto. Āvajjanampi tannissitameva kātabbāṃ.

16. **Bahiddhāti** chahi ajjhattajjhattehi bahibhūtesu tesāṃ visayesu. **Gocaranānatteti** visayanānatte.

17. **Cariyāvavatthāneti** viññāṇacariyā-aññāṇacariyāññāṇacariyāvasena cariyānaṃ vavatthāne. “Cariyāvavatthāne”ti rassaṃ katvāpi paṭhanti.

18. **Catudhammavavatthāneti** kāmāvacarabhūmi-ādīnaṃ cuddasannaṃ catukkānaṃ vasena catunnaṃ catunnaṃ dhammānaṃ vavatthāne. **Bhūmīti** ca “bhūmigatañca vehāsaṭṭhañcā”ti-ādīsu⁷ pathaviyaṃ vattati. “Abhūmiṃ tāta mā sevā”ti-ādīsu⁸ visaye. “Sukhabhūmiyaṃ kāmāvacare”ti-ādīsu⁹ uppajjanaṭṭhāne. Idha pana koṭṭhāse vattati. Paricchedetipi vadanti.

1. Khu 1. 65 piṭṭhe. 2. Dī 1. 70; Abhi 1. 44 piṭṭhādīsu. 3. Dī 2. 230 piṭṭhādīsu.
 4. Ma 3. 285 piṭṭhe. 5. Abhi 1. 3 piṭṭhe. 6. Ma 3. 153 piṭṭhe.
 7. Saṃ 1. 102 piṭṭhe. 8. Khu 5. 141 piṭṭhe. 9. Abhi 1. 205 piṭṭhe.

Tattha **abhiññāpaññāti** dhammānaṃ ruppanādisabhāvena jānanapaññā. Sā hi sobhanaṭṭhena abhisaddena “tesaṃ tesaṃ dhammānaṃ sabhāvajānanavasena sobhanaṃ jānanan”ti katvā abhiññāti vuccati. **Ñātaṭṭhe ñāṇanti** jānanasabhāvaṃ ñāṇaṃ.

21. **Pariññāpaññāti** jānanapaññā. Sā hi byāpanaṭṭhena parisaddena “aniccādisāmaññalakkhaṇavasena sakiccasamāpanavasena vā byāpitaṃ jānanan”ti katvā pariññāti vuccati. **Tiraṇaṭṭhe ñāṇanti** upaparikkhaṇasabhāvaṃ, sammasanasabhāvaṃ vā ñāṇaṃ.

22. **Pahāne paññāti** niccasaññādīnaṃ pajahanā paññā, pajahatīti vā, pajahanti etenāti vā pahānaṃ. **Pariccāgaṭṭhe ñāṇanti** pariccajanasabhāvaṃ ñāṇaṃ.

23. **Bhāvanāpaññāti** vadḍhanapaññā. **Ekarasaṭṭhe ñāṇanti** ekakiccasabhāvaṃ ñāṇaṃ, vimuttirasena vā ekarasasabhāvaṃ ñāṇaṃ.

24. **Sacchikiriyaṇapaññāti** paṭivedhavasena paṭilābhavasena vā paccakkharaṇapaññā. **Phassaṇaṭṭhe¹ ñāṇanti** tadubhayavaseneva vindanasabhāvaṃ ñāṇaṃ.

25-28. Idāni yasmā pahānabhāvanāsacchikiriyañāṇāni ariyamaggaphalasampayuttānīpi honti, tasmā tadanantaraṃ ariyapuggalānaṃyevalabbhamānāni cattāri paṭisambhidāñāṇāni uddiṭṭhāni. Tatthāpi paccayuppanno attho dukkhasaccaṃ viya pākaṭo suviññeyyo cāti paṭhamāṃ **atthaṇapaṭisambhidāñāṇaṃ** uddiṭṭhaṃ, tassa atthassa hetudhammavisayattādanantaraṃ **dhammapaṭisambhidāñāṇaṃ**, tadubhayassa niruttivisayattā tadanantaraṃ **niruttipaṭisambhidāñāṇaṃ**, tesu tīsupi ñāṇesu pavattanato tadanantaraṃ **paṭibhānapaṭisambhidāñāṇaṃ**. Pa-kāraṃ dīghaṃ katvā ca paṭhanti.

29-31. Ito parāni vihāraṭṭhe ñāṇādīni tīṇi ñāṇāni ariyānaṃyeva sambhavato paṭisambhidāpabhedato ca paṭisambhidāñāṇānantaraṃ uddiṭṭhāni. Vihāraṭṭhe ñāṇāñhi dhammapaṭisambhidā hoti, samāpattaṭṭhe

1. Phusanaṭṭhe (Sī)

ñāṇaṃ atthapaṭisambhidā. Dhammasabhāve ñāṇaṃhi paṭisambhidākathāyaṃ¹
 dhammapaṭisambhidāti vuttaṃ. Nibbāne ñāṇaṃ pana atthapaṭisambhidā eva.
 Tattha **vihāranānatteti** aniccānupassanādivasena nānāvipassanāvihāre.
Vihāraṭṭheti vipassanāvihārasabhāve. **Vihāroti** ca sasampayuttā vipassanā
 eva. **Samāpattinānatteti** animittādivasena nānāphalasangāhikāyaṃ.
Samāpattīti ca lokuttaraphalabhūtā cittacetāsikadhammā.
Vihārasamāpattinānatteti ubhayavasena vuttaṃ.

32. Tato vihārasamāpattināṇasādhakassa “dubhato vuṭṭhānavivaṭṭane
 paññā”ti pubbe vuttassāpi maggañāṇassa āsavasamucchedasamatthatam
 anantaraphaladāyakattaṃca kāraṇena vīsesetvā aparenākāreṇa vattukāmena
 tadeva “ānantarikasamādhimhi ñāṇaṃ”ti uddiṭṭhaṃ. Tattha
avikkheparisuddhattāti vikkhipati tena cittanti vikkhepo, uddhaccassetam
 nāmaṃ. Na vikkhepo avikkhepo, uddhaccapaṭipakkhassa samādhissetam
 nāmaṃ. Parisuddhassa bhāvo² parisuddhattam, avikkhepassa
 parisuddhattam avikkheparisuddhattam, tasmā avikkheparisuddhattā
 samādhissa parisuddhabhāvenāti attho. Idam hi āsavasamucchedassa
 anantaraphaladāyakattassa ca kāraṇavacanam. **Āsavasamucchedeti** ettha
 āsavantīti āsavā, cakkhutopi -pa- manatopi sandanti pavattantīti vuttaṃ hoti.
 Dhammato yāva gotrabhum, okāsato yāva bhavaggaṃ savantīti vā āsavā,
 etaṃ dhammam etaṃca okāsam antokarivā pavattantīti attho.
 Antokaraṇattho hi ayam ākāro. Cirapārivāsikaṭṭhena madirādayo āsavā
 viyātipi āsavā. Lokasmiṃ hi cirapārivāsikā madirādayo āsavāti vuccanti.
 Yadi ca cirapārivāsikaṭṭhena āsavā, ete yeva bhavitumarahanti. Vuttaṃ
 hetam—

“Purimā bhikkhave koṭi na paññāyati avijjāya, ito pubbe avijjā
 nāhosi, atha pacchā samabhavī”ti-ādi³.

Āyatam vā saṃsāradukkham savanti pasavantītipi āsavā, samucchiṃjati⁴
 etenāti samucchedo. **Paññāti** kāmāsavādīnam catunnam āsavānam
 samucchede paññā.

1. Khu 9. 333 piṭṭhe.

3. Am 1. 346 piṭṭhe.

2. Parisuddhabhāvo (Syā, Ka)

4. Samucchindati (Ka)

Ānantarikasamādhimhi nāṇanti attano pavattisamanantaram niyameneva phalappadānato ānantarikoti laddhanāmo maggasamādhi. Na hi maggasamādhimhi uppanne tassa phaluppattinisedhako koci antarāyo atthi. Yathāha—

“Ayañca puggalo sotāpatti phalāsacchikiriyāya paṭipanno assa, kappassa ca uḍḍayhanavelā assa, neva tāva kappo uḍḍayheyya, yāvāyaṃ puggalo na sotāpatti phalaṃ sacchikaroti, ayaṃ vuccati puggalo ṭhitakappī. Sabbepi maggasamaṅgino puggalā ṭhitakappino”¹.

Idaṃ tena ānantarikasamādhinā sampayuttaṃ nāṇaṃ.

33. Iminā maggañāṇena phalappattānaṃ ariyānaṃyeva sambhavato imassa nāṇassa anantaram araṇavihārañāṇādīni cattāri nāṇāni uddiṭṭhāni. Tatrāpi ca arahatoyeva satatameva ca sambhavato araṇavihāre nāṇaṃ paṭhamam uddiṭṭham, tadanantaram nirodhassa anāgāmi-arahantānaṃ sambhavepi bhusambhārattā visesena ca nirodhassa nibbānasammatattā ca nirodhasamāpattiyā nāṇaṃ uddiṭṭham, tadanantaram parinibbānassa kālantare parinibbānakālam āhacca ṭhitattā dīghakālikanti parinibbāne nāṇaṃ uddiṭṭham, tadanantaram samasīsaṭṭhassa² sabbakilesakhayānantaram parinibbānakālam āhacca ṭhitattā rassakālikanti samasīsaṭṭhe nāṇaṃ uddiṭṭham. Tattha **santo cāti ca-kāro** dassanādhipeyyaṃca santo viharādhigamo ca paṇitādhimuttatā cāti tīhipi padehi sambandhitabbo. **Dassananti** vipassanāñāṇaṃ, adhipatīyeva ādhipateyyaṃ, adhipatito vā āgatattā ādhipateyyaṃ, dassanañca taṃ ādhipateyyaṃcāti **dassanādhipeyyaṃ**. Viharatīti viharo³, viharanti tena vāti viharo, adhigammati pāpuṇiyatīti adhigamo, viharo eva adhigamo **viharādhigamo**. So ca kilesapariḷāhavirahitattā nibbutoti **santo**. So ca arahattaphalāsamāpattipaññā. Uttamaṭṭhena atappakaṭṭhena ca **paṇīto**, padhānabhāvaṃ nītoti vā paṇīto, paṇīte adhimutto visaṭṭhacitto⁴ tapparamo paṇitādhimutto, tassa bhāvo **paṇitādhimuttatā**. Sā ca phalāsamāpattādhimuttā pubbabhāgapaññā eva.

1. Abhi 3. 116 piṭṭhe.

3. Viharaṇaṃ viharo (Sī, Syā)

2. Samasīsantassa (Syā)

4. Vissatthacitto (Sī, Syā)

Araṇavihāreti nikkilesavihāre. Rāgādayo hi raṇanti satte cuṇṇenti pīlentīti raṇā, raṇanti etehi sattā kandanti paridevantīti vā raṇā, vutto tividhopi vihāro, natthi etassa raṇāti araṇo, vividhe paccaṇīkadhamme haranti etenāti vihāro. Tasmim̐ araṇe vihāre. Niddesavāre¹ vuttapaṭhamajjhānādīni ca paṇītādhimuttatāya eva saṅgahitāni. Phalasaṃpattim̐ samāpajjitukāmatāya hi paṭhamajjhānādīm̐ samāpajjitvā vuṭṭhāya jhānasampayuttadhamme vipassati, yā ca Araṇavibhaṅgasuttante² Bhagavatā desitā araṇapaṭipadā, sāpi imināva saṅgahitāti veditabbā. Vuttaṃ hi tattha Bhagavatā—

“Araṇavibhaṅgaṃ vo bhikkhave desessāmi -pa-. Na kāmasukhaṃ anuyuñjeyya hīnaṃ gammaṃ pothujjanikaṃ anariyaṃ anattasaṃhitaṃ, na ca attakilamathānuyogaṃ anuyuñjeyya dukkhaṃ anariyaṃ anattasaṃhitaṃ. Ete kho bhikkhave ubho ante anupagamma majjhimā paṭipadā Tathāgatena abhisambuddhā cakkhukaraṇī ṇāṇakaraṇī upasaṃyā abhiññāya sambodhāya nibbānāya saṃvattati. Ussādanañca jaññā, apasādanañca jaññā, ussādanañca ñatvā apasādanañca ñatvā nevussādeyya na apasādeyya, dhammameva deseyya. Sukhavinicchayaṃ jaññā, sukhavinicchayaṃ ñatvā ajjhattaṃ sukhamanuyuñjeyya, rahovādaṃ na bhāseyya, sammukhā na khīṇaṃ bhaṇe, ataramānova bhāseyya no taramāno janapadaniruttiṃ nābhiviveseyya, samaññaṃ nātidhāveyyāti. Ayamuddeso Araṇavibhaṅgassa -pa-. Tatra bhikkhave yo kāmapaṭisandhisukhino somanassānuyogaṃ ananuyogo hīnaṃ -pa- anattasaṃhitaṃ, adukkho eso dhammo avighāto anupāyāso aparilāho sammāpaṭipadā. Tasmā eso dhammo araṇo -pa-. Tatra bhikkhave yo attakilamathānuyogaṃ ananuyogo dukkhaṃ anariyaṃ anattasaṃhitaṃ. Adukkho eso dhammo -pa-. Tasmā eso dhammo araṇo. Tatra bhikkhave yāyaṃ majjhimā paṭipadā Tathāgatena abhisambuddhā -pa- adukkho eso dhammo -pa-. Tasmā eso dhammo araṇo -pa-. Tatra bhikkhave yāyaṃ nevussādanā na apasādanā dhammadesanā ca, adukkho eso

1. Khu 9. 94 piṭṭhe.

2. Ma 3. 273 piṭṭhe.

dhammo -pa-. Tasmā eso dhammo araṇo -pa-. Tatra bhikkhave yadidaṃ nekkhammasukhaṃ pavivekasukhaṃ upasamasukhaṃ sambodhisukhaṃ, adukkho eso dhammo -pa-. Tasmā eso dhammo araṇo -pa-. Tatra bhikkhave yvāyaṃ rahovādo bhūto taccho atthasaṃhito, adukkho eso dhammo -pa-. Tasmā eso dhammo araṇo -pa-. Tatra bhikkhave yvāyaṃ sammukhā khīṇavādo bhūto taccho atthasaṃhito, adukkho eso dhammo -pa-. Tasmā eso dhammo araṇo -pa-. Tatra bhikkhave yadidaṃ ataramānassa bhāsitaṃ, adukkho eso dhammo -pa-. Tasmā eso dhammo araṇo -pa-. Tatra bhikkhave yvāyaṃ janapadaniruttiyā ca anabhiniveso samaññāya ca anatisāro, adukkho eso dhammo -pa-. Tasmā eso dhammo araṇoti. Tasmātiha bhikkhave saraṇaṅca dhammaṃ jānissāma, araṇaṅca dhammaṃ jānissāma. Saraṇaṅca dhammaṃ ñatvā araṇaṅca dhammaṃ ñatvā araṇaṃ paṭipadaṃ paṭipajjissāmāti evaṃ hi vo bhikkhave sikkhitabbaṃ. Subhūti ca pana bhikkhave kulaputto araṇapaṭipadaṃ paṭipanno”ti.

Tattha majjhimā paṭipadā dassanādhipateyyena ca santena vihārādhigamena ca saṅgahitā. Kāmasukhaṃ attakilamathaṃ ananuyogo majjhimā paṭipadā eva. Arahato hi vipassanāpubbabhāgamajjhimā paṭipadā hoti, arahattaphalasaṃpatti aṭṭhaṅgagavasesa majjhimā paṭipadā ca. Sesā pana paṇitādhimuttatāya eva saṅgahitāti veditabbā. Kiñcāpi sabbepi arahanto araṇavihārino, aññe arahanto dhammaṃ desentā “sammāpaṭipanne sammāpaṭipannā”ti “micchāpaṭipanne micchāpaṭipannā”ti puggalavasenāpi ussādanāpasādanāni katvā dhammaṃ desenti, **Subhūtitthero** pana “ayaṃ micchāpaṭipadā, ayaṃ sammāpaṭipaddā”ti dhammavaseneva dhammaṃ desesi. Teneva Bhagavā taṃyeva araṇapaṭipadaṃ paṭipannoti ca vaṇṇesi, “etadaggaṃ bhikkhave mama sāvakānaṃ bhikkhūnaṃ araṇavihārīnaṃ yadidaṃ Subhūti”ti¹ ca araṇavihārīnaṃ aggaṭṭhāne ṭhapesīti.

34. **Dvīhi balehūti** samathabalavipassanābalehi. **Samannāgatattāti** yuttattā paripuṇṇattā vā. **Tayo cāti** vibhattivipallāso. **Tiṇṇaṅcāti**

1. Am 1. 24 piṭṭhe.

vuttaṃ hoti. **Saṅkhārānanti** vacīsaṅkhārakāyasaṅkhāracittasaṅkhārānaṃ. **Paṭippassiddhiyāti** paṭippassaddhathamā nirodhatthamā, apavattatthanti vuttaṃ hoti. **Soḷasaḥīti** aniccānupassanādīni aṭṭha, maggaphalāni aṭṭhāti soḷasahi. **Ñāṇacariyāhīti** ñāṇappavattīhi. **Navahīti** rūpārūpāvacarasaṃmādhī tadupacāro cāhi navahi. **Vasibhāvataṃ paññāti** lahuṭā yathāsukhavattanaṃ issariyaṃ vaso, so assa atthīti vasī, vasino bhāvo vasibhāvo, vasibhāvo eva vasibhāvataṃ yathā pāṭikulyameva pāṭikulyatā. Evaṃvidhā paññā vasibhāvataṃ paññāti vā attho. Si-kāraṃ dīghaṃ katvā ca paṭhanti. Samannāgatattā ca paṭippassaddhiyā ca ñāṇacariyāhi ca samādhicariyāhi cāti cakāro sambandhitabbo.

Nirodhasamāpattiyā ñāṇanti anāgāmi-arahantānaṃ nirodhasamāpattinimittaṃ ñāṇaṃ yathā ajinaṃ haññate dīpīti. **Nirodhasamāpattīti** ca nevasaññānasaññāyatanassa abhāvamattaṃ, na koci dhammo, paññattimattaṃ. Abhāvamattattā nirodhoti ca, samāpajjantena samāpajjīyati nāmaṃti samāpattīti ca vuccati.

35. **Sampajānassāti** sammā pakārehi jānātīti sampajāno. Tassa sampajānassa. **Pavattapariyādāneti** pavattanaṃ pavattaṃ, samudācāroti attho. Kilesapavattaṃ khandhapavattaṃ. Tassa pavattassa pariyādānaṃ parikkhaya appavatti pavattapariyādānaṃ. Tasmim pavattapariyādāne. **Parinibbāne ñāṇanti** arahato kāmacchandānaṃ parinibbānaṃ appavattaṃ anupādisesaparinibbānaṃ paccavekkhantassa tasmim kilesaparinibbāne khandhaparinibbāne ca pavattaṃ ñāṇaṃ.

36. **Sabbadhammānanti** sabbesaṃ tebhūmakadhammānaṃ¹. **Sammā samucchedeti** santatisamucchadavasena suṭṭhu nirodhe. **Nirodhe ca anupaṭṭhānatāti** nirodhe gate puna na upaṭṭhānatāya, puna anupattiyanti attho. Sammāsamucchede ca nirodhe ca anupaṭṭhānatā cāti cakāro sambandhitabbo.

Samasīsatthe ñāṇanti nekkhammādīni sattatimsa samāni, taṇhādīni terasa sīsāni. Paccanīkadhammānaṃ samitattā samāni, yathāyogaṃ padhānattā ca koṭṭitā ca sīsāni. Ekasmim iriyāpathe vā

1. Tebhūmikadhammānaṃ (Sī, Syā)

ekasmiṃ roge vā sabhāgasantativasena ekasmiṃ jīvitindriye vā nekkhammādīni samāni ca saddhādīni sīsāni ca assa santīti samasīsī, samasīsissa attho samasīsattṭho. Tasmim̐ samasīsattṭhe, samasīsibhāveti attho. Ekasmiṃ iriyāpathe roge vā sabhāgasantativasena jīvite vā vipassanaṃ ārabhitvā tasmim̐yeva iriyāpathe roge sabhāga jīvite vā cattāri maggaphalāni patvā tasmim̐ yeva parinibbāyantassa arahatoyeva samasīsibhāvo hotīti tasmim̐ samasīsibhāve ñāṇanti vuttaṃ hoti. Vuttaṅca puggalapaññattiyam¹, tassā ca Aṭṭhakathāyam²—

“Katamo ca puggalo samasīsī, yassa puggalassa apubbaṃ acarimaṃ āsavapariyādānaṅca hoti jīvitapariyādānaṅca. Ayam̐ vuccati puggalo samasīsī”ti¹.

“Samasīsindese **apubbaṃ acarimanti** apure apacchā, santatipaccuppannavasena ekavāraṃyeva, ekakālaṃyevāti attho. **Pariyādānanti** parikkhayo. **Ayanti** ayam̐ puggalo samasīsī nāma vuccati. So panaesa tividho hoti iriyāpathasamasīsī rogasamasīsī jīvitasamasīsīti. Tattha yo caṅkamantova vipassanaṃ ārabhitvā arahattaṃ patvā caṅkamantova parinibbāti, yo ṭhitakova vipassanaṃ ārabhitvā arahattaṃ patvā ṭhitakova parinibbāti, yo nisinnova vipassanaṃ ārabhitvā arahattaṃ patvā nisinnova parinibbāti, yo nipannova vipassanaṃ arabhivā arahattaṃ patvā nipannova parinibbāti, ayam̐ **iriyāpathamasīsī** nāma. Yo pana ekaṃ rogaṃ patvā antorogeyeva vipassanaṃ ārabhitvā arahattaṃ patvā teneva rogena parinibbāti, ayam̐ **rogasamasīsī** nāma. Kataro jīvitasamasīsī? Terasa sīsāni. Tattha kilesasīsaṃ avijjaṃ arahatamaggo pariyādiyati, pavattasīsaṃ jīvitindriyaṃ cuticittaṃ pariyādiyati, avijjāpariyādāyakaṃ cittaṃ jīvitindriyaṃ pariyādātum̐ na sakkoti, jīvitindriyapariyādāyakaṃ cittaṃ avijjaṃ pariyādātum̐ na sakkoti. Avijjāpariyādāyakaṃ cittaṃ aññaṃ, jīvitindriyapariyādāyakaṃ cittaṃ aññaṃ. Yassa cetam̐ sīsadvayaṃ samaṃ pariyādānaṃ gacchati, so **jīvitasamasīsī** nāma. Kathamidam̐ samaṃ hotīti? Vārasamatāya. Yasmiṃ hi

1. Abhi 3. 116 piṭṭhe.

2. Abhi-Ṭṭha 3. 37 piṭṭhe.

vāre maggavuṭṭhānaṃ hoti. Sotāpattimagge pañca paccavekkhaṇāni, sakadāgāmiṃmagge pañca, anāgāmiṃmagge pañca, arahattamagge cattārīti ekūnavīsatiṃ paccavekkhaṇāṇaṃ patiṭṭhāya bhavaṅgaṃ otaritvā parinibbāyati. Imāya vārasamatāya eva ubhayasīsapariyādānampi samaṃ hoti nāma. Tenāyaṃ puggalo ‘jīvitasamasīsi’ti vuccati. Ayameva ca idha adhippeto”ti.

37. Idāni yasmā sutamayasiṃlamayabhāvanāmayaṇṇāṇāni vaṭṭapādakāni sallekhā nāma na honti, lokuttarapādakāneva etāni ca aññāni ca ṇṇāni sallekhāti vuccanti, tasmā paccanikasallekhanākāreṇa pavattāni ṇṇāni dassetuṃ samasīsatṭhe ṇṇānantaraṃ sallekhatṭhe ṇṇānaṃ uddiṭṭhaṃ. Tattha **puṭhūnānattatejapariyādāne paññāti** lokuttarehi asammissatṭhena puṭhūnaṃ rāgādīnaṃ nānattānaṃ nānāsabhāvānaṃ kāmaccandādīnaṃ santāpanatṭhena “tejā”ti laddhanāmānaṃ dussilyādīnaṃ pariyādāne khepane paññā, nekkhammādimhi sattatiṃsabhede dhamme paññāti vuttaṃ hoti. Atha vā puṭhubhūtā nānattabhūtā ca tejā eva tesāṃpuṭhubhūtānaṃ nānattabhūtānaṃ dussilyādīnaṃ pañcannaṃ tejānaṃ pariyādāne paññāti attho. Tejehiyeva puṭhūnaṃ nānattānaṃ saṅghaṃ niddeṣavāre pakāsayissāma.

Sallekhatṭhe ṇṇānti paccanīkadhamme sallekhati samucchindatīti sallekho, tasmīṃ nekkhammādikē sattatiṃsappabhede sallekhasabhāve ṇṇānaṃ. “Pare vihiṃsakā bhavisanti, mayamettha avihīmsakā bhavissāmāti sallekho karaṇīyo”ti-ādīnā¹ nayena Bhagavatā Sallekhasuttante vutto catucattālīsabhedopi sallekho iminā saṅghatoyevāti vedītabbo.

38. Idāni sallekhe ṭṭhitena kattabbaṃ sammappadhānavīriyaṃ dassetuṃ tadanantaraṃ vīriyāraṃbhe ṇṇānaṃ uddiṭṭhaṃ. Tattha **asallīnattapahitattappaggahatṭheti** kosajjavasena asallīno asaṅkucito attā assāti asallīnatto. **Attāti** cittaṃ. Yathāha—

“Udakaṃ hi nayanti nettikā, usukārā namayanti² tejanāṃ.

Dāruṃ namayanti² tacchakā, attānaṃ damayanti paṇḍitā”ti-ādī³.

1. Ma 1. 50 piṭṭhe.

2. Damayanti (Syā, Ka)

3. Khu 1. 25 piṭṭhe.

Kāye ca jīvite ca anapekkhatāya pahito pesito vissaṭṭho attā etenāti pahitatto. **Attāti** attabhāvo. Yathāha—“yā pana bhikkhunī attānaṃ vadhitvā vadhitvā rodeyyā”¹ti-ādi¹. Asallīnatto ca so pahitatto cāti asallīnattapahitatto. Sahajātadhamme paggaṇhāti upatthambhetīti paggaho, paggaho eva attho paggahaṭṭho, paggahasabhāvoti attho. Asallīnattapahitattassa paggahaṭṭho asallīnattapahitattapaggahaṭṭho. Tasmim asallīnattapahitattapaggahaṭṭhe. “Tasmātiha bhikkhave tumhepi appaṭivānaṃ padaheyyātha. Kāmaṃ taco ca nhāru ca aṭṭhica avasissatu, upasussatu sarīre maṃsalohitaṃ. Yaṃ taṃ purisathāmena purisavīriyena purisaparakkamena pattabbaṃ, na taṃ apāpuṇitvā vīriyassa saṅghānaṃ bhavissati”²ti² vuttattā asallīnattapahitattavacanena padhānasmim appaṭivānitā anivattanatā vuttā. Paggahaṭṭhavacanena pana kosajjuddhaccavimuttaṃ samappavattaṃ vīriyaṃ vuttaṃ.

Vīriyārambhe **ñāṇanti** vīrabhāvo vīriyaṃ, vīraṇaṃ vā kammaṃ, vidhinā vā nayena upāyena irayitabbaṃ pavattayitabbanti vīriyaṃ, tadetaṃ ussāhalakkhaṇaṃ, sahaajātānaṃ dhammānaṃ upatthambhanarasaṃ, asaṃsīdanabhāvapaccupaṭṭhānaṃ, “saṃviggo yoniso padahati”³ti³ vacanato saṃvegapadaṭṭhānaṃ, vīriyārambhavatthupadaṭṭhānaṃ vā. Sammā āraddhaṃ sabbasampattīnaṃ mūlaṃ hotīti daṭṭhabbaṃ. Vīriyasaṅkhāto ārambho vīriyārambho. Iminā sesārambhe paṭikkhipati. Ayaṃ hi **ārambhasaddo** kamme āpattiyaṃ kiriyāyaṃ vīriye hiṃsāyaṃ vikopaneti anekesu atthesu āgato.

“Yaṃkiñci dukkhaṃ sambhoti, sabbaṃ ārambhapaccayā.

Ārambhānaṃ nirodhena, natthi dukkhassa sambhavo”⁴—

ettha hi kammaṃ ārambhoti āgataṃ. “Ārambhati ca vippaṭisārī ca hotī”⁵ti⁵ ettha āpatti. “Mahāyaññā mahārambhā, na te honti mahapphalā”⁶ti⁶ ettha yūpussāpanādikiriyā. “Ārambhatha nikkamatha, yuñjatha Buddhasāsane”⁷ti⁷ ettha vīriyaṃ. “Samaṇaṃ Gotamaṃ uddissa pāṇaṃ ārambhanti”⁸ti⁸ ettha hiṃsā. “Bijagāmahūtagāmasamārambhā paṭivirato

1. Vi 2. 365 piṭṭhe.

4. Khu 1. 394 piṭṭhe.

6. Am 1. 351; Saṃ 1. 76 piṭṭhesu.

2. Am 1. 52 piṭṭhe.

5. Am 2. 146; Abhi 3. 173 piṭṭhesu.

7. Saṃ 1. 158 piṭṭhe.

3. Am 1. 430 piṭṭhe.

8. Ma 2. 32 piṭṭhe.

hoti”¹ti ettha chedanabhañjanādikaṃ vikopanaṃ. Idha pana vīriyameva adhippetam. Tena vuttam “vīriyasāṅkhāto ārambho vīriyārambho”ti. Vīriyañhi ārabhanakavasena ārambhoti vuccati. Tasmim vīriyārambhe ñāṇam. Asallīnattā pahitattātipi paṭhanti, asallīnabhāvena pahitabhāvenāti attho. Purimapāṭhoyeva sundaro. Keci pana “satidhammavicayavīriyapīti-sambojjhaṅgānam samatā asallīnattatā, satisamādhīpassaddhi-upekkhāsambhojjhaṅgānam samatā pahitattatā, sattannaṃ sambojjhaṅgānam samatā paggahaṭṭho”ti vaṇṇayanti.

39. Idāni sammāvāyāmasiddham maggaphalam pattena lokahitatham dhammadesanā kātabbāti dassetuṃ tadanantaraṃ atthasandassane ñāṇam uddiṭṭham. Tattha **nānādhammapakāsanatā**ti sabbasaṅkhatāsaṅkatavasena nānādhammānam pakāsanatā dīpanatā desanatā. **Pakāsanatā**ti ca pakāsanā eva². **Atthasandassaneti** nānā-atthānam paresam sandassane. Dhammā ca atthā ca te eva.

40. Idāni paresam dhammiyā kathāya sandassentassa tassa ariyapuggalassa yathāsabhāvadhammadesanākāraṇam dassanavisuddhim dassetuṃ tadanantaraṃ dassanavisuddhiñāṇam uddiṭṭham. Tattha **sabbadhammānam ekasaṅgahatā nānattekattapaṭivedheti** sabbesam saṅkhatāsaṅkhatadhammānam ekasaṅgahatāya ca kāmaccchandādinam nānattassa ca nekkhammādinam ekattassa ca paṭivedho, abhisamayoti attho. So pana³ maggapaññā phalapaññā ca. Maggapaññā saccābhisamayakkhaṇe saccābhisamayavasena paṭivijjhatīti paṭivedho, phalapaññā paṭividdhattā paṭivedho. **Ekasaṅgahatā**ti ettha jātisaṅgaho sañjātisaṅgaho kiriyāsaṅgaho gaṇanasāṅgahoti catubbidho saṅgaho. Tattha “sabbe khattiyā āgacchantu, sabbebrāhmaṇā, sabbevevassā, sabbe suddā āgacchantu”, “yā cāvuso Visākha sammāvācā, yo ca sammākammanto, yo ca sammā-ājīvo, ime dhammā sīlakkhandhe saṅgahitā”⁴ti ayam **jātisaṅgaho** nāma. “Ekajātikā āgacchantu”⁴ti vuttaṭṭhāne viya hi idha sabbe jātiyā ekasaṅgahitā. “Sabbe kosalakā āgacchantu,

1. Dī 1. 5; Ma 1. 237 piṭṭhādīsu.

3. Sā panesā (Syā, Ka)

2. Desanatāti ca pakāsanatā eva (Sī)

4. Ma 1. 375 piṭṭhe.

sabbe māgadhiḱā, sabbe bhārukacchakā āgacchantu”, “yo cāvuso Visākha sammāvāyāmo, yā ca sammāsati, yo ca sammāsamādhi, ime dhammā samādhikkhandhe saṅgahitā”¹ti¹ ayam **sañjāṭisaṅgaho** nāma. “Ekaṭṭhāne jātā samvaḍḍhā² āgacchantū”²ti² vuttaṭṭhāne viya hi idha sabbe jātiṭṭhānena nivutthokāsenā ekasaṅgahitā. “Sabbe hatthārohā āgacchantu, sabbe assārohā āgacchantu, sabbe rathikā āgacchantu”, “yā cāvuso Visākha sammādiṭṭhi, yo ca sammāsaṅkappo, ime dhammā paññākkhandhe saṅgahitā”³ti³ ayam **kiriyaṅgaho** nāma. Sabbeva hi te attano kiriyākaraṇena ekasaṅgahitā. “Cakkhāyatanam katamam khandhagaṇanam gacchati, cakkhāyatanam rūpakkhandaḡaṇanam gacchati. Hañci cakkhāyatanam rūpakkhandaḡaṇanam gacchati, tena vata re vattabbe cakkhāyatanam rūpakkhandaḡaṇanam saṅgahitaṅ”³ti³ ayam **gaṇanaṅgaho** nāma. Ayamidha adhippeto. Tathaṭṭhādīsū dvādasasu ākāresu visum visum ekena saṅgaho gaṇanapariḱchedo etesanti ekasaṅgahā, ekasaṅgahānam bhāvo ekasaṅgahatā.

Dassanavisuddhiññānti maggaphalaññānam dassanam, dassanameva visuddhi dassanavisuddhi, dassanavisuddhi eva ññānam dassanavisuddhiññānam. Maggaññānam visujjhatīti dassanavisuddhi, phalaññānam visuddhattā dassanavisuddhi.

41. Idāni dassanavisuddhisādhakāni vipassanāññāni dvidhā dassetuṅ tadantaram khantiññānapariyogāhaṇaṅñāni uddiṭṭhāni. Tatha **viditattā paññāti** rūpakkhandaḡānam aniccādīto viditattā pavattā paññā. **Khantiññānti** viditameva khamatīti khanti, khanti eva ññānam khantiññānam. Etena adhiḱāsanakhantiṅ paṭikkhipati. Etaṅ kalāpasammasanādivasena pavattaṅ taruṇavipassanāññānam.

42. **Phuṭṭhattā paññāti** rūpakkhandaḡānam aniccādivasena ññāphassena phuṭṭhattā pavattā paññā. **Pariyogāhaṇe ññānti** phuṭṭhameva pariyogāhati pavasatīti pariyogāhaṇam, ññānam. Gā-kāram rassaṅ katvāpi paṭhanti. Etaṅ bhaṅgānupassanādivasena pavattaṅ tikkhavipassanāññānam. Keci pana “vipassanāññānameva saddhāvāhissa khantiññānam, paññāvāhissa pariyogāhaṇaṅñānaṅ”³ti vadanti. Evaṅ sante etāni dve ññāni ekassa na

1. Ma 1. 375 piṭṭhe.

2. Jāṭisambandhā (Sī, Syā)

3. Abhi 4. 251 piṭṭhe.

sambhavanti, tadasambhave ekassa sāvakassa sattasaṭṭhi
sāvakasādhāraṇāñāṇāni na sambhavanti, tasmā taṃ na yujjati.

43. Idāni yasmā puthujjanā sekkhā ca vipassanūpage khandhādayo
dhamme sakale eva sammasanti, na tesam ekadesam, tasmā tesam
padesavihāro na labbhati, arahatoyeva yathārucci padesavihāro labbhatīti
dassanavisuddhisādhakāni ñāṇāni vatvā tadanantaram arahato
dassanavisuddhisiddham padesavihārañāṇam uddiṭṭham. Tattha **samodahane**
paññāti khandhādīnam ekadesassa vedanādharmassa samodahanapaññā,
sampiṇḍanapaññā rāsikaraṇapaññā. Samodhāne paññātipi pāṭho, soyeva
attho.

Padesavihāre ñāṇanti khandhādīnam padesena ekadesena avayavena
vihāro padesavihāro, tasmim padesavihāre ñāṇam. Tattha **padeso** nāma
khandhapadesā āyatanadhātusacca-indriyapaccayākārasatipaṭṭhānājhāna-
nāmarūpadhammapadesoti nānāvidho. Evaṃ nānāvidho cesa vedanā eva.
Katham? Pañcannaṃ khandhānaṃ vedanākkhandhavasena khandhekadeso,
dvādasannaṃ āyatanānaṃ vedanāvasena dhammāyatanekadeso,
aṭṭhārasannaṃ dhātūnaṃ vedanāvasena dhammadhātekadeso, catunnaṃ
saccānaṃ vedanāvasena dukkhasaccekadeso, bāvisatiyā indriyānaṃ
pañcavedanindriyavasena indriyekadeso, dvādasannaṃ
paṭṭicasamuppādaṅgānaṃ phassapaccayā vedanāvasena paccayākārekadeso,
catunnaṃ satipaṭṭhānānaṃ vedanānupassanāvasena satipaṭṭhānekadeso,
catunnaṃ jhānānaṃ sukha-upekkhāvasena jhānekadeso, nāmarūpānaṃ
vedanāvasena nāmarūpekadeso, kusalādīnaṃ sabbadhammānaṃ
vedanāvasena dhammekadesoti evaṃ vedanā eva khandhādīnam padeso,
tassā vedanāya eva paccavekkhaṇavasena padesavihāro.

44. Idāni yasmā samādhībhāvanāmayañāṇādīni bhāventā puthujjanā
sekkhā ca te te bhāvetabbabhāvanādhamme adhipatī jeṭṭhake katvā tena tena
pahātabbe tappaccanīke nānāsabhāve dhamme anekādīnave¹ ādīnavato
paccavekkhitvā tassa tassa bhāvanādhammassa vasena cittaṃ patipaṭṭhapetvā
te te paccanīkadhamme pajahanti, pajahantā

1. Anekādīnavchi (Syā, Ka)

ca vipassanākāle sabbasaṅkhāre suññato disvā pacchā samucchedena pajahanti, tathā pajahantā ca ekābhisamayavasena saccāni paṭivijjhantā pajahanti, yathāvutteheva ākārehi sabbepi ariyā yathāyogam paṭipajjanti, tasmā padesavihārañāṇānantaram saññāvivaṭṭaṇāṇādīni cha ñāṇāni yathākkamena uddiṭṭhāni. Tattha **adhipatattā paññāti** nekkhammādīnam adhipatibhāvena nekkhammādīni adhikāni katvā tadadhikabhāvena pavattā paññāti attho. **Saññāvivaṭṭe ñāṇanti** saññāya vivaṭṭanam parāvattanam parammukhabhāvoti saññāvivaṭṭo¹, yāya saññāya te te bhāvanādhamme adhipatim karoti, tāya saññāya hetubhūtāya, karaṇabhūtāya² vā tato tato kāmaccandādito vivaṭṭane ñāṇanti vuttam hoti. Etto vivaṭṭoti avuttepi yato vivaṭṭati, tato eva vivaṭṭoti gayhati yathā vivaṭṭanānupassanāya. Sā pana saññā sañjānanalakkhaṇā, tadevatanti puna sañjānanapaccayanimittakaraṇarasādāru-ādīsu tacchakādayo viya, yathāgahitanimittavasena abhinivesakaraṇapaccupaṭṭhānā hatthidassaka-andhā viya, ārammaṇe anogāḥhavuttitāya aciraṭṭhānapaccupaṭṭhānā vā vijju viya, yathāupaṭṭhitavisayapadaṭṭhānā tiṇapurisakesu migapotakānam purisāti uppannasaññā viya.

45. **Nānatte paññāti** nānāsabhāve bhāvetabbato aññasabhāve kāmaccandādike ādīnavadassanena pavattā paññā. **Nānatteti** ca nimittatthe bhummavacanam. Nānattappahānam vā nānattam, nānattappahānamittam nānattappahānahetu nekkhammādīsu paññāti adhippāyo. **Cetovivaṭṭe ñāṇanti** cetaso kāmaccandādito vivaṭṭanam nekkhammādīsu ñāṇam. **Cetoti** cettha cetanā adhippetā. Sā cetanābhāvalakkhaṇā, abhisandahanalakkhaṇā vā, āyūhanarasā, saṃvidahanapaccupaṭṭhānā sakiccaparakiccasādhakā jeṭṭhasissamahāvaddhaki-ādayo viya. Accāyikakammānussaraṇādīsu ca panāyam sampayuttānam ussāhanabhāvena pākaṭā hoti.

46. **Adhiṭṭhāne paññāti** nekkhammādivasena cittassa paṭiṭṭhāpane paññā. **Cittavivaṭṭe ñāṇanti** kāmaccandādīpatānavasena cittassa vivaṭṭane

1. Parammukhabhāvo (Syā, Ka)

2. Karaṇabhūtāya (Syā)

ñāṇaṃ. Cittaṃ cettha vijāṇanalakkhaṇaṃ, pubbaṅgamarasaṃ, sandhānapaccupaṭṭhānaṃ, nāmarūpapadaṭṭhānaṃ.

47. **Suññate paññāti** attattaniyasuññatāya anattānattaniyepavattā anattanupassanā paññā. **Ñāṇavivaṭṭe ñāṇanti** ñāṇameva abhinivesato vivaṭṭatīti vivaṭṭo, taṃ ñāṇavivaṭṭabhūtaṃ ñāṇaṃ.

48. **Vosagge¹ paññāti** ettha vosajjatīti vosaggo, kāmacchandādīnaṃ vosaggo nekkhammādimhi paññā. **Vimokkhavivaṭṭe ñāṇanti** kāmacchandādīkehi vimucchatīti vimokkho, vimokkho eva vivaṭṭo vimokkhavivaṭṭo, so eva ñāṇaṃ.

49. **Tathaṭṭhe paññāti** ekekassa saccassa catubbidhe catubbidhe aviparītasabhāve kiccavasena asammoḥato pavattā paññā. **Saccavivaṭṭe ñāṇanti** catūsu saccesu dubbato vuṭṭhānavasena vivaṭṭatīti saccavivaṭṭo, so eva ñāṇaṃ. Ekameva ñāṇaṃ adhipatikatadhammasena saññāvivaṭṭoti, pahātabbadhammasena cetovivaṭṭoti, cittapatiṭṭhāpanavasena cittavivaṭṭoti, paccanīkapahānavasena vimokkhavivaṭṭoti evaṃ catudhā vuttaṃ. Anattānupassanāya suññatākāravasena “ñāṇavivaṭṭe ñāṇaṃ”ti vuttā, maggañāṇameva heṭṭhā “magge ñāṇaṃ”ti ca “ānantarikasamādhimhi ñāṇaṃ”ti ca dvidhā vuttaṃ², vivaṭṭanākāravasena “saccavivaṭṭe ñāṇaṃ”ti vuttaṃ.

50. Idāni tassa saccavivaṭṭañāṇavasena pavattassa āsavānaṃ khaye ñāṇassa vasena pavattāni kamato cha abhiññāñāṇāni uddiṭṭhāni. Tatthāpi lokapākaṭāṇubhāvattā ativimhāpananti paṭṭhamāṃ iddhividhañāṇaṃ uddiṭṭhaṃ, cetopariyañāṇassa visayato dibbasotañāṇaṃ oḷārikavisayanti dutiyaṃ dibbasotañāṇaṃ uddiṭṭhaṃ, sukhumavisayattā tatiyaṃ cetopariyañāṇaṃ uddiṭṭhaṃ. Tisu vijjāsu pubbenivāsacchādakātītatama- vinodakattā paṭṭhamāṃ pubbenivāsānussatiñāṇaṃ uddiṭṭhaṃ, paccuppannānāgatatamavinodakattā dutiyaṃ dibbacakkhuñāṇaṃ uddiṭṭhaṃ, sabbatamasamucchedakattā tatiyaṃ āsavānaṃ khaye ñāṇaṃ uddiṭṭhaṃ. Tattha **kāyampīti** rūpakāyampi. **Cittampīti** pādakajjhānacittampi.

1. Vossagge (Bahūsu)

2. Vuttampi (Sī)

Ekavavathhānatāti parikammacittena ekato ṭhapanatāya ca dissamānakāyena, adissamānakāyena vā gantukāmakāle yathāyogaṃ kāyassapi cittassapi missīkaraṇatāya cāti vuttaṃ hoti. **Kāyoti** cettha sarīraṃ. Sarīraṃ hi asucisañcayato kucchitānaṃ kesādīnañceva cakkhurogādīnaṃ rogasatānañca āyabhūtato kāyoti vuccati. **Sukhasaññañca lahusaññañcāti** ettha catutthajjhānasampayuttaṃ ekaṃyeva saññaṃ ākāraṇānattato dvidhā katvā samuccayattho ca-saddo payutto. Catutthajjhānasmim̄ hi upekkhā santattā¹ sukhanti vuttā, taṃsampayuttā saññaṃ sukhasaññaṃ. Sāyeva nīvaraṇehi ceva vitakkādipaccanīkehi ca vimuttattā lahusaññaṃ. **Adhiṭṭhānavasenāti** adhikam̄ katvā ṭhānavasena, pavisanavasenāti adhippāyo. Adhiṭṭhānavasena cāti ca-saddo sambandhitabbo. Ettāvataṃ sabbappakārassa iddhividhassa yathāyogaṃ kāraṇaṃ vuttaṃ.

Ijjhanatṭhe paññāti ijghanasabhāve paññaṃ. **Iddhividhe ñāṇanti** ijghanatṭhena iddhi, nipphatti-atthena paṭilābhatṭhena cāti vuttaṃ hoti. Yam̄ hi nipphajjati paṭilabbhati ca, taṃ ijhatīti vuccati. Yathāha—“kāmaṃ kāmayaṃānassa, tassa cetam̄ samijjhatī”². Tathā “nekkhammaṃ ijjhatīti iddhi, paṭiharatīti pāṭihāriyaṃ, arahattamaggo ijjhatīti iddhi, paṭiharatīti pāṭihāriyaṃ”³. Aparo nayo—ijghanatṭhena iddhi, upāyasampadāyetaṃ adhivacanaṃ. Upāyasampadā hi ijjhati adhippetaphalappasavanato. Yathāha “ayaṃ kho citto gahapati sīlavā kalyāṇadhammo, sace paṇidahissati, anāgatamaddhānaṃ rājā assaṃ cakkavattīti. Ijjhissati hi sīlavato cetopaṇidhi visuddhattā”⁴. Aparo nayo—etāya sattā ijjhantīti iddhi, **ijjhantīti** iddhā vuddhā ukkaṃsagatā hontīti vuttaṃ hoti. Iddhi eva vidhaṃ iddhividhaṃ, iddhikoṭṭhāso iddhivikappoti attho. Taṃ iddhividhaṃ ñāṇanti vuttaṃ hoti.

51. **Vitakkavipphāravasenāti** dibbasotadhātu-uppādanatṭhaṃ parikammakaraṇakāle saddanimittesu attano vitakkavipphāravasena vitakkavegavasena. **Vitakkoti** cettha vitakketīti vitakko, vitakkanam̄ vā vitakko, ūhananti vuttaṃ hoti. Svāyaṃ ārammaṇe cittassa abhiniropanalakkhaṇo,

1. Santam̄ (Syā) 2. Khu 1. 399 piṭṭhe. 3. Khu 9. 404 piṭṭhe. 4. Sam̄ 2. 491 piṭṭhe.

āhananapariyāhananaraso. Tathā hi tena yogāvacaro ārammaṇaṃ vitakkāhataṃ vitakkapariyāhataṃ karotīti vuccati. Ārammaṇe cittassa ānayanapaccupaṭṭhāno, tajjāsamannāhārena pana indriyena ca parikkhitte visaye anantarāyena uppajjanato āpāthagatavisayapadaṭṭhānoti vuccati.

Nānattekattasaddanimittānanti nānāsabhāvānaṃ ekasabhāvānaṃca saddanimittānaṃ. Saddā eva cettha vitakkuppattikāraṇattā saṅkhāranimittattā ca nimittāni. Bherisaddādivasena ekagghanībhūtā, anekā vā saddā, nānādisāsu vā saddā, nānāsattānaṃ vā saddā nānattasaddā, ekadisāya saddā, ekasattassa vā saddā, bherisaddādivasena ekekasaddā vā ekattasaddā.

Saddoti cettha sappatīti saddo, kathīyatīti attho. **Pariyogāhaṇe paññāti** pavisaṇapaññā, pajānaṇapaññāti attho. **Sotadhātuvisuddhiñānanti** savanaṭṭhena ca nijjivaṭṭhena ca sotadhātu, sotadhātukiccakaraṇavasena ca sotadhātu viyātipi sotadhātu, parisuddhattā nirupakkilesattā visudhi, sotadhātu eva visuddhi sotadhātuvisuddhi, sotadhātuvisuddhi eva ñāṇaṃ sotadhātuvisuddhiñānaṃ.

52. **Tiṇṇannaṃ cittānanti** somanassasahagata domanassasahagata-
upekkhāsahagatavasena tiṇṇannaṃ cittānaṃ, **vipphārattāti** vipphārabhāvena
vegenāti attho. Hetu-atthe nissakkavacanaṃ, cetopariyañāṇuppādanatthaṃ
parikammakaraṇakāle paresaṃ tiṇṇannaṃ cittānaṃ vipphārahetunā.
Indriyānaṃ pasādavasenati cakkhādīnaṃ channaṃ indriyānaṃ
pasādavasena, indriyānaṃ patiṭṭhitokāsā cettha phalūpacārena indriyānanti
vuttā yathā “vipasannāni kho te āvuso indriyāni parisuddho chavivaṇṇo
pariyodāto”¹. Indriyapatiṭṭhitokāsesupi hadayavatthu eva idhādhippetam.
Pasādavasenati ca anāvilabhāvavasena. “Pasādappasādavasena”²ti vattabbe
appasādasaddassa lopo katoti veditabbaṃ. Atha vā idamappasannanti
gahaṇassa pasādamapekkhitvā eva sambhavato “pasādavasena”³ti vacaneneva
appasādopi vuttova hotīti veditabbaṃ. **Nānattekattaviññāṇacariyā**
pariyogāhaṇe paññāti yathāsambhavaṃ nānāsabhāva-ekasabhāva-
ekūnanavutiviññāṇapavattivijānaṇapaññā. Ettha asamāhitassa viññāṇacariyā
nānattā, samāhitassa viññāṇacariyā ekattā.

1. Vi 3. 51 piṭṭhe.

Sarāgādicittam vā nānattam, vītarāgādicittam ekattam. **Cetopariyaññanti** ettha pariyāṭīti pariyam, paricchindatīti attho. Cetaso pariyam cetopariyam, cetopariyañca tam ñāṇaṇcāti cetopariyaññam. Vipphāratātipi pāṭho, vipphāratāyāti attho.

53. **Paccayappavattānam dhammānanti** paṭiccasamuppādavāsena paccayato pavattānam paccayuppannadhammānam.
Nānattekattakammavipphāravasenāti ettha akusalam kammam nānattam, kusalam kammam ekattam. Kāmāvacaram vā kammam nānattam, rūpavacarārūpāvacaram kammam ekattam. Nānattekattakammavipphāravāsena paccayappavattānam dhammānam pariyogāhaṇe paññāti sambandho.
Pubbenivāsānussatiññanti pubbe atītajātīsu nivutthakhandhā pubbenivāso. **Nivutthāti** ajjhāvutthā anubhūtā attano santāne uppajjitvā niruddhā. Pubbe atītajātīsu nivutthadhammā vā pubbenivāso. **Nivutthāti** gocaranivāsena nivutthā attano viññāṇena viññātā paricchinnā, paraviññāṇena viññātāpi vā. Chinnavaṭumakānussaraṇādīsu te Buddhānamyeva labbhanti.
Pubbenivāsānussatīti yāya satiyā pubbenivāsam anussarati, sā pubbenivāsānussati. **Ñāṇanti** tāya satiyā sampayuttam ñāṇam.

54. **Obhāsavasenāti** dibbena cakkhunā rūpadassanattam pasāritassa tejokasiṇa-odātakasiṇa-ālokkasiṇānam aññatarassa catutthajjhānārammaṇassa kasiṇobhāsassa vasena. **Nānattekattarūpanimittānanti** nānāsattānam rūpāni, nānattakāyam upapannānam vā sattānam rūpāni, nānādisāsu vā rūpāni, asammissāni vā rūpāni nānattarūpāni, ekasattassa rūpāni, ekattakāyam upapannassa vā rūpāni, ekadisāya vā rūpāni, nānādisādīnam sammissībhūtāni vā rūpāni ekattarūpāni. **Rūpanti** cettha vaṇṇāyataneva. Tam hi rūpayatīti rūpam, vaṇṇavikāram āpajjamānam hadayaṅgatabhāvam pakāsetīti attho. Rūpameva rūpanimittam. Tesam nānattekattarūpanimittānam. **Dassanatthe paññāti** dassanasabhāve paññā.

Dibbacakkhuññanti dibbasadisattā dibbam. Devānam hi sucaritakammanibbattam pittasemharuhirādīhi apalibuddham upakkilesavimuttāya dūrepi ārammaṇasampaṭicchanasamattham dibbam pasādacakkhu hoti. Idañcāpi vīriyabhāvanābalanibbattam ñāṇacakkhu tādīsamevāti dibbasadisattā dibbam, dibbavīhāravāsena

paṭiladdhattā attanā dibbavihārasannissitattāpi dibbam, ālokapariggahena mahājutikattāpi dibbam, tirokuṭṭādigatarūpadassanena mahāgaticattāpi dibbam. Tam sabbam saddasatthānusārena veditabbam. Dassanaṭṭhena cakkhu, cakkhukiccakaraṇena cakkhumivātipi cakkhu, dibbañca tam cakkhu cāti dibbacakkhu, dibbacakkhu ca tam nāṇaṇcāti dibbacakkhuñāṇam.

55. **Catusaṭṭhiyā ākārehi**ti aṭṭhasu maggaphalesu ekekasmim aṭṭhannam aṭṭhannam indriyānam vasena catusaṭṭhiyā ākārehi. **Tiṇṇannam indriyānanti** anaññātaññassamīndriyam aññindriyam aññātāvindriyanti imesam tiṇṇannam indriyānam. **Vasibhāvata paññāti** vasibhāvataya pavattā paññā, arahattaphale aṭṭhannam indriyānam vasena aṭṭhahi ākārehi aññātāvindriyasessa vasibhāvataya arahattamaggakkhaṇe abhāvepi kāraṇasiddhivasena tadatthasādhanatāya vuttanti veditabbam. **Āsavānam khaye nāṇanti** attanā vajjhānam āsavānam khayakaram arahattamaggañāṇam.

56-59. Idāni āsavānam khayāñāṇasaṅkhāta-arahattamaggañāṇasambandhena catunnampi maggañāṇānam ekekassa maggañāṇassa ekābhisamayatam dassetum “pariññatṭhe paññā”ti-ādīni cattāri nāṇāni uddiṭṭhāni. Tatthāpi oḷārikattā sabbasattasādhāraṇattā ca suviññeyyanti dukkhasaccam paṭhamam vuttam, tasseva hetudassanattam tadanantaram samudayasaccam, hetunirodhā phalanirodhoti nāpanattam tadanantaram nirodhasaccam, tadamigamūpāyadassanattam ante¹ maggasaccam. Bhavasukhassādagadhītānam vā sattānam samvegajananattam paṭhamam dukkhamāha, tam neva akatam āgacchati, na issaranimmānādito hoti, ito pana hotīti nāpanattam tadanantaram samudayasaccam, tato sahetukena dukkhena abhibhūtattā samvigamānasānam dukkhanissaraṇagavesīnam nissaraṇadassanena assāsajananattam nirodham, tato nirodhādhigamattham nirodhasampāpakaṃ magganti. Idāni tabbisayāni nāṇāni teneva kamena uddiṭṭhāni. Tattha **pariññatṭheti** dukkhassa pīḷanaṭṭhādike catubbidhe pariṇānitasabbasabhāve. **Pahānatṭheti** samudayassa āyūhanaṭṭhādike catubbidhe pahātabbasabhāve. **Sacchikiriyaṭṭheti** nirodhassa nissaraṇaṭṭhādike catubbidhe sacchikātabbasabhāve. **Bhāvanaṭṭheti** maggassa niyyānaṭṭhādike catubbidhe bhāvetabbasabhāve.

1. Tadanantaram (Sī)

60-63. Idāni bhāvitamaggassa paccavekkhaṇavasena vā abhāvitamaggassa anussavavasena vā visum visum saccañāṇāni dassetuṃ **dukkhe ñāṇā**dīni cattāri ñāṇāni uddiṭṭhāni. Tattha **dukkheti** ettha **du**-iti ayaṃ saddo kucchite dissati. Kucchitaṃ hi puttaṃ duputtoti vadanti. **Khaṃ**-saddo pana tucche. Tucchaṃ hi ākāsaṃ ‘khan’ti vuccati. Idañca paṭhamasaccaṃ kucchitaṃ anekupaddavādhiṭṭhānato, tucchaṃ bālaJanaparikappitadhuva-subhasukhattabhāvavirahitato. Tasmā kucchitattā tucchattā ca “dukkhan”ti vuccati.

Dukkhasamudayeti ettha **saṃ**-iti ayaṃ saddo “samāgamo sametan”ti-ādīsu¹ viya saṃyogaṃ dīpeti, **u**-iti ayaṃ saddo “uppannaṃ uditan”ti-ādīsu² viya uppattim. **Aya**-saddo pana kāraṇaṃ dīpeti. Idañcāpi dutiyasaccaṃ avasesapaccayasamāyoge sati dukkhassa uppattikāraṇaṃ. Iti dukkhassa saṃyoge uppattikāraṇattā “dukkhasamudayan”ti vuccati.

Dukkhanirodheti ettha **ni**-saddo abhāvaṃ, **rodhasaddo** ca cāraṇaṃ dīpeti. Tasmā abhāvo ettha saṃsāracāraṇasaṅkhātassa dukkharodhassa sabbagatisuññattā, samadhigate vā tasmim saṃsāracāraṇassa dukkharodhassa abhāvo hoti tappaṭipakkhattātipi “dukkhanirodhan”ti vuccati. Dukkhasa vā anuppattinirodhapaccayattā dukkhanirodhanti vuccati.

Dukkhanirodhagāminiyā paṭipadāyāti ettha yasmā ayaṃ etaṃ dukkhanirodhaṃ gacchati ārammaṇakaraṇavasena tadabhimukhībhūtattā³, paṭipadā ca hoti dukkhanirodhappattiyā, tasmā dukkhanirodhagāmini-paṭipadāti vuccati. Cattāri maggañāṇāneva heṭṭhā vuṭṭhānākāradīpanavasena “magge ñāṇan”ti vuttāni, anantaraphaladāyakattassa kāraṇaparidīpanavasena “ānantarikasamādhimhi ñāṇan”ti vuttāni, vivaṭṭanākāradīpanavasena “saccavivaṭṭe ñāṇan”ti vuttāni, maggapaṭipāṭikkameneva arahattamaggañāṇupattim, tassa⁴ ca ñāṇassa abhiññābhāvaṃ dīpetuṃ arahattamaggañāṇameva “āsavānaṃ khaye ñāṇan”ti vuttam, puna catunnampi maggañāṇānaṃ ekābhisamayataṃ dīpetuṃ “pariññatthe paññā dukkhe ñāṇan”ti-ādīni cattāri ñāṇāni vuttāni. Puna ekekasim sacce visum visum uppattidīpanavasena “dukkhe ñāṇan”ti-ādīni cattāri ñāṇāni uddiṭṭhānīti evaṃ pubbāparaviseso veditabboti.

1. Abhi 2. 105; Dī 2. 245 piṭṭhādīsu.

2. Vi 1. 92; Khu 8. 271 piṭṭhādīsu.

3. Tadabhimukhabhūtattā (Sī), tadabhimukhattā (Syā)

4. Arahattamaggañāṇupattikassa (Sī)

64-67. Idāni sabbesaṃ ariyapuggalānaṃ ariyamaggānubhāveveva paṭisambhidāñāṇāni siddhānīti dassetuṃ **atthapaṭisambhida ñāṇanti-ādīni** puna cattāri paṭisambhidāñāṇāni uddiṭṭhāni. Imāni hi paṭisambhidāpabhedābhāvepi sabba-ariyapuggalasādhāraṇāni suddhikaṭisambhidāñāṇāni, heṭṭhā uddiṭṭhāni pana pabhinnapaṭisambhidānaṃ pabhedappattāni paṭisambhidāñāṇānīti veditabbānīti ayametesāṃ ubhayatthavacena viseso. Yasmā vā anantaraṃ uddiṭṭhaṃ dukkhārammaṇaṃ nirodhārammaṇaṃca ñāṇaṃ atthapaṭisambhidā hoti, samudayārammaṇaṃ maggārammaṇaṃca ñāṇaṃ dhammapaṭisambhidā, tadabhilāpe ñāṇaṃ niruttipaṭisambhidā, tesu ñāṇesu ñāṇaṃ paṭibhānapaṭisambhidā, tasmā tampi atthavisesaṃ dassetuṃ suddhikaṭisambhidāñāṇāni uddiṭṭhānīti veditabbāni. Tasmāyeva ca heṭṭhā nānattasaddena visesetvā vuttāni, idha tathā avisesetvā vuttānīti.

68. Evaṃ paṭipāṭiyā sattasaṭṭhi sāvakaśādhāraṇaṇāṇāni uddisitvā idāni sāvakehi aśādhāraṇāni Tathāgatānaṃyeva āveṇikāni ñāṇāni dassetuṃ **indriyaparopariyattañāṇādīni** cha aśādhāraṇaṇāṇāni uddiṭṭhāni. Tatthapi yasmā Tathāgatā sattānaṃ dhamadesanāya bhājanābhājanattaṃ olokentā Buddhacakkhunā olokeṇti. Buddhacakkhu nāma indriyaparopariyattāsayānusayañāṇadvayameva. Yathāha—

“Addasā kho Bhagavā Buddhacakkhunā lokaṃ volokento satte apparajakkhe mahārajakkhe tikkhindriye mudindriye”ti-ādī¹.

Sattasantāne ca olokentā paṭhamaṃ indriyaparipākāparipākāṃ olokeṇti, indriyaparipākāṃca ñatvā āsayādīnaṃ anurūpena dhamadesanattaṃ tato āsayānusayacaritāni olokeṇti, tasmāpi paṭhamaṃ indriyaparopariyattañāṇaṃ uddiṭṭhaṃ, tadanantaraṃ āsayānusayañāṇaṃ. Dhammaṃ desentā ca yasmā pāṭihāriyena vinetabbānaṃ pāṭihāriyaṃ karonti, tasmā āsayānusayañāṇānantaraṃ yamakapāṭihāriye ñāṇaṃ uddiṭṭhaṃ, imesaṃ tiṇṇaṃ ñāṇānaṃ hetuparidīpanattaṃ tadanantaraṃ mahākaraṇāñāṇaṃ uddiṭṭhaṃ, mahākaraṇāñāṇassa parisuddhabhāvaparidīpanattaṃ tadanantaraṃ sabbaññutaññāṇaṃ uddiṭṭhaṃ, sabbaññussāpi sabbadhammānaṃ āvajjanapaṭibaddhabhāvaparidīpanattaṃ

1. Vi 3. 9; Ma 1. 225; Ma 2. 293 piṭṭhesu.

sabbaññutaññāṇassa anāvāriyabhāvaparidīpanatthañca tadanantaram
anāvāraṇaññāṇam uddiṭṭhanti veditabbam.

Indriyaparopariyattaññānti ettha upari “sattānan”ti padaṃ idheva
āharitvā sattānam indriyaparopariyattaññānti yojetabbam. Parāni ca aparāni
ca parāparānīti vattabbe sandhivasena ro-kāram katvā paroparānīti vuccati.
Paroparānam bhāvo paropariyam, paropariyameva paropariyattam,
veneyyasattānam saddhādīnam pañcannam indriyānam paropariyattam
indriyaparopariyattam, indriyaparopariyattassa ñāṇam
indriyaparopariyattaññānam, indriyānam uttamānuttamabhāvāññānti attho.
Indriyavaropariyattaññāntipi pāṭho. Varāni ca avariyaṇi ca varopariyaṇi,
varopariyaṇam bhāvo varopariyattanti yojetabbam. **Avariyaṇīti** ca na
uttamānīti attho. Atha vā parāni ca oparāni ca paroparāni, tesam bhāvo
paropariyattanti yojetabbam. **Oparānīti** ca orānīti vuttam hoti, lāmakānīti
attho “paroparā yassa samecca dhammā”ti-ādīsu¹ viya.
“Indriyaparopariyatte ñāṇan”ti bhumavacanenāpi pāṭho.

69. **Sattānam āsayānusaye ñāṇanti** ettha rūpādīsu khandhesu
chandarāgena sattā visattāti sattā. Vuttañhetam Bhagavatā—

“Rūpe kho rādha yo chando yo rāgo yā nandī yā taṇhā, tatra satto
tatra visatto, tasmā ‘satto’ti vuccati. Vedanāya saññāya saṅkhāresu
viññāṇe yo chando yo rāgo yā nandī yā taṇhā, tatra satto tatra visatto,
tasmā ‘satto’ti vuccatī”ti².

Akkharacintakā pana attham avicāretvā “nāmamattametan”ti icchanti. Yepi
attham vicārenti, te satvayogena sattāti icchanti. Tesam sattānam. Āsayanti
nissayanti etaṃ iti āsayo, micchādīṭṭhiyā, sammādīṭṭhiyā vā kāmādīhi,
nekkhammādīhi vā paribhāvitassa santānassetam adhivacanam. Sattasantāne
anusenti anupavattantīti anusayā, thāmagatānam kāmarāgādīnam etaṃ
adhivacanam. Āsayo ca anusayo ca āsayānusayo. Jātiggahaṇena ca
dvandasamāsavasena ca ekavacanam veditabbam.

1. Khu 1. 348 piṭṭhe.

2. Saṃ 2. 155 piṭṭhe.

Yasmā caritādhimuttiyo āsayānusayasaṅgahitā, tasmā uddese caritādhimuttīsu ñāṇāni āsayānusayañāṇeneva saṅgahetvā “āsayānusaye ñāṇan”ti vuttaṃ. Yeneva hi adhippāyena uddeso kato, teneva adhippāyena niddeśo katoti.

70. **Yamakapāṭihīre ñāṇanti** ettha aggikkhandha-udakadhārādīnaṃ apubbaṃ acarimaṃ sakimyeva pavattito yamaṃ, assaddhiyādīnaṃ paṭipakkhadhammānaṃ haraṇato pāṭihīraṃ, yamakañca taṃ pāṭihīrañcāti yamakapāṭihīraṃ.

71. **Mahākaruṇāsamāpattiyā ñāṇanti** ettha paradukkhe sati sādhuṇaṃ hadayakampanaṃ karotīti karuṇā, kināti vā paradukkhaṃ himsati vināsetīti karuṇā, kiriyati vā dukkhesu pharaṇavasena pasārīyatīti karuṇā, pharaṇakammavasena kammaguṇavasena ca mahatī karuṇā mahākaruṇā, samāpajanti etaṃ mahākāruṇikāti samāpatti, mahākaruṇā ca sā samāpatti cāti mahākaruṇāsamāpatti. Tassaṃ mahākaruṇāsamāpattiyā, taṃsampayuttaṃ ñāṇaṃ.

72-73. **Sabbaññutaññāṇaṃ anāvaraṇaññāṇanti** ettha pañcaṇeyyapathappabhedam¹ sabbaṃ aññāsīti sabbaññū, sabbaññussa bhāvo sabbaññutā, sā eva ñāṇaṃ “sabbaññutaññāṇan”ti vattabbe “sabbaññutaññāṇan”ti vuttaṃ. Saṅkhatāsaṅkhatādibhedā sabbadhammā hi saṅkhāro vikāro lakkhaṇaṃ nibbānaṃ paññattīti pañceva neyyapathā honti. **Sabbaññūti** ca kamasabbaññū sakimsabbaññū satatasabbaññū sattisabbaññū ñātasabbaññūti pañcavidhā sabbaññuno siyūṃ. Kamena sabbajānanakālā-sambhavato kamasabbaññutā na hoti, sakim sabbārammaṇagahaṇābhāvato sakimsabbaññutā na hoti, cakkhuviññāṇādīnaṃ yathārammaṇacitta-sambhavato bhavaṅgacittavirodhato yutti-abhāvato ca satatasabbaññutā vā siyā, viditasabbadhammattā ñātasabbaññutā vā siyā. Sattisabbaññuno² sabbajānanattaṃ natthīti tampi na yujjati.

1. Pañcaṇeyyapathappabhedam (Sī)

2. Sattisabbaññutte (Syā, Ka)

“Na tassa addiṭṭhamidhatthi kiñci,
 Atho aviññātamajānitabbaṃ.
 Sabbaṃ abhiññāsi yadatthi neyyaṃ,
 Tathāgato tena samantacakkhū”ti¹—

vuttatā ñātasabbaññuttameva yujjati. Evaṃ hi sati kiccatto asammohato
 kāraṇasiddhito āvajjanapaṭibaddhato sabbaññuttameva hotīti.
 Āvajjanapaṭibaddhattā eva hi natthi etassa āvaraṇanti anāvarenaṃ, tadeva
 anāvarenañāṇanti vuccatīti.

Imāni tesattati ñāṇānīti sāvakehi sādharmaṇāsādhāraṇavasena uddiṭṭhāni
 imāni tesattati ñāṇāni. **Imesaṃ tesattatiyā ñāṇānanti**-ādito paṭṭhāya vuttānaṃ
 imesaṃ tesattatiñāṇānaṃ. Ubbāhanatthe cetāṃ sāmivacanaṃ.
 Tesattatīnantipi pāṭho. “Tesattatiyā”ti vattabbe ekasmiṃ bahuvacanaṃ
 veditabbaṃ. **Sattasaṭṭhi ñāṇānī**ti-ādito paṭṭhāya sattasaṭṭhi ñāṇāni.
Sāvakasādhāraṇānīti savaṇante ariyāya jātiya jātatā sāvakā, samānaṃ
 dhāraṇametesanti sādharmaṇāni, Tathāgatānaṃ sāvakehi sādharmaṇāni
 sāvakasādhāraṇāni. **Cha ñāṇānī**ti ante uddiṭṭhāni cha ñāṇāni. **Asādhāraṇāni**
sāvakehīti sāvakehi asādhāraṇāni Tathāgatānaṃyeva ñāṇānīti.

Saddhammapakāsiniyā Paṭisambhidāmaggaṭṭhakathāya

Ñāṇakathāmātikuddesavāraṇṇanā niṭṭhitā.

1. Sutamayañāṇakathā

Vissajjanuddesavaṇṇanā

1. Idāni yathānikkhittena uddesena saṅgahite dhamme pabhedato
 dassetuṃ **kathaṃ sotāvadhāne paññā sutamaye ñāṇanti**-ādi niddesavāro
 āraddho. Tattha yaṃ vuttaṃ “sotāvadhāne paññā sutamaye

1. Khu 7. 280; Khu 8. 178; Khu 9. 227 piṭṭhesu.

ñāṇan”ti, taṃ katham hotīti ayaṃ kathetukamyatāpucchā. Pañcavidhā hi pucchā aditṭhajotanāpucchā diṭṭhasaṃsandanāpucchā vimaticchedanāpucchā anumati-pucchā kathetukamyatāpucchāti. Tāsaṃ idaṃ nānattaṃ—

Katamā¹ **aditṭhajotanā** pucchā. Pakatiyā lakkhaṇaṃ aññātaṃ hoti aditṭhaṃ atulitaṃ atīritaṃ avibhūtaṃ avibhāvitaṃ, tassa ñāṇāya dassanāya tulanāya tīraṇāya vibhūtāya vibhāvanatthāya pañhaṃ pucchati, ayaṃ aditṭhajotanāpucchā.

Katamā¹ **diṭṭhasaṃsandanā**pucchā. Pakatiyā lakkhaṇaṃ ñātaṃ hoti diṭṭhaṃ tulitaṃ tīritaṃ vibhūtaṃ vibhāvitaṃ, so aññehi paṇḍitehi saddhim saṃsandanatthāya pañhaṃ pucchati, ayaṃ diṭṭhasaṃsandanāpucchā.

Katamā¹ **vimaticchedanā**pucchā. Pakatiyā saṃsayapakkhando hoti vimatipakkhando dvelhakajāto “evaṃ nu kho, nanu kho, kiṃ nu kho, katham nu kho”ti. So vimaticchedanatthāya pañhaṃ pucchati, ayaṃ vimaticchedanāpucchā.

Katamā **anumatipucchā**. Bhagavā bhikkhūnaṃ anumatiyā pañhaṃ pucchati “taṃ kiṃ maññatha bhikkhave rūpaṃ niccaṃ vā aniccaṃ vā”ti. Aniccaṃ bhante. Yaṃ panāniccaṃ, dukkhaṃ vā taṃ sukhaṃ vāti. Dukkhaṃ bhante. Yaṃ panāniccaṃ dukkhaṃ vipariṇāmadhammaṃ, kallaṃ nu taṃ samanupassituṃ “etaṃ mama esohamasmi eso me attā”ti. No hetam bhanteti², ayaṃ anumati-pucchā.

Katamā **kathetukamyatā**pucchā. Bhagavā bhikkhūnaṃ kathetukamyatāya pañhaṃ pucchati “cattārome bhikkhave satipaṭṭhānā. Katame cattāro”ti³, ayaṃ kathetukamyatāpucchāti. Tāsu ayaṃ therassa kathetukamyatāpucchāti veditabbā.

Idāni samātikuddesāya kathetukamyatāpucchāya “ime dhammā abhiññeyyāti sotāvadhānaṃ, taṃpajānanā paññā sutamaye ñāṇan”ti-ādayo soḷasa vissajjanuddesā. Tattha **ime dhammā abhiññeyyāti** “desayantassā”ti pāṭhaseso. Ime dhammā abhijānitabbāti Satthuno, aññatarassa vā garuṭṭhāniyassa sabrahmacārissa dhammaṃ desayantassa pubbe vuttanayena sotāvadhānaṃ sutam **sotāvadhānaṃ** nāma, taṃpajānanā

1. Khu 7. 263; Khu 8. 50 piṭṭhādīsu.

2. Vi 3. 19; Saṃ 3. 368 piṭṭhesu.

3. Saṃ 3. 150 piṭṭhe.

paññā tassa sutassa pajānanā pariyāyaparicchindakapaññā¹ sutamaye ñāṇam nāmāti attho. Tassa pajānanā taṃpajānanāti sāmivacanasamāso. Taṃ pajānanāti vibhattivipallāsavasena upayogavacanam vā. **Abhiññeyyāti** ca sabhāvalakkhaṇāvabodhavasena sobhanenākārena jānitabbā. **Pariññeyyāti** sāmāññalakkhaṇāvabodhavasena kiccagamāpanavasena ca byāpitvā jānitabbā. **Bhāvetabbāti** vaḍḍhetabbā. **Sacchikātabbāti** paccakkham kātabbā. Duvidhā hi sacchikiriyā paṭilābhasacchikiriyā ārammaṇasacchikiriyā ca. Paccanīkasamudācāravasena parihānīyasaṅkhātāṃ hānaṃ bhajantīti **hānabhāgiyā**. Tadanudhammatāya satiyā saṅghānavasena ṭhānasaṅkhātāṃ ṭhitīm bhajantīti **ṭhitibhāgiyā**. Uparivisesādhigamavasena visesaṃ bhajantīti **visesabhāgiyā**. Anibbidhapubbaṃ appadālitapubbaṃ lobhakkhandham dosakkhandham mohakkhandham nibbijjhati padāletīti ariyamaggo nibbedho nāma, nibbidāsahagatānaṃ saññāmanasikārānaṃ samudācāravasena taṃ nibbedham bhajantīti **nibbedhabhāgiyā**.

Sabbe saṅkhārāti sabbe sappaccayā dhammā. Te hi **saṅkhatasaṅkhārā** nāma. Paccayehi saṅgamma kariyantīti saṅkhārā, te eva paccayehi saṅgamma katattā saṅkhatāti visesetvā vuttā. Kammanibbattā tebhūmakarūpārūpadhammā abhisāṅkhatasaṅkhārāti Aṭṭhakathāsu² vuttā. Tepi “aniccā vata saṅkhārā”ti-ādīsu³ saṅkhatasaṅkhāresu saṅgham gacchanti. “Avijjāgato ayaṃ bhikkhave purisapuggalo puññañceva saṅkhāraṃ abhisāṅkharotī”ti-ādīsu⁴ avijjāpaccayā saṅkhārāva āgatā tebhūmikakusalākusalacetanā **abhisāṅkharāṇakasaṅkhārā** nāma. “Yāvatikā abhisāṅkhārassa gati, tāvatikāṃ gantvā akkhāhataṃ maññe aṭṭhāsī”ti-ādīsu⁵ āgataṃ kāyikaṃ cetasaṅkharāṃ vīriyaṃ **payogābhisāṅkhāro** nāma. “Saññāvedayitanirodham samāpannassa kho āvuso Visākha bhikkhuno paṭhamam nirujjhati vacīsaṅkhāro, tato kāyasaṅkhāro, tato cittasaṅkhāro”ti-ādīsu⁶ āgatā vitakkavicārā vācaṃ saṅkharontīti **vacīsaṅkhārā**. Assāsapassāsā kāyena

1. Pariññāya paricchindakapaññā (Ka) 2. Visuddhi 2. 158; Abhi-Ṭṭha 2. 134 piṭṭhesu.

3. Saṃ 1. 160, 398; Dī 2. 129. 161 piṭṭhesu.

4. Saṃ 1. 310 piṭṭhe.

5. Saṃ 1. 110 piṭṭhe.

6. Ma 1. 376 piṭṭhe.

saṅkharīyantīti **kāyasaṅkhārā**. Saññā ca vedanā ca cittaena saṅkharīyantīti **cittasaṅkhārā**. Idha pana saṅkhatasaṅkhārā adhippetā.

Aniccāti hutvā abhāvaṭṭhena. **Dukkhā**ti piḷanaṭṭhena. **Sabbe dhammā**ti nibbānampi antokatvā vuttā. **Anattā**ti avasavattanaṭṭhena. **Idaṃ dukkhaṃ ariyasaccanti**-ādīsu “dukkhasamudayo dukkhanirodho”ti vattabbe “dukkhasamudayaṃ dukkhanirodhan”ti liṅgavipallāso kato. Yasmā pana Buddhādayo ariyā paṭivijjhanti, tasmā ariyasaccānīti vuccanti. Yathāha “cattārimāni bhikkhave ariyasaccāni -pa-. Imāni kho bhikkhave cattāri ariyasaccāni. Ariyā imāni paṭivijjhanti, tasmā ariyasaccānīti vuccanti”ti¹. Ariyassa saccānītipi ariyasaccāni. Yathāha “sadevake loke -pa- sadevamanussāya Tathāgato ariyo, tasmā ariyasaccānīti vuccanti”ti². Etesaṃ abhisambuddhattā ariyabhāvasiddhitopi ariyasaccāni. Yathāha “imesaṃ kho bhikkhave catunnaṃ ariyasaccānaṃ yathābhūtaṃ abhisambuddhattā Tathāgato Arahaṃ Sammāsambuddho ariyoti vuccati”ti³. Ariyāni saccānītipi ariyasaccāni. **Ariyānī**ti avitathāni⁴, avisaṃvādakānīti attho. Yathāha “imāni kho bhikkhave cattāri ariyasaccāni tathāni avitathāni anaññathāni, tasmā ariyasaccānīti vuccanti”ti². **Saccānī**ti ko saccaṭṭhoti ce? Yo paññācakkhunā upaparikkhamānānaṃ māyāva viparīto, marīcīva visaṃvādako, titthiyānaṃ parikappita-attāva anupalabbhasabhāvo ca na hoti, atha kho bādhanapabhasantiniyyānappakārena tacchāvīparītabhūtabhāvena ariyāñāssa gocaro hotiyeva. Esa aggilakkhaṇaṃ viya lokapakati viya ca tacchāvīparītabhūtabhāvo saccaṭṭhoti veditabbo. Yathāha “idaṃ dukkhanti bhikkhave tathametaṃ avitathametaṃ anaññathametan”ti⁵ vitthāro. Apica—

Nābādhaṃ yato dukkhaṃ, dukkhā aññaṃ na bādhaṃ.

Bādhaṃ kattanīyāmena, tato saccamidaṃ mataṃ.

Taṃ vinā nāññato dukkhaṃ, na hoti na ca taṃ tato.

Dukkahetu niyāmena, iti saccam visattikā.

1. Gave sitabbaṃ.

2. Saṃ 3. 381 piṭṭhe.

3. Saṃ 3. 379 piṭṭhe.

4. Tathāni avitathāni (Visuddhi 2. 126 piṭṭhe)

5. Saṃ 3. 377 piṭṭhe.

Nāññā nibbānato santi, santam na ca na tam yato.
 Santabhāvanīyāmena, tato saccamidam mataṃ.
 Maggā aññam na niyyānam, aniyyāno na cāpi so.
 Tacchanīyānabhāvena, iti so saccasammato.
 Iti tacchāvīpallāsa-bhūtabhāvam catūsvapi.
 Dukkhādīsvavisesena, saccaṭṭham āhu paṇḍitāti.

So paṇāyam **saccasaddo** anekesu atthesu dissati. Seyyathidam, “saccam bhaṇe na kujjheyā”ti-ādīsu¹ vācāsacce. “Sacce ṭhitā samaṇabrāhmaṇā cā”ti-ādīsu² viratisacce. “Kasmā nu saccāni vadanti nānā, pavādiyāse kusalāvadānā”ti-ādīsu³ diṭṭhisacce. “Ekaṃ hi saccam na dutīyamatthi, yasmim pajā no vivade pajānan”ti-ādīsu⁴ paramatthasacce nibbāne ceva magge ca. “Catunnam saccānam kati kusalā kati akusalā”ti-ādīsu⁵ ariyasacce. Svāyamidhāpi ariyasacce pavattatīti.

Niddesavārasaṅgahitassa vissajjanuddesassa

Atthavaṇṇanā niṭṭhitā.

Abhiññeyyaniddesavaṇṇanā

2. Idāni vissajjanuddesasaṅgahite dhamme pabhedato dassetuṃ **katham ime dhammā abhiññeyyā**ti-ādi niddesavāro āraddho. Tattha abhiññeyyaniddesādīsu pañcasu ādito ekakādivasena dasa dasa vissajjanāni **dasuttarapariyāyena** saṃsandetvā uddiṭṭhāni. Tesu abhiññeyyaniddese tāva **sabbe sattāti** kāmabhavādīsu saññābhavādīsu ekavokārabhavādīsu ca sabbabhavesu sabbe sattā. **Āhāraṭṭhikā**ti āhārato ṭhiti etesanti āhāraṭṭhikā. **Ṭhitī**ti cettha sakakkhaṇe atthitā adhippetā. Iti sabbasattānam ṭhitihetu āhāro

1. Khu 1. 46 piṭṭhe.

2. Khu 6. 140 piṭṭhe.

3. Khu 1. 416 piṭṭhe.

4. Khu 1. 416; Khu 7. 226 piṭṭhesu.

5. Abhi 2. 118 piṭṭhe.

nāma eko dhammo adhikena ñāṇena jānitabbo. Paccaye hi abhiññāte paccayuppannāpi abhiññātā honti ubhinnampi aññamaññāpekkhattā. Etena ñātapariññā vuttā hoti. Nanu ca evaṃ sante yaṃ vuttaṃ “Asaññasattā devā ahetukā anāhārā aphasakā”¹ti-ādi¹, taṃ virujjhatīti. Tañca na virujjhati. Tesam hi jhānaṃ āhāroti. Evaṃ santepi “cattārome bhikkhave āhārā bhūtānaṃ vā sattānaṃ ṭhitiyā, sambhavesīnaṃ vā anuggahāya. Katame cattāro. Kabaḷikāro āhāro oḷāriko vā sukhumo vā, phasso dutiyo, manosañcetanā tatiyā, viññāṇaṃ catutthan”²ti² idam virujjhatīti. Idampi na virujjhati. Etasmiṃ hi sutte nippariyāyena āhāralakkhaṇāva dhammā āhārāti vuttā, idha pana pariyāyena paccayo āhāroti vutto.

Sabbasaṅkhatadhammānaṃ hi paccayo laddhum vaṭṭati, so ca yaṃ yaṃ phalaṃ janeti, taṃ taṃ āharati nāma. Tasmā āharoti vuccati. Tenevāha—

“Avijjampāhaṃ bhikkhave sāhāraṃ vadāmi, no anāhāraṃ. Ko ca bhikkhave avijjāya āhāro. ‘Pañca nīvaraṇā’³tissa vacanīyaṃ. Pañca nīvaraṇepāhaṃ bhikkhave sāhāre vadāmi, no anāhāre. Ko ca bhikkhave pañcannaṃ nīvaraṇānaṃ āhāro. ‘Ayoniso manasikāro’³tissa vacanīyan”³ti-ādi³. Ayam idha adhippeto.

Etasmiṃ hi paccayāhāre gahite pariyāyāhāropi nippariyāyāhāropi sabbo gahitova hoti.

Tattha asaṅṅabhava paccayāhāro labbhati. Anuppanne hi Buddhē tiṭṭhāyatane pabbajitvā vāyokasiṇe parikkammaṃ katvā catutthajjhānaṃ nibbattetvā tato vuṭṭhāya “dhī cittaṃ dhī cittaṃ”⁴, cittaṃ nāma abhāvoyeva sādhu. Cittaṃ hi nissāya vadhabandhanādipaccayaṃ dukkhaṃ uppajjati, citte asati natthetan”⁴ti khantiṃ ruciṃ uppādetvā aparihīnajjhānā kālāṃkatvā asaṅṅabhava nibbantanti. Yo yassa iriyāpatho manussaloke paṇihito ahosi, so tena iriyāpathena nibbattitvā pañca kappasatāni tiṭṭhati. Ettakaṃ addhānaṃ nipanno viya nisinnō viya ṭhito viya hoti. Evarūpānañca sattānaṃ paccayāhāro labbhati. Te hi yaṃ jhānaṃ bhāvetvā nibbattā,

1. Abhi 2. 434 piṭṭhe.

2. Saṃ 1. 253 piṭṭhe.

3. Am 3. 346 piṭṭhe.

4. Dhī cittaṃ dhiratthu vata cittaṃ (Syā)

tadeva nesaṃ paccayo hoti. Yathā jiyāvegena khittasaro yāva jiyāvego atthi, tāva gacchati, evaṃ yāva jhānapaccayo atthi, tāva tiṭṭhanti. Tasmim̐ niṭṭhite khīṇavego saro viya patanti.

Ye pana te nerayikā “nevuṭṭhānaphalūpajīvino na puññaphalūpajīvino”ti vuttā, tesam̐ ko āhāroti? Tesam̐ kammameva āhāroti. Kim̐ pañca āhārā atthīti? “Pañca, na pañcā”ti idam̐ na vattabban̐. Nanu “paccayo āhāro”ti vutto, tasmā yena kamma te niraye nibbattā, tadeva tesam̐ ṭhitipaccayattā āhāro. Yam̐ sandhāya idam̐ vuttam̐ “na tāva kālam̐ karoti, yāva na tam̐ pāpakammaṃ byantīhoti”ti¹. Tasmā **āhāraṭṭhitikā**ti paccayaṭṭhitikāti attho. Kabaḷikāram̐ āhāram̐ ārabbhāti cettha vivādo na kātabbo. Mukhe uppanakheḷopi hi tesam̐ āhārakiccaṃ sādheti. Kheḷo hi niraye dukkhavedanīyo hutvā paccayo hoti, sagge sukhavedanīyo. Iti kāmabhava nippiariyāyena cattāro āhārā, rūpārūpabhavesu ṭhapetvā asaṅṅabhavaṃ sesānam̐ tayo, asaṅṅānañceva avasesānañca paccayāhāroti iminā āhārena sabbe sattā āhāraṭṭhitikā.

Sabbe sattāti ca puggalādhiṭṭhānā dhammadesanā, sabbe saṅkhārāti adhippāyo. Bhagavatopi hi dhammapuggalānam̐ vasena² catubbidhā desanā dhammādhiṭṭhānā dhammadesanā, dhammādhiṭṭhānā puggaladesanā, puggalādhiṭṭhānā puggaladesanā, puggalādhiṭṭhānā dhammadesanāti. “Nāham̐ bhikkhave aññam̐ ekadhammampi samanupassāmi, yaṃ evaṃ bhāvitaṃ kammaniyaṃ hoti, yathayidaṃ cittaṃ. Cittaṃ bhikkhave bhāvitaṃ kammaniyaṃ hoti”ti³ evarūpī **dhammādhiṭṭhānā dhammadesanā**. “Aṭṭhānametaṃ bhikkhave anavakāso yaṃ diṭṭhisampanno puggalo kañci saṅkhāram̐ niccato upagaccheyya, netam̐ ṭhānam̐ vijjati”ti⁴ evarūpī **dhammādhiṭṭhānā puggaladesanā**. “Ekapuggalo bhikkhave loke uppajjamāno uppajjati bahujanahitāya bahujanasukhāya lokānukampāya atthāya hitāya sukhāya devamanussānan”ti⁵ evarūpī **puggalādhiṭṭhānā puggaladesanā**. “Ekapuggalassa bhikkhave pātubhāvā mahato cakkhussa pātubhāvo hoti”ti⁶ evarūpī **puggalādhiṭṭhānā dhammadesanā**. Tāsu idha puggalādhiṭṭhānā

1. Am̐ 1. 139; Ma 3. 205 piṭṭhesu.

3. Am̐ 1. 4 piṭṭhe.

5. Am̐ 1. 21, 35 piṭṭhesu.

2. Dhammapuggalavasena (Sī, Syā)

4. Am̐ 1. 28 piṭṭhe.

6. Am̐ 1. 22 piṭṭhe.

dhammadesanā. Upari yāva dasakā dhammānaṃyeva gahitattā sattaggahaṇena dhammaggaṇaṃ katanti veditabbaṃ, visesena vā sattasantānapariyāpannadhammānaṃyeva adhikena nāṇena sabhāvato upaparikkhitabbattā sattaggahaṇaṃ katanti veditabbaṃ, saṅkhāre upādāya sattoti paññattimattasambhavato vā phalopacārena saṅkhārā “sattā”ti vuttāti veditabbaṃ. Na hi koci satto paccayaṭṭhitiko atthi aññatra saṅkhārehi, vohāravasena pana evaṃ vuccati. Evametena nātapaniññā vuttā hoti.

Dve dhātuyoti saṅkhatā ca dhātu asaṅkhatā ca dhātu. Tattha anekehi paccayehi saṅgama katā pañcakkhandhā saṅkhatā dhātu, kehici paccayehi akataṃ nibbānaṃ asaṅkhatā dhātu.

Tisso dhātuyoti kāmadhātu rūpadhātu arūpadhātu. ¹Tattha katamā kāmadhātu? Heṭṭhato Avicinirayaṃ pariyantaṃ karitvā uparito Paranimmitavasavattī deve antokarivā yaṃ etasmiṃ antare etthāvacarā ettha pariyāpannā khandhā dhātū āyatanā rūpā vedanā saññā saṅkhārā viññāṇaṃ. Ayaṃ vuccati kāmadhātu¹. ²Tattha katamā rūpadhātu? Heṭṭhato brahmalokaṃ pariyantaṃ karitvā uparito Akaniṭṭhe deve antokarivā yaṃ etasmiṃ antare etthāvacarā ettha pariyāpannā samāpannassa vā upapannassa vā diṭṭhadhammasukhavihārissa vā cittacetāsikā dhammā. Ayaṃ vuccati rūpadhātu. Tattha katamā arūpadhātu? Heṭṭhato Ākāsānañcāyatanūpage deve pariyantaṃ karitvā uparito Nevasaññānāsaññāyatanūpage deve antokarivā yaṃ etasmiṃ antare etthāvacarā ettha pariyāpannā samāpannassa vā upapannassa vā diṭṭhadhammasukhavihārissa vā cittacetāsikā dhammā. Ayaṃ vuccati arūpadhātu². Aṭṭhakathāyaṃ pana “kāmadhātūti kāmabhavo pañcakkhandhā labbhanti, rūpadhātūti rūpabhavo pañcakkhandhā labbhanti. Arūpadhātūti arūpabhavo cattāro khandhā labbhanti”ti vuttaṃ. Ayaṃ dasuttarapariyāyena yojanā.

Saṅgītipariyāyena pana “tisso kusaladhātuyo nekkhammadhātu abyāpādadhātu avihimsādhātu. Aparāpi tisso dhātuyo rūpadhātu arūpadhātu nirodhadhātu. Aparāpi tisso dhātuyo hīnā dhātu majjhimā

1-1. Abhi 2. 88 piṭṭhe.

2-2. Abhi 1. 253 piṭṭhe.

dhātu paṇītā dhātū”ti¹ vuttā dhātuyopi ettha yujjanti.

²Nekkhammapaṭisaṃyutto takko vitakko -pa- sammāsaṅkappo, ayaṃ vuccati nekkhammadhātu. Sabbepi kusalā dhammā nekkhammadhātu. Abyāpādapaṭisaṃyutto takko vitakko -pa- sammāsaṅkappo abyāpādadhātu. Yā sattesu metti mettāyanā mettāyitattaṃ mettācetovimutti. Ayaṃ vuccati abyāpādadhātu. Avihimsāpaṭisaṃyutto takko vitakko -pa- sammāsaṅkappo avihimsādhātu. Yā sattesu karuṇā karuṇāyanā karuṇāyitattaṃ karuṇācetovimutti. Ayaṃ vuccati avihimsādhātu². Rūpārūpadhātuyo vuttāyeva. Nirodhadhātu nibbānaṃ. Hīnā dhātu dvādasākusalacittuppādā, majjhimā dhātu avasesā tebhūmakadhammā. Paṇītā dhātu nava lokuttaradhammā. Sabbāpi ca nijjīvaṭṭhena dhātu.

Cattāri ariyasaccānīti dukkhaṃ ariyasaccaṃ, dukkhasamudayaṃ ariyasaccaṃ, dukkhanirodhaṃ ariyasaccaṃ, dukkhanirodhagāminī paṭipadā ariyasaccaṃ. Imesaṃ vaṇṇanā saccavissajjanēsuyeva bhavissati.

Pañca vimuttāyatanānīti attano hitatthāya parehi pavattitadhammadesanāsavaṇaṃ, paresaṃ hitatthāya attano yathāsutadhammadesanā, yathāsutassa dhammassa sajjhāyakaraṇaṃ, yathāsutassa dhammassa cetasā anuvitakkanaṃ, kaṣiṇāsuhādīsū anukūlaṃ ārammaṇanti imāni pañca vimuccanakāraṇāni³. Yathāha—

Idha bhikkhave⁴ bhikkhuno Satthā dhammaṃ deseti aññataro vā garuṭṭhāniyo sabrahmacārī, yathā yathā kho bhikkhave bhikkhuno Satthā dhammaṃ deseti aññataro vā garuṭṭhāniyo sabrahmacārī, tathā tathā so tasmim dhamme atthapaṭisaṃvedī ca hoti dhammapaṭisaṃvedī ca, tassa atthapaṭisaṃvedino dhammapaṭisaṃvedino pāmojjaṃ jāyati, pamuditassa pīti jāyati, pītimaṇassa kāyo passambhati, passaddhakāyo sukhaṃ vedeti, sukhino cittaṃ samādhiyati, idaṃ paṭhamāṃ vimuttāyatanāṃ.

1. Dī 3. 181 piṭṭhe.

2-2. Abhi 2. 88, 89 piṭṭhesu.

3. Vimuccanakāraṇāni honti dhammapaṭisaṃvedī ca (Ka)

4. Am 2. 18; Dī 3. 200 piṭṭhesu.

Puna caparam bhikkhave bhikkhuno na heva kho Satthā dhammaṃ deseti aññataro vā garuṭṭhāniyo sabrahmacārī, api ca kho yathāsutaṃ yathāpariyattaṃ dhammaṃ vitthārena paresaṃ deseti. Yathā yathā kho bhikkhave bhikkhuno -pa- sukhino cittaṃ samādhiyati. Idaṃ dutiyaṃ vimuttāyatanam.

Puna caparam bhikkhave bhikkhuno naheva kho Satthā dhammaṃ deseti aññataro vā garuṭṭhāniyo sabrahmacārī, nāpi yathāsutaṃ yathāpariyattaṃ dhammaṃ vitthārena paresaṃ deseti, api ca kho yathāsutaṃ yathāpariyattaṃ dhammaṃ vitthārena sajjhāyaṃ karoti. Yathā yathā kho bhikkhave bhikkhuno -pa- sukhino cittaṃ samādhiyati. Idaṃ tatiyaṃ vimuttāyatanam.

Puna caparam bhikkhave bhikkhuno naheva kho Satthā dhammaṃ deseti aññataro vā garuṭṭhāniyo sabrahmacārī, nāpi yathāsutaṃ yathāpariyattaṃ dhammaṃ vitthārena paresaṃ deseti, nāpi yathāsutaṃ yathāpariyattaṃ dhammaṃ vitthārena sajjhāyaṃ karoti, api ca kho yathāsutaṃ yathāpariyattaṃ dhammaṃ cetasā anuvitakketi anuvicāreti manasānupekkhati. Yathā yathā kho bhikkhave bhikkhuno -pa- sukhino cittaṃ samādhiyati. Idaṃ catutthaṃ vimuttāyatanam.

Puna caparam bhikkhave bhikkhuno naheva kho Satthā dhammaṃ deseti aññataro vā garuṭṭhāniyo sabrahmacārī, nāpi yathāsutaṃ yathāpariyattaṃ dhammaṃ vitthārena paresaṃ deseti, nāpi yathāsutaṃ yathāpariyattaṃ dhammaṃ vitthārena sajjhāyaṃ karoti, nāpi yathāsutaṃ yathāpariyattaṃ dhammaṃ cetasā anuvitakketi anuvicāreti manasānupekkhati, api ca khvassa aññataram samādhinimittam suggahitaṃ hoti sumanasikataṃ sūpadhāritaṃ suppaṭividdham paññāya. Yathā yathā kho bhikkhave bhikkhuno aññataram samādhinimittam suggahitaṃ hoti sumanasikataṃ sūpadhāritaṃ suppaṭividdham paññāya, tathā tathā so tasmim dhamme atthapaṭisaṃvedī ca hoti dhammapaṭisaṃvedī ca. Tassa atthapaṭisaṃvedino dhammapaṭisaṃvedino pāmojjaṃ

jāyati, pamuditassa pīti jāyati, pītimanassa kāyo passambhati,
passaddhakāyo sukhaṃ vedeti, sukhino cittaṃ samādhiyati. Idam
pañcamam vimuttāyatananti¹.

Cha anuttariyānīti ettha natthi etesaṃ uttaranti anuttarāni, anuttarāni
eva anuttariyāni, jeṭṭhakānīti attho. Vuttaṃ hetam Bhagavatā—

Chayimāni² bhikkhave anuttariyāni. Katamāni cha,
dassanānuttariyaṃ savanānuttariyaṃ lābhānuttariyaṃ sikkhānuttariyaṃ
pāricariyānuttariyaṃ anussatānuttariyanti.

Katamañca bhikkhave dassanānuttariyaṃ, idha bhikkhave ekacco
hatthiratanampi dassanāya gacchati, assaratanampi dassanāya gacchati,
mañiratanampi dassanāya gacchati, uccāvacaṃ vā pana dassanāya
gacchati, samaṇaṃ vā brāhmaṇaṃ vā micchādiṭṭhikaṃ
micchāpaṭipannaṃ dassanāya gacchati. Atthetaṃ bhikkhave dassanaṃ,
netam natthīti vadāmi. Tañca kho etaṃ bhikkhave dassanaṃ hīnaṃ
gammaṃ pothujjanikaṃ anariyaṃ anattasamhitam na nibbidāya na
virāgāya na nirodhāya na upasamāya na abhiññāya na sambodhāya na
nibbānāya samvattati. Yo ca kho bhikkhave Tathāgataṃ vā
Tathāgatasāvakaṃ vā dassanāya gacchati niviṭṭhasaddho niviṭṭhapemo
ekantagato abhippasanno. Etadānuttariyaṃ bhikkhave dassanānaṃ
sattānaṃ visuddhiyā sokaparidevānaṃ samatikkamāya
dukkhadomanassānaṃ atthaṅgamāya ñāyassa adhigamāya nibbānassa
sacchikiriyāya, yadidaṃ Tathāgataṃ vā Tathāgatasāvakaṃ vā
dassanāya gacchati niviṭṭhasaddho niviṭṭhapemo ekantagato
abhippasanno. Idam vuccati bhikkhave dassanānuttariyaṃ. Iti
dassanānuttariyaṃ.

Savanānuttariyañca kathaṃ hoti, idha bhikkhave ekacco
bherisaddampi savanāya gacchati, vīṇāsaddampi savanāya gacchati,
gītasaddampi savanāya gacchati, uccāvacaṃ vā pana savanāya gacchati,
samaṇassa vā brāhmaṇassa vā micchādiṭṭhikassa micchāpaṭipannassa
dhammassavanāya gacchati. Atthetaṃ bhikkhave savanaṃ, netam
natthīti

1. Am 2. 18; Dī 3. 200 piṭṭhesu.

2. Am 2. 251, 286 piṭṭhesu.

vadāmi. Tañca kho etaṃ bhikkhave savanaṃ hīnaṃ -pa- na nibbānāya saṃvattati. Yo ca kho bhikkhave Tathāgatassa vā Tathāgatasāvakassa vā dhammassavanāya gacchati niviṭṭhasaddho niviṭṭhapemo ekantagato abhippasanno. Etadānuttariyaṃ bhikkhave savanānaṃ sattānaṃ visuddhiyā -pa- nibbānassa sacchikiriyāya, yadidaṃ Tathāgatassa vā Tathāgatasāvakassa vā dhammassavanāya gacchati niviṭṭhasaddho niviṭṭhapemo ekantagato abhippasanno. Idaṃ vuccati bhikkhave savanānuttariyaṃ. Iti dassanānuttariyaṃ savanānuttariyaṃ.

Lābhānuttariyañca kathaṃ hoti, idha bhikkhave ekacco puttalābhampi labhati, dāralābhampi labhati, dhanalābhampi labhati, uccāvacaṃ vā pana lābhampi labhati. Samaṇe vā brāhmaṇe vā micchādiṭṭhike micchāpaṭipanne saddhaṃ paṭilabhati. Attheso bhikkhave lābho, neso natthīti vadāmi. So ca kho eso bhikkhave lābho hīno -pa- na nibbānāya saṃvattati. Yo ca kho bhikkhave Tathāgate vā Tathāgatasāvake vā saddhaṃ paṭilabhati niviṭṭhasaddho niviṭṭhapemo ekantagato abhippasanno. Etadānuttariyaṃ bhikkhave lābhānaṃ sattānaṃ visuddhiyā -pa- nibbānassa sacchikiriyāya, yadidaṃ Tathāgate vā Tathāgatasāvake vā saddhaṃ paṭilabhati niviṭṭhasaddho niviṭṭhapemo ekantagato abhippasanno. Idaṃ vuccati bhikkhave lābhānuttariyaṃ. Iti dassanānuttariyaṃ savanānuttariyaṃ lābhānuttariyaṃ.

Sikkhānuttariyañca kathaṃ hoti, idha bhikkhave ekacco hatthismimpi sikkhati, assasmimpi sikkhati, rathasmimpi sikkhati, dhanusmimpi sikkhati, tharusmimpi sikkhati, uccāvacaṃ vā pana sikkhati, samaṇassa vā brāhmaṇassa vā micchādiṭṭhikassa micchāpaṭipannassa sikkhati. Atthesā bhikkhave sikkhā, nesā natthīti vadāmi. Sā ca kho esā bhikkhave sikkhā hīnā -pa- na nibbānāya saṃvattati. yo ca kho bhikkhave Tathāgatappavedite dhammavinaye adhisīlampi sikkhati, adhicittampi sikkhati, adhipañṇampi sikkhati niviṭṭhasaddho niviṭṭhapemo ekantagato abhippasanno. Etadānuttariyaṃ

bhikkhave sikkhānaṃ sattānaṃ visuddhiyā -pa- nibbānassa sacchikiriyāya, yadidaṃ Tathāgatappavedite dhammavinaye adhisīlampi sikkhati, adhicittampi sikkhati, adhipaññampi sikkhati niviṭṭhasaddho niviṭṭhapemo ekantagato abhippasanno. Idaṃ vuccati bhikkhave sikkhānuttariyaṃ. Iti dassanānuttariyaṃ savanānuttariyaṃ lābhānuttariyaṃ sikkhānuttariyaṃ.

Pāricariyānuttariyañca kathaṃ hoti, idha bhikkhave ekacco khattiyampi paricarati, brāhmaṇampi paricarati, gahapatimpi paricarati, uccāvacaṃ vā pana paricarati, samaṇaṃ vā brāhmaṇaṃ vā micchādiṭṭhikaṃ micchāpaṭipannaṃ paricarati, atthesā bhikkhave pāricariyā, nesā natthīti vadāmi. Sā ca kho esā bhikkhave pāricariyā hīnā -pa- na nibbānāya saṃvattati. Yo ca kho bhikkhave Tathāgataṃ vā Tathāgatasāvakaṃ vā paricarati niviṭṭhasaddho niviṭṭhapemo ekantagato abhippasanno. Etadānuttariyaṃ bhikkhave pāricariyānaṃ sattānaṃ visuddhiyā -pa- nibbānassa sacchikiriyāya, yadidaṃ Tathāgataṃ vā Tathāgatasāvakaṃ vā paricarati niviṭṭhasaddho niviṭṭhapemo ekantagato abhippasanno. Idaṃ vuccati bhikkhave pāricariyānuttariyaṃ. Iti dassanānuttariyaṃ savanānuttariyaṃ lābhānuttariyaṃ sikkhānuttariyaṃ pāricariyānuttariyaṃ.

Anussatānuttariyañca kathaṃ hoti, idha bhikkhave ekacco puttalābhampi anussarati, dāralābhampi anussarati, dhanalābhampi anussarati, uccāvacaṃ vā pana anussarati, samaṇaṃ vā brāhmaṇaṃ vā micchādiṭṭhikaṃ micchāpaṭipannaṃ anussarati. Atthesā bhikkhave anussati, nesā natthīti vadāmi. Sā ca kho esā bhikkhave anussati hīnā -pa- na nibbānāya saṃvattati. Yo ca kho bhikkhave Tathāgataṃ vā Tathāgatasāvakaṃ vā anussarati niviṭṭhasaddho niviṭṭhapemo ekantagato abhippasanno. Etadānuttariyaṃ bhikkhave anussatīnaṃ sattānaṃ visuddhiyā -pa- nibbānassa sacchikiriyāya, yadidaṃ Tathāgataṃ vā Tathāgatasāvakaṃ vā anussarati niviṭṭhasaddho niviṭṭhapemo ekantagato abhippasanno.

Idaṃ vuccati bhikkhave anussatānuttariyaṃ. Imāni kho bhikkhave cha anuttariyānīti¹.

Satta niddasavatthūnīti ettha natthi etassa dasāti niddaso, niddasassa niddasabhāvassa vatthūni kāraṇāni niddasavatthūni. Khīṇāsavo hi dasavassakāle parinibbuto puna paṭisandhiyā abhāvā puna dasavasso na hotīti niddasoti vuccati. Na kevalaṅca dasavasso va na hoti, navavassopi -pa- ekamuhuttikopi na hotiyeva. Na kevalaṅca dasavassakāle parinibbuto, sattavassikakāle parinibbutopi nissatto niddaso nimuhutto hotiyeva². Titthiyasamaye uppannavohāraṃ pana sāsane khīṇāsavassa āropetvā tattha tādisassa abhāvaṃ, idha ca sabbhāvaṃ dassento Bhagavā tādisasabhāvassa kāraṇāni “satta niddasavatthūnī”ti āha. Yathāha—

“Sattimāni bhikkhave niddasavatthūni. Katamāni satta, idha bhikkhave bhikkhu sikkhāsamādāne tibbacchando hoti, āyatim ca sikkhāsamādāne avigatapemo. Dhammanisantiyā tibbacchando hoti, āyatim ca dhammanisantiyā avigatapemo. Icchāvinaye tibbacchando hoti, āyatim ca icchāvinaye avigatapemo. Paṭisallāne tibbacchando hoti, āyatim ca paṭisallāne avigatapemo. Vīriyārambhe tibbacchando hoti, āyatim ca vīriyārambhe avigatapemo. Satinepakke tibbacchando hoti, āyatim ca satinepakke avigatapemo. Diṭṭhipaṭivedhe tibbacchando hoti, āyatim ca diṭṭhipaṭivedhe avigatapemo. Imāni kho bhikkhave satta niddasavatthūnī”ti³.

Theropi tatheva desanaṃ uddharitvā “satta niddasavatthūnī”ti āha.

Aṭṭha abhibhāyatanānīti ettha abhibhuyamānāni⁴ āyatanāni etesaṃ jhānānanti abhibhāyatanāni, jhānāni. **Āyatanānīti** adhiṭṭhānaṭṭhena āyatanasaṅkhātāni kaṣiṇārammaṇāni. Ñāṇuttariko hi puggalo

1. Am 2. 286 piṭṭhādīsu.

2. Na hotiyeva (Sī) Am-Ṭṭha 3. 137 piṭṭhe passitabbaṃ.

3. Am 2. 407 piṭṭhe.

4. Abhibhūyamānāni (Sī)

visadañāṇo “kiṃ ettha ārammaṇe samāpajjitabbaṃ, na mayhaṃ cित्तेkaggatākaraṇe bhāro atthi”ti tāni ārammaṇāni abhibhavitvā samāpajjati, saha nimittuppādenevettha appanaṃ nibbattetīti attho. Evaṃ uppāditāni jhānāni “abhibhāyatanāni”ti vuccanti.

Katamāni¹ aṭṭha? ajjhattaṃ rūpasaññi eko bahiddhā rūpāni passati parittāni suvaṇṇadubbaṇṇāni, “tāni abhibhuyya jānāmi passāmi”ti evaṃsaññi hoti, idaṃ paṭṭhamam abhibhāyatanam.

Ajjhattam rūpasaññi eko bahiddhā rūpāni passati appamaṇāni suvaṇṇadubbaṇṇāni, “tāni abhibhuyya jānāmi passāmi”ti evaṃsaññi hoti, idaṃ dutiyam abhibhāyatanam.

Ajjhattam arūpasaññi eko bahiddhā rūpāni passati parittāni suvaṇṇadubbaṇṇāni, “tāni abhibhuyya jānāmi passāmi”ti evaṃsaññi hoti, idaṃ tatiyam abhibhāyatanam.

Ajjhattam arūpasaññi eko bahiddhā rūpāni passati appamaṇāni suvaṇṇadubbaṇṇāni, “tāni abhibhuyya jānāmi passāmi”ti evaṃsaññi hoti, idaṃ catuttham abhibhāyatanam.

Ajjhattam arūpasaññi eko bahiddhā rūpāni passati nīlāni nīlavaṇṇāni nīlanidassanāni nīsanibhāsāni. Seyyathāpi nāma umāpupphaṃ nīlam nīlavaṇṇam nīlanidassanam nīlanibhāsam, seyyathāpi vā pana tam vattham bārāṇaseyyakam ubhatobhāgavimaṭṭham nīlam nīlavaṇṇam nīlanidassanam nīlanibhāsam, evameva ajjhattam arūpasaññi eko bahiddhā rūpāni passati nīlāni nīlavaṇṇāni nīlanidassanāni nīlanibhāsāni, “tāni abhibhuyya jānāmi passāmi”ti evaṃsaññi hoti, idaṃ pañcamam abhibhāyatanam.

Ajjhattam arūpasaññi eko bahiddhā rūpāni passati pītāni pītavaṇṇāni pītanidassanāni pītanibhāsāni. Seyyathāpi nāma kaṇikārapupphaṃ pītam pītavaṇṇam pītanidassanam pītanibhāsam, seyyathāpi vā pana tam vattham bārāṇaseyyakam ubhatobhāgavimaṭṭham

1. Am 3. 125; Dī 3. 250 piṭṭhesu.

pītaṃ pītavaṇṇaṃ pītanidassanaṃ pītanibhāsaṃ, evameva ajjhattaṃ arūpasaññī eko bahiddhā rūpāni passati pītāni pītavaṇṇāni pītanidassanāni pītanibhāsāni, “tāni abhibhuyya jānāmi passāmī”ti evaṃsaññī hoti, idaṃ chaṭṭhaṃ abhibhāyatanam.

Ajjhattaṃ arūpasaññī eko bahiddhā rūpāni passati lohitaḱāni lohitaḱavaṇṇāni lohitaḱanidassanāni lohitaḱanibhāsāni. Seyyathāpi nāma bandhujīvakapupphaṃ lohitaḱaṃ lohitaḱavaṇṇaṃ lohitaḱanidassanaṃ lohitaḱanibhāsaṃ, seyyathāpi vā pana taṃ vatthaṃ bārāṇaseyyakaṃ ubhatobhāgavimaṭṭhaṃ lohitaḱaṃ lohitaḱavaṇṇaṃ lohitaḱanidassanaṃ lohitaḱanibhāsaṃ, evameva ajjhattaṃ arūpasaññī eko bahiddhā rūpāni passati lohitaḱāni lohitaḱavaṇṇāni lohitaḱanidassanāni lohitaḱanibhāsāni, “tāni abhibhuyya jānāmi passāmī”ti evaṃsaññī hoti, idaṃ sattamaṃ abhibhāyatanam.

Ajjhattaṃ arūpasaññī eko bahiddhā rūpāni passati odātāni odātavaṇṇāni odātānidassanāni odātānibhāsāni. Seyyathāpi nāma osadhitarakā odātā odātavaṇṇā odātānidassanā odātānibhāsā, seyyathāpi vā pana taṃ vatthaṃ bārāṇaseyyakaṃ ubhatobhāgavimaṭṭhaṃ odātāni odātavaṇṇaṃ odātānidassanaṃ odātānibhāsaṃ, evameva ajjhattaṃ arūpasaññī eko bahiddhā rūpāni passati odātāni odātavaṇṇāni odātānidassanāni odātānibhāsāni, “tāni abhibhuyya jānāmi passāmī”ti evaṃsaññī hoti, idaṃ aṭṭhamaṃ abhibhāyatanam. Imāni aṭṭha abhibhāyatanāni¹.

Nava anupubbavīhārāti pubbaṃ pubbaṃ anu anupubbaṃ, anupubbaṃ viharitabbato samāpajjitabbato vīhārā anupubbavīhārā, anupaṭipāṭiyā samāpajjitabbavīhārāti attho.

1. Am 3. 125; Dī 3. 250 piṭṭhādīsu.

“Katame nava? Idha bhikkhave bhikkhu vivicca kāmehi vivicca akusalehi dhammehi savitakkaṃ savicāraṃ vivekajaṃ pītisukhaṃ paṭhamam jhānam upasampajja viharati. Vitakkavicārānaṃ vūpasamā ajjhataṃ sampasādanam cetaso ekodibhāvaṃ avitakkaṃ avicāraṃ samādhijaṃ pītisukhaṃ dutiyaṃ jhānam upasampajja viharati. Pītiyā ca virāgā upekkhako ca viharati sato sampajāno, sukhañca kāyena paṭisaṃvedeti, yaṃ taṃ ariyā ācikkhanti ‘upekkhako satimā sukhavihārī’ti, tatiyaṃ jhānam upasampajja viharati. Sukhassa ca pahānā dukkhassa ca pahānā pubbeva somanassadomanassānaṃ atthaṅgamā adukkhamasukhaṃ upekkhāsati pārisuddhiṃ catutthaṃ jhānam upasampajja viharati. Sabbaso rūpasaññānaṃ samatikkamā paṭighasaññānaṃ atthaṅgamā nānattasaññānaṃ amanasikārā ‘ananto ākāso’ti ākāsaññācāyatanam upasampajja viharati. Sabbaso ākāsaññācāyatanam samatikkamma ‘anantaṃ viññāṇaṃ’ti viññāṇañcāyatanam upasampajja viharati. Sabbaso viññāṇañcāyatanam samatikkamma ‘natthi kiñcī’ti ākiñcaññāyatanam upasampajja viharati. Sabbaso ākiñcaññāyatanam samatikkamma nevasaññānāsaññāyatanam upasampajja viharati. Sabbaso nevasaññānāsaññāyatanam samatikkamma saññāvedayitanirodham upasampajja viharati”¹ vuttā nava anupubbavihārāva.

Dasa nijjaravatthūnīti micchādiṭṭhādīni² nijjarayanti nāsayantīti nijjarāni. **Vatthūnī**ti kāraṇāni. Nijjarāni ca tāni vatthūni cāti nijjaravatthūni. Sammādiṭṭhādīnaṃ etaṃ adhivacanaṃ.

Katamāni³ dasa? Sammādiṭṭhikassa bhikkhave micchādiṭṭhi nijjiṇṇā hoti, ye ca micchādiṭṭhipaccayā aneke pāpakā akusalā dhammā sambhavanti, te cassa nijjiṇṇā honti, sammādiṭṭhipaccayā ca aneke kusalā dhammā bhāvanāpāripūrim gacchanti.

Sammāsaṅkappassa bhikkhave micchāsaṅkappo nijjiṇṇo hoti, ye ca micchāsaṅkappapaccayā aneke pāpakā akusalā dhammā

1. Am 3. 209; Dī 3. 220, 254 piṭṭhesu.

2. Micchādiṭṭhādīm (Syā, Ka)

3. Am 3. 430; Dī 3. 259 piṭṭhesu.

sambhavanti, te cassa nijjiṇṇā honti, sammāsaṅkappapaccayā ca aneke kusalā dhammā bhāvanāpāripūriṃ gacchanti.

Sammāvācassa bhikkhave micchāvācā nijjiṇṇā hoti, ye ca micchāvācāpaccayā aneke pāpakā akusalā dhammā sambhavanti, te cassa nijjiṇṇā honti, sammāvācāpaccayā ca aneke kusalā dhammā bhāvanāpāripūriṃ gacchanti.

Sammākammantassa bhikkhave micchākammanto nijjiṇṇo hoti, ye ca micchākammantapaccayā aneke pāpakā akusalā dhammā sambhavanti, te cassa nijjiṇṇā honti, sammākammantapaccayā ca aneke kusalā dhammā bhāvanāpāripūriṃ gacchanti.

Sammā-ājīvassa bhikkhave micchā-ājīvo nijjiṇṇo hoti, ye ca micchā-ājīvapaccayā aneke pāpakā akusalā dhammā sambhavanti, te cassa nijjiṇṇā honti, sammā-ājīvapaccayā ca aneke kusalā dhammā bhāvanāpāripūriṃ gacchanti.

Sammāvāyāmassa bhikkhave micchāvāyāmo nijjiṇṇo hoti, ye ca micchāvāyāmapaccayā aneke pāpakā akusalā dhammā sambhavanti, te cassa nijjiṇṇā honti, sammāvāyāmapaccayā ca aneke kusalā dhammā bhāvanāpāripūriṃ gacchanti.

Sammāsatissa bhikkhave micchāsati nijjiṇṇā hoti, ye ca micchāsati paccayā aneke pāpakā akusalā dhammā sambhavanti, te cassa nijjiṇṇā honti, sammāsatipaccayā ca aneke kusalā dhammā bhāvanāpāripūriṃ gacchanti.

Sammāsamādhissa bhikkhave micchāsamādhi nijjiṇṇo hoti, ye ca micchāsamādhipaccayā aneke pāpakā akusalā dhammā sambhavanti, te cassa nijjiṇṇā honti, sammāsamādhipaccayā ca aneke kusalā dhammā bhāvanāpāripūriṃ gacchanti.

Sammāñāṇissa bhikkhave micchāñāṇaṃ nijjiṇṇaṃ hoti, ye ca micchāñāṇapaccayā aneke pāpakā akusalā dhammā sambhavanti, te cassa nijjiṇṇā honti, sammāñāṇapaccayā ca aneke kusalā dhammā bhāvanāpāripūriṃ gacchanti.

Samāvimuttissa bhikkhave micchāvimutti nijjiṇṇā hoti, ye ca micchāvimuttipaccayā aneke pāpakā akusalā dhammā sambhavanti, te cassa nijjiṇṇā honti, sammāvimuttipaccayā ca aneke kusalā dhammā bhāvanāpāripūrim gacchantī”¹ vuttāni dasa nijjaravattūni.

3. **Sabbaṃ bhikkhave abhiññeyyanti**-ādi Bhagavatā vuttaṃ idha āharitvā dassitanti veditabbaṃ. **Kiñca**-iti **ca-kāro** padapūraṇamatte nipāto. **Cakkhā**dīni timsa vissajjanāni chasu dvāresu ekekasmim pañca pañca katvā dvārārammaṇapavattikkamena niddiṭṭhāni. Tattha duvidhaṃ cakkhu maṃsacakkhu paññācakkhu ca. Tesu Buddhacakkhu samantacakkhu ñāṇacakkhu dibbacakkhu dhammacakkhūti pañcavidhaṃ paññācakkhu. “Addasaṃ kho ahaṃ bhikkhave Buddhacakkhunā lokam volokento”² idam **Buddhacakkhu** nāma. “Samantacakkhu vuccati sabbaññutaññāṇam”³ idam **samantacakkhu** nāma. “Cakkhum udapādi ñāṇam udapādi”⁴ idam **ñāṇacakkhu** nāma. “Addasaṃ kho ahaṃ bhikkhave dibbena cakkhunā visuddhenā”⁵ idam **dibbacakkhu** nāma. “Virajam vītamalam dhammacakkhum udapādi”⁶ idam heṭṭhimamaggattayasāṅkhātāṃ ñāṇam **dhammacakkhu** nāma.

Maṃsacakkhupi sasambhāracakkhu pasādacakkhūti duvidhaṃ hoti. Yvāyam akkhikūpake patitṭhito heṭṭhā akkhikūpakatṭhikena upari bhamukatṭhikena ubhato akkhikūṭehi bahiddhā akkhipakhumehi paricchinnō akkhikūpakamajjhā nikkhantena nhārusuttakena matthaluṅge ābaddho setakaṇhātikaṇhamaṇḍalavicitto maṃsapiṇḍo, idam **sasambhāracakkhu** nāma. Yo pana ettha sito ettha paṭibaddho catunnam mahābhūtānam upādāya pasādo, idam **pasādacakkhu** nāma. Idamidhāhippetam. Tadetam tassa sasambhāracakkhuno setamaṇḍalaparikkhittassa kaṇhamaṇḍalassa majjhe abhimukhe ṭhitānam sarīrasaṅṭhānupattidese diṭṭhimaṇḍale⁷ sattu picupaṭalesu āsittatelaṃ picupaṭalāni viya sattā akkhipaṭalāni⁸ byāpetvā pamāṇato muggavidalamattam cakkhuviññāṇādīnam yathārahaṃ

1. Am 3. 430; Dī 3. 259 piṭṭhesu.

3. Khu 8. 93, 178 piṭṭhesu.

5. Ma 1. 227 piṭṭhe.

7. Diṭṭhamaṇḍale (Syā, Ka)

2. Ma 1. 225; Ma 2. 293; Vi 3. 9 piṭṭhesu.

4. Saṃ 3. 369; Vi 3. 15 piṭṭhesu.

6. Ma 2. 346 piṭṭhādīsu.

8. Akkhipaṭalāni hadayaṅgatāni (Sī, Ka),
Abhi-Ṭṭha 1. 345 piṭṭhe pana passitabbaṃ.

vatthudvārabhāvaṃ sādhayamānaṃ tiṭṭhati. Taṃ cakkhatīti **cakkhu**, rūpaṃ assādeti vibhāveti cāti attho. Rūpayantīti **rūpā**, vaṇṇavikāraṃ āpajjamānā hadayaṅgatabhāvaṃ pakāsentīti attho. Cakkhuto pavattaṃ viññāṇaṃ, cakkhussa vā viññāṇaṃ **cakkhuvīññāṇaṃ**. Phusatīti phasso. Upasaggena padaṃ maṇḍetvā samphassoti vuttaṃ. Cakkhuto pavatto samphasso **cakkhusamphasso**. **Cakkhusamphassapaccayā**ti cakkhuvīññāṇasampayutta-phassapaccayā. **Vedayitanti** vindanaṃ, vedanāti attho. Tadeva sukhayatīti **sukhaṃ**, yassuppajjati, taṃ sukhitāṃ karotīti attho. Suṭṭhu vā khādati, khanati ca kāyacittābādanti sukhaṃ. Dukkhatīti **dukkhaṃ**, yassuppajjati, taṃ dukkhitāṃ karotīti attho. Na dukkhaṃ na sukhanti **adukkhamasukhaṃ**. **Ma-kāro** padasandhivasena vutto. So pana cakkhusamphasso attanā sampayuttāya vedanāya sahaajāta aññamaññanissaya vipāka āhāra sampayutta atthi avigatavasena aṭṭhadhā paccayo hoti, sampañcchanasampayuttāya anantarasamanantara-anantarūpanissaya natthi vigatavasena pañcadhā, santīraṇādisampayuttānaṃ upanissayavaseneva paccayo hoti.

Suṇātīti **sotaṃ**. Taṃ sasambhārasotabilassa anto tanutambalomācīte aṅgulivedhikasāṅṭhāne padese sotaviññāṇādīnaṃ yathārahaṃ vatthudvārabhāvaṃ sādhayamānaṃ tiṭṭhati. Sappantīti **saddā**, udāharīyantīti attho. Ghāyatīti **ghānaṃ**. Taṃ sasambhāraghānabilassa anto ajapadasāṅṭhāne padese ghānaviññāṇādīnaṃ yathārahaṃ vatthudvārabhāvaṃ sādhayamānaṃ tiṭṭhati. Gandhayantīti **gandhā**, attano vatthuṃ sūcentīti attho. Jīvitamavhāyatīti **jivhā**, sāyanaṭṭhena¹ vā jivhā. Sā sasambhārajivhāya ataggamūlapassāni vajjetvā uparimatalamajjhe bhinna-uppaladalaggasaṅṭhāne padese jivhāvīññāṇādīnaṃ yathārahaṃ vatthudvārabhāvaṃ sādhayamānā tiṭṭhati. Rasanti te sattāti **rasā**, assādentīti attho. Kucchitānaṃ sāsavadhammānaṃ āyoti **kāyo**. **Āyoti** uppattideso. So yāvataṃ imasmim kāye upādiṇṇappavatti nāma² atthi, tattha yebhuyyena kāyapasādo kāyaviññāṇādīnaṃ yathārahaṃ vatthudvārabhāvaṃ sādhayamāno tiṭṭhati. Phusīyantīti **phoṭṭhabbā**. Munātīti **mano**, vijānātīti attho. Attano lakkhaṇaṃ dhārentīti

1. Rāsasāyanaṭṭhena (Ka)

2. Upādiṇṇakarūpaṃ nāma (Abhi-Ṭṭha 1. 348 piṭṭhe.)

dhammā. Manoti sahāvajjanaṃ bhavaṅgaṃ. **Dhammāti** dvādasapabhedā dhammārammaṇā dhammā. **Manoviññāṇanti** javanamanoviññāṇaṃ. **Manosamphassoti** taṃsampayutto phasso. So sampayuttāya vedanāya vipākapaccayavajjehi sesehi sattahi paccayo hoti, anantarāya teheva, sesānaṃ upanissayavaseneva paccayo hoti.

Rūpādīni pañca vissajjanāni khandhavasena niddiṭṭhāni. Sītādīhi ruppati piḷiyatīti **rūpaṃ**. Vedayatīti **vedanā**. Sañjānātīti **saññā**. Saṅkharontīti **saṅkhārā**. Vijānātīti **viññāṇaṃ**. **Cakkhādīni** dhammavicārapariyantāni dasa chakkavasena, saṭṭhi vissajjanāni piyarūpasātarūpavasena niddiṭṭhāni. Cakkhusamphassajādikā vedanā taṃtaṃsampayuttāva. Rūpesu saññā **rūpasaññā**. Sañcetayatīti **sañcetanā**, abhisandahatīti attho. Tasatīti **taṇhā**, pipāsātīti attho. Vitakketīti **vitakko**, vitakkaṇaṃ vā vitakko, ūhananti vuttam hoti. Ārammaṇe tena cittaṃ vicaratīti **vicāro**, vicaraṇaṃ vā vicāro, anusañcaraṇanti vuttam hoti.

4. **Pathavīdhātādīni** cha vissajjanāni saṃkhittena nāmarūpavavatthānavasena niddiṭṭhāni. Patthaṭattā **pathavī**. Appeti¹, āpiyati, appāyatīti vā **āpo**. Tejayatīti **tejo**. Vāyatīti **vāyo**. Na kassati na nikassati, kasitum chinditum bhinditum vā na sakkāti **ākāso**. Nissattaṭṭhena **dhātu**.

Pathavīkasiṇādīni dasa vissajjanāni kasiṇabhāvanāvasena niddiṭṭhāni. **Kasiṇanti** sakalapharaṇavasena² kasiṇamaṇḍalampi tasmim upaṭṭhitanimittampi tadārammaṇaṃ jhānampi vuccati. Idha pana jhānaṃ adhippetam. Ādimhi cattāri mahābhūtakasiṇārammaṇāni jhānāni, tato parāni cattāri vaṇṇakasiṇārammaṇāni. **Ākāsakasiṇanti** paricchedākāso, tadārammaṇaṅca jhānaṃ, kasiṇugghāṭimākāso, tadārammaṇaṅca ākāsānañcāyatanam. **Viññāṇakasiṇanti** ākāsānañcāyatanaviññāṇam, tadārammaṇaṅca viññāṇañcāyatanam.

Kesādīni dvattimsa vissajjanāni dvattimsākāraṅkammaṭṭhānavasena niddiṭṭhāni. Tesu pana kesādīsu paṭikūlato upaṭṭhitesu kāyagatāsativasena

1. Apoti (Sī), āpoti (Syā)

2. Sakalam pharaṇavasena (Sī)

asubhakammaṭṭhānaṃ hoti, vaṇṇato upaṭṭhitesu kaṣiṇakammaṭṭhānaṃ¹ hoti, dhātuto upaṭṭhitesu catudhātuvavatthānakammaṭṭhānaṃ hoti, kesāti-ādīni ca paṭikūlato vaṇṇato vā upaṭṭhitānaṃ tadārammaṇāni jhānāni, dhātuto upaṭṭhitassa te ca koṭṭhāsā tadārammaṇā ca dhātubhāvanā veditabbā.

Kesā ubhosu passesu kaṇṇacūlikāhi purato nalāṭantena, pacchato ca galavāṭakena paricchinnā sīsakaṭāhaveṭhanacamme vīhaggamattaṃ pavisitvā ṭhitā anekasatasahasasaṅkhā. **Lomā** ṭhapetvā kesādīnaṃ patiṭṭhitokāsaṃ hatthatalapādatalāni ca yebhuyyena sarīracamme navanavutiya lomakūpasahasessu likkhāmattaṃ² pavisitvā ṭhitā. **Nakhā** aṅgulīnaṃ aggapiṭṭhesu ṭhitā vīsati. **Dantā** dvīsu haṇukaṭṭhikesu ṭhitā yebhuyyena dvattiṃsa. **Taco** sakalasarīraṃ pariyonandhitvā pākāṭakilomakassa upari chaviyā heṭṭhā ṭhitaṃ cammaṃ.

Maṃsaṃ sādhikāni tīṇi aṭṭhisatāni anulimpitvā ṭhitāni navamaṃsapesisatāni. **Nhārū** sakalasarīre aṭṭhīni ābandhitvā ṭhitāni nava nhārusatāni. **Aṭṭhī** sakalasarīre heṭṭhā aṭṭhīnaṃ upari ṭhitāni sādhikāni tīṇi aṭṭhisatāni. **Aṭṭhimīṇjā** tesam tesam aṭṭhīnaṃ abbhantare ṭhitā miṇjā. **Vakkam** galavāṭakā nikkhantena ekamūlena thokaṃ gantvā dvidhā bhinnena thūlanhārūnā vinibaddhā hutvā hadayamaṃsaṃ parikkhipitvā ṭhitā dve maṃsapiṇḍikā.

Hadayaṃ sarīrabbhantare dvinnaṃ thanānaṃ majjhe ṭhitaṃ anto cittasannissayaṃ adḍhapasatamattalohitapuṇṇaṃ punnāgaṭṭhipatiṭṭhānamattāvāṭakaṃ hadayamaṃsaṃ. **Yakanam** dvinnaṃ thanānaṃ abbhantare dakkhiṇapassaṃ nissāya ṭhitaṃ yamakamaṃsapaṭalam. **Kilomakam** hadayavakkāni paṭicchādetvā ṭhitaṃ paṭicchannakilomakasaṅkhātāñca sakalasarīre cammassa heṭṭhato maṃsaṃ pariyonandhitvā ṭhitaṃ appaṭicchannakilomakasaṅkhātāñcāti duvidhaṃ pariyonahanamaṃsaṃ. **Pihakam** hadayassa vāmapasse udarapaṭalassa matthakapassaṃ nissāya ṭhitaṃ udarajivhāmaṃsaṃ. **Papphāsam** sarīrabbhantare dvinnaṃ thanānaṃ antare hadayayakanānaṃ upari chādetvā olambantaṃ ṭhitaṃ dvattiṃsamamaṃsakaṇḍappabhedam papphāsamaṃsaṃ.

1. Vaṇṇakammaṭṭhānaṃ (Sī)

2. Likhāmattaṃ (Syā, Ka)

Antarā upari galavāṭake heṭṭhā karīsamagge vinibandhattā galavāṭakakarīsamaggapariyante sarīrabbhantare ṭhitā purisassa dvattimsahatthā itthiyā aṭṭhavīsatihatthā ekavīsatiyā ṭhānesu obhaggā antavattī. **Antaḡaṇaṃ** antabhoge ekato agalante ābandhitvā ekavīsatiyā antabhogānaṃ antarā ṭhitaṃ bandhanaṃ. **Udariyaṃ** dantamusalasañcuṇṇitaṃ jivhāhatthaparivattitaṃ kheḷalālāpalibuddhaṃ taṃkhaṇavigatavaṇṇagandharasādisampadaṃ tantavāyakhalisuvānavamathusadisāṃ nipatitvā pittasemhavāṭapaliveṭṭhitaṃ hutvā udaraggisantāpavegakuthitaṃ kimikulākulaṃ uparūpari pheṇabubbulakāni muñcantāṃ paramakasambukaduggandhajegucchabhāvaṃ āpajjitvā āmāsayaśāṅkhāte uparinābhi-antapaṭale ṭhitaṃ nānappakāraṃ asitapītakhāyitasāyitaṃ. **Karīsaṃ** pakkāsayaśāṅkhāte heṭṭhā nābhipiṭṭhikaṇṭamūlānaṃ antare ubbedhena aṭṭhaṅgulamatte antāvasāne ṭhitaṃ vaccāṃ. **Pittaṃ** hadayamaṃsapapphāsānaṃ antare yakanamaṃsaṃ nissāya ṭhitaṃ mahākosātakīkosakasādise pittakosake ṭhitaṃ baddhapittasaṅkhātāñca, kesalomanakhadantānaṃ maṃsaviniṃmuttaṭṭhānañceva thaddhasukkhacammañca ṭhapetvā avasesaṃ sarīraṃ byāpetvā ṭhitaṃ abaddhapittasaṅkhātāñcāti duvidhaṃ pittaṃ.

Semhaṃ udarapaṭale ṭhitaṃ ekapattapūrapamāṇaṃ¹ semhaṃ. **Pubbo** khāṇukaṇṭakapaharaṇaggiḷālādīhi abhigate vā sarīrappadesse abbhantaradhātukkhobhavasena vā uppannesu gaṇḍapīlakādīsū paripakkalohitapariṇāmo. **Lohitaṃ** yakanassa heṭṭhābhāgaṃ pūretvā hadayavakkapapphāsānaṃ upari thokaṃ thokaṃ paggharantaṃ vakkahadayayakanapapphāse temayamānaṃ ṭhitaṃ ekapattapūramattaṃ sannicalohitasāṅkhātāñca, kesalomanakhadantānaṃ maṃsaviniṃmuttaṭṭhānañceva thaddhasukkhacammañca ṭhapetvā dhamaniḷālānusārena sabbaṃ upādiṇṇasarīraṃ pharivā ṭhitaṃ sāmsaraṇalohitasāṅkhātāñcāti duvidhaṃ lohitaṃ. **Sedo** aggisantāpasūriyasantāpa-utuvikārādīhi santatte sarīre sabbakesalomakūpavivarehi paggharaṇaka-āpodhātu. **Medo** thūlassa sakalasarīre cammamaṃsantare kisassa jaṅghamaṃsādīni nissāya ṭhito thinasineho. **Assu** somanassadomanassavisabhāgāhāra-utūhi samuṭṭhahitvā akkhikūpake pūretvā tiṭṭhantī vā paggharantī vā āpodhātu.

1. Ekapattapūrapamāṇaṃ (Sī, Syā)

Vasā aggisantāpasūriyasantāpa-utuvisabhāgehi usmājātesu yebhuyyena hatthatalahatthapiṭṭhipādatalapādapiṭṭhināsāpuṭanalāṭa-aṃsakūtesu ṭhito vilīnasineho. **Kheḷo** tathārūpaṃ āhāraṃ passantassa vā sarantassa vā mukhe vā ṭhapentassa hadayaṃ vā ākilāyantassa kismiñcideva vā jiguccham uppādentassa bhiyyo uppajjitvā ubhohi kapolapassehi oruyha jivhāya tiṭṭhamānā pheṇamissā āpodhātu. **Singhāṇikā** visabhāgāhāra-utuvāsena sañjātadhātukkabhassa vā rodantassa vā antosīse matthaluṅgato galitvā tālumatthakavivarena otarivā nāsāpuṭe pūretvā tiṭṭhantam vā paggharantam vā pūti asuci picchilam. **Lasikā** aṭṭhisandhīnam abbhāñjanakiccam sādhayamānam asītisatasandhīnam abbhantare ṭhitam picchilakuṇapam. **Muttam** āhāra-utuvāsena vatthipuṭabbhantare ṭhitā āpodhātu. **Matthaluṅgam** sīsakaṭāhabbhantare cattāro sibbinimamme nissāya ṭhito catupiṇḍasamodhāno miñjarāsi.

Cakkhāyatanādīni dvādasā vissajjanāni dvādasāyatanavasena niddiṭṭhāni. Āyatanato, āyānam tananato, āyatassa ca nayanato āyatanam. Cakkhurūpādīsu hi taṃtaṃdvārārammaṇā cittacetāsikā dhammā sena sena anubhavanādinā kiccena āyatanti utṭhahanti ghaṭanti¹, vāyamantīti vuttam hoti. Te ca pana āyabhūte dhamme etāni tanonti, vitthārentīti vuttam hoti. Idañca anamatagge saṃsāre pavattam atīva āyatam saṃsāradukkham yāva na nivattati, tāva nayanti, pavattayantīti vuttam hoti.

Apica nivāsaṭṭhānaṭṭhena ākaraṭṭhena samosaraṇaṭṭhānaṭṭhena sañjātidesaṭṭhena kāraṇaṭṭhena ca āyatanam. Tathā hi loke “isarāyatanam vāsudevāyatanan”ti-ādīsu nivāsaṭṭhānam “āyatanan”ti vuccati. “Suvaṇṇāyatanam rajatāyatanan”ti-ādīsu ākaro. Sāsane pana “manorame āyatane, sevanti nam vihaṅgamā”ti-ādīsu² samosaraṇaṭṭhānam. “Dakkhīṇāpatho gunnam āyatanan”ti-ādīsu sañjātideso. “Tatra tatreva sakkhitabbatam pāpuṇāti sati sati-āyatane”ti-ādīsu³ kāraṇam. Cakkhu-ādīsu cāpi te te cittacetāsikā dhammā nivasanti tadāyattavuttitāyāti cakkhādayo nesaṃ

1. Ghaṭenti (Sī)

2. Am 2. 36 piṭṭhe.

3. Am 1. 256; Am 2. 14 piṭṭhesu.

nivāsaṭṭhānaṃ, cakkhādīsu ca te ākiṇṇā tannissayattā tadārammaṇattā cāti cakkhādayo ca nesaṃ ākaro, tattha tattha vatthudvārārammaṇavasena samosaraṇato cakkhādayo ca nesaṃ samosaraṇaṭṭhānaṃ, taṃnissayārammaṇabhāvena tattheva uppattito cakkhādayo ca nesaṃ sañjātideso, cakkhādīnaṃ abhāve abhāvato cakkhādayo ca nesaṃ kāraṇanti yathāvuttenatthena cakkhu ca taṃ āyatanañcāti **cakkhāyatanaṃ**. Evaṃ sesānipi.

Cakkhudhātādīni aṭṭhārasa vissajjanāni aṭṭhārasadhātuvasena niddiṭṭhāni. Cakkhādīsu ekeko dhammo yathāsambhavaṃ vidahati, dhīyate, vidhānaṃ, vidhīyate etāya, ettha vā dhīyatīti **dhātu**. Lokiyā hi dhātuyo kāraṇabhāvena vavatthitā hutvā suvaṇṇarajatādīdhātuyo viya suvaṇṇarajatādīm, anekappakāraṃ saṃsāradukkhaṃ vidahanti. Bhārahārehi ca bhāro viya sattehi dhīyante, dhārīyantīti attho. Dukkha vidhānamattameva cetā avasavattanato. Etāhi ca kāraṇabhūtāhi¹ saṃsāradukkhaṃ sattehi anuvīdhīyati. Tathāvīhitañcetaṃ etāsveva dhīyati, ṭhapīyatīti attho. Apica yathā tīthiyānaṃ atthā nāma sabhāvato natthi, na evametā. Etā pana attano sabhāvaṃ dhārentīti dhātuyo. Yathā ca loke vicittā haritālamanosilādayo selāvayavā dhātuyoti vuccanti, evametāpi dhātuyo viyāti dhātuyo. Vicittā hetā nāṇaneyyāvayavāti. Yathā vā sarīrasaṅkhātassa samudāyassa avayavabhūtesu rasasaṇitādīsu aññamaññavisabhāgalakkhaṇaparicchinnesu dhātusamaññā, evamevetesupi pañcakkhandhasaṅkhātassa attabhāvassa avayavesu dhātusamaññā veditabbā.

Aññamaññavisabhāgalakkhaṇaparicchinā hete cakkhādayoti. Apica **dhātūti** nijjīvamattassetāṃ adhivacanaṃ. Tathā hi Bhagavā “chadhāturo ayaṃ bhikkhu puriso”ti-ādīsu² jīvasaññāsamūhananattamaṃ dhātudesanaṃ akāsīti. Yathāvuttenatthena cakkhu ca taṃ dhātu cāti **cakkhudhātu**. Evaṃ sesāpi.

Manodhātūti ca tisso manodhātuyo. **Dhammadhātūti**

vedanāsaññāsaṅkhārakkhandhā soḷasa sukhumarūpāni nibbānañca.

Manoviññāṇadhātūti chasattati manoviññāṇadhātuyo.

1. Kāraṇabhūtāhi (Sī, Syā, Ka), Abhi-Ṭṭha 2. 72; Visuddhi 2. 116 piṭṭhe pana passitabbaṃ.

2. Ma 3. 282 piṭṭhe.

Cakkhundriyāđiñi bāvīsati vissajjanāni bāvīsatiñdriyavasena niddiṭṭhāni. Cakkhumeva dassanalakkhaṇe indaṭṭhañ kāretīti **cakkhundriyañ**. Sotameva savanalakkhaṇe indaṭṭhañ kāretīti **sotindriyañ**. Ghānameva ghāyanalakkhaṇe indaṭṭhañ kāretīti **ghāñdriyañ**. Jivhā eva sāyanalakkhaṇe indaṭṭhañ kāretīti **jivhindriyañ**. Kāyo eva phusanalakkhaṇe indaṭṭhañ kāretīti **kāyindriyañ**. Manate iti mano, vijānātīti attho. Aṭṭhakathācariyā panāhu—nāliyā minamāno viya mahātulāya dhārayamāno viya ca ārammaṇaṃ manati jānātīti mano, tadeva mananalakkhaṇe indaṭṭhañ kāretīti **manindriyañ**. Jīvanti tena taṃsahajātā dhammāti jīvitañ, tadeva anupālanalakkhaṇe indaṭṭhañ kāretīti **jīvitindriyañ**. Tañ rūpajīvitindriyañ arūpajīvitindriyanti duvidhañ. Sabbakammajarūpasahajañ saharūpānupālanāñ rūpajīvitindriyañ, sabbacittasahajañ saharūpānupālanāñ arūpajīvitindriyañ. Thīyati sañghātañ gacchati etissā gabbhoti itthī, itthilingādīsū indaṭṭhañ kāretīti indriyañ, niyamato itthiyā eva indriyañ **itthindriyañ**. Puñvuccati nirayo, puñsañkhāte niraye risīyati himsiyātīti puriso, purisalingādīsū indaṭṭhañ kāretīti indriyañ, niyamato purisasseva indriyañ **purisindriyañ**. Dvīsūpetesu ekekañ sabhāvakassa ekekassa kammajarūpasahajañ hoti.

Kusalavipākakāyaviññāṇasampayuttañ sukhañ, kāyikasātalakkhaṇe indaṭṭhañ kāretīti indriyañ, sukhameva indriyañ **sukhindriyañ**. Akusalavipākakāyaviññāṇasampayuttañ dukkhañ, kāyika-asātalakkhaṇe indaṭṭhañ kāretīti indriyañ, dukkhameva indriyañ **dukkhindriyañ**. Pītisomanassayogato sobhanañ mano assāti sumano, sumanassa bhāvo somanassañ, cetasikasātalakkhaṇe indaṭṭhañ kāretīti indriyañ, somanassameva indriyañ **somanassindriyañ**. Domanassayogato duṭṭhu mano assāti, hīnavedanattā vā kucchitañ mano assāti dummano, dummanassa bhāvo domanassañ, cetasika-asātalakkhaṇe indaṭṭhañ kāretīti indriyañ, domanassameva indriyañ **domanassindriyañ**. Sukhadukkhākārapavattim upekkhati majjhatakkārasaṅghatattā tenākārena pavattatīti upekkhā, majjhatalakkhaṇe indaṭṭhañ kāretīti indriyañ, upekkhā eva indriyañ **upekkhindriyañ**.

Saddahanti etāya, sayam vā saddahati, saddahanamattameva vā esāti saddhā, assaddhiyassa abhibhavanato adhipati-atthena indriyam, adhimokkhalakkhaṇe vā indaṭṭham kāretīti indriyam, saddhāyeva indriyam **saddhindriyam**. Vīrabhāvo vīriyam, vīraṇam vā kammaṃ, vidhinā vā nayena īrayitabbaṃ pavattayitabbanti vīriyam, kosajjassa abhibhavanato adhipati-atthena indriyam, paggahaṇalakkhaṇe vā indaṭṭham kāretīti indriyam, vīriyameva indriyam **vīriyandriyam**. Saranti tāya, sayam vā sarati, saraṇamattameva vā esāti sati, muṭṭhasaccassa abhibhavanato adhipati-atthena indriyam, upaṭṭhānalakkhaṇe vā indaṭṭham kāretīti indriyam, sati eva indriyam **satindriyam**. Ārammaṇe cittaṃ sammā ādhiyati ṭhapetīti samādhi, vikkhepassa abhibhavanato adhipati-atthena indriyam, avikkhepalakkhaṇe vā indaṭṭham kāretīti indriyam, samādhi eva indriyam **samādhindriyam**. “Idaṃ dukkhaṃ”ti-ādinā nayena ariyasaccāni pajānātīti paññā. Aṭṭhakathāyaṃ¹ pana “aniccaṃ dukkhamanattāti paññāpanavasena paññā”ti vuttaṃ. Avijjāya abhibhavanato adhipati-atthena indriyam, dassanalakkhaṇe vā indaṭṭham kāretīti indriyam, paññā eva indriyam **paññindriyam**.

Anamatagge saṃsāraṇaṭṭe anaññātaṃ amataṃ padaṃ, catusaccadhamameva vā jānissāmīti paṭipannassa uppajjanato indriyaṭṭhasambhavato ca **anaññātaññassāmītindriyam**. Sotāpattimaggañāṇassetam nāmaṃ. Paṭhamamaggena ñātaṃ mariyādaṃ anatikkamitvā tesamīyeva tena maggena ñātānaṃ catusaccadhamānameva jānanato indriyaṭṭhasambhavato ca ājānanakaṃ indriyam **aññindriyam**. Sotāpattiphalādīsu chasu ṭhānesu ñāṇassetam nāmaṃ. Aññātāvino catusaccesu niṭṭhitañāṇakiccassa khīṇāsavassa uppajjanato indriyaṭṭhasambhavato ca **aññātāvindriyam**, aññātāvīnaṃ vā catūsu saccesu niṭṭhitakiccānaṃ cattāri saccāni paṭivijjhivā ṭhitānaṃ dhammaṇaṃ abbhantare indaṭṭhasādhanena aññātāvindriyam. Arahattaphalañāṇassetam nāmaṃ. Sabbānipetāni yathāyogaṃ indaliṅgaṭṭhena indadesitaṭṭhena indadiṭṭhaṭṭhena indasitṭhaṭṭhena indajuṭṭhaṭṭhena ca indriyāni. Bhagavā hi Sammāsambuddho paramissariyabhāvato indo, kusalākusalaṅca kammaṃ kammesu kassaci issariyābhāvato. Tenevettha kammajanitāni indriyāni kusalākusalakammaṃ

1. Abhi-Ṭṭha 1. 191 piṭṭhe.

ullīṅgenti, tena ca siṭṭhānīti indaliṅgaṭṭhena indasiṭṭhaṭṭhena ca indriyāni. Sabbāneva panetāni Bhagavatā munindena yathābhūtaṭṭhena pakāsītāni abhisambuddhāni cāti indadesitaṭṭhena indadiṭṭhaṭṭhena ca indriyāni. Teneva ca Bhagavatā munindena kānici gocarāsevanāya, kānici bhāvanāsevanāya sevitānīti indajuṭṭhaṭṭhenapi indriyāni. Api ca ādhipaccasaṅkhātena issariyaṭṭhenapi etāni indriyāni. Cakkhuvīṇṇāṇāḍipavattiyam hi cakkhādīnam siddhamādhipaccam tasmim tikkhe tikkhattā mande ca mandattāti.

5. **Kāmadhātu**-ādīni dvādasa vissajjanāni bhavappabhedavasena niddiṭṭhāni. Kāmarāgasāṅkhātena kāmena yuttā dhātu **kāmadhātu**, kāmasāṅkhātā vā dhātu kāmadhātu. Kāmam pahāya rūpena yuttā dhātu **rūpadhātu**, rūpasāṅkhātā vā dhātu rūpadhātu. Kāmañca rūpañca pahāya arūpena yuttā dhātu **arūpadhātu**, arūpasāṅkhātā vā dhātu arūpadhātu. Tā eva dhātuyo puna bhavapariyāyena vuttā. Bhavātīti hi bhavoti vuccatī. Saññāya yutto bhavo **saññābhavo**, saññāsahagato vā bhavo saññābhavo, saññā vā ettha bhavati atthīti saññābhavo. So kāmabhavo ca asaṅñābhavamutto rūpabhavo ca nevasaññānāsaṅñābhavamutto arūpabhavo ca hoti. Na saññābhavo **asaññābhavo**, so rūpabhavekadeso. Oḷārikattābhāvato nevasaññā, sukhumattena sambhavato nāsaññāti nevasaññānāsaññā, tāya yutto bhavo **nevasaññānāsaññābhavo**, atha vā oḷārikāya saññāya abhāvā, sukhumāya ca bhāvā nevasaññānāsaññā asmiṃ bhaveti nevasaññānāsaññābhavo, so arūpabhavekadeso. Ekena rūpakkhandhena vokiṇṇo bhavo ekena vokāro assa bhavassāti **ekavokārabhavo**, so asaṅñābhavova. Catūhi arūpakkhandhehi vokiṇṇo bhavo catūhi vokāro assa bhavassāti **catuvokārabhavo**, so arūpabhavo eva. Pañcahi khandhehi vokiṇṇo bhavo pañcahi vokāro assa bhavassāti **pañcavokārabhavo**, so kāmabhavo ca rūpabhavekadeso ca hoti.

6. **Paṭhamajjhānā**ādīni dvādasa vissajjanāni jhānasamāpattivāsena niddiṭṭhāni. **Jhānanti** idha brahmavihāramattaṃ adhippetam. Vitakkavicārapītisukhacittekaggatāsampayuttam **paṭhamam jhānam**. Pītisukhacittekaggatāsampayuttam **dutiyam jhānam**.

Sukhacittekaggatāsampayuttaṃ **tatiyaṃ jhānaṃ**.

Upekkhācittekaggatāsampayuttaṃ **catutthaṃ jhānaṃ**. Medati mejjatīti mettā, siniyhatīti attho. Mitte vā bhavā, mittassa vā esā pavattīti mettā, paccanīkadhammehi muttattā ārammaṇe cādhimuttattā vimutti, cetaso vimutti cetovimutti, mettā eva cetovimutti **mettācetovimutti**. Karuṇā vuttatthā eva. Modanti tāya taṃsamaṅgino, sayam vā modati, modanamattameva vā tanti **muditā**. “Averā hontū”ti-ādibyāpārappahānena majjhhattabhāvūpagamanena ca upekkhatīti **upekkhā**. Mettādayo tayo brahmavihārā paṭhamādīhi tīhi jhānehi yuttā, upekkhābrahmavihāro catutthajjhānena yutto.

Pharaṇavasena natthi etassa antoti ananto, ākāso ananto ākāśānanto, kaṣiṇugghāṭimākāso. Ākāśānantoyeva ākāśānañcaṃ, taṃ ākāśānañcaṃ adhiṭṭhānaṭṭhena āyatanamassa sasampayuttadhammassa jhānassa “devānaṃ devāyatanamivā”ti ākāśānañcāyatanam, ākāśānañcāyatanameva samāpatti **ākāśānañcāyatanasamāpatti**. Pharaṇavasena ca natthi etassa antoti anantaṃ, taṃ ākāśārammaṇam viññānaṃ. Anantameva ānañcaṃ, viññānaṃ ānañcaṃ “viññānañcaṃ”ti avatvā “viññānañcaṃ”ti vuttam. Ayam hettha ruḥhisaddo. Taṃ viññānañcaṃ adhiṭṭhānaṭṭhena āyatanamassa sasampayuttadhammassa jhānassa “devānaṃ devāyatanamivā”ti **viññānañcāyatanam**. Natthi etassa kiñcananti akiñcanam, antamaso bhaṅgamattampi assa avasiṭṭham natthīti vuttam hoti. Akiñcanassa bhāvo ākiñcaññaṃ.

Ākāśānañcāyatanaviññānābhāvassetam adhivacanam. Taṃ ākiñcaññaṃ adhiṭṭhānaṭṭhena āyatanamassa sasampayuttadhammassa jhānassa “devānaṃ devāyatanamivā”ti **ākiñcaññāyatanam**. Oḷārikāya saññāya abhāvato, sukhumāya ca bhāvato nevassa sasampayuttadhammassa jhānassa saññā nāsaññāti nevasaññānāsaññaṃ, nevasaññānāsaññaṃ ca taṃ manāyatana-dhammāyatanapariyāpannattā āyatanañcāti **nevasaññānāsaññāyatanam**. Atha vā yāyamettha saññā sā paṭusaññākiñcaṃ kātuṃ asamattatāya nevasaññā, sañkhārāvasesasukhumabhāvena vijjamānattā nāsaññāti nevasaññānāsaññā, nevasaññānāsaññā ca sā sesadhammānaṃ adhiṭṭhānaṭṭhena āyatanañcāti nevasaññānāsaññāyatanam. Ākiñcaññāyatanārammaṇāya samāpattiyā etaṃ adhivacanam. Na kevalam ettha

saññāva edisī, atha kho vedanāpi nevavedanā nāvedanā. Cittampi nevacittam̐ nācittam̐. Phassopi nevaphasso nāphasso. Esa nayo sesasampayuttadhammesu. Saññāsīsena panāyam̐ desanā katāti.

Avijjādīni dvādasa vissajjanāni paṭiccasamuppādaṅgavasena niddiṭṭhāni. Pūretum̐ ayuttaṭṭhena kāyaduccaritādi avindiyam̐ nāma, aladdhabbanti attho. Tam̐ avindiyam̐ vindatīti **avijjā**. Tabbiparītato kāyasucaritādi vindiyam̐ nāma, tam̐ vindiyam̐ na vindatīti avijjā, khandhānam̐ rāsaṭṭham̐, āyatanānam̐ āyatanatṭham̐, dhātūnam̐ suññaṭṭham̐, indriyānam̐ adhipatiyaṭṭham̐, saccānam̐ tathaṭṭham̐ aviditam̐ karotīti avijjā, dukkhādīnam̐ pīḷanādivasena vuttam̐ catubbidham̐ catubbidham̐ attham̐ aviditam̐ karotītipi avijjā, antavirahite saṃsāre sabbayonigatibhavaviññāṇaṭṭhitisattāvāsesu satte javāpetīti avijjā, paramatthato vijjamānesu itthipurisādīsū javati, vijjamānesupi khandhādīsū na javatīti avijjā, api ca cakkhuviññāṇādīnam̐ vatthārammaṇānam̐ paṭiccasamuppādapāṭiccasamuppānānañca dhammānam̐ chādanatopi avijjā. Saṅkhatamabhisāṅkharontīti **saṅkhārā**. Vijānātīti **viññāṇam̐**. Namatīti **nāmam̐**, nāmayatīti vā nāmam̐, ruppātīti **rūpam̐**. Āye tanoti, āyatañca nayatīti **āyatanam̐**. Phusatīti **phasso**. Vedayatīti **vedanā**. Paritassatīti **taṇhā**. Upādiyati bhusam̐ gaṇhātīti **upādānam̐**. Bhavati, bhāvayatīti vā **bhavo**. Jananam̐ **jāti**. Jīraṇam̐ **jarā**. Maranti etenāti **maraṇam̐**.

7. **Dukkhā**dīni aṭṭhasatāni aṭṭha ca vissajjanāni catusaccayojanāvasena niddiṭṭhāni. “Dukkham̐ abhiññeyyan”ti-ādīsū hi channam̐ catukkānam̐ vasena catuvīsati vissajjanāni “cakkhu jarāmarāṇan”ti peyyāle “cakkhu abhiññeyyam̐ sotam̐ abhiññeyyan”ti-ādīnā “jāti abhiññeyyā”ti pariyosānena pañcanavutādhikena vissajjanasatena yojetvā vuttāni. Pañcanavutādhikam̐ catukkasatam̐ hoti, tesam̐ catukkānam̐ vasena asīti-adhikāni sattā vissajjanasatāni. “Jarāmarāṇam̐ abhiññeyyan”ti-ādike catukke “cattāri vissajjanānī”ti evam̐ sabbāni aṭṭha ca satāni aṭṭha ca vissajjanāni honti. Ettha ca tassa tassa dhammassa padhānabhūto paccayo samudayoti veditabbo, sabbasaṅkhārehi suññam̐ nibbānam̐ nirodhoti veditabbam̐. Anaññātāññassāmītindriyādīnam̐ tiṇṇampi hi lokuttarindriyānam̐ ettha abhāvam̐ sandhāya anaññātāññassāmītindriyanirodhoti-ādī

yujjati. Nirodhagāminipaṭipadāti ca sabbattha ariyamaggo eva. Evaṃ hi vuccamāne phalepi maggavohārasambhavato aññindriya-aññātāvindriyānampi yujjati. Puna dukkhādīnaṃ pariññatṭhādivasena aṭṭhasatāni aṭṭha ca vissajjanāni niddiṭṭhāni, puna dukkhādīnaṃ pariññāpaṭivedhaṭṭhādivasena aṭṭhasatāni aṭṭha ca vissajjanāni niddiṭṭhāni. Pariññā ca sā paṭivijjhitaṭṭhena paṭivedho cāti pariññāpaṭivedho, pariññāpaṭivedhova attho **pariññāpaṭivedhaṭṭho**.

8. Puna tāneva dukkhādīni jarāmaṇapariyantāni dvi-adhikāni dve padasatāni samudayādīhi sattahi sattahi padehi yojetvā dvi-adhikānaṃ dvinnaṃ aṭṭhakasatānaṃ vasena sahassañca cha ca satāni soḷasa ca vissajjanāni niddiṭṭhāni. Tattha padhānabhūto paccayo samudayo, tassa nirodho **samudayanirodho**. Chando eva rāgo chandarāgo, dukkhe sukhasaññāya dukkhassa chandarāgo, tassa nirodho **chandarāganirodho**. Dukkhaṃ paṭicca uppajjamānaṃ sukhaṃ somanassaṃ **dukkhassa assādo**. Dukkhassa aniccataṃ dukkhassa vipariṇāmadhammatā **dukkhassa ādīnavo**. Dukkhe chandarāgavinayo chandarāgappahānaṃ **dukkhassa nissaraṇaṃ**. “Yaṃ kho pana kiñci bhūtaṃ saṅkhatāṃ paṭiccasamuppannaṃ nirodho tassa nissaraṇaṃ”¹ vacanato nibbānameva dukkhassa nissaraṇaṃ. “Dukkhanirodho samudayanirodho chandarāganirodho dukkhassa nissaraṇaṃ”ti nānāsaṅkhatapaṭipakkhavasena nānāpariyāyavacanehi catūsu ṭhānesu nibbānameva vuttanti veditabbaṃ. Keci pana “āhārasamudayā dukkhasamudayo āhāranirodhā dukkhanirodho sarasavasena samudayanirodho, atha vā udayabbayadassanena samudayanirodho saha vipassanāya maggo chandarāganirodho”ti vadanti. Evañca vuccamāne lokuttarindriyānaṃ avipassanūpagattā na sabbasādhāraṇaṃ hotīti paṭhamāṃ vuttanayova gaḥetabbo. Lokuttarindriyesu hi chandarāgābhāvatoyeva chandarāganirodhoti yujjati. Sarīre chandarāgeneva sarīrekadesesu kesādīsupi chandarāgo katova hoti, jarāmaṇavantesu chandarāgeneva jarāmaṇesupi chandarāgo katova hoti. Evaṃ assādādīnavāpi yojetabbā. Puna dukkhādīni jarāmaṇapariyantāni dvi-adhikāni dve padasatāni samudayādīhi chahi

1. Khu 9. 26 piṭṭhe.

chahi padehi yojetvā dvi-adhikānaṃ dvinnaṃ sattakasatānaṃ vasena
nayasahassaṅca cattāri ca satāni cuddasa ca vissajjanāni niddiṭṭhāni.

9. Idāni rūpādīni jarāmaṇapariyantāni ekādhikāni dve padasatāni
sattahi anupassanāhi yojetvā niddisituṃ paṭhamāṃ tāva
aniccānupassanādayo satta anupassanā niddiṭṭhā. Tāni sabbāni sattahi
suddhika-anupassanāvissanāvissajjanehi saddhiṃ sahassaṅca cattāri ca
satāni cuddasa ca vissajjanāni honti. Aniccanti anupassanā **aniccānupassanā**.
Sā niccasaññāpaṭipakkhā. Dukkanti anupassanā **dukkhānupassanā**. Sā
sukhasaññāpaṭipakkhā. Anattāti anupassanā **anattānupassanā**. Sā
attasaññāpaṭipakkhā. Tissannaṃ anupassanānaṃ paripūrattā nibbindatīti
nibbidā, nibbidā ca sā anupassanā cāti **nibbidānupassanā**. Sā
nandipaṭipakkhā. Catassannaṃ anupassanānaṃ paripūrattā virajjatīti virāgo,
virāgo ca so anupassanā cāti **virāgānupassanā**. Sā rāgapaṭipakkhā.
Pañcannaṃ anupassanānaṃ paripūrattā rāgaṃ nirodhetīti nirodho, nirodho
ca so anupassanā cāti **nirodhānupassanā**. Sā samudayaṭipakkhā. Channaṃ
anupassanānaṃ paripūrattā paṭinissajjatīti paṭinissaggo, paṭinissaggo ca so
anupassanā cāti **paṭinissaggānupassanā**. Sā ādānapaṭipakkhā.
Lokuttarindriyānaṃ asatipi vipassanūpagatte “sabbe saṅkhārā aniccā, sabbe
saṅkhārā dukkhā, sabbe dhammā anattā”¹ti vacanato tesampi
aniccadukkhānattattā tattha nicasukhattasaññānaṃ nandiyā rāgassa ca
abhāvo nirodhavantānīti anupassanato
pariccāgapaṭinissaggapakhandanapaṭinissaggasambhavato ca tehipi satta
anupassanā yojitāti veditabbā. Jarāmaṇavantesu aniccādito diṭṭhesu
jarāmaṇampi aniccādito diṭṭhaṃ nāma hoti, jarāmaṇavantesu
nibbindanto virajjanto jarāmaṇe nibbinno ca viratto ca hoti,
jarāmaṇavantesu nirodhato diṭṭhesu jarāmaṇampi nirodhato diṭṭhaṃ
nāma hoti, jarāmaṇavantesu² paṭinissajjanto jarāmaṇaṃ
paṭinissajjantova hotīti jarāmaṇehi satta anupassanā yojitāti veditabbā.

10. Idāni ādīnavañāssa vatthubhūtānaṃ uppādādīnaṃ pañcannaṃ
ārammaṇānaṃ vasena uppādādīni tesāṃ vevacanāni pañcadasa vissajjanāni
niddiṭṭhāni,

1. Khu 1. 53; Khu 9. 36 piṭṭhesu.

2. Jarāmaṇavante (Sī)

santipadañāṇassa tappaṭipakkhārammaṇavasena anuppādādīni pañcadassa vissajjanāni niddiṭṭhāni, puna tāneva uppādānuppādādīni padāni yugaḷakavasena yojetvā tiṃsa vissajjanāni niddiṭṭhāni. Evaṃ imasmiṃ nayeva saṭṭhi vissajjanāni honti. Tattha **uppādoti** purimakammaṇapaccayā idha uppatti. **Pavattanti** tathā-uppannessa pavatti. **Nimittanti** sabbampi saṅkhāranimittam. Yogāvacarassa hi saṅkhārā sasaṅghānā viya upaṭṭhahanti, tasmā nimittanti vuccanti. **Āyūhanāti** āyatim paṭisandhihetubhūtam kammaṃ. Tam hi abhisankharaṇaṭṭhena āyūhanāti vuccati. **Paṭisandhīti** āyatim uppatti. Sā hi bhavantarapaṭisandhānato paṭisandhīti vuccati. **Gatīti** yāya gatiyā sā¹ paṭisandhi hoti. Sā hi gantabbato gatīti vuccati. **Nibbattīti** khandhānam nibbattanam. **Upapattīti** “samāpannessa vā upapannassa vā”²ti evaṃ vuttā vipākapavatti. **Jātīti** jananam. Tattha tattha nibbattamānānam sattānam ye ye khandhā pātubhavanti, tesam tesam paṭhamam pātubhāvo. **Jarātīti** jīraṇam. Sā duvidhā ṭhitaññathattalakkhaṇasaṅkhātāni saṅkhatalakkhaṇāṇca khaṇḍiccādisammato santatiyaṃ ekabhavapariyāpannakhandhānam purāṇabhāvo ca. Sā idha adhippetā. **Byādhīti** dhātukkabhavapaccayasamuṭṭhito pittasemhavātasannipāta-utuvipariṇāmaṇisamaparīhāra-upakkamakammavipākaṇavasena aṭṭhavidho ābādhō. Vividham dukkham ādahati vidahatīti byādhi, byādhayati tāpeti, kampayatīti vā byādhi. **Marāṇanti** maranti etenāti maraṇam. Tam duvidham vayalakkhaṇasaṅkhātāni saṅkhatalakkhaṇāṇca ekabhavapariyāpannajīvitindriyappabandhavicchedo ca. Tam idha adhippetam. **Sokoti** socanam. **Ñātibhogarogasiladiṭṭhibyasanehi** phuṭṭhassa cittasantāpo. **Paridevoti** paridevanam. **Ñātibyasanādīhiyeva** phuṭṭhassa vacīpalāpo. **Upāyāsoti** bhuso āyāso. **Ñātibyasanādīhiyeva** phuṭṭhassa adhimattacetodukkhappabhāvito dosoyeva. Ettha ca uppādādayo pañceva ādīnavañāṇassa vatthavasena vuttā, sesā tesam vevacanavasena. “Nibbattī”¹ti hi uppādassa, “jātī”²ti paṭisandhiyā vevacanam, “gati upapattī”²ti idam dvayam pavattassa, jarādayo nimittassāti. Anuppādādivacanehi pana nibbānameva vuttam.

Puna tāneva uppādānuppādādīni saṭṭhi padāni dukkhasukhapadehi yojetvā saṭṭhi vissajjanāni, bhayakhemapadehi yojetvā saṭṭhi vissajjanāni,

1. Yā (Sī)

2. Khu 9. 81 piṭṭhe.

sāmisānirāmisapadehi yojetvā saṭṭhi vissajjanāni, saṅkhāranibbānapadehi yojetvā saṭṭhi vissajjanāni niddiṭṭhāni. Tattha **dukkhanti** aniccattā dukkham. Dukkhaṭṭipakkhato **sukham**. Yaṃ dukkham, taṃ **bhayaṃ**. Bhayaṭṭipakkhato **khemam**. Yaṃ bhayaṃ, taṃ vaṭṭāmisalokāmisēhi avippamuttattā **sāmisam**. Sāmisapaṭṭipakkhato **nirāmisam**. Yaṃ sāmisam, taṃ saṅkhāramattameva. Saṅkhārapaṭṭipakkhato santattā **nibbānam**. Saṅkhārā hi ādittā, nibbānam santanti. Dukkhākārena bhayākārena sāmisākārena saṅkhārākārenāti evaṃ tena tena ākārena pavattim sandhāya tathā tathā vuttanti veditabbanti.

11. **Pariggahaṭṭhādīni** ekatimsa vissajjanāni ariyamaggakkhaṇavasena niddiṭṭhāni. Ariyamaggasampayuttā hi dhammā ādito pabhuti uppādanattham pariggayhante iti pariggahā, tesam sabhāvo **pariggahaṭṭho**. Tesāmyeva aññamaññaparivārabhāvena **parivāraṭṭho**. Bhāvanāpāripūrivasena **paripūraṭṭho**¹. Tesāmyeva samādhivasena ekārammaṇapariggahamaṭṭhitvā **ekaggaṭṭho**. Nānārammaṇavikkhepābhāvamamaṭṭhitvā **avikkhepaṭṭho**. Vīriyavasena **paggaṭṭho**. Samādhivasena udakena nhānīyacuṇṇānam viya avippakiṇṇatā **avisāraṭṭho**. Samādhiyogena alulitattā **anāvilatṭho**. Avikampitattā **aniñjanaṭṭho**. **Ekattupaṭṭhānavasena**ti samādhiyogena ca ekārammaṇe bhusam paṭiṭṭhānavasena ca. **Ṭhitatṭho**ti ārammaṇe niccalabhāvena paṭiṭṭhitatṭho. Tassa nibbānārammaṇassa ālambanabhāvena **ārammaṇatṭho**. Tattheva nikāmacārabhāvena **gocaraṭṭho**. Nissaraṇapahānabhāvena nibbānassa **pahānatṭho**. Kilesapariccāgavasena ariyamaggassa **pariccāgatṭho**. Dubhato vuṭṭhānavasena **vuṭṭhānatṭho**. Nimittapavattehi nivattanavasena **nivattanatṭho**. Nibbutattā **santatṭho**. Atappakattā uttamattā ca **paṇītatṭho**. Kilesehi vimuttattā, ārammaṇe ca adhimuttattā **vimuttatṭho**. Āsavānam avisayabhāvena parisuddhattā **anāsavaṭṭho**. Kilesakantārasamsārakantārātikkamanena **taraṇatṭho**. Saṅkhāranimittābhāvena **animittatṭho**. Taṇhapaṇidhi-abhāvena **appaṇihitatṭho**. Attasārābhāvena **suññatatṭho**. Vimuttirasena ekarasatāya, samathavipassanānam ekarasatāya vā **ekarasatṭho**. Samathavipassanānam aññamaññam **anativattanatṭho**. Tesāmyeva **yuganaddhatṭho**. Ariyamaggassa saṅkhārato

1. Paripūriṭṭho (Sī)

niggamanena **niyyānaṭṭho**. Nibbānasampāpanena **hetuṭṭho**¹.
Nibbānapaccakkhakarāṇena **dassanaṭṭho**. Adhipatibhāvena
ādhipateyyaṭṭhoti.

12. **Samathādīni** cattāri vissajjanāni samathavipassanāvasena
niddiṭṭhāni. Aniccādivasena anu anu passanato **anupassanaṭṭho**.
Yuganaddhassa samathavipassanādvayassa ekarasabhāvena **anativattanaṭṭho**.
Sikkhādīni nava vissajjanāni ariyamaggassa ādimajjhapariyosānavasena
niddiṭṭhāni. Sikkhitabbattā **sikkhā**. Tassā samādāttabbato **samādānaṭṭho**. Sīle
patiṭṭhāya kammaṭṭhānavasena gahitassa ārammaṇassa
bhāvanāpavattiṭṭhānattā (gocaraṭṭhānattā ca)² **gocaraṭṭho**. Samathakāle
vipassanākāle vā kosajjavasena līnassa cittassa
dhammavicayavīriyapītisambojjhaṅgabhāvanāvasena ussāhanaṭṭho
paggaṭṭho. Uddhaccavasena uddhatassa cittassa passaddhisamādhi-
upekkhāsambojjhaṅgabhāvanāvasena sannisīdāpanaṭṭho **niggaṭṭho**. **Ubho**
visuddhānanti ubhato visuddhānaṃ, līnuddhatapakkhato nivāretvā
visuddhānaṃ cittānanti attho. Majjhimabhāve ṭhitānaṃ santativasena
pavattamānānaṃ cittānaṃ vasena bahuvacanaṃ katanti veditabbaṃ.
Ussāhanasannisīdāpanesu sabyāpārābhāvo **ajjupekkhanaṭṭho**.
Samappavattassa cittassa vasena bhāvanā **visesādhigamaṭṭho**.
Ariyamaggapātubhāvavasena **uttaripaṭivedhaṭṭho**.
Ariyamaggasiddhacatusaccapaṭivedhavasena **saccābhisamayāṭṭho**.
Phalasaṃpattivasena nirodhe **paṭiṭṭhāpakāṭṭho**. Sā hi taṃsamaṅgipuggalaṃ
nirodhasaṅkhāte nibbāne paṭiṭṭhāpeti.

Saddhindriyādīni pañca vissajjanāni indriyaṭṭhavasena vuttāni.
Adhimokkhaṭṭhoti adhimuccanaṭṭho. **Upaṭṭhānaṭṭhoti** ārammaṇaṃ upecca
patiṭṭhānaṭṭho. **Dassanaṭṭhoti** sabhāvapekkhanaṭṭho. **Saddhābalādīni** pañca
vissajjanāni balaṭṭhavasena niddiṭṭhāni. Akampiyaṭṭhena saddhāva balanti
saddhābalaṃ. **Assaddhiyeti** assaddhiyena. **Assaddhiyanti** ca
saddhāpaṭipakkhabhūto cittuppādo. **Akampiyaṭṭhoti** akampetabbaṭṭho,
kampetuṃ na sakkāti attho. **Kosajjeti** kusītabhāvasaṅkhātena thinamiddhena.
Pamādeti satipaṭipakkhena cittuppādena. **Uddhacceti** avūpasamasāṅkhātena
uddhaccena. **Avijjāyāti** mohena. **Satisambojjhaṅgādīni** satta vissajjanāni
bojjhaṅgaṭṭhavasena niddiṭṭhāni. Bujjhanakassa

1. Hetattho (Syā)

2. (...) Sī-Syā-pothakesu natthi.

aṅgo bojjhaṅgo, pasattho sundaro ca bojjhaṅgo sambojjhaṅgo, satieva sambojjhaṅgo **satisambojjhaṅgo**. Dhamme vicinātīti dhammavicayo. Paññāyetaṃ nāmaṃ. **Pavicayaṭṭhoti** vicāraṭṭho¹. Pīnayatīti **pīti**. **Pharaṇaṭṭhoti** visaraṇaṭṭho. Passambhanaṃ **passaddhi**. **Upasamaṭṭhoti** niddarathaṭṭho. Upapattito ikkhatīti **upekkhā**, samaṃ pekkhati apakkhapatitāva hutvā pekkhatīti attho. Sā idha tatramajjhattupekkhā, bojjhaṅgupekkhātīpi tassā nāmaṃ. Samavāhitalakkhaṇatā **paṭisaṅkhānaṭṭho**.

Sammādiṭṭhādīni aṭṭha vissajjanāni maggavasena niddiṭṭhāni. Sammā passati, sammā vā tāya passanti, passatthā sundarā vā diṭṭhīti sammādiṭṭhi. Tassā **sammādiṭṭhiyā**. Sammā saṅkappeti, sammā vā tena saṅkappenti, passattho sundaro vā saṅkappoti **sammāsaṅkappo**. **Abhiropanaṭṭhoti** cittassa ārammaṇāropanaṭṭho. Ārammaṇabhiniropanaṭṭhotīpi pāṭho. Sammā vadati, sammā vā tāya vadanti, passatthā sundarā vā vācāti **sammāvācā**. Micchāvācāvīriyā etaṃ nāmaṃ. **Pariggahaṭṭhoti** catubbidhavacīsaṃvarapariggahaṭṭho. Sammā karoti, sammā vā tena karonti, passatthaṃ sundaraṃ vā kammanti sammākammaṃ, sammākammameva **sammākammanto**. Micchākammantavīriyā etaṃ nāmaṃ. **Samuṭṭhānaṭṭhoti** tivīdhakāyaṃ varasamuṭṭhānaṭṭho. Sammā ājīvati, sammā vā tena ājīvanti, passattho sundaro vā ājīvoti **sammā-ājīvo**. Micchājīvavīriyā etaṃ nāmaṃ. **Vodānaṭṭhoti** parisuddhaṭṭho. Sammā vāyāmati, sammā vā tena vāyāmati, passattho sundaro vā vāyāmoti **sammāvāyāmo**. Sammā sarati, sammā vā tāya saranti, passatthā sundarā vā satīti **sammāsati**. Sammā samādhīyati, sammā vā tena samādhīyanti, passattho sundaro vā samādhīti **sammāsamādhī**.

13. **Indriyādīni** dasa vissajjanāni rāsikatvā anupubbapaṭipāṭivasena niddiṭṭhāni. **Ādhipateyyaṭṭhoti** indaṭṭhakaraṇavasena adhipati-attho. **Akampiyyaṭṭhoti** paṭipakkhehi kampetum asakkuṇeyyaṭṭho. **Niyyānaṭṭhoti** lokiyalokuttarānampi paṭipakkhato niggamanaṭṭho. **Hetuṭṭhoti** micchādīṭṭhādīnaṃ pahānāya sammādiṭṭhādayo hetūti vā sabbepi sammādiṭṭhādayo nibbānasampāpakahetūti vā hetuṭṭho. Satipaṭṭhānesu

1. Vicayaṭṭho (Sī)

ārammaṇesu okkhanditvā pakkhanditvā upaṭṭhānato upaṭṭhānaṃ, satiyeva upaṭṭhānaṃ **satipaṭṭhānaṃ**. Kāyavedanācittadhammesu panassā asubhadukkhāniccānattākāragahaṇavasena subhasukhaniccattasaññāpahānakiccasādhanavasena ca pavattito catudhā bhedo hoti. Etāni pubbhāge nānācittesu labbhanti, maggakkhaṇe pana ekāyeva sati cattāri nāmāni labhati. Sammappadhānesu padahanti etenāti padhānaṃ, sobhanaṃ padhānaṃ **sammappadhānaṃ**, sammā vā padahanti etenāti sammappadhānaṃ, sobhanaṃ vā taṃ kilesavirūpattavirahato padhānañca hitasukhanipphādakattena seṭṭhabhāvāvahanato padhānabhāvakarāṇato vā sammappadhānaṃ. Vīriyassetamaṃ adhivacanaṃ. Uppannānuppannānaṃ anuppannuppannānañca akusalakusalānaṃ dhammānaṃ pahānānupatti-uppādaṭṭhitikiccasādhanavasena pavattito panassa catudhā bhedo hoti. Etānipi pubbhāge nānācittesu labbhanti, maggakkhaṇe pana ekameva vīriyaṃ cattāri nāmāni labhati. **Padahanaṭṭhoti** ussāhanaṭṭho. Padhānaṭṭhotipi pāṭho, soyevattho.

Iddhipādānanti ettha chandavīriyacittavīmaṃsāsu ekeko ijhatīti iddhi, samijjhati nipphajjati attho. Ijjhanti vā etāya sattā iddhā vuddhā ukkaṃsagatā hontīti iddhi, paṭhamenaṭṭhena iddhi eva pādo **iddhipādo**, iddhikoṭṭhāsoti attho. Dutiyenaṭṭhena iddhiyā pādoti iddhipādo. **Pādoti** patiṭṭhā, adhigamūpāyoti attho. Tena hi yasmā uparūpari visesasāṅkhātamaṃ iddhiṃ pajjanti pāpuṇanti, tasmā pādoti vuccati. Ete chandādayo pubbhāge adhipativasena nānācittesu labbhanti, maggakkhaṇe pana saheva labbhanti. **Ijjanatṭhoti** nipphajjanaṭṭho patiṭṭhānaṭṭho vā. **Saccānanti** catunnaṃ ariyasaccānaṃ. **Tathatṭhoti** yathāsabhāvaṭṭho. Imāni aṭṭha vissajjanāni lokiyalokuttaramissakāni. **Payogānanti**¹ catunnaṃ ariyamaggapayogānaṃ. **Paṭippassaddhatṭhoti** catunnaṃ ariyaphalānaṃ paṭippassaddhatṭho. Maggapayogo hi phalakkhaṇe paṭippassaddho hoti niṭṭhitakiccattā. Maggapayogānaṃ phalodayena paṭippassaddhabhāvo vā. **Phalānaṃ sacchikiriyatṭhoti** ariyaphalānaṃ paccavekkhaṇavasena paccakkhakarāṇatṭho. Ārammaṇasacchikiriyā vuttā hoti, phalakkhaṇe paṭilābhasacchikiriyā vā. **Vitakkā**dīni pañca vissajjanāni jhānaṅgavasena niddiṭṭhāni. Vitakkaṃ **vitakko**,

1. Yogānanti (Sī), Pāliyaṃ pana “maggānaṃ”ti dissati.

ūhananti vuttaṃ hoti. Vicaraṇaṃ **vicāro**, anusañcaraṇanti vuttaṃ hoti.

Upavicāraṭṭhoti anumajjanaṭṭho. **Abhisandanatṭho**ti temanaṭṭho

samādhivasena cittaṣṣa ekaggaṭṭho.

Āvajjanādīni pañcadasa vissajjanāni pakiṇṇakavasena niddiṭṭhāni. Pañcadvāraṇanodvāresu bhavaṅgārammaṇato aññārammaṇe cittasantānaṃ namentānaṃ dvinnaṃ cittaṇaṃ **āvajjanaṭṭho**. Viññāṇassa **viñānaṭṭho**. Paññāya **pañānaṭṭho**. Saññāya **sañjānaṭṭho**. Samādhissa **ekodaṭṭho**. Dutiyajjhānaṣṣim hi samādhi eko udetīti **ekodīti** vuccati, vitakkavicārehi anajjhāruḷhattā aggo seṭṭho hutvā uppajjatīti attho, Seṭṭhopi hi loke ekoti vuccati. Vitakkavicāravirahito vā eko asahāyo hutvā udetītipi vaṭṭati. Sabbopi vā kusalasamādhi nīvaraṇādīnaṃ uddhaccasseva vā paṭipakkhattā tehi anajjhāruḷhoti aggo hutvā udetīti vā tehi virahitoti asahāyo hutvā udetīti vā ekodīti yujjati. **Abhiññāya nātaṭṭho**ti nātapariññāya sabhāvajānaṭṭho. **Pariññāya tīraṇatṭho**ti tīraṇapariññāya aniccādito upaparikkhaṇatṭho. **Pahānassa pariccāgaṭṭho**ti pahānapariññāya paṭipakkhapajhanaṭṭho. Samappavattāya **bhāvanāya ekarasatṭho**. **Phassanatṭho**ti phusanaṭṭho vindanaṭṭho. Pīlābhāravahanādinā **khandhatṭho**. Suññādinā **dhātuṭṭho**. Sakasakamariyādāyatanādinā **āyatanatṭho**. Paccayehi saṅgamma katavasena **saṅkhataṭṭho**. Tabbiparītena **asaṅkhataṭṭho**.

14. **Cittatṭhādīni** pañcadasa vissajjanāni cittaṣṣambandhena niddiṭṭhāni. **Cittatṭho**ti ettha ārammaṇaṃ cintetīti cittaṃ, vijānātīti attho. Yaṃ panettha javanaṃ hoti, taṃ javanavīthivasena attano santānaṃ cinotītipi cittaṃ, yaṃ vipākaṃ hoti, taṃ kammakilesehi citantīpi cittaṃ, sabbampi yathānurūpaṃ cittaṭāya cittaṃ, cittaṅgaṇatāya cittaṃ, yaṃ vaṭṭassa paccayo hoti, taṃ saṃsāradukkaṃ cinotītipi cittaṃ. Evaṃ ārammaṇe cittaṭādito **cittatṭho**. Cittuppādane phaluppādane vā nāssa antaramatthīti anantaraṃ, anantarassa bhāvo ānantariyaṃ, cittaṣṣa ānantariyaṃ cittaṇantariyaṃ, so **cittānantariyatṭho**, arahato cuticittaṃ vajjetvā yassa kassaci samanantaraniruddhassa cittaṣṣa anantaracittuppādane samatthabhāvo maggacittaṣṣa anantaraṃ phaluppādane samatthabhāvoti adhippāyo. **Cittaṣṣa vuṭṭhānatṭho**ti

gotrabhucittassa nimittato, maggacittassa nimittapavattato¹ vuṭṭhānaṭṭho. **Cittassa vivaṭṭanaṭṭho** tasseva cittadvayassa yathāvuttato vuṭṭhitassa nibbāne vivaṭṭanaṭṭho. **Cittassa hetuṭṭho** cittassa hetupaccayabhūtanam navannaṃ hetūnaṃ hetuṭṭho. **Cittassa paccayaṭṭho** cittassa vatthārammaṇādīnaṃ anekesaṃ paccayānaṃ paccayaṭṭho. **Cittassa vatthuṭṭho** cittassa vatthubhūtanam cakkhusotaghānājjivhākāyahaḍḍaya-vatthūnaṃ vatthuṭṭho. **Cittassa bhūmaṭṭho** cittassa uppattidesavasena kāmāvacarādibhūmi-attho. **Cittassa ārammaṇaṭṭho** rūpādi-ārammaṇaṭṭho. Paricitassārammaṇassa sañcaraṇaṭṭhānaṭṭhena **gocaraṭṭho**. Upari vuttaviññānacariyāvasena **cariyaṭṭho**. Atha vā payogasamudācāraṭṭho cariyaṭṭho. Cittassa gamanābhāvepi dūrasantikārammaṇagahaṇavasena **gataṭṭho**. **Abhinīhāraṭṭho** gahitārammaṇato aññārammaṇamanasikāraṭṭhaṃ cittassa abhinīhāraṇaṭṭho. **Cittassa niyyānaṭṭho** maggacittassa vaṭṭato niyyānaṭṭho. “Nekkhammaṃ paṭiladdhassa kāmācchandaṭṭo cittaṃ nissāraṃ hoti”²ti-ādinaṃ² nayena **cittassa nissaraṇaṭṭho**.

15. **Ekattā**dīni dvācattālīsa viśajjanāni ekattasambandhena niddiṭṭhāni. **Ekatteti** ārammaṇekatte, ekārammaṇeti attho. Paṭhamajjhānavasena **pakkhandanaṭṭho**. Dutiyajjhānavasena **pasīdanaṭṭho**. Tatiyajjhānavasena **santiṭṭhanaṭṭho**. Catutthajjhānavasena **muccānaṭṭho**. Paccavekkhaṇavasena etaṃ santanti **passanaṭṭho**. **Yānikataṭṭhā**dayo pañca samādhissa vasībhāvavisesā. **Yānikataṭṭho**ti yuttayānasadisakataṭṭho. **Vatthukataṭṭho**ti patiṭṭhaṭṭhena vatthu viya kataṭṭho. **Anuṭṭhitaṭṭho**ti paccupaṭṭhitaṭṭho. **Paricitaṭṭho**ti samantato citaṭṭho. **Susamāradhaṭṭho**ti suṭṭhu samāradhaṭṭho, sukataṭṭho attho. Āvajjanasamāpajjana-adhiṭṭhānavuṭṭhānapaccavekkhaṇavasitāvasena vā paṭipāṭiyā pañca padāni yojetabbāni. Kasiṇādi-ārammaṇabhāvanāya sikhāppattakāle cittacetāsikānaṃ **pariggahaparivāraparipūraṭṭho**. Tesāmyeva sammā samāhitattā ekārammaṇe samosaraṇena **samodhānaṭṭho**. Tesāmyeva balappaṭṭiyā ārammaṇam abhibhavitvā patiṭṭhānavasena **adhiṭṭhānaṭṭho**. Samathassa vipassanāya vā ādito, ādarena vā sevanavasena **āsevanaṭṭho**. Vadḍhanavasena

1. Nimittapavattito (St)

2. Khu 9. 26, 207 piṭṭhe (tannissitapāli)

bhāvanaṭṭho. Punappunaṃ karaṇavasena **bahulīkammaṭṭho.** Bahulīkatassa suṭṭhu samuṭṭhitavasena **susamuggataṭṭho.** Susamuggatassa paccanīkehi suṭṭhu vimuttivasena ārammaṇe ca suṭṭhu adhimuttivasena **suvimuttaṭṭho.**

Bujjanaṭṭhādīni cattāri padāni bojjaṅgavasena vuttāni.
 Sotāpattimaggabojjaṅgānaṃ **bujjanaṭṭho.** Sakadāgāmimaggabojjaṅgānaṃ **anubujjhānaṭṭho.** Anāgāmimaggabojjaṅgānaṃ **paṭibujjanaṭṭho.**
 Arahattamaggabojjaṅgānaṃ **sambujjanaṭṭho.** Vipassanābojjaṅgānaṃ vā bujjhanaṭṭho. Dassanamaggabojjaṅgānaṃ anubujjanaṭṭho.
 Bhāvanāmaggabojjaṅgānaṃ paṭibujjanaṭṭho. Phalabojjaṅgānaṃ sambujjanaṭṭho. Yathāvuttanayeneva bojjaṅgānaṃ tassa tassa puggalassa bodhanādikaraṇena bodhanaṭṭhādayo cattāro atthā veditabbā.
 Yathāvuttānaṃyeva bojjaṅgānaṃ bujjhanaṭṭhena “bodho”ti laddhanāmassa puggalassa pakkhe bhavattā bodhipakkhiyā nāma. Tesāṃ yathāvuttānaṃyeva bodhipakkhiyaṭṭhādayo cattāro atthā veditabbā.
 Vipassanāpaññāvasena **jotanaṭṭho.** Kamato catumaggapaññāvasena **ujjotanaṇṇujjotanaṭṭho.** Kamato catumaggapaññāvasena vā jotanaṭṭhādayo, phalapaññāvasena sañjotanaṭṭho veditabbo.

16. **Patāpanaṭṭhādīni**¹ atthārassa vissajjanāni ariyamaggavasena niddiṭṭhāni. Ariyamaggo hi yassuppajjati, taṃ patāpeti pabhāseti virocāpetīti patāpano, tassa **patāpanaṭṭho.** Tasseva atipabhassarabhāvena sayāṃ **virocanaṭṭho.** Kilesānaṃ visosanena **santāpanaṭṭho.**
 Amalanibbānārammaṇattā **amalaṭṭho.** Sampayuttamalābhāvena **vimalaṭṭho.** Ārammaṇakaraṇamalābhāvena **nimmalaṭṭho.** Atha vā sotāpattimaggassa amalaṭṭho. Sakadāgāmi-anāgāmimaggānaṃ vimalaṭṭho. Arahattamaggassa nimmalaṭṭho. Atha vā sāvakamaggassa amalaṭṭho. Paccekabuddhamaggassa vimalaṭṭho. Sammāsambuddhamaggassa nimmalaṭṭho. Kilesavisamābhāvena **samaṭṭho.** “Sammā mānābhīsamayā”ti-ādīsu² viya kilesappahānaṭṭhena **samayaṭṭho.** Vikkhambhanatadaṅgasamucchedapaṭippassaddhinissaraṇa-saṅkhātesu pañcasu vivekesu samucchedavivekattā **vivekaṭṭho,** vinābhavaṭṭho. Nissaraṇaviveke nibbāne caraṇato **vivekacariyaṭṭho.** Pañcasu virāgesu

1. Pakāsanaṭṭhādīni (Sī)

2. Ma 1. 15; Aṃ 2. 215; Aṃ 1. 133 piṭṭhādīsu.

samucchedavirāgattā **virāgaṭṭho**, virajjanaṭṭho. Nissaraṇavirāge nibbāne caraṇato **virāgacariyaṭṭho**. Pañcasu nirodhesu samucchedanirodhattā **nirodhaṭṭho**. Dukkhanirodhe nibbāne caraṇato **nirodhacariyaṭṭho**. Pariccāgapakkhandanavosaggattā **vosaggaṭṭho**. Ariyamaggo hi samucchedavasena kilesappahānato pariccāgavosaggo, ārammaṇakaraṇena nibbānapakkhandanato pakkhandanavosaggo ca. Vipassanā pana tadaṅgavasena kilesappahānato pariccāgavosaggo, tanninnabhāvena nibbānapakkhandanato pakkhandanavosaggo. Na so idha adhippeto. Vosaggabhāvena caraṇato **vosaggacariyaṭṭho**. Pañcasu vimuttīsu samucchedavimuttittā **vimuttaṭṭho**. Nissaraṇavimuttiyaṃ caraṇato **vimutticariyaṭṭho**.

Chandavīriyacittavīmaṃsāsāṅkhātesu catūsu iddhipādesu ekeka-iddhipādavasena dasa dasa katvā caturiddhipādavasena **chandaṭṭhādīni** cattālīsa vissajjanāni niddiṭṭhāni. Kattukamyataṭṭho **chandaṭṭho**. Chandam sīsam katvā bhāvanārambhakāle **mūlaṭṭho**. Sahajātānam patiṭṭhābhāvena **pādaṭṭho**. Padaṭṭhoti vā pāṭho. Iddhipādattā adhipatibhāvena **padhānaṭṭho**. Payogakāle **ijjanaṭṭho**. Saddhāsampayogena **adhimokkhaṭṭho**. Vīriyasampayogena **paggaḥaṭṭho**. Satisampayogena **upaṭṭhānaṭṭho**. Samādhisampayogena **avikkhepaṭṭho**. Paññāsampayogena **dassanaṭṭho**. Paggahaṭṭho **vīriyaṭṭho**. Vīriyam sīsam katvā bhāvanārambhakāle mūlaṭṭho. Sayam vīriyattā paggaḥaṭṭho. Cintanaṭṭhādiko **cittaṭṭho**. Cittaṃ sīsam katvā bhāvanārambhakāle mūlaṭṭho. Upaparikkhanaṭṭho **vīmaṃsaṭṭho**. Vīmaṃsam sīsam katvā bhāvanārambhakāle mūlaṭṭho. Sayam vīmaṃsattā dassanaṭṭho.

17. **Dukkhassa pīlanaṭṭhoti**-ādīni soḷasa vissajjanāni saccānam tathalakkhaṇavasena niddiṭṭhāni. Dukkhadassaneneva **pīlanaṭṭho**. Dukkhaṃyūhanasamudayaḍassanena **saṅkhataṭṭho**. Sabbakilesasantāpaharasusītalamaḡgaḍassanena **santāpaṭṭho**. Avipariṇāmadhammanirodhaḍassanena **vipariṇāmaṭṭho**. Samudayaḍassaneneva **āyūhanaṭṭho**. Samudayaṃyūhitadukkhadassanena **nidānaṭṭho**. Viṣaṇṇogabhūtanirodhaḍassanena **saṇṇogaṭṭho**. Niyyānabhūtamaggaḍassanena **palibodhaṭṭho**. Nirodhaḍassaneneva **nissaraṇaṭṭho**. Avivekabhūtasamudayaḍassanena **vivekaṭṭho**. Saṅkhatabhūtamaggaḍassanena **asaṅkhataṭṭho**. Viṣabhūtadukkhadassanena **amataṭṭho**.

Maggadassaneneva **niyyānaṭṭho**. Nibbānasampattiyā ahetubhūta-samudayadassanena **hetuṭṭho**. Sududdasanirodhadassanena **dassanaṭṭho**. Kapaṇajanasadisadukkhadassanena uḷārakulasadiso **ādhipateyyaṭṭho** pātubhavaṭṭi. Evaṃ taṃtaṃsaccadassanena tadaññāsaccadassanena ca ekekassa saccassa cattāro cattāro lakkhaṇaṭṭhā vuttā.

Tathaṭṭhādīni dvādasa vissajjanāni sabbadhammasaṅgāhakadvādasa-padavasena niddiṭṭhāni. **Tathaṭṭho**ti yathāsabhāvaṭṭho. **Anattaṭṭho**ti attavirahitaṭṭho. **Saccaṭṭho**ti avisamvādanaṭṭho. **Paṭivedhaṭṭho**ti paṭivijjhitaṭṭho. **Abhijānaṭṭho**ti abhijānitaṭṭho. **Parijānaṭṭho**ti nātaṭṭiraṇapariññāya parijānitaṭṭho. **Dhammaṭṭho**ti sabhāvadhāraṇādi-attho. **Dhātuṭṭho**ti suññādi-attho. **Ñātaṭṭho**ti jānituṃ sakkuṇeyyaṭṭho. **Sacchikiriyāṭṭho**ti sacchikātaṭṭho. **Phassaṭṭho**ti ñāṇena phusitaṭṭho. **Abhisamayāṭṭho**ti paccavekkhaṇañāṇena abhisammāgantaṭṭho, ñāṇena paṭilābhitaṭṭho vā. Paṭilābhopi hi “atthābhisamayā dhīro”ti-ādīsu¹ viya abhisamayoti vuccati.

18. **Nekkhammā**dīni satta vissajjanāni upacārajjhānavasena niddiṭṭhāni. **Nekkhammanti** kāmaccandassa paṭipakkho alobho. **Ālokasaññāti** thinamiddhassa paṭipakkhe ālokanimutte saññā. **Avikkhepoti** uddhaccassa paṭipakkho samādhī. **Dhammavavattānanti** vicikicchāya paṭipakkhaṃ ñāṇaṃ. **Ñānanti** avijjāya paṭipakkhaṃ ñāṇaṃ. **Pāmojjanti** aratiṭipakkhā pīti. **Paṭhamajjhānā**dīni aṭṭha vissajjanāni rūpārūpasamāpattivasena niddiṭṭhāni. Heṭṭhā pana rūpasamāpatti-anantaraṃ rūpajjhānasambandhena cattāro brahmavihārā niddiṭṭhā.

Aniccānupassanādīni lokuttaramaggassa pubbabhāge aṭṭhārasamahāvīpassanāvasena niddiṭṭhāni. Heṭṭhā pana rūpādīhi yojanūpagā satta anupassanā eva vuttā, idha pana sabbāpi vuttā. Kalāpasammasana-udayabbayānupassanā kasmā na vuttāti ce? Tāsaṃ dvinnāṃ vasena aniccānupassanādināṃ sijjhanato imāsu vuttāsu tā dvepi vuttāva honti, aniccānupassanādīhi vā vinā tāsaṃ dvinnāṃ appavattito imāsu vuttāsu tā dvepi vuttāva honti. **Khayānupassanā**ti paccuppannānaṃ rūpakkhandaṭṭhādināṃ

1. Saṃ 1. 90 piṭṭhe.

bhaṅgadassanañāṇaṅca taṃtaṃkhandhabhaṅgadassanānantaraṃ tadārammaṇacittacetāsikabhaṅgadassanañāṇaṅca. **Vayānupassanā**ti paccuppannānaṃ khandhānaṃ bhaṅgadassanānantaraṃ tadanvayeneva atītānāgatakhandhānaṃ bhaṅgadassanañāṇaṃ. **Vipariṇāmānupassanā**ti tasmim̐ bhaṅgasaṅkhāte nirodhe adhimuttattā atha sabbepi atītānāgatapaccuppannā khandhā vipariṇāmavantoti sabbesaṃ vipariṇāmānupassanañāṇaṃ. **Animittānupassanā**ti evaṃ sabbasaṅkhārānaṃ vipariṇāmaṃ disvā aniccato vipassantassa aniccānupassanāva niccanimittapajahanavasena niccanimittābhāvā animittānupassanā nāma hoti. **Appaṇihitānupassanā**ti aniccānupassanānantaraṃ pavattā dukkhānupassanāva sukhapatthanāpajahanavasena paṇidhi-abhāvā appaṇihitānupassanā nāma hoti. **Suññatānupassanā**ti dukkhānupassanānantaraṃ pavattā anattānupassanāva attābhinivesapajahanavasena attasuññatānupassanā nāma hoti. **Adhipaññādhammavipassanā**ti evaṃsaṅkhārānaṃ bhaṅgaṃ passitvā passitvā aniccādito vipassantassa saṅkhārāva bhijjanti, saṅkhārānaṃ maraṇaṃ na añño koci atthīti bhaṅgavasena suññataṃ gahetvā pavattā vipassanā. Sā hi adhipaññā ca dhammesu ca vipassanāti katvā adhipaññādhammavipassanāti vuccati. **Yathābhūtañāḍadassananti** bhaṅgaṃ disvā disvā “sabhayā saṅkhārā”ti pavattaṃ bhayatupaṭṭhānañāṇaṃ. **Ādīnavānupassanā**ti bhayatupaṭṭhānavasena uppannaṃ sabbabhavādīsu ādīnavadassanañāṇaṃ. “Yā ca bhayatupaṭṭhāne paññā yaṅca ādīnave ñāṇaṃ yā ca nibbidā, ime dhammā ekatthā, byañjanaṃ nānaṃ”¹ vacanato bhayatupaṭṭhānādīnavānupassanāsu vuttāsu nibbidānupassanā idhāpi vuttāva hoti. Ādito catutthaṃ katvā vuttattā paṇidha na vuttā. **Paṭisaṅkhānupassanā**ti muñcitukamyatāñāṇavasena uppannaṃ muñcanassa upāyakaṇaṃ paṭisaṅkhānupassanāsaññitaṃ aniccadukkhānattānupassanañāṇaṃ. “Yā ca muñcitukamyatā yā ca paṭisaṅkhānupassanā yā ca saṅkhārupekkhā, ime dhammā ekatthā, byañjanaṃ nānaṃ”¹ vacanato paṭisaṅkhānupassanāya vuttāya muñcitukamyatāsaṅkhārupekkhāñāṇāni vuttāneva honti. **Vivaṭṭanānupassanā**ti anulomañāṇavasena uppannaṃ gotrabhuñāṇaṃ. Anulomañāṇena gotrabhuñāṇassa sijaṇato gotrabhuñāṇe vutte anulomañāṇaṃ vuttameva hoti. Evaṃ hi

1. Khu 9. 259 piṭṭhe.

aṭṭhārasannaṃ mahāvīpassanānaṃ paṭipāṭi vuccamānā Pāḷiyā sameti.

Vuttaṃ hi indriyakathāyaṃ—

“Pubbabhāge pañcahindriyehi paṭhamajjhānavasena pañcindriyāni
nissaṭāni honti, paṭhame jhāne pañcahindriyehi dutiyajjhānavasena
pañcindriyāni nissaṭāni honti”¹—

ādinā nayena yāva arahattaphalā uttaruttaripaṭipāṭiyā indriyāni vuttāni.

Tasmā aṭṭhārasa mahāvīpassanā yathāvuttakkamena Pāḷiyā yujjanti.

Visuddhimagge pana—

“Khayānupassanāti ghanavinibbhogaṃ katvā aniccaṃ khayaṭṭhenāti
evaṃ khayaṃ passato ñāṇaṃ. Vipariṇāmānupassanāti rūpasattaka-
arūpasattakādivasena² taṃ taṃ paricchedaṃ atikkamma aññathā
pavattidassanaṃ. Uppannassa vā jarāya ceva maraṇena ca dvīhākārehi
vipariṇāmadassanaṃ. Yathābhūtañāṇadassananti
sapaccayanāmarūpapariggaho”³—

vuttaṃ. Taṃ tāya Pāḷiyā viruddhaṃ viya dissati. Vivaṭṭanānupassanāti
saṅkhārupekkhā ceva anulomañcāti vuttaṃ. Tañca Pāḷiyā viruddhaṃ viya
dissati. Cariyākathāyaṃ hi—

“Aniccānupassanathāya āvajjanakiriyābyākātā viññāṇacariyā.
Aniccānupassanā ñāṇacariyā -pa- paṭisaṅkhānupassanathāya
āvajjanakiriyābyākātā viññāṇacariyā. Paṭisaṅkhānupassanā
ñāṇacariyā”³—

Yassa yassa ñāṇassa visum visum āvajjanaṃ labbhati, tassa tassa visum
visum āvajjanaṃ vuttaṃ. Vivaṭṭanānupassanāya pana āvajjanaṃ avatvāva
“vivaṭṭanānupassanā ñāṇacariyā”³ti vuttaṃ. Yadi
saṅkhārupekkhānulanomaññāṇāni vivaṭṭanānupassanā nāma siyuma,
tadāvajjanasambhavā tadatthāya ca āvajjanaṃ vadeyya, na ca tadatthāya
āvajjanaṃ vuttaṃ. Gotrabhuññassa pana visum

1. Khu 9. 207 piṭṭhe.

2. Rūpasattakādivasena (Visuddhi 2. 336 piṭṭhe)

3. Khu 9. 80 piṭṭhe.

āvajjanam natthi anulomāvajjanavīthiyamveva uppattito. Tasmā vivaṭṭanānupassanathāya āvajjanassa avuttattā gotrabhuññaṃveva “vivaṭṭanānupassanā”ti yujjati.

19. **Sotāpattimaggā**dīni aṭṭha vissajjanāni lokuttaramaggaphalavasena niddiṭṭhāni. Sotassa āpajjanam sotāpatti, sotāpatti eva maggo **sotāpattimaggo**. Sotāpattiyā phalaṃ sotāpattiphalaṃ, samāpajjiyatīti samāpatti, sotāpattiphalameva samāpatti **sotāpattiphalasamāpatti**. Paṭisandhivasena sakim yeva imam lokam āgacchatīti sakadāgāmī, tassa maggo **sakadāgāmimaggo**. Sakadāgāmissa phalaṃ **sakadāgāmiphalaṃ**. Paṭisandhivaseneva kāmabhavaṃ na āgacchatīti anāgāmī, tassa maggo **anāgāmimaggo**. Anāgāmissa phalaṃ **anāgāmiphalaṃ**. Kilesehi ārakattā, kilesārīnam hatattā, saṃsāracakkassa arānam hatattā, pāpakaraṇe rahābhāvā, paccayādīnam arahattā araham, arahato bhāvo arahattam. Kim tam? Arahattaphalaṃ. Arahattassa maggo **arahattamaggo**. Arahattameva phalaṃ **arahattaphalaṃ**.

“Adhimokkhaṭṭhena saddhindriyan”ti-ādīni “tathaṭṭhena saccā”ti pariyaṇṭāni tettimsa vissajjanāni niddiṭṭhāni. Heṭṭhā “saddhindriyassa adhimokkhaṭṭho”ti-ādīhi tettimsāya vissajjanehi samānāni. Kevalam hi tattha dhammehi atthā niddiṭṭhā, idha atthehi dhammā niddiṭṭhāti ayam viseso. “Avikkhepaṭṭhena samatho”ti-ādīnaṃca catunnam vissajjanānam heṭṭhā “samathassa avikkhepaṭṭho”ti-ādīnaṃca catunnam vissajjanānam viseso vuttanayeneva veditabbo.

Samvaratthenāti-ādīni aṭṭha vissajjanāni sīlādibalapariyosānadhammavasena niddiṭṭhāni. **Sīlavisuddhī**ti suparisuddhapātīmokkhasamvarādicatubbidham sīlam dussīlyamalavisodhanato. **Cittavisuddhī**ti sa-upacārā aṭṭha samāpattiyo. Cittasīsena hettha samādhi vutto. So cittamalavisodhanato cittavisuddhi. **Diṭṭhivisuddhī**ti nāmarūpanam yathāsabhāvadassanam sattadiṭṭhimalavisodhanato diṭṭhivisuddhi. **Muttaṭṭhenā**ti tadaṅgavasena upakkilesato vimuttaṭṭhena ārammaṇe ca adhimuttaṭṭhena. **Vimokkhoti** tadaṅgavimokkho. **Paṭivedhaṭṭhena vijjāti** pubbenivāsānussatiññaṃ purimabhavapaṭivedhaṭṭhena vijjā,

satiyā upaṭṭhite ārammaṇe sabbe pi kusalā dhammā sakam sakam kiccam sādheti, tasmā **sati adhipateyyaṭṭhenā**ti vuttam. **Paññā taduttaraṭṭhenā**ti ariyamaggapaññā tesam kusalānam dhammānam uttaraṭṭhena seṭṭhaṭṭhena abhiññeyyā. Atha vā tato kilesehi, saṃsāraṇaṭṭato vā uttarati samatikkamatīti taduttarā, tassā attho taduttaraṭṭho. Tena **taduttaraṭṭhena**. Tatuttaraṭṭhenātipi pāṭho, tato uttaraṭṭhenāti attho. **Vimutti saraṭṭhenā**ti phalavimutti aparihānivasena thirattā sāro, tam atikkamitvā aññassa pariyesitabbassa abhāvatopi sāro. Sā vimutti tena saraṭṭhena abhiññeyyā. **Amatogadham nibbānanti** natthi etassa maraṇasaṅkhātāmatanti amataṃ, kilesavisapaṭipakkhattā agadantipi amataṃ, sacchikiriyāya sattānam patiṭṭhābhūtanti ogadham, saṃsāradukkhasantibhūtattā nibbutanti nibbānam, natthettha taṇhāsaṅkhātā vānantipi nibbānam. Tam sāsanassa niṭṭhābhūtattā **pariyosānaṭṭhena abhiññeyyam**. Evaṃ imasmim abhiññeyyaniddese sattasahassāni sattasatāni cattālīsaṅca vissajjanāni honti.

Idāni tesam evam niddiṭṭhānam dhammānam “ye ye dhammā abhiññātā, te te dhammā ñātā hontī”ti nigamanam karoti, tassa abhimukham katvā ñātā hontīti adhippāyo. **Taññātattāna ñānanti** tesam vuttappakārānam dhammānam jānanaṭṭhena ñānam. **Pajānanaṭṭhena paññāti** pakārato jānanaṭṭhena paññā. **Tena vuccatīti**-ādito pucchitapucchā nigamtvā dassitā. Tena kāraṇena “ime dhammā abhiññeyyāti sotāvadhānam, tamajānanā paññā sutamaye ñānan”ti vuccatīti atthoti.

Saddhammappakāsiniyā Paṭisambhidāmaggaṭṭhakathāya

Abhiññeyyaniddesavaṇṇanā niṭṭhitā.

Pariññeyyaniddesavaṇṇanā

21. Pariññeyyaniddese kiñcāpi pariññāsaddena ñātapariññā tīraṇapariññā pahānapariññāti tisso pariññā saṅgahitā, heṭṭhā “abhiññeyyā”ti ñātapariññāya vuttattā upari “pahātabbā”ti pahānapariññāya vuttattā tīraṇapariññāva idha adhippetā. **Phasso sāsavo upādāni-**

yoti āsavānañceva upādānānañca paccayabhūto tebhūmakaphasso. Sopi hi attānaṃ ārammaṇaṃ katvā pavattamānehi saha āsavehīti sāsavo, ārammaṇabhāvaṃ upagantvā upādānasambandhanena upādānānaṃ hitoti upādāniyo. Yasmā phasse tīraṇapariññāya pariññāte phassamukhena sesāpi arūpadhammā tadanusārena ca rūpadhammā pariññāyanti, tasmā ekova phasso vutto. Evaṃ sesesupi yathāyogaṃ yojetabbaṃ.

Nāmantī cattāro khandhā arūpino nibbānañca. **Rūpanti** cattāri ca mahābhūtāni catunnañca mahābhūtānaṃ upādāyarūpāni catuvīsati. Cattāro khandhā namanaṭṭhena nāmaṃ. Te hi ārammaṇābhimukhā namanti. Sabbampi nāmanaṭṭhena nāmaṃ. Cattāro hi khandhā ārammaṇe aññamaññaṃ nāmenti, nibbānaṃ ārammaṇādhipatipaccayatāya¹ attani anavajjadamme nāmeti. Santativasena sītādīhi ruppanaṭṭhena rūpaṃ. **Ruppanaṭṭhenāti** kuppanaṭṭhena. Santativipariṇāmavasena hi sītādīhi ghaṭṭanīyaṃ dhammajātaṃ rūpanti vuccati. Idha pana nāmantī lokikameva adhippetāṃ, rūpaṃ pana ekantena lokikameva.

Tisso vedanāti sukhā vedanā dukkhā vedanā adukkhamasukhā vedanā. Tā lokikā eva. **Āhārāti** paccayā. Paccayā hi attano phalaṃ āharatīti āhārā. Kabaḷikāro āhāro phassāhāro manosañcetanāhāro viññāṇāhāroti cattāro. Vatthuvaseṇa kabaḷikātabbattā kabaḷikāro, ajjhoharitabbattā āhāro. Odanakummāsādivatthukāya ojāyetaṃ nāmaṃ. Sā hi ojaṭṭhamakarūpāni āharatīti āhāro. Cakkhusamphassādiko chabbidho phasso tisso vedanā āharatīti āhāro. Manaso sañcetanā, na sattassāti manosañcetanā yathā cittelkaggatā. Manasā vā sampayuttā sañcetanā manosañcetanā yathā ājaññaratho. Tebhūmakakusalākusalacetanā. Sā hi tayo bhava āharatīti āhāro. **Viññāṇanti** ekūnavīsati bhedaṃ paṭisandhiviññāṇaṃ. Taṃ hi paṭisandhināmarūpaṃ āharatīti āhāro. **Upādānakkhandhāti** upādānagocarā khandhā, majjhupadalopo daṭṭhabbo. Upādānasambhūtā vā khandhā upādānakkhandhā yathā

1. Ārammaṇa-ārammaṇādhipatipaccayatāya (Sī)

tiṇaggi thusaggi. Upādānavidheyā vā khandhā upādānakkhandhā yathā rājapuriso. Upādānappabhavā vā khandhā upādānakkhandhā yathā puppharukkho phalarukkho. Upādānāni pana kāmupādānaṃ diṭṭhupādānaṃ sīlabbatupādānaṃ attavādupādānanti cattāri. Atthato pana bhusaṃ ādānanti upādānaṃ. Rūpupādānakkhandho vedanupādānakkhandho saññupādānakkhandho saṅkhārupādānakkhandho viññāṇupādānakkhandhoti pañca.

Cha ajjhattikāni āyatanānīti cakkhāyatanam sotāyatanam ghānāyatanam jivhāyatanam kāyāyatanam manāyatanam.

Satta viññāṇaṭṭhitiyoti katamā satta. Vuttaṃ hetam Bhagavatā—

Santi bhikkhave¹ sattā nānattakāyā nānattasaññino. Seyyathāpi manussā ekacce ca devā ekacce ca vinipātikā. Ayaṃ paṭhamā viññāṇaṭṭhiti.

Santi bhikkhave sattā nānattakāyā ekattasaññino. Seyyathāpi devā brahmakāyikā paṭhamābhiniḍḍatā. Ayaṃ dutiyā viññāṇaṭṭhiti.

Santi bhikkhave sattā ekattakāyā nānattasaññino. Seyyathāpi devā Ābhassarā. Ayaṃ tatiyā viññāṇaṭṭhiti.

Santi bhikkhave sattā ekattakāyā ekattasaññino. Seyyathāpi devā Subhakiṇhā. Ayaṃ catutthā viññāṇaṭṭhiti.

Santi bhikkhave sattā sabbaso rūpasaññānaṃ samatikkamā paṭighasaññānaṃ atthaṅgamā nānattasaññānaṃ amanasikārā “ananto ākāso”ti Ākāsaññāyatanupagā. Ayaṃ pañcamī viññāṇaṭṭhiti.

Santi bhikkhave sattā sabbaso Ākāsaññāyatanam samatikkamma “anantaṃ viññāṇaṃ”ti Viññāṇaññāyatanupagā. Ayaṃ chaṭṭhā viññāṇaṭṭhiti.

1. Am 2. 427; Dī 3. 209 piṭṭhesu.

Santi bhikkhave sattā sabbaso viññāṇañcāyatanam samatikkamma “natthi kiñcī”ti Ākiñcaññāyatanūpagā. Ayam sattamī viññāṇaṭṭhiti. Imā kho bhikkhave satta viññāṇaṭṭhitiyoti¹.

Viññāṇaṭṭhitiyoti paṭisandhiviññāṇassa ṭhānāni saviññāṇakā khandhā eva. Tattha **seyyathāpī**ti nidassanatthe nipāto. **Manussāti** aparimāṇesupi cakkavāḷesu aparimāṇanam manussanam vaṇṇasaṅṭhānādivasena dvepi ekasadisā natthi. Yepi vaṇṇena vā saṅṭhānena vā sadisā honti, tepi ālokitavilokitādīhi visadisāva honti, tasmā **nānattakāyāti** vuttā. Paṭisandhisaññā pana nesaṃ tihetukāpi duhetukāpi ahetukāpi hoti, tasmā **nānattasaññīnoti** vuttā. **Ekacce ca devāti** cha kāmāvacaradevā. Tesu hi kesañci kāyo nīlo hoti, kesañci pītakādivaṇṇo, saññā pana nesaṃ tihetukāpi duhetukāpi hoti, ahetukā na hoti. **Ekacce ca vinipātīkāti** catu-apāyavinimuttā Punabbasumātā² yakkhinī, Piyaṅkaramātā, Phussamittā, Dhammaguttāti evamādayo aññe ca vemānikā³ petā. Etesaṃ hi odātakāḷamaṅguracchavisāmavaṇṇādivasena ceva kisathūlarassadīghavasena ca kāyo nānā hoti, manussānam viya tihetukadvihetukāhetukavasena saññāpi. Te pana devā viya na mahesakkhā, kapaṇamanussā viya appesakkhā dullabhaghāsacchādanā dukkhapīḷitā viharanti. Ekacce kāḷapakkhe dukkhitā juṅhapakkhe sukkhitā honti, tasmā sukhasamussayato vinipatitattā **vinipātīkāti** vuttā. Ye panettha tihetukā, tesam dhammābhisamayopi hoti Piyaṅkaramātādīnam viya.

Brahmakāyīkāti Brahmapārisajjabrahmapurohitamahābrahmāno. **Paṭhamābhiniḃbattāti** te sabbepi paṭhamajjhānena nibbattā. Brahmapārisajjā pana parittena, brahmapurohitā majjhimena, kāyo ca tesam vipphārikataro hoti. Mahābrahmāno paṇītena, kāyo pana nesaṃ ativipphārikataro hoti. Iti te kāyassa nānattā, paṭhamajjhānavasena saññāya ekattā **nānattakāyā ekattasaññīnoti** vuttā. Yathā ca te, evaṃ catūsu apāyesu sattā. Nirayesu hi kesañci gāvutaṃ, kesañci

1. Am 2. 427; Dī 3. 209 piṭṭhesu.

2. Uttaramātā (Dī-Ṭṭha 2. 100; Am-Ṭṭha 3. 163 piṭṭhesu) 3. Vematikā (Gaṇṭhipade)

aḍḍhajojanam, kesañci tigāvutaṃ attabhāvo hoti, Devadattassa pana yojanasatiko jāto. tiracchānesupi keci khuddakā honti, keci mahantā. Pettivisayesupi keci saṭṭhihatthā keci asītihatthā honti keci suvaṇṇā keci dubbāṇṇā. Tathā kālakañcikā asurā. Apicettha dīghapiṭṭhikā petā nāma saṭṭhiyojanikāpi honti, saññā pana sabbesampi akusalavipākāhetukāva hoti. Iti apāyikāpi “nānattakāyā ekattasaññino”ti saṅkham gacchanti.

Ābhassarāti daṇḍa-ukkāya acci viya etesaṃ sarīrato ābhā chijjivā chijjivā patantī viya sarati visaratīti ābhassarā. Tesu pañcakanaye dutiyatatiyajjhānadvayaṃ parittam bhāvetvā uppannā **parittābhā** nāma honti, majjhimam bhāvetvā uppannā **appamāṇābhā** nāma honti, paṇitam bhāvetvā uppannā **ābhassarā** nāma honti. Idha pana ukkaṭṭhaparicchedavasena sabbeva te gahitā. Sabbesaṃ hi tesam kāyo ekavipphārova hoti, saññā pana avitakkavicāramattā ca avitakka-avicārā cāti nānā.

Subhakiṇhāti subhena vokiṇṇā vikiṇṇā, subhena sarīrappabhāvaṇṇena ekagghanāti attho. Etesaṃ hi na ābhassarānaṃ viya chijjivā chijjivā pabhā gacchatīti. Catukkanaye tatiyassa, pañcakanaye catutthassa parittamajjhimapaṇītassa jhānassavasena **Parittasubha-appamāṇasubhasubhakiṇhā** nāma hutvā nibbattanti. Iti sabbepi te **ekattakāyā** ceva catutthajjhānasaññāya **ekattasaññino** cāti veditabbā. **Vehapphalā**pi catutthaviññāṇaṭṭhitimeva bhajanti. **Asaññasattā** viññāṇābhāvā ettha saṅgahaṃ na gacchanti, sattāvāsesu gacchanti.

Suddhāvāsā vivatṭapakkhe ṭhitā na sabbakālikā, kappasatasahassampi asaṅkhyeyampi Buddhasuññe loke na uppajjanti, soḷasakappasahabbhantare Buddhesu uppannesuyeva uppajjanti, dhammacakkappavattassa Bhagavato khandhāvārasadisā honti, tasmā neva viññāṇaṭṭhitim, na ca sattāvāsaṃ bhajanti. Mahāsīvatthero pana—“na kho pana so Sāriputta sattāvāso sulabharūpo, yo mayā anāvuttapubbo iminā dīghena addhunā aññatra suddhāvāsehi devehī”ti¹ iminā suttena suddhāvāsāpi

1. Ma 1. 116 piṭṭhe.

catuttham viññāṇaṭṭhitim catuttham sattāvāsāṅca bhajantīti vadati, tam appaṭibāhitattā suttassa anuññātam.

Nevasaññānāsaññāyatanam yatheva saññāya, evam viññāṇassāpi sukhumattā nevaviññāṇam nāviññāṇam, tasmā viññāṇaṭṭhitisu na vuttam.

Aṭṭha lokadhammāti lābho alābho yaso ayaso nindā pasamsā sukham dukkhanti ime aṭṭha lokappavattiyā sati anuparamadhammakattā lokassa dhammāti lokadhammā. Etehi mutto satto nāma natthi, Buddhānampi hontiyeva. Yathāha—

“Aṭṭhime bhikkhave lokadhammā lokam anuparivattanti, loko ca aṭṭha lokadhamme anuparivattati. Katame aṭṭha, lābho ca alābho ca yaso ca ayaso ca nindā ca pasamsā ca sukhañca dukkhañca. Ime kho bhikkhave aṭṭha lokadhammā lokam anuparivattanti, loko ca ime aṭṭha lokadhamme anuparivattatī”¹.

Tattha **anuparivattantī**ti anubandhanti nappajahanti, lokato na nivattantīti attho. **Lābhoti** pabbajitassa cīvarādi, gahaṭṭhassa dhanadhaññādi lābho. Soyeva alabbhamāno lābho **alābho**. Na lābho alābhoti vuccamāne atthābhāvāpattito pariññeyyo na siyā. **Yasoti** parivāro. Soyeva alabbhamāno yaso **ayaso**. **Nindā**ti avaṇṇabhaṇṇanam. **Pasamsā**ti vaṇṇabhaṇṇanam. **Sukhanti** kāmāvacarānam kāyikacetasikam. **Dukkhanti** puthujjanasotāpannasakadāgāmīnam kāyikacetasikam, anāgāmi-arahantānam kāyikameva.

Nava sattāvāsāti sattānam āvāsā, vasanaṭṭhānānīti attho. Tāni pana tathāpakāsītā khandhā eva. Katame nava. Vuttam hetam Bhagavatā—

Navayime bhikkhave² sattāvāsā. Katame nava, santi bhikkhave sattā nānattakāyā nānattasaññino, seyyathāpi manussā

1. Am 3. 7 piṭṭhe.

2. Am 3. 201; Dī 3. 218 piṭṭhesu.

ekacce ca devā ekacce ca vinipātikā. Ayaṃ paṭhamo sattāvāso.

Santi bhikkhave sattā nānattakāyā ekattasaññino, seyyathāpi devā brahmakāyikā paṭhamābhiniḍḍatā. Ayaṃ duttiyo sattāvāso.

Santi bhikkhave sattā ekattakāyā nānattasaññino, seyyathāpi devā Ābhassarā. Ayaṃ tatiyo sattāvāso.

Santi bhikkhave sattā ekattakāyā ekattasaññino, seyyathāpi devā Subhakiṇhā. Ayaṃ catuttho sattāvāso.

Santi bhikkhave sattā asaññino appaṭisaṃvedino, seyyathāpi devā Asaññasattā. Ayaṃ pañcamaṃ sattāvāso.

Santi bhikkhave sattā sabbaso rūpasaññānaṃ samatikkamā paṭighasaññānaṃ atthaṅgamā nānattasaññānaṃ amanasikārā “ananto ākāso”ti Ākāsānañcāyatanūpagā. Ayaṃ chaṭṭho sattāvāso.

Santi bhikkhave sattā sabbaso ākāsānañcāyatanāṃ samatikkamma “anantaṃ viññānaṃ”ti Viññāṇañcāyatanūpagā. Ayaṃ sattamaṃ sattāvāso.

Santi bhikkhave sattā sabbaso viññāṇañcāyatanāṃ samatikkamma “natthi kiñcī”ti Ākiñcaññāyatanūpagā. Ayaṃ aṭṭhamaṃ sattāvāso. Santi bhikkhave sattā sabbaso ākiñcaññāyatanāṃ samatikkamma Nevasaññānāsaññāyatanūpagā. Ayaṃ navamaṃ sattāvāso. Ime kho bhikkhave nava sattavāsāti¹.

Dasāyatanānīti cakkhāyatanāṃ rūpāyatanāṃ sotāyatanāṃ saddāyatanāṃ ghānāyatanāṃ gandhāyatanāṃ jivhāyatanāṃ rasāyatanāṃ kāyāyatanāṃ phoṭṭhabbāyatanānti evaṃ dasa. Manāyatanadhammāyatanāni pana lokuttaramissakattā na gahitāni. Imesu dasasu vissajjanesu vipassanāvasena

1. Am 3. 201; Dī 3. 218 piṭṭhesu.

tīraṇapariññā vuttā, “sabbaṃ bhikkhave pariññeyyaṃ”ti-ādīsu pana anaññātaññassāmītindriyādīnaṃ tiṇṇaṃ, nirodhapaṭipadānaṃ sacchikiriyābhāvanatṭhānaṃ tesāmyeva paṭivedhatṭhānaṃ dukkhādīnaṃ nissaraṇassa anuppādādīnaṃ pañcadasannaṃ, pariggahaṭṭhādīnaṃ ekatimsāya, uttaripaṭivedhatṭhādīnaṃ tiṇṇaṃ, maggaṅgānaṃ aṭṭhannaṃ, “payogānaṃ paṭippassaddhatṭho”ti-ādīnaṃ dvinnaṃ, asaṅkataṭṭhassa vuṭṭhānaṭṭhādīnaṃ dvinnaṃ, niyyānaṭṭhassa anubujjhanaṭṭhādīnaṃ tiṇṇaṃ, anubodhanaṭṭhādīnaṃ tiṇṇaṃ, anubodhapakkhiyādīnaṃ tiṇṇaṃ, ujjotanaṭṭhādīnaṃ catunnaṃ, patāpanaṭṭhādīnaṃ¹ aṭṭhārasannaṃ, vivaṭṭanānupassanādīnaṃ navannaṃ, khayeññāna-anuppādeññānaṃ paññāvimuttinibbānānanti imesaṃ dhammānaṃ paṭilābhavasena tīraṇapariññā vuttā, sesānaṃ yathāyogaṃ vipassanāvasena ca paṭilābhavasena ca tīraṇapariññā vuttāti veditabbā.

Yesāṃ yesāṃ dhammānaṃ paṭilābhatthāya vāyamantassa, te te dhammā paṭiladdhā honti. Evaṃ te dhammā pariññātā ceva honti tīritā cāti hi kiccasamāpanatṭhena tīraṇapariññā² vuttā. Kicce hi samāpīte te dhammā paṭiladdhā hontīti. Keci pana “avipassanūpagānaṃ³ ñātapariññā”ti vadanti. Abhiññeyyena ñātapariññāya vuttattā taṃ na sundaram. **Pariññātā ceva honti tīritā cāti** te paṭiladdhā eva dhammā pariññātā ca nāma honti, tīritā ca nāmāti attho. Evaṃ kiccasamāpanatthavasena pariññātattho vutto hoti.

22. Idāni tamevattham ekekaḍḍhamme paṭilābhavasena yojetvā ante ca nigametvā dassetuṃ **nekkhammanti**-ādimāha. Taṃ sabbaṃ pubbe vuttānusāreneva veditabbanti.

Pariññeyyaniddesavaṇṇanā niṭṭhitā.

Pahātabbaniddesavaṇṇanā

23. Pahātabbaniddese **asmimānoti** rūpādīsu pañcasu upādānakkhandhesu asmīti māno. Tasmim hi pahīne arahattaṃ pattaṃ hoti.

1. Pakāsanatṭhādīnaṃ (Sī)

2. Tīraṇapariññātā (Ka), tīraṇā (Syā)

3. Damdhavipassanūpagānaṃ (Sī)

Rūparāgādīsu vijjamānesupi sesāni avatvā asmimānasseva vacanaṃ diṭṭhipatirūpakattena tassa oḷārikattāti veditabbaṃ. **Avijjāti** suttantapariyāyena dukkhādīsu catūsu ṭhānesu aññāṇaṃ, abhidhammapariyāyena pubbantādīhi saddhiṃ aṭṭhasu. Vuttaṃ hetam—

“Tattha katamā avijjā, dukkhe aññāṇaṃ, dukkhasamudaye aññāṇaṃ, dukkhanirodhe aññāṇaṃ, dukkhanirodhagāminiyā paṭipadāya aññāṇaṃ, pubbante aññāṇaṃ, aparante aññāṇaṃ, pubbantāparante aññāṇaṃ, idappaccayatāpaṭiccasamuppannesu dhammesu aññāṇaṃ”ti¹.

Bhavataṇhāti kāmabhavādīsu bhavesu patthanā. Yathāha—

“Tattha katamā bhavataṇhā, yo bhavesu bhavacchando bhavarāgo bhavanandī bhavataṇhā bhavasineho bhavapariḷāho bhavamucchā bhavajjhosānaṃ”ti².

Tisso taṇhāti kāmataṇhā bhavataṇhā vibhavataṇhā. Tāsaṃ abhidhamme evaṃ niddeso kato—tattha katamā bhavataṇhā, bhavadiṭṭhisahagato rāgo -pa- cittaṣa sārāgo, ayaṃ vuccati bhavataṇhā. Tattha katamā vibhavataṇhā, ucchedadiṭṭhisahagato rāgo -pa- cittaṣa sārāgo, ayaṃ vuccati vibhavataṇhā. Avasesā taṇhā kāmataṇhā. Tattha katamā kāmataṇhā, kāmadhātupaṭisaṃyutto rāgo -pa- cittaṣa sārāgo, ayaṃ vuccati kāmataṇhā. Tattha katamā bhavataṇhā, rūpadhātu-arūpadhātupaṭisaṃyutto rāgo -pa-. Tattha katamā vibhavataṇhā, ucchedadiṭṭhisahagato rāgo -pa-³

Aṭṭhakathāyaṃ pana “pañcakāmaguṇiko rāgo kāmataṇhā, rūpārūpabhavesu rāgo jhānanikantisassatadiṭṭhisahagato rāgo bhavavasena patthanā bhavataṇhā, ucchedadiṭṭhisahagato rāgo vibhavataṇhā”ti vuttaṃ. Ayaṃ dasuttarasuttapariyāyena yojanā. Saṅgītipariyāyena pana abhidhammapariyāyena ca “aparāpi tisso taṇhā kāmataṇhā rūpataṇhā arūpataṇhā. Aparāpi tisso rūpataṇhā arūpataṇhā

1. Abhi 1. 222; Abhi 2. 142. piṭṭhesu.

2. Abhi 2. 372 piṭṭhe.

3. Abhi 2. 379, 380 piṭṭhesu.

nirodhataṇhāti¹ vuttā taṇhāpi ettha yujjanti. Tāsu pañca
kāmadhāturūpadhātu-arūpadhātupaṭisaṃyuttā, antimā ucchedadiṭṭhisahagatā.

Cattāro oghāti kāmogho bhavogho diṭṭhogho avijjogho. Yassa
saṃvijjanti, taṃ vaṭṭasmim̐ ohananti osīdāpentīti oghā. Balavakilesā etc.
Kāmaguṇasaṅkhāte kāme oggho kāmoggho. Kāmatāṇhāyetaṃ nāmaṃ.
Rūpārūpasāṅkhāte kammato ca upapattito ca duvidhepi bhavoggho
bhavoggho. Bhavataṇhāyetaṃ nāmaṃ. Diṭṭhi eva oggho diṭṭhoggho. “Sassato
loko”ti-ādikāya diṭṭhiyā etaṃ nāmaṃ. Avijjā eva oggho avijjoggho,
dukkhādīsū aññāṇassetāṃ nāmaṃ.

Pañca nīvaraṇānīti kāmaccandanīvaraṇaṃ byāpādanīvaraṇaṃ
thinamiddhanīvaraṇaṃ uddhaccakukkuccanīvaraṇaṃ vicikicchānīvaraṇaṃ.
Cittāṃ nīvaranti pariyoṇandhantīti nīvaraṇāni. Kāmīyantīti kāmā. Pañca
kāmaguṇā. Kāmesu chando kāmacchando. Kāmayatīti vā kāmo, kāmo eva
chando, na kattukamyatāchando na dhammacchandoti kāmacchando.
Kāmatāṇhāyetaṃ nāmaṃ. Byāpajjati tena cittāṃ pūtibhāvaṃ gacchati,
byāpādayati vā vinayācārārūpasampattihitasukhānīti byāpādo. Dosassetāṃ
nāmaṃ. Thinanatā thināṃ, middhanatā middhaṃ, anussāhasaṃhananatā
asatthivighāto cāti attho. Cittassa anussāho thināṃ, cetasikānaṃ
akammaññatā middhaṃ, thinañca middhañca thinamiddhaṃ. Uddhatassa
bhāvo uddhaccaṃ, avūpasamoti attho. Vikkhepassetaṃ nāmaṃ. Kucchitaṃ
kataṃ kukataṃ, kukatassa bhāvo kukuccaṃ, garahitakiriyabhāvoti attho.
Pacchānutāpassetaṃ nāmaṃ. Vigatā cikicchāti vicikicchā, vigatapaññāti
attho. Sabhāvaṃ vā vicinanto etāya kicchati kilamatīti vicikicchā.
Buddhādīsū saṃsayassetāṃ nāmaṃ. Kāmacchando eva nīvaraṇaṃ
kāmaccandanīvaraṇaṃ. Evaṃ sesesupi.

Cha dhammā, chaddhammāti vā pāṭho. **Cha taṇhākāyāti** rūpataṇhā
saddataṇhā gandhataṇhā rasataṇhā phoṭṭhabbatāṇhā dhammataṇhā. Rūpe
taṇhā rūpataṇhā. Sā eva kāmatāṇhādibhedena anekabhedattā rāsattṭhena
kāyoti vuttā. Evaṃ sesesupi.

1. Dī 3. 181; Abhi 2. 380 piṭṭhesu.

Sattānusayāti kāmarāgānusayo paṭighānusayo mānānusayo diṭṭhānusayo vicikicchānusayo bhavarāgānusayo avijjānusayo. Appahīnaṭṭhena anusentīti anusayā. Kāmesu rāgo kāmarāgo, kāmo eva vā rāgoti kāmarāgo. Ārammaṇasmim paṭihaññatīti paṭigham. Ayāthāvadassanaṭṭhena diṭṭhi. Seyyādivasena maññatīti māno. Bhavesu rāgo bhavarāgo. Thāmagato kāmarāgo kāmarāgānusayo. Evaṃ sesesupi.

Aṭṭha micchattāti micchādiṭṭhi micchāsaṅkappo micchāvācā micchākammanto micchā-ājīvo micchāvāyāmo micchāsati micchāsamādhī. “Hitasukhāvahā me bhavissanti”ti evaṃ āsīsītopi¹ tathā-abhāvato asubhādīsuyeva subhanti-ādiviparītappavattito ca micchāsabhāvāti micchattā. Micchā passati, micchā vā etāya passantīti micchādiṭṭhi. Atha vā viparītā diṭṭhīti micchādiṭṭhi, ayāthāvadiṭṭhīti vā micchādiṭṭhi, virajjhivā gahaṇato vā vitathā diṭṭhīti micchādiṭṭhi, anattāhāvattā paṇḍitehi kucchitā diṭṭhīti vā micchādiṭṭhi. Micchāsaṅkappādīsipi eseva nayo. **Micchādiṭṭhī**ti sassatucchēdābhīveso. **Micchāsaṅkappoti** kāmavitakkādītividho vitakko. **Micchāvācā**ti musāvādādicatubbidhā cetanā. **Micchākammantoti** pāṇātipātādītividhā cetanā. **Micchā-ājīvoti** micchājīvapayogasamuṭṭhāpikā cetanā. **Micchāvāyāmoti** akusalacittasampayuttaṃ vīriyaṃ. **Micchāsati**ti satipaṭipakkhabhūho akusalacittuppādo. **Micchāsamādhī**ti akusalasamādhī.

Nava taṇhāmūlakāti² taṇham paṭicca pariyesanā, pariyesanaṃ paṭicca lābho, lābham paṭicca vinicchayo, vinicchayaṃ paṭicca chandarāgo, chandarāgaṃ paṭicca ajjhosānaṃ, ajjhosānaṃ paṭicca pariggaho, pariggahaṃ paṭicca macchariyaṃ, macchariyaṃ paṭicca ārakkho, ārakkhādhikaraṇaṃ daṇḍādānasatthādānakalahaviggahavivādatuvaṃtūvaṃpesuññamusāvādā aneke pāpakā akusalā dhammā sambhavanti². Ime nava taṇhāmūlakā dhammā. Taṇhā mūlaṃ etesanti taṇhāmūlakā. Pariyesanādayo akusalā eva. **Taṇham paṭiccā**ti taṇham nissāya. **Pariyesanā**ti rūpādi-ārammaṇapariyesanā.

1. Āsīsītopi (Sī)

2-2. Dī 2. 50; Dī 3. 253 piṭṭhesu.

Sā hi taṇhāya sati hoti. **Lābhoti** rūpādi-ārammaṇapaṭilābho, so hi pariyesanāya sati hoti. Vinicchayo pana ñānataṇhādīṭṭhivitakkavasena catubbidho. Tattha “sukhavinicchayaṃ jaññā, sukhavinicchayaṃ ñatvā ajjhataṃ sukhamanuyuñjeyyā”¹ti¹ ayam **ñāṇavinicchayo**. “Vinicchayoti dve vinicchayā taṇhāvinicchayo ca diṭṭhivinicchayo cā”²ti² evaṃ āgatāni aṭṭhasatataṇhāvicarītāni **taṇhāvinicchayo**. Dvāsattḥi diṭṭhiyo **diṭṭhivinicchayo**. “Chando kho Devānaminda vitakkanidāno”³ti³ imasmim̐ pana sutte idha vinicchayoti vutto vitakkoyeva āgato. Lābhaṃ labhitvā hi iṭṭhāniṭṭhaṃ sundarāsundarañca vitakkeneva vinicchinati “ettakaṃ me rūpārammaṇatthāya bhavissati, ettakaṃ saddādi-ārammaṇatthāya, ettakaṃ mayhaṃ bhavissati, ettakaṃ parassa, ettakaṃ paribhuñjissāmi, ettakaṃ nidahissāmi”⁴ti. Tena vuttaṃ “lābhaṃ paṭicca vinicchayo”⁴ti. **Chandarāgoti** evaṃ akusalavitakkena vitakkite vatthusmim̐ dubbalarāgo ca balavarāgo ca uppajjati. **Chandoti** ettha dubbalarāgassādhivacanaṃ, **rāgoti** balavarāgassa. **Ajjhosānanti** ahaṃ mamāti balavasanniṭṭhānaṃ. **Pariggahoti** taṇhādīṭṭhivasena pariggahakaraṇaṃ. **Macchariyanti** parehi sādhāraṇabhāvassa asahanatā. Tenevassa porāṇā evaṃ vacanatthaṃ vadanti “idaṃ acchariyaṃ mayhameva hotu, mā aññassa acchariyaṃ hotūti pavattattā macchariyanti vuccatī”⁴ti. **Ārakkhoti** dvārapidahanamañjūsagopanādivasena suṭṭhu rakkhaṇaṃ. Adhikarotīti adhikaraṇaṃ. Kāraṇassetam̐ nāmaṃ. **Ārakkhādhikaraṇanti** bhāvanapumsakam̐, ārakkhahetūti attho. Daṇḍādānādīsu paranisedhanatthaṃ daṇḍassa ādānaṃ **daṇḍādānaṃ**. Ekatodhārādino satthassa ādānaṃ **satthādānaṃ**. Kāyakalahopi vācākalahopi **kalaho**. Purimo purimo virodho **viggaho**. Pacchimo pacchimo **vivādo**. **Tuvaṃtuvanti** agāravavasena tuvaṃtuvam̐vacanaṃ.

Dasa micchattāti micchādīṭṭhi -pa- micchāsamādhi micchāññānaṃ micchāvimutti. Tattha **micchāññānanti** pāpakiriyāsu upāyacintāvasena pāpaṃ katvā sukataṃ⁴ mayāti paccavekkhaṇākārena ca uppanno moho. **Micchāvimuttīti** avimuttasseva sato vimuttisaññitā.

1. Ma 3. 273 piṭṭhe. 2. Khu 7. 205 piṭṭhe. 3. Dī 2. 221 piṭṭhe. 4. Kataṃ (Syā)

24. Idāni anekabhedena pahānena pahātabbe dassetuṃ **dve pahānānīti-**ādi āradham. Pahānesu hi viññātesu tena tena pahātabbā dhammā suviññeyyā honti. Pañcasu pahānesu lokikāni ca dve pahānāni appayogaṃ nissaraṇappahānañca ṭhapetvā appayogāneva dve lokuttarapahānāni paṭhamam vuttāni. Sammā ucchijjanti etena kilesāti samucchedo, pahīyanti etena kilesāti pahānam, samucchedasankhātam pahānam, na sesappahānanti **samucchedappahānam**. Kilesānam paṭippassaddhattā paṭippassaddhi, pahīnattā pahānam, paṭippassaddhisankhātam pahānam **paṭippassaddhippahānam**. Lokam uttaratīti **lokuttaro**. Nibbānasañkhātam khayam gacchatīti khayagāmī, khayagāmī ca so maggo cāti **khayagāmimaggo**, tam bhāvayato so maggo samucchedappahānanti attho. Tathā phalakkhaṇe lokuttaraphalameva paṭippassaddhippahānam.

Kāmānametaṃ nissaraṇanti-ādīsu kāmato rūpato sañkhatato nissaranti etenāti **nissaraṇam**, tehi vā nissaṭattā¹ nissaraṇam. Asubhajjhānam. Kāmehi nikkhandattā **nekkhammam**. Anāgāmimaggo vā. Asubhajjhānam hi vikkhambhanato kāmānam nissaraṇam, tam jhānam pādakam katvā uppādita-anāgāmimaggo pana samucchedo sabbaso kāmānam accantanissaraṇam. Ruppattīti rūpam, na rūpam arūpam mittapaṭipakkhā amittā viya, lobhādipaṭipakkhā alobhādayo viya ca rūpapaṭipakkhoti attho. Phalavasena vā natthettha rūpanti arūpam, arūpameva **arupam**. Arūpajjhānāni. Tāni rūpānam nissaraṇam nāma. Arūpehipi arahattamaggo puna uppattinivāraṇato sabbaso rūpānam nissaraṇam nāma. **Bhūtanti** jātam. **Sañkhatanti** paccayehi saṅgama katam. **Paṭiccasamuppannanti** te te paccaye paṭicca sammā saha ca uppannam. Paṭhamena sañjātattadīpanena aniccatā, dutiyena aniccassāpi sato paccayānubhavadīpanena parāyattatā, tatiyena parāyattassāpi sato paccayānam abyāpārattadīpanena evaṃdhammatā dīpitā hoti. **Nirodhoti** nibbānam. Nibbānañhi āgama dukkham nirujjhatīti nirodhoti vuccati. So eva ca sabbasañkhatato nissaṭattā tassa sañkhatassa nissaraṇam nāma. Aṭṭhakathāyam pana—

1. Nissaraṇattā (Sī, Ka)

“Nirodho tassa nissaraṇanti idha arahattaphalaṃ nirodhoti adhippetam. Arahattaphalena hi nibbāne diṭṭhe puna āyatim sabbasaṅkhārā na hontīti arahattasaṅkhātassa nirodhassa paccayattā nirodhoti vuttan”ti vuttam.

Nekkhammaṃ paṭiladdhassāti-ādīsu asubhajjhānassa nissaraṇatte vikkhambhanappahānena, anāgāmimagassa nissaraṇatte samucchadappahānena kāmā pahīnā ceva honti pariccattā ca. Arūpajjhānānam nissaraṇatte ca arahattamaggassa nissaraṇatte ca evameva rūpā yojetabbā. Rūpesu hi chandarāgappahānena rūpānam samucchedo hoti. **Rūpāti** cettha liṅgavipallāso kato. Nibbānassa nissaraṇatte nissaraṇappahānena, arahattaphalassa nissaraṇatte paṭippassaddhippahānena saṅkhārā pahīnā ceva honti pariccattā ca. Nibbānassa ca nissaraṇatte ārammaṇakaraṇavasena paṭilābho veditabbo.

Dukkhasaccanti-ādīsu **pariññāpaṭivedhanti**-ādi bhāvanapumsakavacanam. Pariññāya paṭivedho pariññāpaṭivedho. Tam pariññāpaṭivedham. Esa nayo sesesupi. **Pajahātīti** tathā tathā paṭivijjhanto pahātabbe kilese pajahatīti attho gahatabbo. Lokiyalokuttaresupi chandarāgappahānena vā tāni pajahatīti attho. Pajahatītipi pāṭho. Yathā nāvā apubbam acarimam ekakkhaṇe cattāri kiccāni karoti, orimam tīram pajahati, sotaṃ chindati, bhaṇḍam vahati, pārimam tīram appeti, evamevam maggañānam apubbam acarimam ekakkhaṇe cattāri saccāni abhisameti, dukkham pariññābhisamayena abhisameti, samudayam pahānābhisamayena abhisameti, maggam bhāvanābhisamayena abhisameti, nirodham sacchikiriyābhisamayena abhisameti. Kim vuttam hoti? “Nirodham ārammaṇam katvā cattāri saccāni pāpuṇāti passati paṭivijjhati”ti¹ vuttattā ekakkhaṇepi visum visum viya pahānāni vuttānīti veditabbāni.

Pañcasu pahānesu yam sasevāle udake pakkhittena ghaṭena sevālassa viya tena tena lokiyasamādhinā nīvaraṇādīnam paccanīkadhammānam vikkhambhanam dūrīkaraṇam, idam **vikkhambhanappahānam** nāma. **Vikkhambhanappahānañca nīvaraṇānam**

1. Visuddhi 2. 331 piṭṭhe.

paṭhamam jhānam bhāvayatoti nīvaraṇānaṃyeva pahānam¹ pākatattā vuttanti veditabbam. Nīvaraṇāni hi jhānassa pubbhāgepi pacchābhāgepi na sahasā cittaṃ ajjhottharanti, ajjhotthātesu ca tesu jhānam parihāyati, vitakkādayo pana dutiyajjhānādito pubbe pacchā ca appaṭipakkhā hutvā pavattanti. Tasmā nīvaraṇānaṃ vikkhambhanaṃ pākaṭam. Yaṃ pana rattibhāge samujjalitena paḍīpena andhakārassa viya tena tena vipassanāya avayavabhūtena jhānaṅgena paṭipakkhavaseneva tassa tassa ca pahātabbadhammassa pahānam, idaṃ **tadaṅgappahānam** nāma.

Tadaṅgappahānaṅca diṭṭhigatānam nibbedhabhāgiyaṃ samādhim bhāvayatoti diṭṭhigatānaṃyeva pahānam oḷārikavasena vuttanti veditabbam. Diṭṭhigatānaṃ hi oḷārikaṃ, nīcassaññādayo sukhumā. Tattha **diṭṭhigatānanti** diṭṭhiyeva diṭṭhigatānaṃ “gūthagatānaṃ muttagatānaṃ”ti-ādīni² viya. Gantabbabhāvato³ ca diṭṭhiyā gatamattamevetanti diṭṭhigatānaṃ, dvāsaṭṭhidiṭṭhīsu antogadhātā diṭṭhīsu gatanti diṭṭhigatānaṃ. Bahuvacanena tesānaṃ diṭṭhigatānaṃ. **Nibbedhabhāgiyaṃ samādhinti** vipassanāsampayuttaṃ samādhim. Yaṃ pana asanivīcakkābhīhatassa⁴ rukkhassa viya ariyamaggañāṇena saṃyojanānaṃ dhammānaṃ yathā na puna pavattati, evaṃ pahānam, idaṃ **samucchedappahānam** nāma. **Nirodho nibbānanti** nirodhasaṅkhātānaṃ nibbānaṃ.

Evaṃ pahānavasena pahātabbe dhamme dassetvā idāni sarūpeneva puna pahātabbe dhamme dassetuṃ **sabbaṃ bhikkhave pahātabbanti**-ādīmāha. Tattha cakkhādīni chandarāgappahānena pahātabbāni. **Rūpaṃ passanto pajahātī**ti-ādīsu rūpaṃ aniccādito passanto pahātabbe kilese pajahāti. **Cakkhum -pa-. Jarāmarāṇam -pa- amatogadham nibbānanti** peyyālavaye anaññātaññassāmītindriyaṃ “passanto pajahātī”ti-ādīsu tesu lokuttaresu anaññātaññassāmītindriyaṃ passanto udikkhanto apekkhamāno icchamāno vipassanākkhaṇesu pahātabbe kilese pajahātīti taṃtaṃdhammānurūpena yojetabbam.

Pahātabbaniddesavaṇṇanā niṭṭhitā.

1. Pahānassa (Ka)

2. Am 3. 181 piṭṭhe.

3. Gantabbabhāvato (Sī, Syā), gandhabbattābhāvato (Gaṇṭhipade)

4. Asanivīcakkābhīhatassa (Gaṇṭhipade), Visuddhi 2. 337 piṭṭhe pana passitabbam.

Bhāvetabbaniddesavaṇṇanā

25. Bhāvetabbaniddese **kāyagatāsati**ti kāyagatāsatisuttante¹ vuttā ānāpānacatu-iriyāpathakhuddaka-iriyāpathadvattimsākāracatudhātunavasivathikāpaṭikūlavavatthāpakamanasikārasampayuttā yathānurūpaṃ rūpajjhānasampayuttā ca sati. Sā hi tesu kāyesu gatā pavattāti kāyagatāti vuccati. **Sātasahagatāti** madhurasukhavedayitasaṅkhātena sātena saha ekuppādādbhāvaṃ gatā. Tabbhāve vokiṇṇe ārammaṇe nissaye saṃsaṭṭhe dissati **sahagatasaddo** pañcasu atthesu Jinavacane. “Yāyaṃ taṇhā ponobbhavikā nandirāgasahagatā”ti² ettha tabbhāve, nandirāgabhūtāti attho. “Yā bhikkhave vīmaṃsā kosajjasahagatā kosajjasampayuttā”ti³ ettha vokiṇṇe, antarantarā uppajjamānena kosajjena vokiṇṇāti attho. “Lābhī hoti rūpasahagatānaṃ vā samāpattīnaṃ arūpasahagatānaṃ vā samāpattīnaṃ”ti⁴ ettha ārammaṇe, rūpārūpārammaṇānanti attho. “Aṭṭhikasaññāsahagataṃ satisambojjhaṅgaṃ bhāveti”ti⁵ ettha nissaye, aṭṭhikasaññānissayaṃ aṭṭhikasaññaṃ bhāvetvā paṭiladdhanti attho. “Idaṃ sukhaṃ imāya pītiyā sahagataṃ hoti sahajātaṃ sampayuttan”ti⁶ ettha saṃsaṭṭhe, sammissanti attho. Imasmimpi pade saṃsaṭṭho adhippeto. Sātasasāṭṭhā⁷ hi sātasahagatāti vuttā. Sā hi ṭhapetvā catutthaṃ jhānaṃ sesesu sātasahagatā hoti, satipi ca upekkhāsahagatatte yebhuyyavasena sātasahagatāti vuttā, purimajjhānamūlakattā vā catutthajjhānassa sātasahagatāya upekkhāsahagatāpi vuttāva hoti, upekkhāya pana sante sukhe vuttattā Bhagavatā sātasahagatāti catutthajjhānasampayuttāpi vuttāva hoti.

Samatho ca vipassanā cāti kāmaccāndādayo paccanīkadhamme sameti vināsetīti samatho. Samādhissetaṃ nāmaṃ. Aniccatādivasena vividhehi ākārehi dhamme passaṭīti vipassanā. Paññāyetaṃ nāmaṃ. Ime pana dve dasuttarapariyāye pubbhāgāti vuttā, saṅgītipariyāye ca lokiyalokuttaramissakāti. **Tayo samādhīti** savitakko savicāro

1. Ma 3. 130 piṭṭhe.

2. Abhi 2. 106 piṭṭhe.

3. Saṃ 3. 244 piṭṭhe.

4. Abhi 3. 114 piṭṭhe.

5. Saṃ 3. 113 piṭṭhe.

6. Abhi 2. 268 piṭṭhe.

7. Sāte saṃsaṭṭhā (Syā)

samādhi avitakko vicāramatto samādhi avitakko avicāro samādhi. Sampayogavasena vattamānena saha vitakkena savitakko, saha vicārena savicāro. So khaṇikasamādhi vipassanāsamādhi upacārasamādhi paṭhamajjhānasamādhi. Natthi etassa vitakkoti avitakko. Vitakkavicāresu vicāro mattā paramā pamāṇam etassāti vicāramatto, vicārato uttari vitakkena sampayogaṃ na gacchatīti attho. So pañcakanaye dutiyajjhānasamādhi, tadubhayavirahito avitakko avicāro samādhi. So catukkanaye dutiyajjhānādi, pañcakanaye tatiyajjhānādi rūpāvacarasamādhi. Ime tayopi lokiyā eva. Saṅgītipariyāye aparepi tayo samādhī vuttā “suññato samādhi, animitto samādhi, appaṇihito samādhi”¹. Na te idha adhippetā.

Cattāro satipaṭṭhānāti kāyānupassanāsatiṭṭhānaṃ vedanānupassanāsatiṭṭhānaṃ cittānupassanāsatiṭṭhānaṃ dhammānupassanāsatiṭṭhānaṃ. Pabbabhāge cuddasavidhena kāyāṃ pariggaṇhato kāyānupassanāsatiṭṭhānaṃ, navavidhena vedanaṃ pariggaṇhato vedanānupassanāsatiṭṭhānaṃ, soḷasavidhena cittaṃ pariggaṇhato cittānupassanāsatiṭṭhānaṃ, pañcavidhena dhamme pariggaṇhato dhammānupassanāsatiṭṭhānaṃ veditabbaṃ. Lokuttaraṃ pana idha na adhippetam. **Pañcaṅgiko samādhīti** pañca aṅgāni assa santīti pañcaṅgiko. Catutthajjhānasamādhi. Pītipharaṇatā sukhapharaṇatā cetopharaṇatā ālokapharaṇatā paccavekkhaṇanimittanti pañca aṅgāni. Pītiṃ pharamānā uppajjatīti dvīsu jhānesu paññā **pītipharaṇatā** nāma. Sukhaṃ pharamānā uppajjatīti tīsu jhānesu paññā **sukhapharaṇatā** nāma. Paresaṃ ceto pharamānā uppajjatīti cetopariyapaññā **cetopharaṇatā** nāma. Ālokaṃ pharamānā uppajjatīti dibbacakkhupaññā **ālokapharaṇatā** nāma. Paccavekkhaṇañānaṃ **paccavekkhaṇanimittam** nāma. Vuttampi cetam—

“Dvīsu jhānesu paññā pītipharaṇatā, tīsu jhānesu paññā sukhapharaṇatā, paracittapaññā cetopharaṇatā, dibbacakkhupaññā ālokapharaṇatā, tamhā tamhā samādhimhā vuṭṭhitassa paccavekkhaṇañānaṃ paccavekkhaṇanimittan”².

1. Dī 3. 184 piṭṭhe.

2. Abhi 2. 346 piṭṭhe.

Taṃ hi vuṭṭhitasamādhissa pavattākāragahaṇato nimittanti vuttaṃ. Tattha ca pītipharaṇatā sukhapharaṇatā dve pādā viya, cetopharaṇatā ālokapharaṇatā dve hatthā viya, abhiññāpādakam catutthajjhānam majjhimakāyo viya, paccavekkhaṇanimittam sīsam viya. Iti āyasmā Dhammasenāpati Sāriputtatthero pañcaṅgikam sammāsamādhiṃ aṅgapaccaṅgasampannam purisam viya katvā dassesi.

Cha anussatiṭṭhānānī punappunam uppajjanato satiyo eva anussatiyo, pavattitabbaṭṭhānasmimyeva pavattattā saddhāpabbajitassa kulaputtassa anurūpā satiyotipi anussatiyo, anussatiyo eva pīti-ādīnam ṭhānattā anussatiṭṭhānāni. Katamāni cha. Buddhānussati dhammānussati saṅghānussati sīlānussati cāgānussati devatānussati¹. **Bojjhaṅgāti** bodhiyā, bodhissa vā aṅgā. Idam vuttaṃ hoti—yā esā dhammasāmaggi yāyalokuttaramaggakkhaṇe uppajjamānāya līnuddhaccapatiṭṭhānāyūhanakāmasukhattakilamathānuyoga-ucchedasassatābhinivesādīnam anekesam upaddavānam paṭipakkhabhūtāya satidhammavicaravīriyapītipassaddhisamādhi-upekkhāsāṅkhātāya dhammasāmaggiyā ariyasāvako bujjhatīti katvā bodhīti vuccati, **bujjhatīti** kilesasantānaniddāya vuṭṭhahati, cattāri vā ariyasaccāni paṭivijjhati, nibbānameva vā sacchikaroti, tassā dhammasāmaggisāṅkhātāya bodhiyā aṅgātipi bojjhaṅgā jhānaṅgamaggaṅgādayo viya. Yo panesa² yathāvuttappakārāya etāya dhammasāmaggiyā bujjhatīti katvā ariyasāvako bodhīti vuccati, tassa bodhissa aṅgātipi bojjhaṅgā senaṅgarathaṅgādayo viya. Tenāhu Aṭṭhakathācariyā “bujjhanakassa puggalassa aṅgāti vā bojjhaṅgā”ti. Apica “bojjhaṅgāti kenaṭṭhena bojjhaṅgā, bodhāya samvattantīti bojjhaṅgā”ti-ādīnā³ nayena bojjhaṅgaṭṭho veditabbo. **Ariyo aṭṭhaṅgiko maggoti** taṃtaṃmaggavajjhakilesehi ārakattā ariyabhāvakarattā ariyaphalapaṭilābhakarattā ca ariyo. Aṭṭha aṅgāni assāti aṭṭhaṅgiko. Soyam caturaṅgikā viya senā, pañcaṅgikam viya ca tūriyam aṅgamattameva hoti, aṅgavinimutto natthi. Bojjhaṅgamaggaṅgā lokuttarā, dasuttarapariyāyena pubbabhāgāpi labbhanti.

1. Dī 3. 207 piṭṭhe.

2. Yopesa (Ka), yo cesa (Syā)

3. Khu 9. 302 piṭṭhe.

Nava pārisuddhipadhāniyaṅgānīti sīlavisuddhi pārisuddhipadhāniyaṅgam, cittavisuddhi pārisuddhipadhāniyaṅgam, diṭṭhivisuddhi pārisuddhipadhāniyaṅgam, kaṅkhāvitarāṇavisuddhi pārisuddhipadhāniyaṅgam, maggāmaggañāṇadassanavisuddhi pārisuddhipadhāniyaṅgam, paṭipadāñāṇadassanavisuddhi pārisuddhipadhāniyaṅgam, ñāṇadassanavisuddhi pārisuddhipadhāniyaṅgam, paññā pārisuddhipadhāniyaṅgam, vimutti pārisuddhipadhāniyaṅgam¹. **Sīlavisuddhī**ti visuddhiṃ pāpetum samattham catupārisuddhisīlam. Tam hi dussīlamalam² visodheti. **Pārisuddhipadhāniyaṅgānti** parisuddhabhāvassa³ padhānam uttamam aṅgam. **Cittavisuddhī**ti vipassanāya padaṭṭhānabhūtā paguṇā aṭṭha samāpattiyo. Tā hi kāmaccchandādicittamalam visodhenti. **Diṭṭhivisuddhī**ti sappaccayanāmarūpadassanam. Tam hi sattadiṭṭhimalam visodhenti. **Kaṅkhāvitarāṇavisuddhī**ti paccayākārañānam. Tena hi tīsu addhāsu paccayavasena dhammā pavattantīti passanto tīsupi addhāsu sattakaṅkhāmalam vitaranto visujjhati. **Maggāmaggañāṇadassanavisuddhī**ti udayabbayānupassanakkhaṇe uppannā obhāsañāṇapītipassaddhisukhadhimokkhapaggaha-upaṭṭhāna-upekkhānikantīti dasa vipassanupakkilesā, na maggo, vīthipaṭipannam udayabbañānam maggoti evam maggāmagge ñānam nāma. Tena hi amaggamalam visodhenti. **Paṭipadāñāṇadassanavisuddhī**ti vīthipaṭipannam udayabbayānupassanāñānam bhaṅgānupassanāñānam bhayatupaṭṭhānānupassanāñānam ādīnavānupassanāñānam nibbidānupassanāñānam muñcitukamyatāñānam paṭisaṅkhānupassanāñānam saṅkhārupekkhāñānam anulomañānanti imāni nava vipassanāñānāni. Tāni hi niccasaññādimalam visodhenti. **Ñāṇadassanavisuddhī**ti catu-ariyamaggapaññā. Sā hi samucchato sakasakamaggavajjhakilesamalam visodhenti. **Paññā**ti arahattaphalapaññā. **Vimuttī**ti arahattaphalavimutti.

Dasa kasiṇāyatanānīti “Pathavīkasiṇameko sañjānāti uddham adho tiriyaṃ advayaṃ appamānaṃ, āpokasiṇameko sañjānāti -pa-. Tejokasiṇameko sañjānāti. Vāyokasiṇameko sañjānāti. Nīlakasiṇameko sañjānāti. Pītakasiṇameko sañjānāti. Lohitakasiṇameko sañjānāti. Odātakasiṇameko sañjānāti. Ākāsakasiṇameko sañjānāti. Viññānakasiṇameko sañjānāti uddham adho tiriyaṃ advayaṃ appamānaṃ”⁴ti evam vuttāni dasa.

1. Dī 3. 252 piṭṭhe.

3. Pārisuddhibhāvassa (Syā, Ka)

2. Dussīlamalam (Syā)

4. Am 3. 293; Dī 3. 257 piṭṭhesu.

Etāni hi sakalapharaṇaṭṭhena kasiṇāni, tadārammaṇānaṃ dhammānaṃ khettaṭṭhena adhiṭṭhānaṭṭhena vā ayatanāni. **Uddhanti** uparigaganatalābhimukhaṃ. Adhota heṭṭhābhūmitalābhimukhaṃ. **Tiriyanti** khettaṃaṇḍalamiva samantā paricchinnāṃ. Ekacco hi uddhameva kasiṇaṃ vaḍḍheti ekacco adho, ekacco samantato. Ekopi tena tena vā kāraṇena evaṃ pasāreti ālokaṃ rūpadassanakāmo. Tena vuttaṃ “pathavīkasiṇameko sañjānāti uddhaṃ adho tiriyaṃ”¹. **Advayanti** idaṃ pana ekassa aññabhāvānupagamanatthaṃ vuttaṃ. Yathā hi udakaṃ pavīṭṭhassa sabbadisāsu udakameva hoti na aññaṃ, evameva pathavīkasiṇaṃ pathavīkasiṇameva hoti, natthi tassa aññakasiṇasambhedoti. esa nayo sabbattha. **Appamāṇanti** idaṃ tassa tassa pharaṇa-appamāṇavasena vuttaṃ. Taṃ hi manasā pharanta sakalameva pharati, na ayamassa ādi idaṃ majjhanti pamāṇaṃ gaṇhātīti. **Ākāsakasiṇanti** kasiṇugghāṭimākāso paricchēdākāsakasiṇaṃca. **Viññāṇakasiṇanti** kasiṇugghāṭimākāse pavattaviññāṇaṃ. Tattha kasiṇavasena kasiṇugghāṭimākāse kasiṇugghāṭimākāsavasena tattha pavattaviññāṇe uddhamadhotiriyatā veditabbā, paricchēdākāsakasiṇassapi vaḍḍhanīyattā tassa vasenapīti.

26. Idāni bhāvanāpabhedāṃ dassento **dve bhāvanāti**-ādimāha. Tattha **lokiyāti**-ādīsu loko vuccati lujjanapalujjanatṭhena vaṭṭaṃ, tasmim̐ pariyāpannabhāvena loke niyuttāti lokiyā, lokiyānaṃ dhammānaṃ bhāvanā lokiyā. Kiñcāpi dhammānaṃ bhāvanāti vohārasena vuccati, tehi pana visuṃ bhāvanā natthi. Te eva hi dhammā bhāviyamānā **bhāvanāti** vuccanti. Uttiṇṇāti uttarā, loke apariyāpannabhāvena lokato uttarāti **lokuttarā**.

Rūpabhavasāṅkhāte rūpe avacarantīti **rūpāvacarā**. **Kusalasaddo** panettha ārogya-anavajjachekasukhavipākesu dissati. “Kacci nu bhoto kusalaṃ, kacci bhoto anāmayan”² ti-ādīsu² ārogye. “Katamo pana bhante kāyasamācāro kusalo, yo kho mahārāja kāyasamācāro anavajjo”³ ca “puna caparaṃ bhante etadānuttariyaṃ, yathā Bhagavā dhammaṃ deseti kusalesu dhammesū”⁴ ca evamādīsu anavajje.

1. Am̐ 3. 293; Dī 3. 257 piṭṭhesu.

3. Ma 2. 318 piṭṭhe.

2. Khu 5. 327; Khu 6. 77 piṭṭhādīsu.

4. Dī 3. 84 piṭṭhe.

“Taṃ kiṃ maññasi rājakumāra kusalo tvaṃ rathassa aṅgapaccaṅgānan”¹
 “kusalā naccagītaṃ sikkhitā cāturitthiyo”² ca ādīsu cheke. “Kusalānaṃ
 dhammānaṃ samādānāhetu evamidānaṃ puññaṃ pavaḍḍhati”³ “kusalassa
 kammaṃ katattā upacittā”⁴ ca ādīsu sukhavipāke. Svāyamidha ārogyepi
 anavajjepi sukhavipākepi vaṭṭati. Vacanatto panettha kucchite pāpake
 dhamme salayanti calayanti kampaṇṇe viddhamsentīti kusalā, kucchitena vā
 ākārena sayanti pavattantīti kusā, te akusalasaṅkhāte kuse lunanti chindantīti
 kusalā, kucchitānaṃ vā sānato tanukaraṇato kusaṃ, ñāṇaṃ. Tena kusena
 lātabbā gahetabbā pavattetabbāti kusalā, yathā vā kusā ubhayabhāgagataṃ
 hatthappadesaṃ lunanti, evamimepi uppannānuppannabhāvena
 ubhayabhāgagataṃ saṅkilesapakkaṃ lunanti, tasmā kusā viya lunantīti
 kusalā. Tesāṃ rūpāvacarakusalānaṃ bhāvanā. Arūpabhavaṃsaṅkhāte arūpe
 avacarantīti arūpāvacarā. Tebhūmakavaṭṭe pariyāpannā antogadhāti
 pariyāpannā, tasmīṃ na pariyāpannāti aparīyāpannā, lokuttarā.

“Kāmāvacarakusalānaṃ dhammānaṃ bhāvanā kasmā na vuttāti ce?
 Appanāpattāya eva bhāvanāya abhidhamme bhāvanāti adhippetatā. Vuttaṃ
 hi tattha—

“Yogavīhitesu vā kammāyatanesu yogavīhitesu vā sippāyatanesu
 yogavīhitesu vā vijjāṭṭhānesu kammassakataṃ vā saccānulomikaṃ vā
 rūpaṃ aniccanti vā, vedanā aniccāti vā, saññā aniccāti vā, saṅkhārā
 aniccāti vā, viññāṇaṃ aniccanti vā yaṃ evarūpaṃ anulomikaṃ khantim
 diṭṭhim ruciṃ mudim⁵ pekkhaṃ dhammanijjhānakkhantim parato
 asutvā paṭilabhati, ayaṃ vuccati cintāmayā paññā. Yogavīhitesu vā
 kammāyatanesu -pa- dhammanijjhānakkhantim parato sutvā paṭilabhati,
 ayaṃ vuccati sutamayā paññā. Sabbāpi samāpannassa paññā
 bhāvanāmayā paññā”⁶.

1. Ma 2. 58 piṭṭhe.

2. Khu 6. 156 piṭṭhe.

3. Dī 3. 48 piṭṭhe.

4. Abhi 1. 104 piṭṭhādīsu.

5. Mutim (Sī)

6. Abhi 2. 337 piṭṭhe.

Sā pana kāmāvacarabhāvanā āvajjanabhavaṅgapātehi antaritattā bhāvanāti na vuttāti veditabbā. Sabbesaṃ pana puññānaṃ tividhapuññakiriyavatthūnaṃ antogadhattā upacārasamādhivipassanāsamādhīnaṃ bhāvanāmayapuññatā siddhā. Idha pana lokiyabhāvanāya¹ eva saṅgahitā. Rūpārūpāvacarānaṃ tividhabhāve **hīnāti** lāmakā. Hīnuttamānaṃ majjhe bhavā **majjhā**, majjhimātipi pāṭho. Padhānabhāvaṃ nītāti **paṇītā**, uttamāti attho. Āyūhanavasena ayaṃ hīnamajjhimapaṇītata veditabbā. Yassā hi āyūhanakkhaṇe chando vā hīno hoti vīriyaṃ vā cittaṃ vā vīmaṃsā vā, sā hīnā nāma. Yassā te dhammā majjhimā, sā majjhimā nāma. Yassā te dhammā paṇītā, sā paṇītā nāma. Mudukehi vā indriyehi sampayuttā hīnā nāma, majjhimehi indriyehi sampayuttā majjhimā, adhimattehi indriyehi sampayuttā paṇītā nāma. Apariyāpannāya hīnamajjhimattābhāvā paṇītata eva vuttā. Sā hi uttamaṭṭhena atappakaṭṭhena ca paṇītā.

27. Paṭhamabhāvanācatukke **bhāvetī**ti ekasmiṃyeva khaṇe tathā tathā paṭivijjhanto ariyamaggaṃ bhāveti. Dutiyabhāvanācatukke **esanābhāvanāti** appanāpubbabhāge bhāvanā. Sā hi appanaṃ esanti etāyāti esanāti vuttā. **Paṭilābhabhāvanāti** appanābhāvanā. Sā hi tāya esanāya paṭilabbhatīti paṭilābhoti vuttā. **Ekarasābhāvanāti** paṭilābhe vasībhāvaṃ pattukāmassa payogakāle bhāvanā. Sā hi tena tena pahānena tehi tehi kilesehi vimuttattā vimuttirasena ekarasāti katvā ekarasāti vuttā. **Āsevanābhāvanāti** paṭilābhe vasippattassa yathārucci paribhogakāle bhāvanā. Sā hi bhusaṃ sevīyatīti āsevanāti vuttā. Keci pana “āsevanābhāvanā vasīkammaṃ, ekarasābhāvanā sabbattikā”ti vaṇṇayanti. Catukkavibhāge **samādhim samāpajjantānanti** vattamānasamīpe vattamānavacanaṃ. **Tattha jātāti** tasmim pubbabhāge jātā. **Ekarasā hontīti** appanuppādane samānakiccā honti. **Samādhim samāpannānanti** appitappanānaṃ. **Tattha jātāti** tassā appanāya jātā. **Aññamaññaṃ nātivattantīti** samappavattiyā aññamaññaṃ nātikkamanti. **Adhimokkhaṭṭhena**

1. Lokiyabhāvanā (Sī)

saddhindriyaṃ bhāvayatoti-ādīsu ekakkhaṇepi ekekassa indriyassa sakasakakiccakaraṇe taṃtaṃnissayavasena sakasakakiccakārakāni sesānipi indriyāni vimuttirasena ekarasā hontīti vimuttiraseneva¹ ekarasatṭhena bhāvanā. Balabojjhaṅgamaggaṅgesupi eseva nayo. Ekarasāti ca liṅgavipallāso kato.

Idha bhikkhūti imasmim sāsane bhikkhu. Saṃsāre bhayaṃ ikkhatīti bhikkhu. **Pubbaṅhasamayanti**-ādīsu accantaṣaṃyogatthe upayogavacanaṃ, atthato pana bhummameva, divasassa pubbakāleti attho. **Āsevatīti** vasippattaṃ samādhiṃ bhusaṃ sevati. **Majjhānikasamayanti** divasassa majjhakāle. **Sāyanhasamayanti** divasassa sāyanhakāle. **Purebhattanti** divābhattato purekāle. **Pacchābhattanti** divābhattato pacchakāle. **Purimepi yāmeti** rattiyā paṭhame koṭṭhāse. **Kāleti** kālapakkhe. **Juṇheti** sukkapakkhe. **Purimepi vayokhandheti** paṭhame vayokoṭṭhāse, paṭhamavayeti attho. Tīsu ca vayesu vassasatāyukassa purisassa ekekasmim vaye catumāsādhikāni tettiṃsa vassāni honti.

28. Tatiyabhāvanācatukke **tattha jātānaṃ dhammānaṃ anativattanaṭṭhenāti** tattha nekkhammādīsu bhāvanāvīsesesu jātānaṃ samādhipaññāsankhātānaṃ yuganaddhadhammānaṃ aññamaññaṃ anatikkaṃanabhāvena. **Indriyānaṃ ekarasatṭhenāti** tattheva saddhādīnaṃ indriyānaṃ nānākilesehi vimuttattā vimuttirasena ekarasabhāvena. **Tadupagavīriyavāhanaṭṭhenāti** tesāṃ anativattana-ekarasabhāvanānaṃ anucchavikassa vīriyassa vāhanaṃbhāvena. **Āsevanatṭhenāti** yā tassa tasmiṃ samaye pavattā āsevanā, tassā āsevanāya āsevanabhāvena.

Rūpasaññanti kusalavipākakiriyavasena pañcadasavidhaṃ rūpavacaraṃjjhānaṃsaṅkhātānaṃ rūpasaññaṃ. Rūpāvacaraṃjjhānaṃpi hi rūpanti vuccati “rūpī rūpāni passati”ti-ādīsu², tassa jhānassa ārammaṇampi “bahiddhā rūpāni passati suvaṇṇadubbaṇṇāni”ti-ādīsu³. Rūpāvacaraṃjjhānaṃ hi saññāsīsenā rūpe saññāti katvā rūpasaññāti vuccati. **Paṭighasaññanti** kusalavipākā pañca, akusalavipākā pañcāti evaṃ dasavidhaṃ paṭighasaññaṃ. Dvipañcaviññāṇasampayuttā hi

1. Vimuttirasavaseneva (Sī)

2. Dī 2. 96; Am 3. 126; Abhi 1. 65 piṭṭhesu.

3. Dī 2. 92; Am 3. 126; Abhi 1. 64 piṭṭhesu.

saññā cakkhādīnaṃ vatthūnaṃ rūpādīnaṃ ārammaṇānaṃ paṭighātena uppannattā paṭighasaññāti vuccati. Rūpasaññā saddasaññā gandhasaññā rasasaññāphoṭṭhabbasaññāti pi etissā eva nāmaṃ. **Nānattasaññanti** aṭṭhe kāmāvacarakusalasaññā, dvādasa akusalasaññā, ekādasa kāmāvacarakusalavipākasaññā, dve akusalavipākasaññā, ekādasa kāmāvacarakiriyasaññāti evaṃ catucattālīsavidhaṃ nānattasaññaṃ. Sāhi nānatte nānāsabhāve rūpasaddādibhede gocare pavattā saññāti nānattasaññā, catucattālīsabhedato nānattā nānāsabhāvā aññamaññaṃ asadisā saññāti vā nānattasaññāti vuccati. Saññābahukattepi jātiggaḥaṇena ekavacanaṃ kataṃ.

Niccasaññanti niccanti saññaṃ niccasaññaṃ. Evaṃ sukhasaññaṃ attasaññaṃ. **Nandinti** sappītikaṃ taṇhaṃ. **Rāganti** nippītikaṃ taṇhaṃ. **Samudayanti** rāgassa samudayaṃ. Atha vā bhaṅgānupassanāya bhaṅgasseva dassanato saṅkhārānaṃ udayaṃ. **Ādānanti** nibbattanavasena kilesānaṃ, adosadassāvitāya saṅkhatārammaṇassa vā ādānaṃ. **Ghanasaññanti** santativasena ghananti saññaṃ. **Āyūhananti** saṅkhārānaṃ atthāya payogakaraṇaṃ. **Dhuvasaññanti** thiranti saññaṃ. **Nimittanti** niccanimittaṃ. **Paṇidhinti** sukhapatthanāṃ. **Abhinivesanti** atthi attāti abhinivesaṃ. **Sārādānābhinivesanti** niccāsārattasāragahaṇābhinivesaṃ. **Sammohābhinivesanti** “ahosiṃ nu kho ahaṃ atītamaddhānaṃ”ti-ādivasena¹ “issarato loko sambhotī”ti-ādivasena ca sammohābhinivesaṃ. **Ālayābhinivesanti** ādīnavādassanena allīyitabbamidanti abhinivesaṃ. **Appaṭisaṅkhanti** anupāyagahaṇaṃ. **Saññogābhinivesanti** kāmāyogādikaṃ kilesappavattim.

Diṭṭhekaṭṭheti diṭṭhīhi saha ekasmiṃ ṭhitāti diṭṭhekaṭṭhā. Te diṭṭhekaṭṭha. Kilesenti upatāpenti, vibādheti vāti kilesā. Te kilese. Duvidhaṃ hi ekaṭṭhaṃ pahānekaṭṭhaṃ sahaṃekaṭṭhaṃ. Pahānekaṭṭhaṃ sakkāyādiṭṭhipamukhāhi tesatṭhiyā diṭṭhīhi saha² yāva sotāpattimaggena pahānā, tāva ekasmiṃ puggale ṭhitāti attho. Idamidhādhippetāṃ. Dasasu hi kilesesu idha diṭṭhikilesoyeva āgato. Sesesu pana apāyagamanīyo lobho doso moho māno vicikicchā

1. Saṃ 1. 265 piṭṭhe.

2. Paṭisaṃ-Ṭṭha 2. 21 piṭṭhe passitabbāṃ.

thinam uddhaccam ahirikaṃ anottappanti nava kilesā diṭṭhiyā saha pahānekaṭṭhā hutvā sotāpattimaggena pahīyanti, rāgadosamohapamukhesu vā diyaḍḍhesu kilesasahassesu sotāpattimaggena diṭṭhiyā pahīyamānāya diṭṭhiyā saha apāyagamanīyā sabbakilesā pahānekaṭṭhavasena pahīyanti, sahajekaṭṭhe diṭṭhiyā saha ekasmiṃ citte ṭhitāti attho. Sotāpattimaggena hi dvīsu diṭṭhisampayutta asaṅkhārikacittesu pahīyamānesu tehi sahajāto lobho moho uddhaccam ahirikaṃ anottappanti ime kilesā sahajekaṭṭhavasena pahīyanti, dvīsu diṭṭhisampayuttasasaṅkhārikacittesu pahīyamānesu tehi sahajāto lobho moho thinam uddhaccam ahirikaṃ anottappanti ime kilesā sahajekaṭṭhavasena pahīyanti. **Oḷārike kileseti** oḷārikabhūte kāmarāgabyāpāde. **Anusahagate kileseti** sukhumabhūte kāmarāgabyāpāde. **Sabbakileseti** maggattayena pahīnāvasese.

Vīriyam vāhetīti yogāvacarō vīriyam pavatteti. Heṭṭhā esanāpaṭilābha-ekarasa-āsevanavacanāni bhāvanānam visesadassanattam vuttāni “evabhūtā ca bhāvanā”ti. Idha “tatha jātanam dhammānam anativattanaṭṭhena indriyānam ekarasaṭṭhena tadupagavīriyavāhanaṭṭhena āsevanaṭṭhena”ti vacanāni bhāvanāhetudassanattam vuttāni “iminā ca iminā ca hetunā bhāvanā”ti. Heṭṭhā āsevanābhāvanāti nānākkhaṇavasena vuttā, idha āsevanaṭṭhena bhāvanāti ekakkhaṇavasenāti viseso. **Rūpaṃpassanto bhāvetīti**—ādīsu rūpādīni passitabbākārena passanto bhāvetabbaṃ bhāvanam bhāvetīti attho. **Ekarasā hontīti** vimuttirasena, kiccarasena vā ekarasā hontīti. **Vimuttirasoti** sampattiraso. Kiccāsampatti-atthena raso nāma pavuccatīti hi vuttanti.

Bhāvetabbaniddesavaṇṇanā niṭṭhitā.

Sacchikātabbaniddesavaṇṇanā

29. Sacchikātabbaniddese dasa ekuttaravissajjanāni paṭilābhasacchikiriyāvasena vuttāni. Tatha **akuppācetovimuttīti** arahattaphalavimuttīti. Sā hi na kuppāti na calati na parihāyatīti akuppā, sabbakilesehi

cittassa vimuttattā cetovimuttīti vuccati. **Vijjāti** tisso vijjā. **Vimuttīti** dasuttarapariyāyena arahattaphalaṃ vuttam, saṅgītipariyāyena pana “vimuttīti dve vimuttiyo cittassa ca adhimutti nibbānañcā”¹ti vuttam. Ettha ca aṭṭhe samāpattiyo nīvaraṇādīhi suṭṭhu vimuttattā vimutti namā, nibbānaṃ sabbasaṅkhatato vimuttattā vumutti nāma. **Tisso vijjāti** pubbenivāsānussatiñāṇaṃ vijjā sattānaṃ cutūpapāte ñāṇaṃ vijjā āsavānaṃ khaye ñāṇaṃ vijjā. Tamavijjhanaṭṭhena vijjā, viditakaraṇaṭṭhenāpi vijjā. Pubbenivāsānussatiñāṇaṃ hi uppajjamānaṃ pubbenivāsaṃ chādetvā ṭhitam tamaṃ vijjhati, pubbenivāsañca viditam karotīti vijjā. Cutūpapāte ñāṇaṃ cutipaṭisandhicchādakaṃ tamaṃ vijjhati, cutūpapātañca viditam karotīti vijjā. Āsavānaṃ khaye ñāṇaṃ catusaccacchādakaṃ tamaṃ vijjhati, catusaccadhamme ca viditam karotīti vijjā. **Cattāri sāmāññaphalānīti** sotāpattiphalaṃ sakadāgāmiphalaṃ anāgāmiphalaṃ arahattaphalaṃ. Pāpadhamme sameti vināsetīti samaṇo, samaṇassa bhāvo sāmāññaṃ. Catunnaṃ ariyamaggānametaṃ nāmaṃ. Sāmāññassa phalāni sāmāññaphalāni.

Pañca dhammakkhandhāti sīlakkhandho samādhikkhandho paññākkhandho vimuttikkhandho vimuttiñāṇadassanakkhandho. **Dhammakkhandhāti** dhammavibhāgā dhammakotṭhāsā. **Sīlakkhandhādīsupi** eseva nayo. Lokiyalokuttarā sīlasamādhīpaññā eva sīlasamādhīpaññākkhandhā. Samucchedapaṭippassaddhinissaraṇavimuttiyo eva vimuttikkhandho. Tividhā vimuttipaccavekkhaṇā eva vimuttiñāṇadassanakkhandho. So lokiyō eva. Jānanaṭṭhena ñāṇameva dassanaṭṭhena dassananti ñāṇadassanaṃ, vimuttīnaṃ ñāṇadassanaṃ vimuttiñāṇadassananti vuccati. Vikkhambhanatadaṅgavimuttiyo pana samādhīpaññākkhandheheva saṅgahitā. Ime pañca dhammakkhandhā sekkhānaṃ sekkhā, asekkhānaṃ asekkhāti vuttā. Etesu hi lokiyā ca nissaraṇavimutti ca nevasekkhānāsekkhā. Sekkhā hontāpi sekkhānaṃ ime iti sekkhā, asekkhānaṃ ime iti asekkhāti vuccanti. “Sekkheva vimuttikkhandhena samannāgato hotī”ti ettha pana nissaraṇavimuttiyā ārammaṇakaraṇavasena samannāgatoti veditabbo. **Cha abhiññāti** cha-adhikāni ñāṇāni. Katamā cha?

1. Di-Ṭṭha 3. 167 piṭṭhe.

Iddhividhañāṇaṃ dibbasotadhātuñāṇaṃ pubbenivāsānussatiñāṇaṃ
cetopariyañāṇaṃ dibbacakkhuñāṇaṃ āsavānaṃ khaye ñāṇanti imā cha.

Satta khīṇāsavabalānīti khīṇā āsavā assāti khīṇāsavo, khīṇāsavassa
balāni khīṇāsavabalāni. Katamāni satta? Vuttāni Bhagavatā—

“Idha bhikkhave khīṇāsavassa bhikkhuno aniccato sabbe saṅkhārā
yathābhūtaṃ sammappaññāya sudiṭṭhā honti. Yampi bhikkhave
khīṇāsavassa bhikkhuno aniccato sabbe saṅkhārā yathābhūtaṃ
sammappaññāya sudiṭṭhā honti, idampi bhikkhave khīṇāsavassa
bhikkhuno balaṃ hoti, yaṃ balaṃ āgamma khīṇāsavo bhikkhu
āsavānaṃ khayaṃ paṭijānāti ‘khīṇā me āsavā’ti.

Puna caparaṃ bhikkhave khīṇāsavassa bhikkhuno aṅgārakāsūpamā
kāmāti yathābhūtaṃ sammappaññāya sudiṭṭhā honti. Yampi bhikkhave
-pa- idampi khīṇāsavassa bhikkhuno balaṃ hoti -pa-.

Puna caparaṃ bhikkhave khīṇāsavassa bhikkhuno vivekaninnaṃ
cittaṃ hoti vivekaṇaṃ vivekapabbhāraṃ vivekaṭṭhaṃ
nekkhammābhirataṃ byantībhūtaṃ sabbaso āsavaṭṭhāniyehi dhammehi.
Yampi bhikkhave -pa- idampi khīṇāsavassa bhikkhuno balaṃ hoti -pa-.

Puna caparaṃ bhikkhave khīṇāsavassa bhikkhuno cattāro
satipaṭṭhānā bhāvitā honti subhāvitā. Pañcendriyāni bhāvitāni honti
subhāvitāni. Satta bojjhaṅgā bhāvitā honti subhāvitā. Ariyo aṭṭhaṅgiko
maggo bhāvito hoti subhāvito. Yampi bhikkhave khīṇāsavassa
bhikkhuno ariyo aṭṭhaṅgiko maggo bhāvito hoti subhāvito, idampi
khīṇāsavassa bhikkhuno balaṃ hoti, yaṃ balaṃ āgamma khīṇāsavo
bhikkhu āsavānaṃ khayaṃ paṭijānāti ‘khīṇā me āsavā’ti”¹.

1. Am 3. 397; Dī 3. 242; Khu 9. 356 piṭṭhesu.

Tattha paṭhamena balena dukkhasaccapaṭivedho, dutiyena samudayasaccapaṭivedho, tatiyena nirodhasaccapaṭivedho, catūhi maggasaccapaṭivedho pakāsito hoti.

Aṭṭha vimokkhāti ārammaṇe adhimuccanattṭhena paccanīkammehi ca suṭṭhu muccanattṭhena vimokkhā. “Katame aṭṭha. Rūpī rūpāni passati, ayaṃ paṭhamo vimokkho. Ajjhataṃ arūpasaññī bahiddhā rūpāni passati, ayaṃ dutiyo vimokkho. ‘Subhan’teva adhimutto hoti, ayaṃ tatiyo vimokkho. Sabbaso rūpasaññānaṃ samatikkamā paṭighasaññānaṃ atthaṅgamā nānattasaññānaṃ amanasikārā ‘ananto ākāso’ti ākāsañācāyatanam upasampajja viharati, ayaṃ catuttho vimokkho. Sabbaso ākāsañācāyatanam samatikkamma ‘anantaṃ viññāṇan’ti viññāṇañācāyatanam upasampajja viharati, ayaṃ pañcama vimokkho. Sabbaso viññāṇañācāyatanam samatikkamma ‘natthikiñci’ti ākiñcaññāyatanam upasampajja viharati, ayaṃ chaṭṭho vimokkho. Sabbaso ākiñcaññāyatanam samatikkamma nevasaññānāsaññāyatanam upasampajja viharati, ayaṃ sattamo vimokkho. Sabbaso nevasaññānāsaññāyatanam samatikkamma saññāvedayitanirodham upasampajja viharati, ayaṃ aṭṭhamo vimokkho”ti¹.

Nava anupubbanirodhāti nava anupaṭipāṭiyā nirodhā. “Katame nava, paṭhamam jhānam samāpannassa kāmasaññā niruddhā hoti, dutiyam jhānam samāpannassa vitakkavicārā niruddhā honti, tatiyam jhānam samāpannassa pīti niruddhā hoti, catuttham jhānam samāpannassa assāsapassāsā niruddhā hoti, ākāsañācāyatanam samāpannassa rūpasaññā niruddhā hoti, viññāṇañācāyatanam samāpannassa ākāsañācāyatanasaññā niruddhā hoti, ākiñcaññāyatanam samāpannassa viññāṇañācāyatanasaññā niruddhā hoti, nevasaññānāsaññāyatanam samāpannassa ākiñcaññāyatanasaññā niruddhā hoti, saññāvedayitanirodham samāpannassa saññā ca vedanā ca niruddhā honti”ti².

Dasa asekkhā dhammāti upari sikkhitabbābhāvato na sikkhantīti asekkhā. Atha vā tīsu sikkhāsu sikkhantīti sekkhā, vuddhippattā

1. Dī 2. 94; Dī 3. 251; Am 3. 126 piṭṭhādīsu.

2. Am 3. 208; Dī 3. 221, 255 piṭṭhesu.

sekkhāti asekkhā, arahanto. Asekkhānaṃ ime iti asekkhā. “Katame dasa, asekkhā sammādiṭṭhi asekkho sammāsaṅkappo asekkhā sammāvācā asekkho sammākammanto asekkho sammā-ājīvo asekkho sammāvāyāmo asekkhā sammāsati asekkho sammāsamādhi asekkhaṃ sammāñāṇaṃ asekkhā sammāvimuttī”¹. **Asekkhaṃ sammāñāṇanti** arahattaphalapaññaṃ ṭhapetvā sesalokiyapañña. **Sammāvimuttīti** arahattaphalavimuttī. Aṭṭhakathāyaṃ² pana vuttaṃ—

“Asekkhā sammādiṭṭhīti-ādayo sabbepi phalasampayuttadhammā eva. Ettha ca sammādiṭṭhi sammāñāṇanti dvīsu ṭhānesu paññaṃ kathitā. Sammāvimuttīti iminā pana padena vuttāvasesā phalasamāpattidhammā saṅgahitā”³ti.

Sabbaṃ bhikkhave sacchikātabbanti-ādīsu ārammaṇasacchikiriyā veditabbā. **Rūpaṃ passanto sacchikarotīti**-ādīsu rūpādīni lokiyāni passitabbākārena passanto tāneva rūpādīni ārammaṇasacchikiriyāya sacchikaroti, rūpādīni vā passitabbākārena passanto tena hetunā sacchikātabbaṃ nibbānaṃ sacchikaroti. Passantoti hi padaṃ hetu-atthepi akkharacintakā icchanti. Anaññātāññassāmītindriyādīni pana lokuttarāni paccavekkhaṇavasena passanto tāneva ārammaṇasacchikiriyāya sacchikaroti. “Amatogadhaṃ nibbānaṃ pariyoṣānaṭṭhena sacchikarotī”³ti idaṃ pariññeyyapahātabbasacchikātabbhāvetabbesu sacchikātabbattā ujukameva. **Ye ye dhammā sacchikatā honti, te te dhammā phassitā**³ **hontīti** ārammaṇasacchikiriyāya sacchikatā ārammaṇaphassena phuṭṭhā honti, paṭilābhasacchikiriyāya sacchikatā paṭilābhaphassena phuṭṭhā hontīti.

Sacchikātabbaniddesavaṇṇanā niṭṭhitā.

Hānabhāgiyacatukkaniddesavaṇṇanā

30. Idāni yasmā hānabhāgiyādītā ekekasēva samādhissa avatthābhedena hoti, tasmā hānabhāgiyacatukkaṃ ekatoyeva niddiṭṭhaṃ. Tattha **paṭhamassa jhānassa lābhinti** paṭhamassa jhānassa

1. Dī 3. 225, 260 piṭṭhesu.

2. Dī-Ṭṭha 3. 235 piṭṭhe.

3. Phussitā (Syā)

lābhino. Sāmi-atthe upayogavacanāṃ. Lābho sacchikiriyā assa atthīti lābhīti vuccati. **Kāmasahagatā**ti ettha saḥagatasaddassa ārammaṇattho adhippeto, vatthukāmakilesakāmārammaṇāti attho. **Saññāmanasikārā**ti javanasaññā ca tadāvajjanamanasikāro ca, saññāsampayuttamanasikāropi vaṭṭati.

Samudācarantīti pavattanti. **Dhammoti** paṭhamajjhānadhhammo. Jhānā parihāyanto tīhi kāraṇehi parihāyati kilesasamudācārena vā asappāyakiriyāya vā ananuyogena vā. Kilesasamudācārena parihāyanto sīghaṃ parihāyati, kammārāmatābhassārāmatāniddārāmatā-saṅgaṇikārāmatānuyogavasena asappāyakiriyāya parihāyanto dandhaṃ parihāyati, gelaññapaccayavekallādinā palibodhena abhikkhaṇaṃ asamāpajjanto ananuyogena parihāyantopi dandhaṃ parihāyati. Idha pana balavakāraṇameva dassento kilesasamudācāramevāha. Dutiyajjhānādīhi pana parihāyanto heṭṭhimahēṭṭhimajjhānanikantisamudācārenapi parihāyati. Kittāvataṃ parihīno hotīti? Yadā na sakkoti samāpajjitum, ettāvataṃ parihīno hotīti. **Tadanudhammatā**ti anupavatto dhammo anudhammo, jhānaṃ adhikaṃ katvā pavattassa nikantidhammassetaṃ adhivacanāṃ. Anudhammo eva anudhammatā, tassa jhānassa anudhammatā tadanudhammatā. **Satī**ti nikanti. **Santiṭṭhatī**ti patiṭṭhāti. Taṃ paṭhamajjhānaṃ anuvattamānā nikanti pavattatīti vuttaṃ hoti. **Avitakkasahagatā**ti dutiyajjhānārammaṇā. Taṃ hi natthettha vitakkoti avitakkanti vuccati. **Nibbidāsahagatā**ti vipassanārammaṇā. Sā hi saṅkhāresu nibbindanato nibbidāti vuccati, “nibbindaṃ virajjati”¹ti¹ hi vuttaṃ. **Virāgūpasamhitā**ti ariyamaggapaṭisaññuttā vipassanā. Vipassanā hi sikhāpattā maggavutṭhānaṃ pāpeti. Tasmā vipassanārammaṇā saññāmanasikārā “virāgūpasamhitā”¹ti vuccanti, “virāgā vumuccati”¹ti¹ hi vuttaṃ.

Vitakkasahagatāti vitakkavasena paṭhamajjhānārammaṇā. **Upekkhāsukhasahagatā**ti tatraṃajjhattupekkhāya ca sukhavedanāya ca vasena tatiyajjhānārammaṇā. **Pītisukhasahagatā**ti pītiyā ca sukhavedanāya ca vasena dutiyajjhānārammaṇā. **Adukkhamasukhasahagatā**ti upekkhāvedanāvasena catutthajjhānārammaṇā. Sā hi vedanā na dukkhā na sukhāti adukkhamasukhāti

1. Vi 3. 20; Saṃ 2. 56 piṭṭhesu.

vuccati, makāro panettha padasandhivasena vutto. **Rūpasahagatā** rūpajjhānārammaṇā. Nevasaññānāsaññāyatane ṭhitassa hānabhāgiyaṭṭhi-bhāgiyanibbedhabhāgiyattesu vijjamānesupi visesabhāgiyattābhāvā nevasaññānāsaññāyatanaṃ na niddiṭṭhaṃ. Sabbopi cesa lokiyo samādhi pamādavihārissa mudindriyassa hānabhāgiyo hoti, appamādavihārissa mudindriyassa ṭṭhitabhāgiyo hoti, taṇhācaritassa tikkhindriyassa visesabhāgiyo hoti, diṭṭhicaritassa tikkhindriyassa nibbedhabhāgiyo hotīti vuccati.

Hānabhāgiyacatukkaniddesavaṇṇanā niṭṭhitā.

Lakkhaṇattikaniddesavaṇṇanā

31. Idāni yasmā ekekopi lokiyadhammo tilakkhaṇabbhāhato, tasmā lakkhaṇattikaṃ ekato niddiṭṭhaṃ. Tattha **aniccaṃ khayattṭhenā**ti tattha tattheva khīyanabhāvena aniccaṃ. “Khayadhammattā vayadhammattā virāgadhammattā nirodhadhammattā aniccaṃ”ti eke. **Dukkhaṃ bhayattṭhenā**ti sappaṭibhayatāya dukkhaṃ. Yaṃ hi aniccaṃ, taṃ bhayāvahaṃ hoti Sihopamasutte¹ devānaṃ viya. “Jāti jarā byādhimaraṇabhayaṭṭhena² dukkhaṃ”ti eke. **Anattā asāraṭṭhenā**ti “attā nivāsī kāraṇo vedako sayāṃvasī”ti evaṃ parikkappitassa attasārassa abhāvena anattā. Yaṃ hi aniccaṃ dukkhaṃ, taṃ attanopi aniccataṃ vā udayabbayapīḷanaṃ vā dhāretuṃ na sakkoti, kuto tassa kāraṇādibhāvo. Vuttañca “rūpañca hidaṃ bhikkhave attā abhavissa, nayidaṃ rūpaṃ ābādhāya samvatteyyā”ti-ādi³. “Attasāraniccasāravirahitattā anattā”ti eke.

Lakkhaṇattikaniddesavaṇṇanā niṭṭhitā.

Dukkhasaccaniddesavaṇṇanā

32-33. Ariyasaccacatukkampi tathattṭhena saccānaṃ ekasambandhattā ekato eva niddiṭṭhaṃ. Tattha **tattṭhā**ti tesu catūsu ariyasaccesu. **Katamanti**

1. Saṃ 2. 70 piṭṭhe.

2. Jāti jarā byādhimaraṇaṃ bhayaṭṭhena (Sī)

3. Vi 3. 18 piṭṭhe.

kathetukamyatāpucchā. **Dukkham ariyasaccanti** pucchitadhammanidassanam. Tattha **jātipi dukkhāti**-ādīsu jātisaddassa tāva aneke atthā paveditā. Yathāha—

“Bhavo kulam nikāyo ca, sīlam paññatti lakkhaṇam.
Pasūti sandhi cevāti, jāti-atthā paveditā”.

Tathā hissa “ekampi jātim dvepi jātiyo”¹ti-ādīsu¹ bhavo attho. “Akkhitto anupakkuṭṭho jātivādenā”²ti² ettha kulam. “Atthi Visākhe Nigaṇṭhā nāma samaṇajāti”³ti³ ettha nikāyo. “Yatoham bhagini ariyāya jātiyā jāto nābhijānāmī”⁴ti⁴ ettha ariyasīlam. “Tiriya nāma tiṇajāti nābhīyā uggantvā nabham āhacca ṭhitā ahoṣī”⁵ti⁵ ettha paññatti. “Jāti dvīhi khandhehi saṅgahitā”⁶ti⁶ ettha saṅkhalakkhaṇam. “Sampati jāto Ānanda bodhisatto”⁷ti⁷ ettha pasūti. “Bhavapaccayā jāti”⁸ti⁸ ca “jātipi dukkhā”⁹ti⁹ ca ettha pariyāyato paṭisandhikhandhā. Nipariyāyato pana tattha tattha nibbattamānānam sattānam ye ye khandhā pātubhavanti, tesam tesam paṭhamam pātubhāvo.

Kasmā panesā jāti dukkhāti ce? Anekesam dukkhānam vatthubhāvato. Anekāni hi dukkhāni. Seyyathidam, dukkhadukkham vipariṇāmadukkham saṅkhāradukkham paṭicchannadukkham appaṭicchannadukkham pariyāyadukkham nipariyāyadukkham. Ettha kāyikacetāsikā dukkhā vedanāsabhāvato ca nāmatoca cu dukkhatthā **dukkhadukkham** vuccati. Sukhā vedanā vipariṇāmena dukkhuṇṇapattihetuto **vipariṇāmadukkham**. Upekkhāvedanā ceva avasesā ca tebhūmakasaṅkhārā udayabbayapaṭipīlitattā **saṅkhāradukkham**. Kaṇṇasūladantasūlarāgajaparilāhadosaaparilāhādi kāyikacetāsiko ābādho pucchitvā jānitabbato upakkamassa ca apākaṭabhāvato **paṭicchannadukkham**. Dvattimsakammakāraṇādisumuṭṭhāno ābādho apucchitvā jānitabbato upakkamassa ca pākaṭabhāvato **appaṭicchannadukkham**. Ṭhapetvā dukkhadukkham sesam

1. Vi 1. 5; Ma 2. 202 piṭṭhādīsu.

2. Dī 1. 122. piṭṭhe.

3. Am 1. 206 piṭṭhe.

4. Ma 2. 306. piṭṭhe.

5. Am 2. 210 piṭṭhe.

6. Abhi 3. 13 piṭṭhe.

7. Ma 3. 164 piṭṭhe.

8. Abhi 2. 198 piṭṭhe.

9. Khu 9. 36; Abhi 2. 105 piṭṭhe.

Dukkhasaccavibhaṅge¹ āgataṃ jāti-ādi sabbampi tassa tassa dukkhassa vatthubhāvato **pariyāyadukkham**. Dukkhadukkham pana **nippiyāyadukkham** vuccati.

Tatrāyaṃ jāti yaṃ taṃ Bālapaṇḍitasuttādīsu² Bhagavatāpi upamāvasena pakāsitaṃ āpāyikaṃ dukkham, yañca sugatīyampi manussaloke gabbhokkantimūlakādibhedam dukkham uppajjati, tassa vatthubhāvato dukkhā. Tatridam gabbhokkantimūlakādibhedam dukkham—ayaṃ hi satto mātukucchimhi nibbattamāno na uppalapadumapuṇḍarīkādīsu nibbattati, atha kho heṭṭhā āmāsayassa upari pakkāsayassa udarapaṭalapiṭṭhikaṇṭakānaṃ vemajjhe paramasambādhe tibbandhakāre nānākuṇapagandhaparibhāvitaparamaduggandhapavanavīcarite adhimattajegucche kucchippadese pūtimacchapūtikummāsacandanīkādīsu kimi viya nibbattati. So tattha nibbato dasa māse mātukucchisambhavena usmanā puṭapākaṃ viya paccamāno piṭṭhapiṇḍi viya sediyamāno samīñjanapasāraṇādivirahito adhimattaṃ dukkham paccanubhotīti. Idam tāva **gabbhokkantimūlakam** dukkham.

Yaṃ pana so mātu sahasā upakkhalanagamanānisīdana- uṭṭhānaparivattanādīsu surā dhuttahatthagato eḷako viya ahituṇḍīkahatthagato sappapotako viya ca ākaḍḍhanaparikaḍḍhana- odhunananiddhunānādīnā upakkamena adhimattaṃ dukkhamanubhoti, yañca mātu sītudakapānakāle sītanarakūpapanno viya uṇhayāgubhattādi- ajjhogaraṇakāle aṅgāravuṭṭhisamparikiṇṇo viya loṇambilādi-ajjhogaraṇakāle khārapatacchikādīkammākāraṇappatto³ viya adhimattaṃ dukkhamanubhoti, idam **gabbhāpariharaṇamūlakam** dukkham.

Yaṃ panassa mūḷhagabbhāya mātuyā mittāmaccasuhajjādīhi pi adassanārahe dukkhuppattiṭṭhāne chedanaphālanādīhi dukkhamanubhavati, idam **gabbhāvīpattimūlakam** dukkham.

Yaṃ vijāyamānāya mātuyā kammajehi vātehi parivattetvā narakappapātaṃ viya atibhayānakaṃ yonimaggam paṭipādiyamānassa paramasambādheṇa ca yonimukheṇa tālacchiggaḷena viya nikaḍḍhiyamānassa mahānāgassa narakasattassa viya ca saṅghātapabbatehi vicuṇṇīyamānassa dukkhamuppajjati, idam **vijāyanamūlakam** dukkham.

1. Abhi 2. 104 piṭṭhe.

2. Ma 3. 203 piṭṭhe.

3. Khārāpaṭicchakādi... (Syā, Ka)

Yaṃ pana jātassa taruṇavaṇasadisassa sukumārasarīrassa
hatthagahaṇanāpanadhovanacoḷaparimajjanādikāle
sūcimukhakhuradhārāvijjhanaphālanasadisam dukkhamuppajjati, idaṃ
mātukucchito **bahi nikkhamanamūlakam** dukkham.

Yaṃ tato param pavattiyam attanāva attānam vadhentassa¹
acelakavatādivasena ātāpanaparitāpanānuyogamanuyuttassa kodhavasena
abhuñjantassa ubbandhantassa ca dukkham hoti, idaṃ **attūpakkamamūlakam**
dukkham.

Yaṃ pana parato vadhabandhanādīni anubhavantassa uppajjati, idaṃ
parūpakkamamūlakam dukkhanti. Iti imassa sabbassāpi dukkhassa ayam jāti
vatthumeva hoti. Tenetaṃ vuccati—

“Jāyetha no ce narakesu satto,
Tatthaggidāhādika ’mappasayham.
Labhetha dukkham nu kuhiṃ patiṭṭham,
Iccāha dukkhāti Munīdha jātim.

Dukkham tiracchesu kasāpatoda-
Daṇḍābhīghātādibhavam anekam.
Yaṃ tam katham tattha bhavēyya jātim,
Vinā tahim jāti tatopi dukkhā.

Petesu dukkham pana khuppiāsā-
Vātātapādippabhavam vicittam.
Yasmā ajātassa na tattha atthi,
Tasmāpi dukkham Muni jātimāha.

Tibbandhakāre ca asayhasīte,
Lokantare yaṃ asuresu dukkham.
Na tam bhavē tattha na cassa jāti,
Yato ayam jāti tatopi dukkhā.

1. Tapantassa (Ka)

Yañcāpi gūthanarake viya mātugabbhe,
Satto vasam ciramato bahi nikkhamañca.
Pappoti dukkhamatighoramidampi natthi,
Jātim vinā itipi jāti ayam hi dukkhā.

Kim bhāsitena bahunā nanu yam huhin̄ci,
Atthīdha kiñcidapi dukkhamidaṃ kadāci.
Nevatthi jātivirahe yadato¹ mahesī,
Dukkhatī sabbapaṭhamam imamāha jātin”ti.

Jarāpi dukkhāti ettha duvidhā jarā sañkhatalakkhaṇaṇca, khaṇḍiccādisammato santatīyam ekabhavapariyāpannakhandhapurāṇabhāvo ca. Sā idha adhippetā. Sā panesā dukkhā sañkhāradukkhabhāvato ceva dukkhavattthuto ca. Yam hidam aṅgapaccāṅgasithilībhāva-indriyavikāravirūpatā yobbanavināsabalūpaghātasatimativippavāsaparaparibhavādi-anekappaccayam kāyikacetasikam dukkhamuppajjati, jarā tassa vatthu. Tenetam vuccati—

“Aṅgānam sithilībhāvā, indriyānam vikāro.
Yobbanassa vināsena, balassa upaghātato.

Vippavāsā satādīnam, puttadārehi attano.
Appasādanīyato ceva, bhiyyo bālattapattiyā.

Pappoti dukkham yam macco, kāyikam mānasam tathā.
Sabbametaṃ jarāhetu, yasmā tasmā jarā dukhā”ti.

Jarādukkhānantaram byādhidukkhe vattabbepi kāyikadukkhagahaṇeneva byādhidukkham gahitam hotīti navuttanti veditabbam.

Maraṇampi dukkhanti etthāpi duvidham maraṇam sañkhatalakkhaṇaṇca, yam sandhāya vuttam “jarāmarāṇam dvīhi khandhehi saṅgahitan”ti². Ekabhavapariyāpannajīvitindriyappabandhavicchedo ca, yam sandhāya vuttam “niccam maraṇato bhayan”ti³. Tam idha adhippetam. Jātipaccayamarāṇam upakkamamarāṇam sarasamarāṇam āyukkhayamarāṇam puññakkhayamarāṇantipi tasseva nāmam. Puna khaṇikamarāṇam sammutimaraṇam samucchadamaraṇanti ayampettha bhedo veditabbo. Pavatte rūpārūpadhammānam

1. Jātivirahena yato (Visuddhi 2. 132 piṭṭhe).

2. Abhi 3. 13 piṭṭhe.

3. Khu 1. 371 piṭṭhe.

bhedo **khaṇikamaraṇaṃ** nāma. “Tisso mato, phusso mato”ti idaṃ paramatthato sattassa abhāvā “sassam matam, rukkho matto”ti idaṃ jīvitindriyassa abhāvā **sammutimaraṇaṃ** nāma. Khīṇāsavassa appaṭisandhikā kālakiriyā **samucchedamaraṇaṃ** nāma. Bāhirakaṃ sammutimaraṇaṃ ṭhapetvā itaraṃ sammutimaraṇaṃca samucchedamaraṇaṃca yathāvuttapabandhavicchedeneva saṅgahitaṃ. Dukkassa pana vatthubhāvato dukkhaṃ. Tenetaṃ vuccati—

“Pāpassa pāpakammādi-nimittamanupassato.
Bhaddassā’pasahantassa, viyogaṃ piyavatthukaṃ.
Mīyamānassa yaṃ dukkhaṃ, mānasaṃ avisesato.
Sabbesañcāpi yaṃ sandhi-bandhanacchedanādikaṃ.
Vituḷḷamānamammānaṃ, hoti dukkhaṃ sarīrajaṃ.
Asayhamappaṭikāraṃ, dukkhassetassidaṃ yato.
Maraṇaṃ vatthu tenetaṃ, dukkhamicceva bhāsitaṃ”ti.

Sokādīsu **soko** nāma ñātibyasanādīhi phuṭṭhassa anto nijjhānalakkaṇo cittasantāpo. Dukkho pana dukkhadukkhatō dukkhavatthuto ca. Tenetaṃ vuccati—

“Sattānaṃ hadayaṃ soko, visasallaṃva tujjati.
Aggitattova nārāco, bhusaṃva dahate puna.
Samāvahati byādīṇca, jarāmaraṇabhedaṇaṃ.
Dukkhampi vividhaṃ yasmā, tasmā dukkhoti vuccatī”ti.

Paridevo nāma ñātibyasanādīhi phuṭṭhassa vacīpalāpo. Dukkho pana saṅkhāradukkhabhāvato dukkhavatthuto ca. Tenetaṃ vuccati—

“Yaṃ sokasallavihatō paridevamāno,
Kaṇṭhoṭṭhatālulatalasosajamappasayaṃ.
Bhiyyodhimattamadhiḡacchatiyeva dukkhaṃ,
Dukkhoti tena Bhagavā paridevamāhā”ti.

Dukkhaṃ nāma kāyapīḷanalakkaṇaṃ kāyikadukkhaṃ. Dukkhaṃ pana dukkhadukkhatō mānasadukkabhāvahanato ca. Tenetaṃ vuccati—

“Piḷeti kāyikamidam, dukkham dukkhañca¹ mānasam bhiyyo.
Janayati yasmā tasmā, dukkhanti visesato vuttan”ti.

Domanassam nāma cittapīḷanalakkhaṇam mānasam dukkham.
Dukkham pana dukkhadukkhato kāyikadukkhāvahanato ca.
Cetodukkhasamappitā hi kese pakiriya kandanti, urāni paṭipisanti², āvaṭṭanti,
vivaṭṭanti, uddhampādam papatanti, sattham āharanti, visam khādanti,
rajjuyā ubbandhanti, aggim pavisantīti nānappakārakam
dukkhamanubhavanti. Tenetaṃ vuccati—

“Piḷeti yato cittam, kāyassa ca pīḷanam samāvahati.
Dukkhanti domanassam, vidomanassā tato āhū”ti.

Upāyāso nāma ñātibyasanādihi phuṭṭhassa
adhimattacetodukkhappabhāvito dosoyeva. “Saṅkhārakkhandhapariyāpanno
eko dhammo”ti eke. Dukkho pana saṅkhāradukkhabhāvato cittaparidahano
kāyavisādanato ca. Tenetaṃ vuccati—

“Cittassa ca paridahanā, kāyassa visādanā ca adhimattam.
Yaṃ dukkhamupāyāso, janeti dukkho tato vutto”ti.

Ettha ca mandagginā antobhājane pāko viya soko, tikkhagginā
paccamānassa bhājanato bahinikkhamanam viya paridevo,
bahinikkhantāvasesassa nikkhamitumpi appahontassa antobhājaneyeva yāva
parikkhayā pāko viya upāyāso daṭṭhabbo.

Appiyasampayogo nāma appiyehi sattasaṅkhārehi samodhānam.
Dukkho pana dukkhavatthuto. Tenetaṃ vuccati—

“Disvāva appiye dukkham, paṭhamam hoti cetasi.
Tadupakkamasambhūta-matha kāye yato idha.
Tato dukkhadvayassāpi, vatthuto so Mahesinā.
Dukkho vuttoti viññeyyo, appiyehi samāgamo”ti.

Piyavippayogo nāma piyehi sattasaṅkhārehi vinābhāvo. Dukkho pana
dukkhavatthuto. Tenetaṃ vuccati—

1. Dukkhañca (Sī, Visuddhi 2. 134 piṭṭhe ca)

2. Paṭipimsanti (Sī, Syā)

“Ñātidhanādiviyogā,
Sokasarasamappitā vitujjanti.
Bālā yato tatoyaṃ,
Dukkhoti mato piyaviyogo”¹ti.

Ichhitālābhe alabbhaneyyavatthūsu icchāva **yampicchaṃ na labhati, tampi dukkhanti** vuttā. Yenapi dhammena alabbhaneyyaṃ vatthum icchanto na labhati, tampi alabbhaneyyavatthumhi icchanam dukkhanti attho. Dukkham pana dukkhavatthuto. Tenetaṃ vuccati—

“Taṃ taṃ patthayamānānaṃ, tassa tassa alābhato.
Yaṃ vighātamayaṃ dukkham, sattānaṃ idha jāyati.
Alabbha neyyavatthūnaṃ, patthanā tassa kāraṇaṃ.
Yasmā tasmā Jino dukkham, icchitālābhamabravī”ti.

Saṅkhittena pañcupādānakkhandhāti ettha pana **saṅkhittenā**ti desanaṃ sandhāya vuttaṃ. Dukkham hi ettakāni dukkhasatānīti vā ettakāni dukkhasahassānīti vā saṅkhipitum na sakkā, desanā pana sakkā. Tasmā “dukkham nāma na aññaṃ kiñci, saṅkhittena pañcupādānakkhandhā dukkhā”ti desanaṃ saṅkhipanto evamāha. **Pañcā**ti gaṇanaparicchedo. **Upādānakkhandhā**ti upādānagocarā khandhā.

Jātipabbhutaṃ dukkham, yaṃ vuttamidha tādinā.
Avuttaṃ yañca taṃ sabbaṃ, vinā etena vijjati.
Yasmā tasmā upādāna-kkhandhā saṅkhepato ime.
Dukkhāti vuttā dukkhanta-desakena Mahesinā.

Tathā hi indhanamiva pāvako, lakkhamiva paharaṇāni, gorupaṃ viya ḍamsamakasādayo, khattamiva lāyakā, gāmaṃ viya gāmaghātakā, upādānakkhandhapañcakameva jāti-ādayo nānappakārehi vibādhentā tiṇalatādīni viya bhūmiyaṃ, pupphaphalapallavāni viya rukkhesu upādānakkhandhesuyeva nibbattanti. Upādānakkhandhānañca ādidukkham jāti, majjhedukkham jarā, pariyosānadukkham maraṇaṃ, māraṇantikadukkhābhīghātena pariḍayhanadukkham

1. Piyavippayogoti (Sī, Ka, Visuddhi 2. 136 piṭṭhe ca)

soko, tadasahanato lālappanadukkhaṃ paridevo, tato dhātukkabhāsāṅkhāta-aniṭṭhaphoṭṭhabbasamāyogato kāyassa ābādhanaadukkhaṃ dukkhaṃ, tena ābādhiamānānaṃ puthujjanānaṃ tattha paṭighuppattito cetobādhanaadukkhaṃ domanassaṃ, sokādivuddhiyā janitavisādānaṃ anuttunanaadukkhaṃ upāyāso, manorathavighātappattānaṃ icchāvighātadukkhaṃ icchitālābhoti evaṃ nānappakāro upaparikkhiyamānā upādānakkhandhāva dukkhāti yadetaṃ ekamekaṃ dassetvā vuccamānaṃ anekehipi kappehi na sakkā anavasesato vuttuṃ, taṃ sabbampi dukkhaṃ ekajalabindumhi sakalasaṃmuddajalarasaṃ viya yesu kesuci pañcasu upādānakkhandhesu saṅkhipitvā dassetuṃ “saṅkhittena pañcupādānakkhandhā dukkhā”ti Bhagavatā vuttameva thero avocāti.

Tattha katamo jāṭī-ādīsu padabhājanīyesu **tatthā**ti dukkhasaccaniddese vuttesu jāṭī-ādīsu. **Yā tesam tesam sattānanti** saṅkhepato anekesaṃ sattānaṃ sādharmaṇaniddeso. Yā Devadattassa jāṭī, yā Somadattassa jāṭīti evaṃ hi divasampi kathiyamāne neva sattā pariyādānaṃ gacchanti, na sabbaṃ aparatthadīpanaṃ sijjhati, imehi pana dvīhi padehi na koci satto aparīyādinno hoti, na kiñci aparatthadīpanaṃ na sijjhati. **Tamhi tamhīti** ayaṃ gati-jāṭivasena anekesaṃ sattānikāyānaṃ sādharmaṇaniddeso. **Sattānikāyēti** sattānaṃ nikāye, sattaḡhaṭṭāyaṃ sattaṃsamūheti attho. **Jāṭīti** jāyanaṃvasena. Idamettha sabhāvapaccattaṃ. **Sañjāṭīti** sañjāyanaṃvasena. Upasaggena padaṃ vaḍḍhitaṃ. **Okkanti**ti okkamaṃvasena. Jāyanaṭṭhena vā jāṭī, sā aparipuṇṇāyatanavaṃsena vuttā. Sañjāyanaṭṭhena sañjāṭī, sā paripuṇṇāyatanavaṃsena vuttā. Okkamaṃvaṭṭhena okkanti, sā aṇḍajalābujavaṃsena vuttā. Te hi aṇḍakosaṃ vaṭṭhikosañca okkamanti, okkamantā pavisaṃtā viya paṭisaṃdhiṃ gaṇhanti. Abhinibbattaṃvaṭṭhena **abhinibbanti**, sā saṃsedaḡa-opapāṭikaṃvasena vuttā. Te hi pākāṭā eva hutvā nibbattanti, ayaṃ tāva sammutikathā.

Idāni **khandhānaṃ pātubhāvo āyatanānaṃ paṭilābhoti** paramatthakathā hoti. Khandhā eva hi paramatthato pātubhavanti, na sattā. Ettha ca **khandhānanti** ekavokārabhave ekassa, catuvokārabhave catunnaṃ, pañcavokārabhave pañcannaṃpi gahaṇaṃ veditabbaṃ. **Pātubhāvoti** uppatti.

āyatanānanti tatra tatra uppajjamānāyatanavasena saṅgaho veditabbo. **Paṭilābhoti** santatiyaṃ pātubhāvoyeva. Pātubhavantāneva hi tāni paṭiladdhāni nāma honti. **Ayaṃ vuccati jātīti** ayaṃ jāti nāma kathīyati.

Jarāniddese **jarāti** sabhāvapaccattaṃ. **Jīraṇatāti** ākāraniddeso. **Khaṇḍiccanti**-ādayo tayo kālātikkame kiccaniddesā, pacchimā dve pakatiniddesā. Ayaṃ hi jarāti iminā padena sabhāvato dīpitā, tenassā idaṃ sabhāvapaccattaṃ. Jīraṇatāti iminā ākārato, tenassāyaṃ ākāraniddeso. Khaṇḍiccanti iminā kālātikkame dantanakhānaṃ khaṇḍitabhāvakaraṇakiccato. **Pāliccanti** iminā kesalomānaṃ palitabhāvakaraṇakiccato. **Valittacatāti** iminā maṃsaṃ milāpetvā tace valibhāvakaraṇakiccato dīpitā. Tenassā ime tayo kālātikkame kiccaniddesā. Tehi imesaṃ vikārānaṃ dassanavasena pākaṭibhūtā pākaṭajarā dassitā. Yatheva hi udakassa vā vātassa vā aggino vā tiṇarukkhādīnaṃ sambhaggapalibhaggatāya vā jhāmatāya vā gatamaggo pākaṭo hoti, na ca so gatamaggo tāneva udakādīni, evameva jarāya dantādīsu khaṇḍiccādivasena gatamaggo pākaṭo cakkhuṃ ummīletvāpi gayhati, na ca khaṇḍiccādīneva jarā. Na hi jarā cakkhuviññeyyā hoti.

Āyuno saṃhāni indriyānaṃ paripākoti imehi pana padehi kālātikkameyeva abhibyattāya āyukkhayacakkhādi-indriyaparipākasaṅkhātāya pakatiyā dīpitā, tenassime dve pakatiniddesāti veditabbā. Tattha yasmā jaraṃ pattassa āyu hāyati, tasmā jarā “āyuno saṃhāni”ti phalūpacārena vuttā. Yasmā ca daharakāle suppasannāni sukhumampi attano visayaṃ sukheneva gaṇhanasamatthāni cakkhādīni indriyāni jaraṃ pattassa paripakkāni āluḷitāni avisadāni oḷārikampi attano visayaṃ gahetuṃ asamatthāni honti, tasmā “indriyānaṃ paripāko”ti phalūpacāreneva vuttā.

Sā panesā evaṃ niddiṭṭhā sabbāpi jarā pākaṭā paṭicchannāti duvidhā hoti. Tattha dantāsīsu khaṇḍādibhāvadassanato rūpadhammesu jarā **pākaṭajarā** nāma, arūpadhammesu pana jarā tādisassa vikārassa

adassanato **paṭicchannajarā** nāma. Tatra yvāyaṃ khaṇḍādibhāvo dissati, so tādīsānaṃ dantādīnaṃ vaṇṇoyeva. Taṃ cakkhunā disvā manodvārena cintetvā “ime dantā jarāya pahaṭā”ti jaraṃ jānāti udakaṭṭhāne baddhāni gosiṅgādīni oloketvā heṭṭhā udakassa atthibhāvajānanānaṃ viya. Puna ayaṃ jarā savīci avīcīti evampi duvidhā hoti. Tattha maṇikanakarajatapavāla-candasūriyādīnaṃ mandadasakādīsū paṇīnaṃ viya, pupphaphalapallavādīsū apāṇīnaṃ viya ca antarantarā vaṇṇavisesādīnaṃ dubbhiṅṇeyyattā jarā **avīcijarā** nāma, nirantarajarāti attho. Tato aññesu pana yathāvuttesu antarantarā vaṇṇavisesādīnaṃ suviṅṇeyyattā jarā **savīcijarā** nāma.

Tattha savīcijarā upādiṇṇaka-anupādiṇṇakavasena evaṃ veditabbā— daharakumārakānaṃ hi paṭhamameva khīradantā nāma uṭṭhahanti, na te thirā. Tesu pana patitesu puna dantā uṭṭhahanti. Te paṭhamameva setā honti, jarāvātena pahaṭakāle kāḷakā honti. Kesā paṭhamameva tambā honti, tato kāḷakā, tato setā. Chavi pana salohitikā hoti. Vaḍḍhantānaṃ vaḍḍhantānaṃ odātānaṃ odātabhāvo, kāḷakānaṃ kāḷakabhāvo paññāyati. Jarāvātena pana pahaṭakāle valim gaṇhāti. Sabbampi sassānaṃ vapitakāle setānaṃ honti, pacchā nīlaṃ. Jarāvātena pana pahaṭakāle paṇḍukaṃ honti. Ambaṅkurenāpi dīpetuṃ vaṭṭati.

Maraṇaniddese **cutīti** cavanavasena vuttaṃ. Ekacatupaṅcakkhandhānaṃ sāmāññavacanametānaṃ. **Cavanatāti** bhāvavacanena lakkhaṇanidassanaṃ. **Bhedoti** cutikhandhānaṃ bhaṅgupattiparidīpanaṃ. **Antaradhānanti** ghaṭassa viya bhinnassa bhinnānaṃ cutikhandhānaṃ yena kenaci pariyāyena ṭhānābhāvaparidīpanaṃ. **Maccu maraṇanti** maccusaṅkhātānaṃ maraṇaṃ, na khaṇikamaraṇaṃ. Kālo nāma antako, tassa kiriyāti **kālakiriyā**. Ettāvata ca sammutiyā maraṇaṃ dīpitaṃ.

Idāni paramatthena dīpetuṃ **khandhānaṃ bhedoti**-ādimāha. Paramatthena hi khandhāyeva bhijjanti, na satto nāma koci marati. Khandhesu pana bhijjamānesu satto marati, bhinnesu matoti vohāro hoti. Ettha ca catuvokārapaṅcavokāravasena **khandhānaṃ bhedo**, ekavokāravasena **kaḷavarassa nikkhepo**, catuvokāravasena vā khandhānaṃ bhedo, sesadvayavasena kaḷavarassa nikkhepo veditabbo. Kasmā? Bhavadvayepi

rūpakāyasaṅkhātassa kaḷavarassa sambhavato. Yasmā vā Cātumahārājikādīsupi khandhā bhijjanteva, na kiñci nikkhipati, tasmā tesam vasena khandhānam bhedo, manussādīsū kaḷavarassa nikkhepo. Ettha ca kaḷavarassa nikkhepakaraṇato maraṇam “kaḷavarassa nikkhepo”ti vuttaṃ.

Jīvitindriyassupacchedoti iminā indriyabaddhasseva maraṇam nāma hoti, anindriyabaddhassa maraṇam nāma natthīti dasseti. “Sassam matam, rukkho mato”ti idaṃ pana vohāramattameva, atthato pana evarūpāni vacanāni sassādīnam khayavayabhāvameva dīpentī.

Apica imāni jātijarāmarāṇāni nāma imesaṃ sattānaṃ vadhakapaccāmittā viya otāram gavesantāni vicaranti. Yathā hi purissa tīsu paccāmittesu otārāpekkhesu vicarantesu eko vadeyya “ahaṃ asuka-araññassa nāma vaṇṇam kathetvā etaṃ ādāya tattha gamissāmi, ettha mayhaṃ dukkaram natthī”ti. Dutīyo vadeyya “ahaṃ tava¹ etaṃ gahetvā gatakāle pothetvā dubbalaṃ karissāmi, ettha mayhaṃ dukkaram natthī”ti. Tatiyo vadeyya “tayā etasmim pothetvā dubbale kate tiṇhena asinā sīsacchedanam nāma mayhaṃ bhāro hotū”ti te evaṃ vatvā tathā kareyyuṃ. Tattha paṭhamapaccāmittassa araññavaṇṇamkathetvā taṃ ādāya tattha gatakālo viya suhajjānātimaṇḍalato nikkadḍhitvā yattha katthaci nibbattāpanam nāma jātiyā kiccaṃ, dutiyassa pothetvā dubbalakaraṇam viya nibbattakkhandhesu nipatitvā parādhīnamañcaparāyaṇabhāvakaraṇam jarāya kiccaṃ, tatiyassa tiṇhena asinā sīsacchedanam viya jīvitakkhayapāpanam maraṇassa kiccanti vedītabbāṃ.

Apicettha jātidukkhaṃ sādīnavamahākantārappaveso viya daṭṭhabbāṃ, jarādukkhaṃ tattha annapānarahitassa dubbalaṃ viya, maraṇadukkhaṃ dubbalassa iriyāpathapavattane vihataparakkamassa vāḷādīhi anayabyasanāpādanam viya daṭṭhabbanti.

Sokaniddese viyasatīti² byasanam, hitasukhaṃ khipati viddhamsetīti attho. Ñātīnam byasanam nātībyasanam, corarogabhayādīhi nātikkhayo

1. Tāva (Sī)

2. Byasatīti (Sī)

ñātivināsoti attho. Tena **ñātibyasanena**. **Phuṭṭhassāti** ajjhotthassa abhibhūtassa, samannāgatassāti attho. Sesesupi eseva nayo. Ayam pana viseso—bhogānaṃ byasanaṃ **bhogabyasanaṃ**, rājacorādivasena bhogakkhaya bhogavināsoti attho. Rogoyeva byasanaṃ **rogabyasanaṃ**. Rogo hi ārogyaṃ viyasati vināsetīti byasanaṃ. Sīlassa byasanaṃ **sīlabyasanaṃ**. Dussīlyassetamaṃ nāmaṃ. Sammādiṭṭhiṃ vināsayamānā uppannā diṭṭhi eva byasanaṃ **diṭṭhibyasanaṃ**. Ettha ca purimāni dve anipphannāni, pacchimāni tīṇi nipphannāni tilakkhaṇabbhāhatāni. Purimāni ca tīṇi neva kusalāni na akusalāni, sīladiṭṭhibyasanaadvayaṃ akusalaṃ.

Aññataraññatarenāti gahitesu vā yena kenaci aggahitesu vā mittāmaccabyaśanādīsu yena kenaci. **Samannāgatassāti** samanubandhassa aparimuccamānassa. **Aññataraññatarena dukkhadhammenāti** yena kenaci sokadukkhasa uppattihetunā. **Sokoti** socanakavasena soko. Idaṃ tehi kāraṇehi uppajjanakasokassa sabhāvapaccattaṃ. **Socanāti** socanākāro. **Socitattanti** socitabhāvo. **Antosokoti** abbhantarasoko. Dutiyapadaṃ upasaggena vaḍḍhitaṃ. So hi abbhantaraṃ sukkhāpento viya parisukkhāpento viya uppajjatīti “antosoko antoparisoko”ti vuccati. **Cetaso pariṃjhāyanāti** cittassa pariṃjhāyanākāro. Soko hi uppajjamāno aggi viya cittaṃ jhāpeti dahati, “cittaṃme jhāmaṃ, na me kiñci paṭibhātī”ti vadāpeti. Dukkhiro mano dummano, tassa bhāvo **domanassaṃ**. Anupaviṭṭhatṭhena sokova sallanti **sokasallaṃ**.

Paridevaniddese “mayhaṃ dhītā, mayhaṃ putto”ti evaṃ ādissa ādissa devanti rodanti etenāti **ādevo**. Taṃ taṃ vaṇṇaṃ parikittetvā parikittetvā devanti etenāti **paridevo**. Tato parāni dve dve padāni purimadvayasseva ākārabhāvaniddesavasena vuttāni. **Vācāti** vacanaṃ. **Palāpoti** tucchaṃ niraṭṭhakavacanaṃ. Upaḍḍhabhaṇita-aññabhaṇitādivasena virūpo palāpoti **vippalāpo**. **Lālappoti** punappunaṃ lapanāṃ. Lālappanākāro **lālappanā**. Lalappitassa bhāvo **lālappitattaṃ**.

Dukkhaniddese kāyanissitattā **kāyikaṃ**. Amadhuraṭṭhena **asātaṃ**. Kāyikapadena cetasika-asātaṃ paṭikkhipati, asātapadena kāyikasātaṃ. Tadeva dukkhayatīti **dukkhaṃ**, yassuppajjati, taṃ dukkhitaṃ karotīti attho. Dukkhamattā vā dukkhaṃ. **Kāyasamphassajanti** kāyasamphasse jātaṃ. **Asātaṃ dukkhaṃ vedayitanti** asātaṃ vedayitaṃ na sātaṃ, dukkhaṃ vedayitaṃ na sukhaṃ. Parato tīṇi padāni itthiliṅgavasena vuttāni. Asātā vedanā na sātā, dukkhā vedanā na sukhāti ayameva panettha attho. Yaṃ kāyikaṃ asātaṃ dukkhaṃ vedayitaṃ, yā kāyasamphassajā asātā dukkhā vedanā, idaṃ vuccati dukkhanti evaṃ yojanā veditabbā.

Domanassaniddese duṭṭhu manoti dummano, hīnavedanattā vā kucchitaṃ manoti dummano, dummanassa bhāvo **domanassaṃ**. Cittanissitattā **cetasikaṃ**. **Cetosamphassajanti** cittasamphasse jātaṃ.

Upāyāsaniddese āyāsanatṭhena **āyāso**. Saṃsīdanavisīdanākārappavattassa cittakilamathassettaṃ nāmaṃ. Balava-āyāso **upāyāso**. Āyāsitaḥāvo **āyāsitaṃ**. Upāyāsitaḥāvo **upāyāsitaṃ**.

Appiyasampayoganiddese **idhāti** imasmim loke. **Ya'ssāti** ye assa. **Aniṭṭhāti** apariyesitā. Pariyesitā vā hontu apariyesitā vā, nāmamevettaṃ amanāpārammaṇānaṃ. Manasmim na kamanti na pavisaṇṭīti **akantā**. Manasmim na appiyanti, na vā maṇaṃ vaḍḍhentīti **amanāpā**. **Rūpāti**-ādi tesāṃ sabhāvanidassanaṃ. Anattaṃ kāmenti icchintīti **anattakāmā**. Ahitaṃ kāmenti icchantīti **ahitakāmā**. Aphāsuṃ dukkhavihāraṃ kāmenti icchantīti **aphāsukāmā**. Catūhi yogehi khemaṃ nibbhayaṃ vivaṭṭaṃ na kāmenti, sabhayaṃ vaṭṭameva nesaṃ kāmenti icchantīti **ayogakkhemakāmā**. Apica saddhādīnaṃ vuddhisāṅkhātassa atthassa akāmanato, tesāmyeva hānisāṅkhātassa anattassa kāmanato **anattakāmā**. Saddhādīnaṃyeva upāyabhūtaṃ hitassa akāmanato, saddhāhāni-ādīnaṃ upāyabhūtaṃ hitassa ca kāmanato **ahitakāmā**.

Phāsuvihārassa akāmanato, aphāsuvihārassa ca kāmanato **aphāsukāmā**.

Yassa kassaci nibbhayassa¹ akāmanato, bhayassa ca kāmanato **ayogakkhemakāmā**ti evamettha attho daṭṭhabbo.

Saṅgatīti gantvā saṃyogo. **Samogamoti** āgatehi saṃyogo.

Samodhānanti ṭhānani sajjādīsu sahabhāvo. **Missībhāvoti** sabbakiccānaṃ sahakaraṇaṃ. Ayaṃ sattavasena yojanā. Saṅkhārasena pana yaṃ labbhati, taṃ gahetabbaṃ. So pana appiyasampayogo atthato eko dhammo nāmanatthi, kevalaṃ appiyasampayuttānaṃ duvidhassāpi dukkhassa vatthubhāvato dukkhoti vutto.

Piyavippayoganiddeso vuttapaṭipakkhanayena veditabbo. **Mātāvā**ti-ādi panettha atthakāme sarūpena dassetuṃ vuttaṃ. Tattha mamāyatīti **mātā**, piyāyatīti **pitā**. Bhajātīti **bhātā**. Tathā **bhaginī**. Mettā yantīti **mittā**, minanti vā sabbaguyhesu anto pakkhipantīti **mittā**. Kiccakaraṇīyesu sahabhāvaṭṭhena amā hortīti **amaccā**. “Ayaṃ amhākaṃ ajjhattiko”ti evaṃ jānanti, nāyantīti vā **ñātī**. Lohitena sambandhāti **sālohitā**. Pitupakkhikā **ñātī**, mātupakkhikā **sālohitā**. Mātāpitupakkhikā vā **ñātī**, sassusasurapakkhikā **sālohitā**. Ayampi piyavippayogo atthato eko dhammo nāma natthi, kevalaṃ piyavippayuttānaṃ duvidhassāpi dukkhassa vatthubhāvato dukkhoti vutto. Idamettha sabba-aṭṭhakathāvacanaṃ. Saccānaṃ pana tathalakkhaṇattā sampayogavippayogavacanehi appiyapiyavatthūniyeva visesitānīti vattuṃ yujjātīti.

Icchitālābhaniddese **jātidhammānanti** jātisabhāvānaṃ jātipakatikānaṃ. **Ichā uppajjātī**ti taṇhā uppajjati. **Aho vatā**ti patthanā. **Assāmā**ti bhaveyyāma. **Na kho panetaṃ icchāya pattabbanti** yaṃ etaṃ “aho vata mayāṃ na jātidhammā assāma, na ca vata no jāti āgaccheyyā”ti evaṃ pahīnasamudayesu sādhusu vijjamānaṃ ajātidhammattaṃ parinibbutesu ca vijjamānaṃ jātiyā anāgamaṇaṃ icchitaṃ, taṃ icchantassāpi maggabhāvanāya vinā appattabbato, anicchantassāpi ca bhāvanāya pattabbato na icchāya pattabbaṃ nāma hoti. **Idampī**ti etampi. Upari sesāni upādāya **apisaddo**.

1. Nibbhayayogassa (Sī)

Upādānakkhandhaniddese **seyyathidanti** nipāto, tassa te katame iti ceti attho. Rūpameva upādānakkhandhoti **rūpupādānakkhandho**. Eseva nayo sesesupi.

Dukkhasaccaniddesavaṇṇanā niṭṭhitā.

Samudayasaccaniddesavaṇṇanā

34. Samudayasaccaniddese **yāyaṃ taṇhāti** yā yaṃ taṇhā.

Ponobhavikāti¹ punabbhavakaraṇaṃ punobhavo, punobhavo silamassāti ponobhavikā. Apica punabbhavaṃ² deti, punabbhavāya saṃvattati, punappunaṃ bhava³ nibbattetīti ponobhavikā. Sā panesā punabbhavassa dāyikāpi atthi adāyikāpi, punabbhavāya saṃvattanikāpi atthi asaṃvattanikāpi, dinnāya paṭisandhiyā upadhivepakkamattāpi. Sā tippakārāpi ponobhavikāti nāmaṃ labhati. Ponabbhavikātipi pāṭho, soyevattho. Abhinandanasāṅkhātena nandirāgena saha gatāti **nandirāgasahagatā**, nandirāgena saddhim atthato ekattameva gatāti vuttaṃ hoti. **Tatra tatrābhinandinī**ti yatra yatra attabhāvo nibbattati, tatra tatra abhinandinī, rūpādīsu vā ārammaṇesu tatra tatrābhinandinī, rūpābhinandinī saddagandharasaphoṭṭhabbadhammābhinandinīti attho. Tatra tatrābhinandītipi pāṭho, tatra tatra abhinandayātīti attho. **Sayyathidanti** nipāto, tassa sā katamā iti ceti attho. **Kāmatāṇhāti** kāme taṇhā, pañcakāmaguṇikarāgassetam adhivacanaṃ. **Bhavataṇhāti** bhava taṇhā. Bhavapatthanāvasena uppanassa sassatadiṭṭhisahagatassa rāgassa rūpārūpabhavarāgassa ca jhānanikantiyā ca etaṃ adhivacanaṃ. **Vibhavataṇhāti** vibhave taṇhā. Ucchedadiṭṭhisahagatarāgassetam adhivacanaṃ.

Idāni tassā taṇhāya vatthum vitthārato dassetuṃ **sā kho panesāti**-ādimāha. Tattha **uppajjati**ti jāyati. **Nivisati**ti punappunaṃ pavattivasena patiṭṭhāti. Uppajjamānā kattha uppajjati, nivisamānā kattha nivisati sambandho. **Yaṃ loke piyarūpaṃ satarūpanti** yaṃ lokasmim

1. Ponobhavikāti (Syā)

2. Punobhavaṃ (Sī)

3. Bhavaṃ (Syā, Ka)

piyasabhāvañceva madhurasabhāvañca. **Cakkhu loke**ti-ādīsu lokasmim hi cakkhu-ādīsu mamattena abhiniviṭṭhā sattā sampattiyam patitṭhitā attano cakkhum ādāsādīsu nimittaggaṇānusārena vipassannaṃ pañcapasādaṃ suvaṇṇavimāne ugghāṭitamaṇisīhapañjaram viya maññanti, sotam rajatapanālikam viya pāmaṅgasuttakam viya ca maññanti, tuṅganāsāti laddhavohāram ghānam vaṭṭetvā ṭhapitaharītālavaṭṭim viya maññanti, jivham rattakambalapaṭalam viya mudusiniddhamadhurarasadam maññanti, kāyam sālalaṭṭhim viya suvaṇṇatoraṇam viya ca maññanti, manam aññesam manena asadisam ulāram maññanti, rūpam suvaṇṇakaṇikārapupphādivaṇṇam viya, saddam mattakaravīkakokilamandhamitamamānivaṃsanigghosam viya, attanā paṭiladdhāni catusamuṭṭhānikagandhārammaṇādīni “kassaññassa evarūpāni atthi”ti maññanti, tesam evam maññamānānam tāni cakkhādīni piyarūpāni ceva satarūpāni ca honti. Atha nesam tattha anuppannā ceva taṇhā uppajjati, uppannā ca punappunam pavattivasena nivisati. Tasmā thero “cakkhu loke piyarūpam satarūpam, etthesā taṇhā uppajjamānā uppajjati”ti-ādimāha. Tattha **uppajjamānāti** yadā uppajjati, tadā ettha uppajjatīti attho.

Samudayasaccaniddesavaṇṇanā niṭṭhitā.

Nirodhasaccaniddesavaṇṇanā

35. Nirodhasaccaniddese **yo tassāyeva taṇhāyāti** ettha “yo tasseva dukkhassā”ti vattabbe yasmā samudayanirodheneva¹ dukkham nirujjhati, no aññathā. Yathāha—

“Yathāpi mūle anupaddave daḷhe,
Chinnopi rukkho punareva rūhati.
Evampi taṇhānusaye anūhate,
Nibbattatī dukkhamidaṃ punappunan”ti².

Tasmā tam dukkhanirodham dassento samudayanirodhena dassetuṃ evamāha. Sīhasamānavuttino hi Tathāgatā, te dukkham nirodhentā dukkhanirodhañca dassentā hetumhi paṭipajjanti, na phale. Suvānavuttino pana

1. Samudayanirodhena (Syā)

2. Khu 1. 62 piṭṭhe Dhammapade.

aññatitthiyā, te dukkhaṃ nirodhentā dukkhanirodhañca dassentā attakilamathānuyogena ceva tasseva ca desanāya phale paṭipajjanti, na hetumhīti sihasamānavuttitāya Satthā hetumhi paṭipajjanto “yo tassāyevā”ti-ādimāha. Dhammasenāpatipi Satthārā vuttakkamenevāha.

Tattha **tassāyeva taṇhāyāti** yā sā taṇhā “ponobhavikā”ti vatvā kāmataṇhādivasena vibhattā uppattinivesanavasena ca heṭṭhā pakāsītā, tassāyeva taṇhāya. **Asesavirāgaṇirodhoti** virāgo vuccati maggo, “virāgā vimuccati”ti¹ hi vuttaṃ. Virāgena nirodho virāgaṇirodho, anusayasamugghātato aseso virāgaṇirodho asesavirāgaṇirodho. Atha vā virāgoti hi pahānaṃ vuccati, tasmā aseso virāgo aseso nirodhoti evampettha yojanā daṭṭhabbā. Atthato pana sabbāneva panetāni asesavirāgaṇirodhoti-ādāni nibbānasseva vevacanāni. Paramatthato hi dukkhanirodhaṃ ariyasaccanti nibbānaṃ vuccati. Yasmā pana taṃ āgamma taṇhā asesā virajjati nirujjati, tasmā taṃ “tassāyeva taṇhāya asesavirāgaṇirodho”ti vuccati. Nibbānañca āgamma taṇhā cajjyati paṭinissajjyati muccati na alliyati, kāmaguṇālayesu cettha ekopi ālayo natthi, tasmā nibbānaṃ, **cāgo paṭinissaggo mutti anālayoti** vuccati. Ekameva hi nibbānaṃ, nāmāni panassa sabbasaṅkhatānaṃ nāmapaṭipakkhavasena anekāni honti. Seyyathidaṃ, asesavirāgo asesaṇirodho cāgo paṭinissaggo mutti anālayo rāgakkhayo dosakkhayo mohakkhayo taṇhākkhayo anuppado appavattaṃ animittaṃ appaṇihitaṃ anāyūhanaṃ appaṭisandhi anupapatti² agati ajātaṃ ajaraṃ abyādhi amataṃ asokaṃ aparidevaṃ anupāyāsaṃ asaṃkiliṭṭhanti-ādāni.

Idāni maggena chinnāya nibbānaṃ āgamma appavattipattāyapi ca taṇhāya yesu vatthūsu tassā uppatti dassitā, tattheva abhāvaṃ dassetuṃ **sā kho panesāti**-ādimāha. Tattha yathā puriso khetto jātaṃ tittakālābuvallim disvā aggato paṭṭhāya mūlaṃ pariyesitvā chinneyya, sā anupubbena milāyitā appaññattim³ gaccheyya, tato tasmim khetto tittakālābu niruddhā pahīnāti vucceyya, evameva khetto

1. Ma 1. 192; Saṃ 2. 18, 56; Vi 3. 20 piṭṭhesu.

2. Anuppatti (Sī, Syā)

3. Apavattim (Sī)

hittakālābu viya cakkhādīsu taṇhā. Sā ariyamaggena mūlacchinnā nibbānaṃ āgamma appavattim gacchati. Evaṃ gatā pana tesu vatthūsu khette tittakālābu viya na paññāyati. Yathā ca aṭavito core ānetvā nagarassa dakkhiṇadvāre ghāteyyum, tato aṭaviyaṃ corā matāti vā māritāti vā vucceyyum, evameva aṭaviyaṃ corā viya yā cakkhādīsu taṇhā, sā dakkhiṇadvāre corā viya nibbānaṃ āgamma niruddhattā nibbāne niruddhā. Evaṃ niruddhā pana tesu vatthūsu aṭaviyaṃ corā viya na paññāyati. Tenassā tattheva nirodhaṃ dassento “cakkhu loke piyarūpaṃ sātārūpaṃ, etthesā taṇhā pahīyamānā pahīyati”ti-ādimāha. Atha vā taṇhuppādavatthussa pariññātattā pariññāvatthusmiṃ puna na uppajjanato anuppādanirodhavasena taṇhuppādavatthusmiṃyeva nirujjhatīti vuccati. Ettha ca uppajjanapaṭipakkhavasena pahīyatīti vuttaṃ, nivisanapaṭipakkhavasena nirujjhatīti.

Nirodhasaccaniddesavaṇṇanā niṭṭhitā.

Maggasaccaniddesavaṇṇanā

36. Maggasaccaniddese **ayamevā**ti aññamaggapaṭikkhepanatthaṃ niyamanam¹. **Ariyoti** taṃtaṃmaggavajjhakilesehi ārakattā, ariyabhāvakarattā, ariyaphalapaṭilābhakarattā ca ariyo. Aṭṭha aṅgāni assāti **aṭṭhaṅgiko**. Svāyaṃ caturaṅgikā viya senā, pañcaṅgikaṃ viya tūriyaṃ aṅgamattameva hoti, aṅgavinimutto natthi.

Idāni aṅgamattameva maggo aṅgavinimutto natthīti dassento **sammādiṭṭhi -pa- sammāsamādhī**ti-ādimāha. Tattha sammā dassanalakkhaṇā **sammādiṭṭhi**. Sammā abhiniropanalakkhaṇo **sammāsaṅkappo**. Sammā pariggahalakkhaṇā **sammāvācā**. Sammā samuṭṭhāpanalakkhaṇo **sammākammanto**. Sammā vodāpanalakkhaṇo **sammā-ājīvo**. Sammā paggahalakkhaṇo **sammāvāyāmo**. Sammā upaṭṭhānalakkhaṇā **sammāsati**. Sammā samādhānalakkhaṇo **sammāsamādhī**. Tesu ekekassa tīṇi tīṇi kiccāni honti. Seyyathidaṃ,

1. Paṭipakkhaniyamanam (Syā, Gaṇṭhipade ca) Abhi-Ṭṭha 2. 107 piṭṭhe pana passitabbarā.

sammādiṭṭhi tāva aññehipi attano paccanīkakilesehi saddhiṃ miccādiṭṭhiṃ pajahati, nirodhañca ārammaṇaṃ karoti, sampayuttadhamme ca passati tappaṭicchādakamohavidhamanavasena asammohato. Sammāsaṅkappādayopi tatheva micchāsaṅkappādīni ca pajahanti, nibbānañca ārammaṇaṃ karonti. Viseso panettha sammāsaṅkappo sahaḥjātadhamme sammā abhiniropeti, sammāvācā sammā pariggaṇhāti, sammākammanto sammā samuṭṭhāpeti, sammā-ājīvo sammā vodāpeti, sammāvāyāmo sammā paggaṇhāti, sammāsati sammā upaṭṭhāpeti, sammāsamādhi sammā samādahati.

Apicesā sammādiṭṭhi nāma pubbhāge nānākkhaṇā nānārammaṇā hoti, maggakāle ekakkhaṇā ekārammaṇā. Kiccatō pana “dukkhe nāṇaṃ”ti-ādīni cattāri nāmāni labhati. Sammāsaṅkappādayopi pubbhāge nānākkhaṇā nānārammaṇā honti, maggakāle ekakkhaṇā ekārammaṇā. Tesu sammāsaṅkappo kiccatō nekkhammasaṅkappoti-ādīni tīṇi nāmāni labhati. Sammāvācādayo tayo pubbhāge viratīyopi honti cetanāyopi, maggakkhaṇe pana viratīyoyeva. Sammāvāyāmo sammāsātīti idampi dvayaṃ kiccatō sammappadhānasatipaṭṭhānavasena cattāri nāmāni labhati. Sammāsamādhi pana pubbhāgepi maggakkhaṇepi sammāsamādhiyeva.

Iti imesu aṭṭhasu dhammesu Bhagavatā nibbānādhigamāya paṭipannassa yogīno bahūpakārattā paṭhamāṃ sammādiṭṭhi desitā. Ayaṃ hi “paññāpajjoto paññāsattānaṃ”¹ ca vuttā. Tasmā etāya pubbhāge vipassanāñāṇasaṅkhātāya sammādiṭṭhiyā avijjandhakāraṃ vidhamitvā kilesacore ghātento khemena yogāvacarō nibbānaṃ pāpuṇāti. Tasmā paṭhamāṃ sammādiṭṭhi desitā.

Sammāsaṅkappo pana tassā bahūpakāro. Tasmā tadanantaraṃ vutto. Yathā hi heraññiko hatthena parivattetvā parivattetvā cakkhunā kāhapaṇaṃ olokento “ayaṃ kūṭo ayaṃ cheko”ti jānāti, evaṃ yogāvacaropi pubbhāge vitakkena vitakketvā vitakketvā vipassanāpaññāya olokayamāno “ime dhammā kāmāvacarā, ime rūpāvacarādayo”ti jānāti. Yathā vā pana purisena koṭīyaṃ gahetvā parivattetvā parivattetvā dinnāṃ mahārukkaṃ tacchako vāsiyā tacchetvā

1. Abhi 1. 20, 22 piṭṭhesu.

kamme upaneti, evaṃ vitakkena vitakketvā vitakketvā dinnadhamme yogāvacarō paññāya “ime dhammā kāmāvacarā, ime rūpāvacarā”ti-ādinā nayena paricchinditvā kamme upaneti. Tasmā sammāsaṅkappo sammādiṭṭhānantaraṃ vutto.

Svāyaṃ yathā sammādiṭṭhiyā, evaṃ sammāvācāyapi upakārako. Yathāha “pubbe kho gahapati vitakketvā vicāretvā pacchā vācam bhindati”ti¹. Tasmā tadanantaraṃ sammāvācā vuttā.

Yasmā pana “idañcidañca karissāmā”ti paṭhamāṃ vācāya saṃvidahitvā loke kammante payojenti, tasmā vācā kāyakammassa upakārikāti sammāvācāya anantaraṃ sammākammanto vutto.

Catubbidham paṇa vacīduccaritaṃ, tividham kāyaduccaritaṃ pahāya ubhayaṃ sucaritaṃ pūrentasseva yasmā ājīvaṭṭhamakasīlaṃ pūradi, na itarassa, tasmā tadubhayānantaraṃ sammā-ājīvo vutto.

Evaṃ visuddhājīvena pana “parisuddho me ājīvo”ti ettāvataṃ pāritosaṃ katvā² suttappamattena viharitum na yuttaṃ, atha kho sabba-iriyāpathesu idaṃ vīriyamārabhitabbanti dassetuṃ tadanantaraṃ sammāvāyāmo vutto.

Tato āraddhavīriyenāpi kāyādīsu catūsu vatthūsu sati sūpaṭṭhitā kātabbāti dassetuṃ tadanantaraṃ sammāsati vuttā.

Yasmā pana evaṃ sūpaṭṭhitāya satiyā samādhissa upakārānupakārānaṃ dhammānaṃ gatiyo samanvesitvā³ pahoti ekattārammaṇe cittaṃ samādhātuṃ, tasmā sammāsati-anantaraṃ sammāsamādhi vuttoti veditabboti.

Sammādiṭṭhiniddese “dukkhe ñāṇaṃ”ti-ādinā catusaccakammaṭṭhānaṃ dassitaṃ. Tattha purimāni dve saccāni vaṭṭaṃ, pacchimāni dve vivaṭṭaṃ. Tesu bhikkhuno vaṭṭe kammaṭṭhānābhiniveso hoti, vivaṭṭe natthi abhiniveso. Purimāni hi dve saccāni “pañcakkhandhā dukkhaṃ, taṇhā samudayo”ti evaṃ saṅkhepena ca,

1. Ma 1. 376 piṭṭhe. 2. Akatvā (Abhi-Ṭṭha 2. 109 piṭṭhe) 3. Samannesitvā (Ka)

“katame pañcakkhandhā, rūpakkhandho”ti-ādinā nayena vitthārena ca ācariyasantike uggaṇhitvā vācāya punappunam parivattento yogāvācaro kammaṃ karoti. Itaresu pana dvīsu saccesu “nirodhasaccam iṭṭham kantaṃ manāpanā, maggasaccam iṭṭham kantaṃ manāpan”ti evaṃ savaneneva kammaṃ karoti. So evaṃ kammaṃ karonto cattāri saccāni ekapaṭivedhena paṭivijjhati, ekābhisamayena abhisameti. Dukkham pariññāpaṭivedhena paṭivijjhati, samudayaṃ pahānapaṭivedhena paṭivijjhati. Nirodham sacchikiriyāpaṭivedhena paṭivijjhati, maggaṃ bhāvanāpaṭivedhena paṭivijjhati. Dukkham pariññābhisamayena -pa- maggaṃ bhāvanābhisamayena abhisameti.

Evamassa pubbabhāge dvīsu saccesu uggaḥaparipucchāsavanadhāraṇasammasanapaṭivedho hoti, dvīsu savanapaṭivedhoyeva. Aparabhāge tīsu kiccato paṭivedho hoti nirodhe ārammaṇapaṭivedho. Tattha sabbampi paṭivedhañāṇaṃ lokuttaram, savanadhāraṇasammasanañāṇaṃ lokiyam kāmāvacaram. Paccavekkhaṇā pana pattasaccassa hoti, ayañca ādikammiko. Tasmā sā idha na vuttā. Imassa ca bhikkhuno pubbe pariggahato “dukkham parijānāmi, samudayaṃ pajahāmi, nirodham sacchikaromi, maggaṃ bhāvemī”ti ābhoga-samannāhāramanasikārapaccavekkhaṇā natthi, pariggahato paṭṭhāya hoti. Aparabhāge pana dukkham pariññātameva hoti -pa- maggo bhāvitova hoti.

Tattha dve saccāni duddasattā gambhīrāni, dve gambhīrattā duddasāni. Dukkhasaccam hi uppattito pākaṭam, khāṇukaṇṭakappahārādīsu “aho dukkhan”ti vattabbatampi āpajjati. Samudayasaccam khāditukāmatā-bhuñjitukāmatādivasena uppattito pākaṭam. Lakkhaṇapaṭivedhato pana ubhayampi gambhīram. Iti tāni duddasattā gambhīrāni. Itaresam pana dvinnam dassanattāya payogo bhavaggaḥaṇattham hatthapasāraṇam viya, avīciphusanattham pādapasāraṇam viya, satadhā¹ bhinnassa vālassa koṭiyā koṭipaṭipādanam viya ca hoti. Iti tāni gambhīrattā duddasāni. Evaṃ duddasattā gambhīresu gambhīrattā ca duddasesu catūsu saccesu uggaḥādivasena pubbabhāgañāṇuppattim sandhāya idam “dukkhe ñāṇaṃ”ti-ādi vuttam. Paṭivedhakkhaṇe pana ekameva tam ñāṇam hoti.

1. Sattadhā (Syā)

Apare panāhu—catubbidham saccesu ñāṇam sutamayañāṇam vavathānañāṇam sammasañāṇam abhisamayañāṇanti. Tattha katamam sutamayañāṇam? Saṅkhittena vā vitthārena vā cattāri saccāni sutvā jānāti “idaṃ dukkham, ayaṃ samudayo, ayaṃ nirodho, ayaṃ maggo”ti. Idaṃ **sutamayañāṇam**. Katamam vavathānañāṇam? So sutānam attham upaparikkhati dhammato ca lakkhaṇato ca, “ime dhammā imasmim sacce pariyāpannā, imassa saccassa idaṃ lakkhaṇan”ti sanniṭṭhānam karoti. Idaṃ **vavathānañāṇam**. Katamam sammasañāṇam? So evam yathānupubbam cattāri saccāni vavathapetvā atha dukkhameva gahetvā yāva gotrabhuñāṇam aniccato dukkhato anattato sammāsati. Idaṃ **sammasañāṇam**. Katamam abhisamayañāṇam? Lokuttaramaggakkhaṇe ekena ñāṇena cattāri saccāni apubbam acarimam abhisameti “dukkham pariññābhisamayena, samudayam pahānābhisamayena, nirodham sacchikiriyaḥbhisamayena maggam bhāvanābhisamayena abhisameti”ti. Idaṃ **abhisamayañāṇanti**.

Sammāsaṅkappaniddese kāmato nissaṭoti **nekkhammasaṅkappo**. Byāpādato nissaṭoti **abyāpādasāṅkappo**. Vihimsāya nissaṭoti **avihimsāsaṅkappo**. Tattha nekkhammavitakko kāmavitakkassa padaghātam padacchedam¹ karonto uppajjati, abyāpādavitakko byāpādavitakkassa, avihimsāvitakko vihimsāvitakkassa. Tathā nekkhamma-abyāpāda-avihimsāvitakkā kāmabyāpādavihimsāvitakkānam paccaṇikā hutvā uppajjanti.

Tattha yogāvacaro kāmavitakkassa padaghātanattham kāmavitakkam vā sammāsati aññam vā pana kiñci saṅkhāram. Athassa vipassanākkhaṇe vipassanāsampayutto saṅkappo tadaṅgavasena kāmavitakkassa padaghātam padacchedam karonto uppajjati, vipassanam ussukkāpetvā maggam pāpeti. Athassa maggakkhaṇe maggasampayutto saṅkappo samucchedavasena kāmavitakkassa padaghātam padacchedam karonto uppajjati. Byāpādavitakkassapi padaghātanattham byāpādavitakkam vā aññam vā saṅkhāram, vihimsāvitakkassa padaghātanattham vihimsāvitakkam vā aññam vā saṅkhāram sammāsati. Athassa vipassanākkhaṇeti sabbam purimanayeneva yojetabbam.

1. Padacchedam (Syā) evamaññatthāpi.

Kāmavitakkādīnaṃ pana tiṇṇampi Pāḷiyaṃ vibhatesu aṭṭhatimsārammaṇesu ekakammaṭṭhānampi apaccanīkaṃ nāma natthi. Ekantato pana kāmavitakkassa tāva asubhesu paṭhamajjhānameva paccanīkaṃ, byāpādavitakkassa mettāya tikacatukkajjhānāni, vihiṃsāvitakkassa karuṇāya tikacatukkajjhānāni. Tasmā asubhaparikkammaṃ katvā jhānaṃ samāpannassa samāpattikkhaṇe jhānasampayutto vitakko vikkhambhanavasena kāmavitakkassa paccanīko hutvā uppajjati, jhānaṃ pādakaṃ katvā vipassanaṃ paṭṭhapentassa vipassanākkhaṇe vipassanāsampayutto saṅkappo tadaṅgavasena kāmavitakkassa paccanīko hutvā uppajjati, vipassanaṃ ussukkāpetvā maggaṃ pāpentassa maggakkhaṇe maggasampayutto saṅkappo samucchavedavasena kāmavitakkassa paccanīko hutvā uppajjati. Evaṃ uppanno nekkhammasaṅkappoti vuccatīti veditabbo.

Mettāya pana parikkammaṃ katvā, karuṇāya parikkammaṃ katvā jhānaṃ samāpannassāti sabbaṃ purimanayeneva yojetabbaṃ. Evaṃ uppanno abyāpādasāṅkappoti vuccati, avihimsāsāṅkappoti vuccatīti veditabbo. Evamete nekkhammasāṅkappādayā vipassanājhānavasena uppattīnaṃ nānattā pubbhāge nānā, maggakkhaṇe pana imesu tīsu ṭhānesu uppannassa akusalasāṅkappassa padacchedato anuppattisādhavasena maggaṅgaṃ pūrayamāno ekova kusalasāṅkappo uppajjati. Ayaṃ sammāsāṅkappo nāma.

Sammāvācāniddeseṇi yasmā aññeneva cittena musāvādā viramati, aññena aññena¹ piṣuṇāvācādīhi, tasmā catasopetā veramaṇiyo pubbhāge nānā, maggakkhaṇe pana micchāvācāsāṅkhātāya catubbidhāya akusaladussīlyacetanāya padacchedato anuppattisādhavasena maggaṅgaṃ pūrayamānā ekāva sammāvācāsāṅkhātā kusalaveramaṇi uppajjati. Ayaṃ sammāvācā nāma.

Sammākammantaniddeseṇi yasmā aññeneva cittena paṇātipātā viramati, aññena adinnādānā, aññena micchācārā, tasmā tissopetā veramaṇiyo pubbhāge nānā, maggakkhaṇe pana micchākammantasāṅkhātāya tividhāya akusaladussīlyacetanāya padacchedato anuppattisādhavasena maggaṅgaṃ pūrayamānā ekāva sammākammantasāṅkhāto kusalaveramaṇi uppajjati. Ayaṃ sammākammanto nāma.

1. Aññena (Syā)

Sammā-ājīvaniddese **idhāti** imasmim̄ sāsane. **Ariyasāvako**ti ariyassa Buddhassa sāvako. **Micchā-ājīvaṃ pahāyāti** pāpakaṃ ājīvaṃ pajahitvā. **Sammā-ājīvenāti** Buddhappasatthena kusala-ājīvena. **Jivikaṃ¹ kappetīti** jīvitappavattim̄ pavatteti. Idhāpi yasmā aññeneva cittena kāyadvāravītikkamā viramati, aññeneva vacīdvāravītikkamā, tasmā pubbabhāge nānākkhaṇesu uppajjati, maggakkhaṇe pana dvīsu dvāresu sattannaṃ kammaṭṭhānaṃ vasena uppannāya micchā-ājīvadussīlyacetanāya padacchedato anuppattisādhanaśasena maggaṅgaṃ pūrayamānā ekāva sammā-ājīvasaṅkhātā kusalaveramaṇi uppajjati. Ayaṃ sammā-ājīvo nāma.

Sammāvāyamaniddese **idha bhikkhūti** imasmim̄ sāsane paṭipannako bhikkhu. **Anuppannānanti** anibbattānaṃ. **Pāpakānanti** lāmakānaṃ. **Akusalānaṃ dhammānanti** akosallasambhūtānaṃ dhammānaṃ. **Anuppādāyāti** na uppādanatthāya. **Chandaṃ janetīti** kattukamyatāsaṅkhātānaṃ kusalacchandaṃ janeti uppādeti. **Vāyamatīti** payogaṃ janeti parakkamaṃ karoti. **Vīriyaṃ ārabhatīti** kāyikaṃ cetasikaṃ vīriyaṃ karoti. **Cittaṃ paggaṇhātīti** teneva sahaṃjātavīriyena cittaṃ ukkhipati. **Padahatīti** padhānavīriyaṃ karoti. Paṭipāṭiyā panetāni cattāripi padāni āśevanābhāvanābahulīkammaśatācakkiriyaṃhi yojetabbāni.

Uppannānanti anuppannānanti avattabbataṃ āpannānaṃ. **Pahānāyāti** pajahanatthāya. **Anuppannānaṃ kusalānaṃ dhammānanti** anibbattānaṃ kosallasambhūtānaṃ dhammānaṃ. **Uppādāyāti** uppādanatthāya. **Uppannānanti** nibbattānaṃ. **Ṭhitiyāti** ṭhitatthāya. **Asammosāyāti** anassanathaṃ. **Bhiyyobhāvāyāti** punappunaṃ bhāvāya. **Vepullāyāti** vipulabhāvāya. **Bhāvanāyāti** vaḍḍhiyā. **Pāripūriyāti** paripūraṇatthāya.

Ete pana sammāvāyāmasaṅkhātā cattāro sammappadhānā pubbabhāge lokiyā, maggakkhaṇe lokuttarā. Maggakkhaṇe pana ekameva vīriyaṃ catukiccaśadhanaśasena cattāri nāmāni labhati. Tattha lokiyā Kassapaśamyutte vuttanayeneva veditabbā. Vuttaṅhi tattha—

1. Jīvitaṃ (Syā)

(“Cattārome āvuso sammappadhānā. Katame cattāro.”)¹ Idhāvuso bhikkhu ‘anuppannā me pāpakā akusalā dhammā uppajjamānā anathāya samvatteyyun’ti ātappaṃ karoti, ‘uppannā me pāpakā akusalā dhammā appahīyamānā anathāya samvatteyyun’ti ātappaṃ karoti, ‘anuppannā me kusalā dhammā anuppajjamānā anathāya samvatteyyun’ti ātappaṃ karoti, ‘uppannā me kusalā dhammā nirujjhamānā anathāya samvatteyyun’ti ātappaṃ karoti”².

Tattha ca **anuppannā**ti asamudācāravasena vā ananubhūtārammaṇavasena vā anuppannā. Aññathā hi anamatagge saṃsāre anuppannā pāpakā akusalā dhammā nāma natthi, anuppannā pana uppajjamānāpi eteyeva uppajjanti, pahīyamānāpi eteyeva pahīyanti.

Tattha ekaccassa vattaganthadhutaṅgasamādhivipassanānavakamma-bhavānaṃ aññataravasena kilesā na samudācaranti. Kathaṃ? Ekacco hi vattasampanno hoti, asīti khandhakavattāni³ cuddasa mahāvattāni⁴ cetiyaṅgaṇabodhiyaṅgaṇapānīyamāḷaka-uposathāgāra-āgantukagamikavattāni ca karontasseva kilesā okāsaṃ na labhanti. Aparabhāge panassa vattāni vissajjetvā bhinnavattassa carato ayonisomanasikāraṃ sativossaggaṅca āgamma uppajjanti. Evampi asamudācāravasena anuppannā uppajjanti nāma.

Ekacco ganthayutto hoti, ekampi nikāyaṃ gaṇhāti dvepi tayopi cattāropi pañcapi. Tassa tepiṭakam Buddhavacanaṃ atthavasena Pāḷivasena anusandhivasena pubbāparavasena gaṇhantassa sajjhāyantassa cintentassa vācentassa desentassa pakāsentassa kilesā okāsaṃ na labhanti. Aparabhāge panassa ganthakammaṃ pahāya kusītassa carato ayonisomanasikārasati-vossagge āgamma uppajjanti. Evampi asamudācāravasena anuppannā uppajjanti nāma.

Ekacco pana dhutaṅgadhāro hoti, terasa dhutaṅgaguṇe samādāya vattati, tassa dhutaṅgaguṇe pariharantassa kilesā okāsaṃ na labhanti.

1. () Pāḷiyaṃ natthi.

2. Saṃ 1. 401 piṭṭhe.

3. Dvāsīti khuddakavattāni (Abhi-Ṭṭha 2. 283; Am-Ṭṭha 1. 23 piṭṭhesu),

Vi 4. 239 piṭṭhe pana passitabbaṃ.

4. Vi 4. 373 piṭṭhādīsu.

Aparabhāge panassa dhutaṅgāni vissajjetvā bāhullāya āvattassa¹ carato ayonisomanasikārasatipossagge āgamma uppajjanti. Evampi asamudācāravasena anuppannā uppajjanti nāma.

Ekacco aṭṭhasu samāpattīsu ciñṇavasī hoti, tassa paṭhamajjhānādīsu āvajjanavasī-ādīnaṃ vasena viharantassa kilesā okāsaṃ na labhanti. Aparabhāge panassa parihīnajjhānassa vā vissatṭhajjhānassa vā bhassādīsu anuyuttassa viharato ayonisomanasikārasativossagge āgamma uppajjanti. Evampi asamudācāravasena anuppannā uppajjanti nāma.

Ekacco pana vipassako hoti, sattasu vā anupassanāsu² aṭṭhārasasu vā mahāvīpassanāsu³ kammaṃ karonto viharati, tassa evaṃ viharato kilesā okāsaṃ na labhanti. Aparabhāge panassa vipassanākammaṃ pahāya kāyadaḷhībahulassa viharato ayonisomanasikārasativossagge āgamma uppajjanti. Evampi asamudācāravasena anuppannā uppajjanti nāma.

Ekacco navakammiko hoti, uposathāgārābhojanasālādīni karoti, tassa tesāṃ upakaraṇāni cintentassa kilesā okāsaṃ na labhanti. Aparabhāge panassa navakamme niṭṭhite vā vissatṭhe vā ayonisomanasikārasativossagge āgamma uppajjanti. Evampi asamudācāravasena anuppannā uppajjanti nāma.

Ekacco pana brahmalokato āgato suddhasatto hoti, tassa anāsevanāya kilesā okāsaṃ na labhanti. Aparabhāge panassa laddhāsevanassa ayonisomanasikārasativossagge āgamma uppajjanti. Evampi asamudācāravasena anuppannā uppajjanti nāma. Evaṃ tāva asamudācāravasena anuppannatā veditabbā.

Kathaṃ ananubhūtārammaṇavasena? Idhekacco ananubhūtapubbaṃ manāpikādibhedāṃ ārammaṇaṃ labhati, tassa tattha ayonisomanasikārasati vossagge āgamma rāgādayo kilesā uppajjanti. Evaṃ ananubhūtārammaṇavasena anuppannā uppajjanti nāma. Evaṃ anuppannānaṃ akusalānaṃ uppāde sati

1. Āvattantassa (Syā)

2. Khu 9. 406 piṭṭhe.

3. Khu 9. 24, 25 piṭṭhesu.

attano anattham passitvā tesam anuppādāya satipaṭṭhānabhāvanānuyogena paṭhamam sammappadhānam bhāveti, uppannesu pana tesu tesam appahānato attano anattham passitvā tesam pahānāya dutiyam tatheva sammappadhānam bhāveti.

Anuppannā kusalā dhammāti samathavipassanā ceva maggo ca. Tesam anuppāde attano anattham passitvā tesam uppādanatthāya tatheva tatiyam sammappadhānam bhāveti. **Uppannā kusalā dhammā**ti samathavipassanāva. Maggo pana sakim uppajjitvā nirujjhamāno anatthāya samvattanako nāma natthi. So hi phalassa paccayam datvāva nirujjhati. Tāsam samathavipassanānam nirodhato attano anattham passitvā tāsam tṭhiyā tatheva catuttham sammappadhānam bhāveti. Lokuttaramaggakkhaṇe pana ekameva vīriyam.

Ye evam anuppannā uppajjeyyūm, te yathā neva uppajjanti, evam tesam anuppannānam anuppādakiccaṃ, uppannānaṃca pahānakiccaṃ sādheti. **Uppannā**ti cettha catubbidham uppannam vattamānuppannam bhūtāpagatuppannam¹ okāsakatuppannam bhūmiladdhuppannanti. Tattha sabbampi uppādarābhāṅgasamaṅgisāṅkhātā vattamānuppannam nāma. Ārammaṇarasam anubhavitvā niruddham anubhūtāpagatasāṅkhātā kusalākusalam uppādāditayamanuppatvā niruddham bhutvāpagatasāṅkhātā sesasāṅkhataṅca **bhūtāpagatuppannam** nāma. “Yānissa tāni pubbe katāni kammāni”ti evamādinā² nayena vuttam kammam atītampi samānam aññam vipākam paṭibāhitvā attano vipākassa okāsam katvā tṭhitattā tathā katokāsaṅca vipākam anuppannampi samānam evam kate okāse ekantena uppajjanato **okāsakatuppannam** nāma. Tāsu tāsu bhūmīsu asamūhataṃ akusalam **bhūmiladdhuppannam** nāma.

Ettha ca bhūmiyā bhūmiladdhassa ca nānattaṃ veditabbaṃ—**bhūmiti** hi vipassanāya ārammaṇabhūtā tebhūmakā pañcakkhandhā. Bhūmiladdham nāma tesu khandhesu uppattiraham kilesajātā. Tena hi sā bhūmiladdhā nāma hotīti tasmā bhūmiladdhanti vuccati. Sā ca kho na ārammaṇavasena. Ārammaṇavasena hi sabbepi atītānāgate pariññātepi ca khīṇāsavānam khandhe ārabba kilesā uppajjanti. Yadi ca tam bhūmiladdham nāma siyā, tassa appaheyyato na koci bhavamūlam pajaheyya. Vatthuvāsena pana bhūmiladdham veditabbaṃ. Yattha

1. Bhutvāvigatuppannam (Sī, Abhi-Ṭṭha 2. 285; Ma-Ṭṭha 3. 173 piṭṭhesu ca)

2. Ma 3. 203 piṭṭhe.

yattha hi vipassanāya aparīññātā khandhā uppajjanti, tattha tattha uppādato pabhuti tesu vaṭṭamūlaṃ kilesajātaṃ anuseti. Taṃ appahīnaṭṭhena bhūmiladdhanti veditabbaṃ.

Tattha ca yassa yesu khandhesu appahīnaṭṭhena anusayitā kilesā, tassa te eva khandhā tesam kilesānaṃ vatthu, na aññesaṃ santakā khandhā. Atītakhandhesu ca appahīnānusayitānaṃ kilesānaṃ atītakhandhāva vatthu, na itare. Esa nayo anāgatādīsu. Tathā kāmāvacarakkhandhesu appahīnānusayitānaṃ kilesānaṃ kāmāvacarakkhandhā eva vatthu, na itare. Esa nayo rūpārūpāvacaresu. Sotāpannādīsu pana yassa yassa ariyapuggalassa khandhesu taṃ taṃ vaṭṭamūlaṃ kilesajātaṃ tena tena maggena pahīnaṃ, tassa tassa te te khandhā pahīnānaṃ tesam tasam vaṭṭamūlakānaṃ kilesānaṃ avatthuto bhūmīti saṅkhaṃ na labhanti. Puthujjanassa sabbaso vaṭṭamūlakilesānaṃ appahīnattā yaṃkiñci kariyamānaṃ kammaṃ kusalamakusalaṃ vā hoti, iccassa kammakilesapaccayāva vaṭṭam vaṭṭati, tassa tasseva taṃ vaṭṭamūlaṃ rūpakhandheyyeva, na vedanādīsu. Viññāṇakkhandheyyeva vā, na rūpakhandhādīsūti na vattabbaṃ. Kasmā? Avisesena pañcasupi khandhesu anusayitattā. Kathaṃ? Pathavīrasādi viya rukkhe. Yathā hi mahārukkhe pathavītalaṃ adhiṭṭhāya pathavīrasaṅca āporasaṅca nissāya tappaccayā mūlakhandhasākhāpasākhāpallavapalāsapupphaphalehi vadḍhitvā nabhaṃ pūretvā yāva kappāvasānā bijaparamparāya rukkhapaveṇiṃ santānayaṃāne¹ ṭhite taṃ pathavīrasādīmūleyeva, na khandhādīsu. Phaleyeva vā, na mūlādīsūti na vattabbaṃ. Kasmā? Avisesena sabbesu mūlādīsu anugattatī. Yathā pana tasseva rukkhasa pupphaphalādīsu nibbinno koci puriso catūsu disāsu maṇḍūkakaṇṭakaṃ nāma visakaṇṭakaṃ ākoṭeyya, atha so rukkho tena visasamphassena phuṭṭho pathavīrasa-āporasānaṃ pariyādinnattā appasavadhammataṃ āgamma puna santānaṃ nibbattetuṃ na sakuṇeyya, evameva khandhappavattiyam nibbinno kulaputto tassa purisassa catūsu disāsu rukkhe visayojanaṃ viya attano santāne catumaggabhāvanam ārabhati. Athassa so khandhasantāno tena catumaggavisasamphassena sabbaso vaṭṭamūlakilesānaṃ pariyādinnattā

1. Sandhārayamāne (Si, Ka)

kiriyasabhāvamattaṃ upagatakāyakammādisabbakammappabhedo hutvā
āyatim punabbhavānabhinibbattanadhammataṃ āgamma
bhavantarasantānaṃ nibbattetuṃ na sakkoti, kevalaṃ
carimaviññāṇanirodhena nirindhano viya jātavedo anupādāno parinibbāyati.
Evaṃ bhūmiyā bhūmiladdhassa ca nānattaṃ veditabbaṃ.

Aparampi catubbidhaṃ uppannaṃ samudācārappannaṃ
ārammaṇādhiḡgahituppannaṃ avikkhambhituppannaṃ asamūhatuppannanti.
Tattha vattamānuppannameva **samudācārappannaṃ**. Cakkhādīnaṃ pana
āpāthagate ārammaṇe pubbhāge anuppajjamānampi kilesajātaṃ
ārammaṇassa adhiḡgahitattā eva aparabhāge ekantena uppattito
ārammaṇādhiḡgahituppannanti vuccati. Samathavipassanānaṃ
aññataravasena avikkhambhitaṃ kilesajātaṃ cittasantatimanārūhampi
uppattinivāraḡkassa hetuno abhāvā **avikkhambhituppannaṃ** nāma.
Samathavipassanāvasena pana vikkhambhitampi ariyamaggena asamūhatattā
uppattidhammataṃ anatītattā **asamūhatuppannanti** vuccati. Tividhampi
cetaṃ ārammaṇādhiḡgahitāvikkhambhitāsamūhatuppannaṃ
bhūmiladdheneva saṅghaṃ gacchatīti veditabbaṃ.

Ichetasmiṃ vuttappabhede uppanne yadetaṃ
vattamānabhūtāpagatokāsakatasamudācārasaṅkhātaṃ uppannaṃ, taṃ
amaggavajjhataṃ kenaci maggañāṇena pahātabbaṃ na hoti. Yaṃ panetaṃ
bhūmiladdhārammaṇādhiḡgahitāvikkhambhitāsamūhatasaṅkhātaṃ
uppannaṃ, tassa taṃ uppannabhāvaṃ nāsayamānaṃ yasmā taṃ taṃ
lokiyalokuttarañāṇaṃ uppajjati, tasmā taṃ sabbampi pahātabbaṃ hotīti.
Evaṃ ye maggo kilese pajahati, te sandhāya “uppannānaṃ”ti-ādi vuttaṃ.

Atha maggakkhaṇe kathaṃ anuppannānaṃ kusalānaṃ uppādāya
bhāvanā hoti, kathaṃca uppannānaṃ ṡhitiyāti? Maggappavattiyā eva. Maggo
hi pavattamāno pubbe anuppannapubbattā anuppanno nāma vuccati.
Anāgatapubbaṃ hi ṡhānaṃ āgantvā ananubhūtapubbaṃ vā ārammaṇaṃ
anubhavitvā vattāro bhavanti “anāgataṡṡhānaṃ āgatamha, ananubhūtaṃ
ārammaṇaṃ anubhavāmā”ti. Yāvassa¹ pavatti, ayameva ṡhiti nāmāti ṡhitiyā
bhāvetītipi vatthuṃ vaṡṡati. Evametassa bhikkhuno idaṃ
lokuttaramaggakkhaṇe ekameva vīriyaṃ

1. Yā cassa (Syā, Abhi-ṡṡha 2. 287; Ma-ṡṡha 3. 176 piṡṡhesu ca)

“anuppannānaṃ pāpakānaṃ akusalānaṃ dhammānaṃ anuppādāyā”ti-ādīni cattāri nāmāni labhati. Ayaṃ lokuttaramaggakkhaṇe sammappadhānakathā. Evamettha lokiyalokuttaramissakā sammappadhānā niddiṭṭhāti.

Sammāsatiniddese **kāyeti** rūpakāye. Rūpakāyo hi idha aṅgapaccaṅgānaṃ kesādīnaṃ dhammānaṃ samūhaṭṭhena hatthikāyarathakāyādayo viya kāyoti adhippeto. Yathā ca samūhaṭṭhena, evaṃ kucchitānaṃ āyaṭṭhena. Kucchitānaṃ hi paramajegucchānaṃ so āyotipi kāyo. **Āyoti** uppattideso. Tatrāyaṃ vacanatto—āyanti tatoti āyo. Ke āyanti? Kucchitā kesādayo. Iti kucchitānaṃ āyoti kāyo.

Kāyānupassīti kāyaṃ anupassanasīlo, kāyaṃ vā anupassamāno. **Kāyeti** ca vatvāpi puna **kāyānupassīti** dutiyaṃ kāyaggahaṇaṃ asammissato vavattānaghanavinibbhogādiddassanattamaṃ katanti veditabbaṃ. Tena na kāye¹ vedanānupassī cittadhammānupassī vā, atha kho kāyānupassīyevāti kāyasaṅkhāte vatthusmiṃ kāyānupassanākārasseva dassanena asammissato vavattānaṃ dassitaṃ hoti. Tathā na kāye aṅgapaccaṅgavinimutta-ekadhammānupassī, nāpi kesalomādivinimutta-itthipurisānupassī. Yopi cettha kesalomādiko bhūtopādāyasamūhasaṅkhāto kāyo, tatthāpi na bhūtopādāyavinimutta-ekadhammānupassī, atha kho rathasambhārānupassako viya aṅgapaccāṅgasamūhānupassī, nagarāvayavānupassako viya kesalomādisamūhānupassī, kadalikkhandhapattavaṭṭivinihujjako viya rittamuṭṭhiviniṭṭhako viya ca bhūtopādāyasamūhānupassīyevāti samūhavaseneva kāyasaṅkhātassa vatthuno nānappakārato dassanena ghanavinibbhogo dassito hoti. Na hettha yathāvuttasamūhavinimutto kāyo vā itthī vā puriso vā añño vā koci dhammo dissati, yathāvuttadhammasamūhamatteyeva pana tathā tathā sattā micchābhinivesaṃ karonti. Tenāhu porāṇā—

“Yaṃ passati na taṃ diṭṭhaṃ, yaṃ diṭṭhaṃ taṃ na passati.
Apassaṃ bajjhate mūḷho, bajjhamāno na muccati”ti.

1. Kāyeyeva (Sī)

Ghanavinibbhogādidassanattanti vuttaṃ. Ādisaddena cettha ayampi attho veditabbo—ayaṃ hi etasmim kāye kāyānupassīyeva, na aññadhammānupassī. Kim vuttaṃ hoti? Yathā anudakabhūtāyapi marīciyā udakānupassino honti, na evaṃ aniccadukkhānattāsubhabhūteyeva imasmim kāye nicasukhattasubhabhāvānupassī, atha kho kāyānupassī aniccadukkhānattāsubhākārasamūhānupassīyevāti vuttaṃ hoti. Atha vā yvāyaṃ Mahāsatipaṭṭhāne “idha bhikkhave bhikkhu araññagato vā rukkhamūlagato vā -pa-. So satova assasati”¹ti¹ ādinā nayena assāsapassāsādicuṇṇakajāta-aṭṭhikapariyosāno kāyo vutto, yo ca parato satipaṭṭhānakathāyaṃ “idhekacco pathavīkāyaṃ aniccato anupassati, āpokāyaṃ, tejokāyaṃ, vāyokāyaṃ, kesakāyaṃ, lomakāyaṃ, chavikāyaṃ, cammakāyaṃ, maṃsakāyaṃ, ruhirakāyaṃ, nhārukāyaṃ, aṭṭhikāyaṃ, aṭṭhimiṇṇjakāyaṃ”²ti² kāyo vutto, tassa sabbassa imasmimyeva kāye anupassanato kāye kāyānupassīti evampi attho daṭṭhabbo.

Atha vā kāye ahanti vā mamanti vā evaṃ gahetabbassa kassaci ananupassanato tassa tasseva pana kesalomādikassa nānādhammasamūhassa anupassanato kāye kesādidhammasamūhasaṅkhātākāyānupassīti evamattho daṭṭhabbo. Apica “imasmim kāye aniccato anupassati, no niccato”²ti² ādinā anukkamena parato āgatanayassa sabbasseva aniccalakkhaṇādino ākārasamūhasaṅkhātassa kāyassa anupassanatopi kāye kāyānupassīti evampi attho daṭṭhabbo. Ayaṃ pana catusatipaṭṭhānasādhāraṇo attho.

Kāye kāyānupassīti assāsapassāsakāyādike bahudhā vutte kāye ekekakāyānupassī. **Viharatīti** catūsu iriyāpathavihāresu aññataravihārasamāyogaparidīpanametaṃ, ekaṃ iriyāpathabādhanam aññena iriyāpathena vicchinditvā apatamānaṃ attānaṃ harati pavattetīti attho. **Ātāpīti** kāyapariggāhakavīriyasamāyogaparidīpanametaṃ. So hi yasmā tasmim samaye yaṃ taṃ vīriyaṃ tīsu bhavesu kilesānaṃ ātāpanato ātāpoti vuccati, tena samannāgato

1. Dī 2. 231; Ma 1. 70 piṭṭhesu.

2. Khu 9. 406 piṭṭhe.

hoti, tasmā “ātāpī”ti vuccati. **Sampajānoti** kāyapariggāhakena sampajāññaṣaṅkhātena ñāṇena samannāgato. **Satimāti** kāyapariggāhikāya satiyā samannāgato. Ayaṃ pana yasmā satiyā ārammaṇaṃ pariggahetvā paññāya anupassati. Na hi sativirahitassa anupassanā nāma atthi. Tenevāha “satiñca khvāhaṃ bhikkhave sabbatthikaṃ vadāmi”ti¹. Tasmā ettha “kāye kāyānupassī viharatī”ti ettāvata kāyānupassanāsatiṭṭhānakammaṭṭhānaṃ vuttaṃ hoti. Atha vā yasmā anātāpino antosaṅkhepo antarāyakaro hoti, asampajāno upāyapariggāhe anupāyaparivajjane ca sammuyhati, muṭṭhassati upāyāpariccāge anupāyāpariggāhe ca asamattho hoti, tenassa taṃ kammaṭṭhānaṃ na sampajjati, tasmā yesaṃ dhammānaṃ ānubhāvena taṃ sampajjati, tesāṃ dassanattaṃ “ātāpī sampajāno satimā”ti idaṃ vuttanti veditabbaṃ.

Iti kāyānupassanāsatiṭṭhānaṃ sampayogaṅgañca² dassetvā idāni pahānaṅgaṃ dassetuṃ **vineyya loke abhijjhādomanassanti** vuttaṃ. Tattha **vineyyāti** tadaṅgavinayena vā vikkhambhanavinayena vā vinayitvā. **Loketi** yvāyaṃ kāyo pubbe pariggahito, sveva idha lujjanapalujjanaṭṭhena³ loko nāma. Tasmim loke abhijjhaṃ domanassañca pajahitvāti attho. Yasmā panassa na kāyamatteyeva abhijjhādomanassaṃ pahīyati, vedanādīsipi pahīyatiyeva, tasmā “pañcapi upādānakkhandhā loko”ti⁴ Vibhaṅge vuttaṃ. Lokasaṅkhātattāyeva tesāṃ dhammānaṃ atthuddhāravasenetāṃ vuttanti veditabbaṃ. Yaṃ panāha “tatha katamo loko, sveva kāyo loko”ti⁵ ayamevettha attho. Abhijjhādomanassanti ca samāsetvā vuttaṃ. Saṃyuttaṅguttarapāṭhantaresu⁶ pana visuṃ katvā paṭhanti. Sā pana abhijjhāyanti patthayanti etāya, sayāṃ vā abhijjhāyati, abhijjhāyanamattameva vā esāti abhijjhā. Yasmā panettha abhijjhāgahaṇena kāmacchando, domanassagahaṇena byāpādo saṅgahaṃ gacchati, tasmā nīvaraṇapariyāpannabalavadhammadvayadassanena nīvaraṇappahānaṃ vuttaṃ hotīti veditabbaṃ.

1. Saṃ 3. 100 piṭṭhe.

2. Sampayogañca (Syā)

3. Lujjanaṭṭhena (Syā)

4. Abhi 2. 202 piṭṭhe.

5. Abhi 2. 261 piṭṭhe.

6. Saṃyuttaṅguttararesu (Sī)

Visesena panettha abhijjhāvinayena kāyasampattimūlakassa anurodhassa, domanassavinayena kāyavipattimūlakassa virodhassa, abhijjhāvinayena ca kāye abhiratīyā, domanassavinayena kāyabhāvanāya anabhiratīyā, abhijjhāvinayena kāye abhūtānaṃ subhasukhabhāvādīnaṃ pakkhepassa, domanassavinayena kāye bhūtānaṃ asubhāsukhabhāvādīnaṃ apanayanassa pahānaṃ vuttaṃ. Tena yogāvacarassa yogānubhāvo yogasamatthatā ca dīpitā hoti. Yogānubhāvo hi esa, ya’dayam¹ anurodhavirodhavippamutto aratiratisaho abhūtapakkhepabhūtāpanayanavirahito ca hoti. Anurodhavirodhavippamutto cesa aratiratisaho abhūtaṃ apakkipanto bhūtañca anapanento yogasamattho hotīti.

Aparo nayo—“kāye kāyānupassī”ti ettha anupassanāya kammaṭṭhānaṃ vuttaṃ, “viharatī”ti ettha vuttavihārena kammaṭṭhānikassa kāyapariharaṇaṃ. “Ātāpī”ti-ādīsu ātāpena sammappadhānaṃ, satisampajañña sabbatthakakammaṭṭhānaṃ, kammaṭṭhānapariharaṇūpāyo vā. Satiyā vā kāyānupassanāvasena paṭiladdhasamatho, sampajañña vipassanā, abhijjhādomanassavinayena bhāvanāphalaṃ vuttanti veditabbaṃ.

Vedanāsu vedanānupassīti-ādīsu ca vedanādīnaṃ puna vacane payojanaṃ kāyānupassanāyaṃ vuttanayeneva yathāyodaṃ yojetvā veditabbaṃ. Ayaṃ pana asādhāraṇattho—sukhādīsu anekappabhedāsu vedanāsu visuṃ visuṃ aniccādito ekekavedanānupassīti, sarāgādike soḷasappabhede citte visuṃ visuṃ aniccādito etekacittānupassīti, kāyavedanācittāni ṭhapetvā sesatebhūmakadhammesu visuṃ visuṃ aniccādito ekekadhammānupassīti, Satipaṭṭhānasuttante² vuttanayena nīvaraṇādīdhammānupassīti vā. Ettha ca “kāye”ti ekavacanaṃ sarīrassa ekattā, “citte”ti ekavacanaṃ cittassa sabhāvabhedābhāvato jātiggaḥaṇena katanti veditabbaṃ. Yathā ca vedanādayo anupassitabbā, tathā anupassanto vedanāsu vedanānupassī, citte cittānupassī, dhammesu dhammānupassīti veditabbo. Kathaṃ tāva vedanā anupassitabbā?

1. Yadidaṃ (Syā, Abhi-Ṭṭha 2. 210; Ma-Ṭṭha 1. 249 piṭṭhesu ca) Gaṇṭhipade pana passitabbaṃ.

2. Dī 2. 238; Ma 1. 76 piṭṭhesu.

Sukhā tāva vedanā dukkhato, dukkhā vedanā sallato, adukkhamasukhā vedanā aniccato anupassitabbā. Yathāha—

“Yo sukhaṃ dukkhato adda, dukkhamaddakkhi sallato.
Adukkhamasukhaṃ santaṃ, addakkhi naṃ aniccato.
Sa ve sammaddaso bhikkhu, parijānāti vedanā”¹.

Sabbā eva cetā dukkhatopi anupassitabbā. Vuttañhetam “yaṃkiñci vedayitam, sabbaṃ taṃ dukkhasminti vadāmi”². Sukhadukkhatopi ca anupassitabbo. Yathāha “sukhā vedanā ṭhitisukhā vipariṇāmadukkhā. Dukkhā vedanā ṭhididukkhā vipariṇāmasukhā. Adukkhamasukhā vedanā ṇāṇasukhā aññānadukkhā”¹. Apica aniccādisatta-anupassanāvasenāpi anupassitabbā.

Cittadhammesupi cittaṃ tāva ārammaṇādhipatisahajātabhūmikammavipākakiriyādinānattabhedānaṃ aniccādisatta-anupassanānaṃ sarāgādisoḷasabhedānañca vasena anupassitabbaṃ, dhammā salakkhaṇasāmaññalakkhaṇānaṃ suññabhādhammaṃ aniccādisatta-anupassanānaṃ santāsantādīnañca vasena anupassitabbā. Kāmañcetta yassa kāyasaṅkhāte loke abhijjhādomanassaṃ pahīnaṃ, tassa vedanādilokesupi taṃ pahīnameva, nānāpuggalavasena pana nānākkhaṇikasatipaṭṭhānabhāvanāvasena ca sabbattha vuttaṃ. Yato vā ekattha pahīnaṃ, sesesupi pahīnaṃ hoti. Tenevassa tattha pahānadassanattampi evaṃ vuttanti veditabbaṃ.

Iti ime cattāro satipaṭṭhānā pubbabhāge nānācittesu labbhanti. Aññeneva hi cittaṃ kāyaṃ pariggaṇhāti aññena vedanaṃ, aññena cittaṃ, aññena dhamme pariggaṇhāti. Lokuttaramaggakkhaṇe pana ekacittēva labbhanti. Ādito hi kāyaṃ pariggaṇhitvā āgatassa vipassanāsampayuttā sati kāyānupassanā nāma, tāya satiyā samannāgato puggalo kāyānupassī nāma. Vipassanaṃ ussukkāpetvā ariyamaggaṃ pattassa maggakkhaṇe maggasampayuttā sati kāyānupassanā nāma, tāya satiyā samannāgato puggalo kāyānupassī nāma. Vedanaṃ pariggaṇhitvā cittaṃ pariggaṇhitvā dhamme pariggaṇhitvā āgatassa vipassanāsampayuttā

1. Saṃ 2. 409 piṭṭhe.

2. Saṃ 2. 417 piṭṭhe.

3. Ma 1. 377 piṭṭhe.

sati dhammānupassanā nāma, tāya satiyā samannāgato puggalo dhammānupassī nāma. Vipassanaṃ ussukkāpetvā ariyamaggaṃ pattassa maggakkhaṇe maggasampayuttā sati dhammānupassanā nāma, tāya satiyā samannāgato puggalo dhammānupassī nāma. Evaṃ tāva desanā puggale tiṭṭhati. Kāye pana “subhan”ti vipallāsappahānā kāyapariggāhikā sati maggena samijjhatīti kāyānupassanā nāma. Vedanāya “sukhā”ti vipallāsappahānā vedanāpariggāhikā sati maggena samijjhatīti vedanānupassanā nāma. Citte “niccan”ti vipallāsappahānā cittapariggāhikā sati maggena samijjhatīti cittānupassanā nāma. Dhammesu “attā”ti vipallāsappahānā dhammapariggāhikā sati maggena samijjhatīti dhammānupassanā nāma. Iti ekāva maggasampayuttā sati catukiccasādhakattena cattāri nāmāni labhati. Tena vuttaṃ “lokuttaramaggakkaṇe pana ekacitteyeva labbhantī”ti.

Sammāsamādhiniddese **vivicceva kāmehī**ti kāmehi viviccitvā vinā hutvā apakkamitvā. Yo panāyamettha evakāro, so niyamatthoti veditabbo. Yasmā ca niyamattho, tasmā paṭhamajjhānaṃ upasampajja viharāṇasamaye avijjamānānampi kāmānaṃ tassa paṭhamajjhānassa paṭipakkhabhāvaṃ kāmāpariccāgeneva cassa adhigamaṃ dīpeti. Kathaṃ? “Vivicceva kāmehī”ti evaṃ hi niyame kayiramāne idaṃ paññāyati, nūnimassa¹ jhānassa kāmā paṭipakkhabhūtā, yesu sati idaṃ na pavattati, andhakāre sati padīpobhāso viya, tesam pariccāgeneva cassa adhigamo hoti orimatīrapariccāgena pārimatīrassa viya. Tasmā niyamaṃ karotīti.

Tattha siyā, kasmā panesa pubbapadeyeva vutto, na uttarapade, kiṃ akusalehi dhammehi aviccāpi jhānaṃ upasampajja vihareyyāti? Na kho panetaṃ evaṃ daṭṭhabbaṃ. Tamnissaraṇato hi pubbapade esa vutto. Kāmadhātusamatikkamanato hi kāmarāgapaṭipakkhato ca idaṃ jhānaṃ kāmānameva nissaraṇaṃ. Yathāha “kāmānametaṃ nissaraṇaṃ yadidaṃ nekkhamman”ti². Uttarapadepi pana yathā “idheva bhikkhave samaṇo, idha dutiyo samaṇo”ti³ ettha evakāro ānetvā vuccati, evaṃ vattabbo. Na hi sakkā ito aññehipi nīvaraṇasaṅkhātehi akusalehi dhammehi avicca jhānaṃ upasampajja viharitum. Tasmā “vivicceva kāmehi vivicceva

1. Nanvimassa (Sī) 2. Khu 1. 237 Itivuttake. 3. Ma 1. 92; Aṃ 1. 560 piṭṭhesu.

akusalehi dhammehī”ti evaṃ padadvayepi esa daṭṭhabbo. Padadvayepi ca kiñcāpi viviccāti iminā sādharmaṇavacanena tadaṅgavikkhambhana-samucchedapaṭippassaddhinissaraṇavivekā cittakāya-upadhivivekā ca saṅgahaṃ gacchanti, tathāpi pubbabhāge kāyavivekacittaviveka-vikkhambhanavivekā daṭṭhabbā, lokuttaramaggakkhaṇe kāyavivekacittavivekasamucchedavivekapaṭippassaddhiviveka-nissaraṇavivekā.

Kāmeḥīti iminā pana padena ye ca Mahāniddese “katame vatthukāmā manāpikā rūpā”ti-ādinā¹ nayena vatthukāmā vuttā, ye ca tattheva Vibhaṅge ca “chando kāmo, rāgo kāmo, chandarāgo kāmo, saṅkappo kāmo, rāgo kāmo, saṅkapparāgo kāmo”ti² evaṃ kilesakāmā vuttā, te sabbepi saṅgahitā icceva daṭṭhabbā. Evaṃ hi sati vivicceva kāmeḥīti vatthukāmeḥīpi viviccevaṭi attho yujjati. Tena kāyaviveko vutto hoti.

Vivicca akusalehi dhammehīti kilesakāmehi sabbākusalehi vā viviccāti attho yujjati. Tena cittaviveko vutto hoti. Purimena cettha vatthukāmehi vivekavacanato eva kāmasukhapariccāgo, dutiyena kilesakāmehi vivekavacanato nekkhammasukhapariggaho vibhāvito hoti. Evaṃ vatthukāmakilesakāmavivekavacanato yeva ca etesaṃ paṭhamena saṅkilesavatthupahānaṃ, dutiyena saṅkilesappahānaṃ. Paṭhamena lolabhāvassa hetupariccāgo, dutiyena bālabhāvassa. Paṭhamena ca payogasuddhi, dutiyena āsayaposanaṃ vibhāvitaṃ hotīti viññātabbaṃ. Esa tāva nayo kāmeḥīti ettha vuttakāmesu vatthukāmapakkhe.

Kilesakāmapakkhe pana chandoti ca rāgoti ca evamādīhi anekabhedo kāmacchandova kāmoti adhippeto. So ca akusalapariyāpannopi samāno “tattha katame kāmā, chando kāmo”ti-ādinā³ nayena Vibhaṅge upari jhānaṅgapaṭipakkhato visum vutto, kilesakāmattā vā purimapade vutto, akusalapariyāpannattā dutiyapade. Anekabhedato cassa kāmatoti avatvā kāmeḥīti vuttam.

1. Khu 7. 1 piṭṭhe.

2. Khu 7. 2; Abhi 2. 266 piṭṭhesu.

3. Abhi 2. 266 piṭṭhe.

Aññesampi ca dhammānaṃ akusalabhāve vijjamāne “tatha katame akusalā dhammā, kāmacchando”¹ti-ādinā¹ nayena **Vibhaṅge** upari jhānaṅgapaccanīkapaṭipakkhabhāvadassanato nīvaraṇāneva vuttāni. Nīvaraṇāni hi jhānaṅgapaccanīkāni, tesāṃ jhānaṅgāneva paṭipakkhāni viddhamśakāni vināsakānīti vuttaṃ hoti. Tathā hi “samādhi kāmacchandassa paṭipakkho, pīti byāpādassa, vitakko thinamiddhassa, sukhaṃ uddhaccakukkucassa, vicāro vicikicchā”²ti² Peṭake vuttaṃ.

Evamettha “vivicceva kāmehi”¹ti iminā kāmacchandassa vikkhambhanaviveko vutto hoti, “vivicca akusalehi dhammehi”¹ti iminā pañcannampi nīvaraṇānaṃ. Agahitaggahaṇena pana paṭhamena kāmacchandassa, dutiyena sesanīvaraṇānaṃ. Tathā paṭhamena tīsu akusalamūlesu pañcakāmaguṇabhedavisayassa lobhassa, dutiyena āghātavatthubhedādivisayānaṃ dosamohānaṃ. Oghādīsu vā dhammesu paṭhamena kāmoghakāmayogakāmāsavakāmupādāna-abhijjhākāyagantha kāmārāgasaññojanānaṃ, dutiyena avasesa-oghayogāsava-upādānaganthasāmyojanānaṃ. Paṭhamena taṇhāya taṃsāmpayuttakānañca, dutiyena avijjāya taṃsāmpayuttakānañca. Apica paṭhamena lobhasāmpayutta-aṭṭhacittupādānaṃ, dutiyena sesānaṃ catunnaṃ akusalacittupādānaṃ vikkhambhanaviveko vutto hotīti veditabbo.

Ettāvatā ca paṭhamassa jhānassa pahānaṅgaṃ dassetvā idāni sampayogaṅgaṃ dassetuṃ **savitakkaṃ savicāranti**-ādi vuttaṃ. Tattha ārammaṇe cittassa abhiniropanalakkhaṇo **vitakko**. Ārammaṇānumajjanalakkhaṇo **vicāro**. Santepi ca nesāṃ katthaci avippayoge oḷārikaṭṭhena pubbaṅgamaṭṭhena ca ghaṇḍābhighāto viya cetaso paṭhamābhiniṭṭhāto vitakko, sukhumaṭṭhena anumajjanasabhāvena ca ghaṇḍānuravo viya anuppabandho vicāro. Vipphāravā cettha vitakko paṭhamuppattikāle paripphandanabhūto cittassa, ākāse uppatitukāmassa pakkhino pakkhāvikkhepo viya, padumābhimukhapāto viya ca gandhānubandhacetaso bhamarassa. Santavutti vicāro nātiparipphandanabhūto cittassa, ākāse uppattitassa pakkhino pakkhappasāraṇaṃ viya, paribbhamanaṃ viya ca padumābhimukhapatitassa bhamarassa padumassa uparibhāge.

1. Abhi 2. 266 piṭṭhe.

2. Gavesitabbo.

Dukanipātaṭṭhakathāyaṃ pana “ākāse gacchato mahāsakuṇassa ubhohi pakkhehi vātaṃ gahetvā¹ pakkhe sannisīdāpetvā gamanāṃ viya ārammaṇe cetaso abhiniropanabhāvena pavattho vitakko, vātaggahaṇattham pakkhephandāpayamānassa gamanāṃ viya anumajjanabhāvena pavatto vicāro”ti vuttam. Tam anuppabandhena pavattiyāṃ yujjati. So pana tesāṃ viseso paṭhamadutiyaṃjhānesu pākaṭo hoti. Apica malaggahitaṃ kamsabhājanāṃ ekena hatthena daḷhaṃ gahetvā itarena hatthena cuṇṇatelaṃvālaṇḍupakena parimajjantassa daḷhaggahaṇattho viya vitakko, parimajjanattho viya vicāro. Tathā kumbhakārassa daṇḍappahārena cakkam bhamayitvā bhājanāṃ karontassa uppīḷanahattho viya vitakko, ito cito ca saṃsaraṇattho viya vicāro. Tathā maṇḍalaṃ karontassa majjhe sannirujjhitaṃ ṭhitakaṇṭako viya abhiniropano vitakko, bahi paribbhamanaṇṭako viya anumajjano vicāro. Iti iminā ca vitakkena iminā ca vicārena saha vattati rukkho viya pupphena phalena cāti idaṃ jhānaṃ “savitakkam savicāraṃ”ti vuccati.

Vivekajanti ettha vivitti viveko, nīvaraṇavigamoti attho. Vivittoti vā viveko, nīvaraṇavivitto jhānasampayuttadhammārāsīti attho. Tasmā vivekā, tasmim vā viveke jātanti vivekajam. **Pītisukhanti** ettha piṇayatīti pīti, sā sampiyāyanalakkhaṇā. Sā panesā khuddikā pīti khaṇikā pīti okkantikā pīti ubbegā pīti pharaṇā pītīti pañcavidhā hoti.

Tattha **khuddikā pīti** sarīre lomahaṃsanamattameva kātuṃ sakkoti. **Khaṇikā pīti** khaṇe khaṇe vijjuppādasadisā² hoti. **Okkantikā pīti** samuddatīraṃ vīci viya kāyaṃ okkamitvā okkamitvā bhijjati. **Ubbegā pīti** balavatī hoti kāyaṃ uddhaggaṃ katvā ākāse laṅghāpanappamāṇappattā. **Pharaṇā pīti** atibalavatī hoti. Tāya hi uppannāya sakalasarīraṃ dhamitvā pūritavatthi viya mahatā udakoghena pakkhandapabbatakucchi viya ca anupariphuṭam hoti. Sā panesā pañcavidhā pīti gabbhaṃ gaṇhantī paripākaṃ gacchantī duvidaṃ passaddhiṃ paripūreti kāyapassaddhiṃ cittaṃ passaddhiṃ. Passaddhigabbhaṃ gaṇhantī paripākaṃ gacchantī duvidhampi sukhaṃ paripūreti kāyikaṇca cetasikaṇca.

1. Gāhāpetvā (Sī)

2. Vijjupātasadisā (Sī)

Sukhaṃ gabbhaṃ gaṇhantaṃ paripākaṃ gacchantaṃ tividhaṃ samādhim paripūreti khaṇikasamādhim upacārasamādhim appanāsamādhiñcāti. Tāsu ca yā appanā samādhissa mūlaṃ hutvā vaḍḍhamānā samādhisampayogaṃ gatā pharaṇā pīti, ayaṃ imasmiṃ atthe adhippetā pītīti.

Itaraṃ pana sukhayatīti sukhaṃ, yassuppajjati, taṃ sukhiṃ karotīti attho. Sukhanaṃ vā sukhaṃ, suṭṭhu vā khādanti khaṇati ca kāyacittābādhanāti sukhaṃ, somanassavedanāyetaṃ nāmaṃ. Taṃ sātalaḅbhaṇaṃ. Santepi ca nesaṃ katthaci avippayoge iṭṭhārammaṇapaṭilābhatuṭṭhi pīti, paṭiladdharasānubhavanaṃ sukhaṃ. Yatha pīti, tattha sukhaṃ. Yattha sukhaṃ, tattha na niyamato pīti. Saṅkhārakkhandhasaṅgahitā pīti, vedanākkhandhasaṅgahitaṃ. Kantārakhinnassa vanantudakadassanasavanesu viya pīti, vanacchāyāpavesana-udakaparibhogesu viya sukhaṃ. Tasmim tasmim samaye pākaṭabhāvato cetam vuttanti veditabbaṃ. Iti ayaṃca pīti idaṃca sukhaṃ assa jhānassa, asmiṃ vā jhāne atthīti idaṃ jhānaṃ “pītisukhaṃ”ti vuccati. Atha vā pīti ca sukhaṃca pītisukhaṃ dhammavinayādayo viya. Vivekajaṃ pītisukhaṃ assa jhānassa, asmiṃ vā jhāne atthīti evampi vivekajaṃ pītisukhaṃ. Yatheva hi jhānaṃ, evaṃ pītisukhampettha vivekajameva hoti. Tañcassa atthīti tasmā alopasamāsaṃ katvā ekapadeneva “vivekajaṃ pītisukhaṃ”tipi vatthum yujjati.

Paṭhamanti gaṇanānupubbatā paṭhamaṃ, paṭhamaṃ uppannanti paṭhamaṃ. **Jhānanti** duvidhaṃ jhānaṃ ārammaṇūpanijjhānaṃca lakkhaṇūpanijjhānaṃca. Tattha atṭha samāpattiyo pathavīkasiṇādi-ārammaṇaṃ upanijjhāyantīti “ārammaṇūpanijjhānaṃ”ti saṅkhyāṃ gatā. Vipassanāmaggaṃ phalāni pana lakkhaṇūpanijjhānaṃ nāma. Tattha vipassanā aniccādilakkhaṇassa upanijjhānato lakkhaṇūpanijjhānaṃ, vipassanāya katakiccassa maggena ijhanato maggo lakkhaṇūpanijjhānaṃ, phalaṃ pana nirodhasaccaṃ tathalakkhaṇaṃ upanijjhāyantīti lakkhaṇūpanijjhānaṃ. Tesu idha pubbabhāge ārammaṇūpanijjhānaṃ, lokuttaramaggakkhaṇe lakkhaṇūpanijjhānaṃ adhippetam, tasmā ārammaṇūpanijjhānato lakkhaṇūpanijjhānato paccanīkajjhāpanato ca “jhānaṃ”ti veditabbaṃ. **Upasampajjāti** upagantvā, pāpuṇitvāti vuttaṃ hoti. Upasampādayitvā vā, nipphādetvāti vuttaṃ hoti. **Viharatīti** tadanurūpena iriyāpathavihāreṇa iriyati, vuttappakārajhānasamaṅgī hutvā attabhāvassa vuttim abhinipphādeti.

Vitakkavicārānaṃ vūpasamāti ettha vitakkassa ca vicārassa cāti imesaṃ dvinnāṃ vūpasamā samatikkamā, dutiyajjhānakkhaṇe apātubhāvāti vuttaṃ hoti. Tattha kiñcāpi dutiyajjhāne sabbepi paṭhamajjhānadhammā na santi, aññeyeva hi paṭhamajjhāne phassādayo, aññe idhāti. Oḷārikassa pana oḷārikassa aṅgassa samatikkamā paṭhamajjhānato paresaṃ dutiyajjhānādīnaṃ adhigamo hotīti dassanattham “vitakkavicārānaṃ vūpasamā”ti evaṃ vuttanti veditabbaṃ. **Ajjhattanti** idha niyakajjhattaṃ adhippetāṃ, tasmā attani jātaṃ, attasantaṇe nibbattanti attho.

Sampasādananti sampasādanaṃ vuccati saddhā. Sampasādanayogato jhānampi sampasādanaṃ nīlavaṇṇayogato nīlavattham viya. Yasmā vā taṃ jhānaṃ sampasādanasamannāgatattā vitakkavicārakkhobhavūpasamanena ca ceto sampasādayati, tasmāpi sampasādananti vuttaṃ. Imasmiṃ ca atthavikappe sampasādanaṃ cetasoti evaṃ padasambandho veditabbo, purimasmiṃ pana atthavikappe cetasoti etaṃ ekodibhāvena saddhiṃ yojetabbaṃ.

Tatrāyaṃ atthayojanā—eko udetīti **ekodi**, vitakkavicārehi anajjhārūḷhattā aggo seṭṭho hutvā udetīti attho. Seṭṭhopi hi loke ekoti vuccati. Vitakkavicāravirahito vā eko asahāyo hutvā itipi vattum vaṭṭati. Atha vā sampayuttadhamme udāyatīti udi, uṭṭhapetīti attho. Seṭṭhaṭṭhena eko ca so udi cāti ekodi. Samādhissetaṃ adhivacanaṃ. Iti imaṃ ekodiṃ bhāveti vadḍhetīti idaṃ dutiyaṃ jhānaṃ **ekodibhāvaṃ**. So panāyaṃ ekodi yasmā cetaso, na sattassa na jīvassa. Tasmā etaṃ “cetaso ekodibhāvaṃ”ti vuttaṃ.

Nanu cāyaṃ saddhā paṭhamajjhānepi atthi, ayañca ekodināmako samādhi, atha kasmā idameva “sampasādanaṃ cetaso ekodibhāvaṃ”ti ca vuttanti. Vuccate—aduṃ hi paṭhamajjhānaṃ vitakkavicārakkhobhena vīcitarāṅgasamākulamiva jalaṃ na suppasannaṃ hoti, tasmā satiyāpi saddhāya “sampasādanā”ti na vuttaṃ. Na suppasannattāyeva cettha samādhipi na suṭṭhu pākaṭo, tasmā “ekodibhāvaṃ”tipi na vuttaṃ. Imasmiṃ pana jhāne vitakkavicārāpalibodhābhāvena laddhokāsā balavatī saddhā, balavasaddhāsahāyapaṭilābheneva ca samādhipi pākaṭo, tasmā idameva evaṃ vuttanti veditabbaṃ.

Avitakkam avicāranti bhāvanāya pahinattā etasmim, etassa vā vitakko natthīti avitakkam. Imināva nayena avicāram. Etthāha “nanu ca ‘vitakkavicārānaṃ vūpasamā’ti imināpi ayamatto siddho, atha kasmā puna vuttam ‘avitakkam avicāran’ti”. Vuccate—evametaṃ, siddhovāyamatto, na panetaṃ tadatthadīpakaṃ, nanu avocumha “oḷārikassa pana oḷārikassa aṅgassa samatikkamā paṭhamajjhānato paresaṃ dutiyajjhānādīnaṃ samadhigamo hotīti dassanattaṃ vitakkavicārānaṃ vūpasamāti evaṃ vuttan”ti.

Apica vitakkavicārānaṃ vūpasamā idaṃ sampasādanaṃ, na kilesakālussiyassa. Vitakkavicārānaṃ vūpasamā ekodibhāvaṃ, na upacārajjhānamiva nīvaraṇappahānā, na paṭhamajjhānamiva ca aṅgapātubhāvāti evaṃ sampasādana-ekodibhāvānaṃ hetuparidīpakamidam vacanaṃ. Tathā vitakkavicārānaṃ vūpasamā idaṃ avitakka-avicāram, na tatiyacatutthajjhānāni viya cakkhuviññānādīni viya ca abhāvāti evaṃ avitakka-avicārābhāvassa hetuparidīpakaṃ. Na vitakkavicārābhāvamattaparidīpakaṃ, vitakkavicārābhāvamattaparidīpakameva pana “avitakkam avicāran”ti idaṃ vacanaṃ. Tasmā purimaṃ vatvāpi puna vattabbamevāti.

Samādhijanti paṭhamajjhānasamādhito, sampayuttasamādhito vā jātanti attho. Tattha kiñcāpi paṭhamajjhānampi sampayuttasamādhito jātam, atha kho ayameva samādhi “samādhī”ti vattabbataṃ arahati vitakkavicārakkhobhavirahena ativiya acalattā suppasannattā ca. Tasmā imassa vaṇṇabhaṇanattaṃ idameva “samādhijan”ti vuttam. **Pītisukhanti** idaṃ vuttanayemeva. **Dutiyanti** gaṇanānupubbataṃ dutiyaṃ, idaṃ dutiyaṃ uppannantipi dutiyaṃ.

Pītiyā ca virāgāti virāgo nāma vuttappakārāya pītiyā jīgucchanam vā samatikkamo vā, ubhinnaṃ pana antarā casaddo sampiṇḍanatto, so vūpasamaṃ vā sampiṇḍeti vitakkavicāravūpasamaṃ vā. Tattha yadā vūpasameva sampiṇḍeti, tadā pītiyā virāgā ca, kiñca bhīyyo vūpasamā cāti evaṃ yojanā veditabbā. Imissā ca yojanāya virāgo jīgucchanatto hoti, tasmā pītiyā jīgucchanā ca samatikkamā cāti ayamatto daṭṭhabbo. Yadā pana vitakkavicāravūpasamaṃ sampiṇḍeti, tadā pītiyā ca virāgā, kiñca bhīyyo vitakkavicārānaṃ vūpasamāti evaṃ yojanā veditabbā. Imissā ca yojanāya virāgo samatikkamanatto hoti, tasmā pītiyā ca samatikkamā, vitakkavicārānaṃ vūpasamāti ayamatto daṭṭhabbo.

Kāmañcete vitakkavicārā dutiyajjhāneyeva vūpasantā, imassa pana jhānassa maggaparidīpanatthaṃ vaṇṇabhaṇanatthañcetaṃ vuttaṃ. Vitakkavicārānaṃ vūpasamāti hi vutte idaṃ paññāyati “nūna¹ vitakkavicāravūpasamo mago imassa jhānassā”ti. Yathā ca tatiye ariyamagge appahīnānampi sakkāyadiṭṭhādīnaṃ “pañcannaṃ orambhāgiyānaṃ saṃyojanānaṃpahānā”ti² evaṃ pahānaṃ vuccamānaṃ vaṇṇabhaṇanaṃ hoti, tadadhigamāya ussukkānaṃ ussāhajanakaṃ, evameva idha avūpasantānampi vitakkavicārānaṃ vūpasamo vuccamāno vaṇṇabhaṇanaṃ hoti, tenāyamattho vuttho “pītiyā ca samatikkamā vitakkavicārānañca vūpasamā”ti.

Upekkhako ca viharatīti ettha upapattito ikkhatīti upekkhā, samaṃ passati apakkhapatitā hutvā passatīti attho. Tāya visadāya vipulāya thāmagatāya samannāgatattā tatiyajjhānasamaṅgī “upekkhako”ti vuccati.

Upekkhā pana dasavidhā hoti chaḷaṅgupekkhā brahmavihārupekkhā bojjhaṅgupekkhā vīriyupekkhā saṅkhārupekkhā vedanupekkhā vipassanupekkhā tatramajjhattupekkhā jhānupekkhā pārisuddhupekkhāti.

Tattha yā “idha bhikkhave khīṇāsavo bhikkhu cakkhunā rūpaṃ disvā neva sumano hoti na dummano, upekkhako ca viharati sato sampajāno”ti³ evamāgatā khīṇāsavassa chasu dvāresu iṭṭhāniṭṭhachaḷārammaṇāpāthe parisuddhapakatibhāvāvijahanākārabhūtā upekkhā, ayaṃ **chaḷaṅgupekkhā** nāma.

Yā pana “upekkhāsahagatena cetasā ekaṃ disaṃ pharitvā viharatī”ti⁴ evamāgatā sattesu majjhattākārabhūtā upekkhā, ayaṃ **brahmavihārupekkhā** nāma.

Yā pana “upekkhāsambojjhaṅgaṃ bhāveti vivekanissitaṃ”ti⁵ evamāgatā sahajātadhammānaṃ majjhattākārabhūtā upekkhā, ayaṃ **bojjhaṅgupekkhā** nāma.

1. Nanu (Sī)

2. Dī 1. 148; Ma 2. 99; Saṃ 3. 63; Am 1. 235 piṭṭhādīsu.

3. Am 2. 247. piṭṭhe.

4. Dī 1. 234; Ma 1. 47 piṭṭhādīsu.

5. Ma 2. 204 piṭṭhādīsu.

Yā pana “kālena kālaṃ upekkhānimittāṃ manasikarotī”¹ evamāgatā anaccāraddhanātisithilavīriyasaṅkhātā upekkhā, ayaṃ **vīriyupekkhā** nāma.

Yā pana “kati saṅkhārupekkhā samathavasena² uppajjanti, kati saṅkhārupekkhā vipassanāvasena uppajjanti, aṭṭha saṅkhārupekkhā samathavasena uppajjanti, dasasaṅkhārupekkhā vipassanāvasena uppajjanti”³ evamāgatā nīvaraṇādipaṭisaṅkhāsantiṭṭhanāgahaṇe majjhatabhūtā upekkhā, ayaṃ **saṅkhārupekkhā** nāma.

Yā pana “yasmim̐ samaye kāmāvacaraṃ kusalaṃ cittaṃ uppannaṃ hoti upekkhāsahagatan”⁴ evamāgatā adukkhamasukhasaññitā upekkhā, ayaṃ **vedanupekkhā** nāma.

Yā “yadatthi yaṃ bhūtāṃ, taṃ pajahati, upekkham̐ paṭilabhati”⁵ evamāgatā vicinane majjhatabhūtā upekkhā, ayaṃ **vipassanupekkhā** nāma.

Yā pana chandādīsu yevāpanakesu āgatā saha-jātānaṃ samavāhitabhūtā upekkhā, ayaṃ **tatramajjhattupekkhā** nāma.

Yā pana “upekkhako ca viharatī”⁶ evamāgatā aggasukhepi tasmim̐ apakkhapātajananī upekkhā, ayaṃ **jhānupekkhā** nāma.

Yā pana “upekkhāsati-pārisuddhiṃ catutthaṃ jhānaṃ”⁷ evamāgatā sabbapaccanīkapaṭisuddhā paccanīkavūpasamanepi abyāpārabhūtā upekkhā, ayaṃ **pārisuddhupekkhā** nāma.

Tattha chaḷaṅgupekkhā ca brahmavihārupekkhā ca bojjhaṅgupekkhā ca tatramajjhattupekkhā ca jhānupekkhā ca pārisuddhupekkhā ca atthato ekā, tatramajjhattupekkhāva hoti. Tena tena avatthābhedenā paṇassāyaṃ bhedo. Ekassāpi sato sattassa kumārayuvattherasenāpatirājādivasena viya, tasmā tāsu yattha chaḷaṅgupekkhā, na tattha bojjhaṅgupekkhādayo. Yattha vā pana bojjhaṅgupekkhā, na tattha chaḷaṅgupekkhādayo hontīti veditabbo.

1. Am̐ 1. 258 piṭṭhe.

3. Khu 9. 62 piṭṭhe.

6. Abhi 1. 45; Dī 1. 71 piṭṭhādīsu.

2. Samādhivasena (Sabbattha)

4. Abhi 1. 40 piṭṭhe.

5. Ma 3. 51; Am̐ 2. 450 piṭṭhesu.

7. Abhi 1. 45; Dī 1. 71 piṭṭhādīsu.

Yathā cetāsaṃ atthato ekībhāvo, evaṃ saṅkhārupekkhāvīpassanupekkhānampi. Paññā eva hi sā, kiccavasena dvidhā bhinnā. Yathā hi purisassa sāyaṃ gehaṃ pavīṭṭhaṃ sappam ajapadadaṇḍam gahetvā pariyesamānassa taṃ thusakoṭṭhake nipannaṃ disvā “sappo nu kho, no”ti avalokentassa sovattikattayaṃ disvā nibbematikassa “sappo, na sappo”ti vicinane majjhataṭṭā uppajjati, evameva yā āradhavi-passakassa vipassanāñāṇena lakkhaṇattaye diṭṭhe saṅkhārānaṃ aniccabhāvādivicinane majjhataṭṭā uppajjati, ayaṃ vipassanupekkhā. Yathā pana tassa purisassa ajapadadaṇḍena gāḷhaṃ sappam gahetvā “kintāhaṃ imaṃ sappam aviheṭṭhento attānañca iminā aḍaṃsāpento muñceyyan”ti muñcanākārameva pariyesato gahaṇe majjhataṭṭā hoti, evameva yā lakkhaṇattayassa diṭṭhattā āditte viya tayo bhava passato saṅkhāragahaṇe majjhataṭṭā, ayaṃ saṅkhārupekkhā. Iti vipassanupekkhāya siddhāya saṅkhārupekkhāpi siddhāva hoti. Iminā panesā vicinanagahaṇesu majjhataṭṭasaṅkhātena kiccena dvidhā bhinnāti. Vīriyupekkhā pana vedanupekkhā ca aññamaññaṃ avasesāhi ca atthato bhinnā evāti. Āha cettha—

“Majjhatabrahmabojjhaṅga-chaḷaṅgajhānasuddhiyo.

Vipassanā ca saṅkhāra-vedanā vīriyaṃ iti.

Vitthārato daso’pekkhā, cha majjhataṭṭā tato.

Duve paññā tato dvīhi, catassova bhavanti”ti¹.

Iti imāsu upekkhāsu jhānupekkhā idha adhippetā. Sā majjhatalakkhaṇā. Etthāha “nanu cāyaṃ atthato tatramajjhattupekkhāva hoti, sā ca paṭhamadutiyañānesupi atthi, tasmā tatrapi ‘upekkhako ca viharatī”ti evamayaṃ vattabbā siyā, sā kasmā na vuttā”ti? Aparibyattakiccatō. Aparibyattañhi tassa tattha kiccaṃ vitakkādīhi abhibhūtattā, idha panāyaṃ vitakkavicārapīṭṭhi anabhibhūtattā ukkhittasirā viya hutvā paribyattakiccā jātā, tasmā vuttāti.

Idāni **sato ca sampajānoti** ettha saratīti sato. Sampajānātīti sampajāno. Iti puggalena sati ca sampajāññaṃ vuttaṃ. Tattha

1. Bhavanti cāti (Sī)

saraṇalakkhaṇā sati. Asammohalakkhaṇaṃ sampajaññaṃ. Tattha kiñcāpi idaṃ satisampajaññaṃ purimajjhānesupi atthi, muṭṭhassatissa hi asampajānassa upacāramattampi na sampajjati, pageva appana. Oḷārikattā pana tassa jhānaṃ bhūmiyaṃ viya purisassa cittaṃ gati sukhā hoti, abyattaṃ tattha satisampajaññaṃ. Oḷārikaṅgappahānena pana sukhumattā imassa jhānassa purisassa khuradhārāyaṃ viya satisampajaññaṃ pariggahitā eva cittaṃ gati icchitabbāti idheva vuttaṃ. Kiñca bhiyyo—yathā dhenupago vaccho dhenuto apanīto arakkhiyamāno punadeva dhenum upagacchati, evamidaṃ tatiyajjhānasukhaṃ pītito apanītampi¹ satisampajaññārakkhena arakkhiyamānaṃ punadeva pītiṃ upagaccheyya, pītisampayuttameva siyā. Sukhe vāpi² sattā sārājanti, idaṃca atimadhuraṃ sukhaṃ tato paraṃ sukhābhāvā. Satisampajaññānubhāvena panettha sukhe asārājanā hoti, no aññathāti imampi atthavisesaṃ dassetuṃ idaṃ idheva vuttanti veditabbāṃ.

Idāni **sukhañca kāyena paṭisaṃvedetīti** ettha kiñcāpi tatiyajjhānasamaṅgino sukhaṃ paṭisaṃvedanābhogo natthi, evaṃ santepi yasmā tassa nāmakāyena sampayuttaṃ sukhaṃ, yaṃ vā taṃ nāmakāyasampayuttaṃ sukhaṃ, taṃsamuṭṭhānena yasmā atipaṇītena rūpena rūpakāyo phuṭṭho, yassa phuṭṭhattā jhānā vuṭṭhitopi sukhaṃ paṭisaṃvadēyya, tasmā etamattaṃ dassento “sukhañca kāyena paṭisaṃvedetī”ti āha.

Idāni **yaṃ taṃ ariyā ācikkhanti upekkhako satimā sukhavīhārīti** ettha yaṃ jhānāhetu yaṃ jhānakāraṇā taṃ tatiyajjhānasamaṅgipuggalaṃ Buddhādayo ariyā ācikkhanti desenti paññapenti paṭṭhapenti vivaranti vibhajanti uttānīkaronti pakāsentī, paṃsaṃsantīti adhippāyo. Kinti? Upekkhako satimā sukhavīhārīti. Taṃ tatiyaṃ jhānaṃ upasampajja viharatīti evamettha yojanā veditabbā.

Kasmā pana taṃ te evaṃ paṃsaṃsantīti? Paṃsaṃsārahato. Ayaṃ hi yasmā atimadhurasukhe sukhaṃ pāramippattepi tatiyajjhāne upekkhako, na tattha sukhābhisaṅgena ākaḍḍhiyati. Yathā ca pīti na uppajjati, evaṃ

1. Apanītaṃ (Sabbattha) Vi-Ṭṭha 1. 121 piṭṭhe pana passitabbāṃ.

2. Sukhe cāpi (Sī, Ka)

upaṭṭhitassatitāya satimā. Yasmā ca ariyakantaṃ ariyajana-sevitameva ca asaṃkiliṭṭhaṃ sukhaṃ nāmakāyena paṭisaṃvedeti, tasmā pasamsāraho hoti. Iti pasamsārahato nam ariyā te evaṃ pasamsārahahetubhūte guṇe pakāsentā “upekkhako satimā sukhavihārī”ti evaṃ pasamsantīti veditabbaṃ. **Tatiyanti** gaṇaṇānupubbatā tatiyaṃ, tatiyaṃ uppannantipi tatiyaṃ.

Sukhassa ca pahānā dukkhassa ca pahānāti kāyikasukhassa ca kāyikadukkhassa ca pahānā. **Pubbevāti** tañca kho pubbeva, na catutthajjhānakkhaṇe. **Somanassadomanassānaṃ atthaṅgamā**ti cetasikasukhassa cetasikadukkhassa cāti imesampi dvinnaṃ pubbeva atthaṅgamā, pahānā-icceva vuttaṃ hoti. Kadā pana nesaṃ pahānaṃ hoti? Catunnaṃ jhānaṃ upacārakkhaṇe. Somanassaṃ hi catutthassa jhānassa upacārakkhaṇeyeva pahīyati, dukkhadomanassasukhāni paṭhamadutiyatatiyānaṃ upacārakkhaṇesu. Evametesāṃ pahānakkamena avuttānaṃ **Indriyavibhaṅge**¹ pana indriyānaṃ uddesakkameneva idhāpi vuttānaṃ sukhadukkhassomanassadomanassānaṃ pahānaṃ veditabbaṃ.

Yadi panetāni tassa tassa jhānassa upacārakkhaṇeyeva pahīyanti, atha kasmā “kattha cuppannaṃ dukkhindriyaṃ aparisesaṃ nirujjhati. Idha bhikkhave bhikkhu vivicceva kāmehi -pa- paṭhamajjhānaṃ upasampajja viharati. Ettha cuppannaṃ dukkhindriyaṃ aparisesaṃ nirujjhati. Kattha cuppannaṃ domanassindriyaṃ. Sukhindriyaṃ. Somanassindriyaṃ aparisesaṃ nirujjhati. Idha bhikkhave bhikkhu sukhaṃ ca pahānā -pa- catutthaṃ jhānaṃ upasampajja viharati. Ettha cuppannaṃ somanassindriyaṃ aparisesaṃ nirujjhatī”ti² evaṃ jhānesveva nirodho vuttoti? Atisayanirodhattā. Atisayanirodho hi tesāṃ paṭhamajjhānādīsu, na nirodhoyeva. Nirodhoyeva pana upacārakkhaṇe, nātisayanirodho. Tathā hi nānāvajjane paṭhamajjhānūpacāre niruddhassāpi dukkhindriyassa ḍaṃsamakasādisamphassena vā visamāsanūpatāpena vā siyā uppatti, na tveva anto-appanāyaṃ. Upacāre vā niruddhampetaṃ na suṭṭhu niruddhaṃ hoti paṭipakkhena avihatattā. Anto-appanāyaṃ pana pītipharaṇena sabbo kāyo sukhokkanto hoti, sukhokkantakāyassa ca

1. Abhi 2. 128 piṭṭhe.

2. Saṃ 3. 188 piṭṭhe.

suṭṭhu niruddham hoti dukkhindriyaṃ paṭipakkhena vihatattā.
 Nānāvajjaneyeva ca dutiyajjhānūpacāre pahīnassāpi domanassindriyassa
 yasmā etaṃ vitakkavicārapaccayepi kāyakilamathe cittūpaghāte ca sati
 uppajjati, vitakkavicārābhāve neva uppajjati. Yattha pana uppajjati, tattha
 vitakkavicārābhāve. Appahīnāyeva ca dutiyajjhānūpacāre vitakkavicārāti
 tathassa siyā uppatti, natveva dutiyajjhāne pahīnapaccayattā. Tathā
 tatiyajjhānūpacāre pahīnassāpi sukhindriyassa
 pītisamuṭṭhānapaṇītarūpaphuṭṭhākāyassa siyā uppatti, natveva tatiyajjhāne.
 Tatiyajjhāne hi sukhasa paccayabhūtā pīti sabbaso niruddhā hoti¹. Tathā
 catutthajjhānūpacāre pahīnassāpi somanassindriyassa āsannattā,
 appanāppattāya upekkhāya abhāvena sammā anatikkantattā ca siyā uppatti,
 natveva catutthajjhāne. Tasmā eva ca “etthuppannaṃ dukkhindriyaṃ
 aparisesaṃ nirujjhati”ti tattha tattha aparisesaggahaṇaṃ katanti.

Etthāha “athevaṃ tassa tassa jhānassūpacāre pahīnāpi etā vedanā idha
 kasmā samāhari”ti. Sukhaggahaṇatthaṃ. Yā hi ayaṃ “adukkhamasukhan”ti
 ettha adukkhamasukhā vedanā vuttā, sā sukhumā dubbhiññeyyā na sakkā
 sukhena gahetuṃ, tasmā yathā nāma duṭṭhassa yathā tathā vā upasaṅkamitvā
 gahetuṃ asakkuṇeyyassa goṇassa gahaṇatthaṃ gopo ekasmiṃ vaje sabbā
 gāvo samāharati, athekekaṃ nīharanto paṭipāṭiyā āgataṃ “ayaṃ so gaṇhatha
 nan”ti tampi gāhāpeti, evamevaṃ sukhaggahaṇatthaṃ sabbāpi etā samāhari.
 Evaṃ hi samāhaṭā etā dassetvā “yaṃ neva sukhaṃ, na dukkhaṃ, na
 somanassaṃ, na domanassaṃ, ayaṃ adukkhamasukhāvedanā”ti sakkā hoti
 esā gāhayitum.

Apica adukkhamasukhāya cetovimuttiyā paccayadassanattañcāpi etā
 vuttāti veditabbā. Sukhadukkappahānādayo hi tassā paccayā. Yathāha
 “cattāro kho āvuso paccayā adukkhamasukhāya cetovimuttiyā samāpattiyā,
 idhāvuso bhikkhu sukhasa ca pahānā -pa- catutthaṃ jhānaṃ upasampajja
 viharati. Ime kho āvuso cattāro paccayā adukkhamasukhāya cetovimuttiyā
 samāpattiyā”ti². Yathā vā aññattha pahīnāpi sakkāyaditṭhi-ādayo
 tatiyamaggassa vaṇṇabhaṇanattaṃ tattha pahīnāti

1. Nirujjhati (Sī)

2. Ma 1. 370 piṭṭhe.

vuttā, evaṃ vaṇṇabhaṇanattampetassa jhānassetā idha vuttātipi veditabbā. Paccayaghātena vā ettha rāgadosānam atidūrabhāvaṃ dassetumpetā vuttāti veditabbā. Etāsu hi sukhaṃ somanassassa paccayo, somanassaṃ rāgassa, dukkhaṃ domanassassa, domanassaṃ dosassa. Sukhādighātena ca sappaccayā rāgadosā hatāti atidūre hontīti.

Adukkhamasukhanti dukkhābhāvena adukkhaṃ. Sukhābhāvena asukhaṃ. Etenettha dukkhasukhapaṭipakkhabhūtaṃ tatiyavedanaṃ dīpeti, na dukkhasukhābhāvamatthaṃ. Tatiyavedanā nāma adukkhamasukhā, upekkhātipi vuccati. Sā iṭṭhāniṭṭhaviparītānubhavanalakkhaṇā. **Upekkhāsatipārisuddhanti** upekkhāya janitasatipārisuddhiṃ. Imasmim hi jhāne suparisuddhā sati, yā ca tassā satiyā pārisuddhi, sā upekkhāya katā, na aññena. Tasmā etaṃ “upekkhāsatipārisuddhin”ti vuccati. Yāya ca upekkhāya ettha satiyā pārisuddhi hoti, sā atthato tatramajjhattatāti veditabbā. Na kevalaṃ cettha tāya satiyeva parisuddhā, apica kho sabbepi sampayuttadhammā, satisīsena pana desanā vuttā.

Tattha kiñcāpi ayaṃ upekkhā heṭṭhātipi tīsu jhānesu vijjati, yathā pana divā sūriyappabhābhivhavā sommabhāvena ca attano upakārakattena vā sabhāgāya rattiyā alābhā divā vijjamānāpi candalekhā aparissuddhā hoti apariyodātā, evamayampi tatramajjhattupekkhācandalekhā vitakkādipaccanīkadhammatejābhivhavā sabhāgāya ca upekkhāvedanārattiyā alābhā vijjamānāpi paṭhamajjhānādibhede aparissuddhā hoti. Tassā ca aparissuddhāya divā aparissuddhacandalekhāya pabhā viya saha-jātāpi sati-ādayo aparissuddhāva honti. Tasmā tesu ekampi upekkhāsatipārisuddhin”ti na vuttaṃ. Idha pana vitakkādipaccanīkatejābhivhavābhāvā sabhāgāya ca upekkhāvedanārattiyā paṭilābhā ayaṃ tatramajjhattupekkhācandalekhā ativiya parisuddhā, tassā parisuddhāttā parisuddhacandalekhāya pabhā viya saha-jātāpi sati-ādayo parisuddhā honti pari-yodātā. Tasmā idameva “upekkhāsatipārisuddhin”ti vuttanti veditabbaṃ. **Catutthanti** gaṇanānupubbatā catutthaṃ, catutthaṃ uppannantipi catutthaṃ.

Imāni cattāri jhānāni pubbabhāgepi nānā, maggakkhaṇepi. Pubbabhāge samāpattivāsena nānā, maggakkhaṇe nānamaggavasena. Ekassa hi paṭhamamaggo

paṭhamajjhāniko hoti, dutiyamaggādayopi paṭhamajjhānikā vā dutiyādīsu aññatarajjhānikā vā. Ekassa paṭhamamaggo dutiyādīnam aññatarajjhāniko hoti, dutiyādayopi dutiyādīnam aññatarajjhānikā vā paṭhamajjhānikā vā. Evaṃ cattāropi maggā jhānavasena sadisā vā asadisā vā ekaccasadisā vā honti. Ayaṃ panassa viseso pādakajjhānaniyamena hoti.

Paṭhamajjhānalābhino hi paṭhamajjhānā vuṭṭhāya vipassantassa uppannamaggo paṭhamajjhāniko hoti, maggaṅgabojjhaṅgāni panettha paripuṇṇāneva honti. Dutiyajjhānato vuṭṭhāya vipassantassa uppanno dutiyajjhāniko hoti, maggaṅgāni panettha satta honti. Tatiyajjhānato vuṭṭhāya vipassantassa uppanno tatiyajjhāniko, maggaṅgāni panettha satta, bojjhaṅgāni cha honti. Esa nayo catutthajjhānato paṭṭhāya¹ yāva nevasaññānāsaññāyanā. Āruppe catukkapañcakajjhānam uppajjati, tañca kho lokuttaram, na lokiyanti vuttam. Ettha kathanti? Etthapi paṭhamajjhānādīsu yato vuṭṭhāya sotāpattimaggam paṭilābhivā arūpasamāpattim bhāvetvā yo āruppe uppanno, tamjhānikāva tassa tattha tayo maggā uppajjanti. Evaṃ pādakajjhānameva niyameti. Keci pana therā “vipassanāya ārammaṇabhūtā khandhā niyamentī”ti vadanti. Keci “puggalajjhāsayo niyameti”ti vadanti. Keci “vuṭṭhānagāminī vipassanā niyameti”ti vadanti.

Tatrāyam anupubbikathā—vipassanāniyamena hi sukkhavipassakassa uppannamaggopi, samāpattilābhino jhānam pādakam akatvā uppannamagopi, paṭhamajjhānam pādakam katvā pakiṇṇakasaṅkhāre sammasitvā uppāditamaggopi paṭhamajjhānikova hoti, sabbesu satta bojjhaṅgāni aṭṭha maggaṅgāni pañca jhānaṅgāni honti. Tesam hi pubbabhāgavipassanā somanassasahagatāpi upekkhāsahagatāpi hutvā vuṭṭhānakāle saṅkhārupekkhābhāvaṃ pattā somanassasahagatāva hoti.

Pañcakanaye dutiyatatiyacatutthajjhānāni pādakāni katvā uppāditamaggesu yathākkameneva jhānam caturaṅgikam tivaṅgikam duvaṅgikañca hoti, sabbesu pana satta maggaṅgāni honti, catutthe cha bojjhaṅgāni. Ayaṃ viseso pādakajjhānaniyamena ceva vipassanāniyamena ca hoti.

1. Vuṭṭhāya (Sī)

Tesampi hi pubbabhāgavipassanā somanassasahagatāpi upekkhāsahagatāpi hoti, vuṭṭhānagāminī somanassasahagatāva.

Pañcamajjhānaṃ pādaṃ katvā nibbattitamagge pana upekkhācittakaggatāvasena dve jhānaṅgāni, bojjaṅgamaggaṅgāni cha satta ceva. Ayampi viseso ubhayaniyamavasena hoti. Imasmim hi naye pubbabhāgavipassanā somanassasahagatā vā upekkhāsahagatā vā hoti, vuṭṭhānagāminī upekkhāsahagatāva hoti. Arūpajjhānāni pādaṃ katvā uppāditamaggepi eseva nayo. Idha pana catukkanaye avitakkavicāramattassa dutiyajjhānassa abhāvā taṃ apanetvā sesānaṃ vasena yojetabbaṃ. Evaṃ pādaṃ jhānato vuṭṭhāya ye keci saṅkhāre sammasitvā nibbattitamaggassa āsannapadeso vuṭṭhitasamāpatti attanā sadisabhāvaṃ karoti bhūmivaṇṇo viya godhāvaṇṇassa.

Dutiyattheravāde pana yato yato samāpattito vuṭṭhāya ye ye samāpattidhamme sammasitvā maggo nibbattito hoti, taṃtaṃsamāpattisadisova hoti. Tatrāpi ca vipassanāniyamo vuttanayeneva veditaḅbo.

Tatitatheravāde attano ajjhāsayaṇurūpena yaṃ yaṃ jhānaṃ pādaṃ katvā ye ye jhānadhamme sammasitvā maggo nibbattito, taṃtaṃjhānasadisova hoti. Pādaṃ jhānaṃ pana sammasitajjhānaṃ vā vinā ajjhāsayaṃatteneva taṃ na ijhati. Etthāpi ca vipassanāniyamo vuttanayeneva veditaḅbo.

Ayaṃ vuccati sammāsamādhīti yā imesu catūsu jhānesu ekaggatā, ayaṃ pubbabhāge lokiyo, aparabhāge lokuttaro sammāsamādhī nāma vuccati. Evaṃ lokiyalokuttaravasena Dhammasenāpati maggasaccaṃ deseti. Tattha lokiyamagge sabbāneva maggaṅgāni yathānurūpaṃ chasu ārammaṇesu aññatarārammaṇāni honti. Lokuttaramagge pana catusaccappaṭivedhāya pavattassa ariyasāvakaṃ nibbānārammaṇaṃ avijjānusayasamugghātakam paññācakkhu sammādiṭṭhi, tatthā sampannaḍiṭṭhissa taṃsampayutto tividhamicchāsāṅkappasamugghātako cetaso nibbānapadābhiniropano sammāsāṅkappo, tathā passantassa vitakkentassa ca taṃsampayuttāva catubbidhavaḍduccaritasamugghātikā micchāvācāya virati sammāvācā, tathā viramantassa taṃsampayuttāva tividhamicchākammantasamucchedikā micchākammantā

virati sammākammanto, tesāmyeva cassa vācākammantānaṃ vodānabhūtā
 taṃsampayuttāva kuhanādisamucchedikā micchā-ājīvā virati sammā-ājīvo,
 tassāyevassa sammāvācākammantājīvasaṅkhātāya sīlabhūmiyaṃ
 paṭiṭṭhamānassa tadanurūpo taṃsampayuttova kosajjasamucchedako,
 anuppannuppannānaṃ akusalakusalānaṃ
 anuppādappahānuppādaṭṭhitisādhako ca vīriyārambho sammāvāyāmo, evaṃ
 vāyamantassa taṃsampayuttova micchāsativiniddhunako, kāyādīsu
 kāyānupassanādisādhako ca cetaso asammoso sammāsati, evaṃ anuttarāya
 satiyā suvihitacittārakkhassa taṃsampayuttāva micchāsamādhividdhamāsikā
 cittekaggatā sammāsamādhī¹. Esa lokuttaro ariyo aṭṭhaṅgiko maggo.

Yo saha lokiyena maggena dukkhanirodhagāminipaṭipadāti saṅkhyāṃ
 gato, so kho panesa maggo sammādiṭṭhisāṅkappānaṃ vijjāya
 sesadhammānaṃ caraṇena saṅgahitattā vijjā ceva caraṇaṅca. Tathā tesāṃ
 dvinnaṃ vipassanāyānena itaresāṃ samathayānena saṅgahitattā samatho
 ceva vipassanā ca. Tesāṃ dvinnaṃ paññākkhandhena tadanantarānaṃ
 tiṇṇaṃ sīlakkhandhena avasesānaṃ tiṇṇaṃ samādhikkhandhena adhipaññā-
 adhisīla-adhicittasikkhāhi ca saṅgahitattā khandhattayaṅceva sikkhattayaṅca
 hoti. Yena samannāgato ariyasāvako dassanasamatthehi cakkhūhi
 gamanasamatthehi ca pādehi samannāgato addhiko viya
 vijjācaraṇasampanno hutvā vipassanāyānena kāmasukhallikānuyogaṃ
 samathayānena attakilamathānuyoganti antadvayaṃ parivajjetvā
 majjhimaṭṭhapaṭipadaṃ paṭipanno paññākkhandhena mohakkhandhaṃ,
 sīlakkhandhena dosakkhandhaṃ, samādhikkhandhena ca lobhakkhandhaṃ
 padāento adhipaññāsikkhāya paññāsampadaṃ, adhisīlasikkhāya
 sīlasampadaṃ, adhicittasikkhāya samādhisampadanti tisso sampattiyo patvā
 amataṃ nibbānaṃ sacchikaroti. Ādimajjhapariyosānakalyāṇaṃ
 sattatimsabodhipakkhiyadhammaratanavicittaṃ sammattaniyāmasaṅkhātāṃ
 ariyabhūmiṃ okkanto hotīti.

Maggasaccaniddesavaṇṇanā niṭṭhitā.

1. Sammāsamādhī (Sī, Ka)

Saccapakiṇṇakavaṇṇanā

Catūsu pana saccesu bādhanalakkhaṇaṃ dukkhasaccam,
pabhavalakkhaṇaṃ samudayasaccam, santilakkhaṇaṃ nirodhasaccam,
niyyānalakkhaṇaṃ maggasaccam, apica
pavattipavattakanivattinivattakalakkhaṇāni paṭipāṭiyā. Tathā saṅkhatataṇhā-
asaṅkhatadassanalakkhaṇāni ca.

Kasmā pana cattāreva ariyasaccāni vuttāni anūnāni anadhikānīti ce?
Aññassa asambhavato aññatarassa ca anapaneyyabhāvato. Na hi etehi
aññaṃ adhikaṃ vā, etesaṃ vā ekampi apanetabbaṃ sambhoti. Yathāha—

“Idha bhikkhave āgaccheyya samaṇo vā brāhmaṇo vā ‘netam¹
dukkhaṃ ariyasaccam, aññaṃ dukkhaṃ ariyasaccam. Yaṃ samaṇena
Gotamena desitam, ahametaṃ² dukkhaṃ ariyasaccam ṭhapetvā aññaṃ
dukkhaṃ ariyasaccam paññāpessāmi’ti netam ṭhānaṃ vijjati³”ti-ādi³.

Yathā cāha—

“Yo hi koci bhikkhave samaṇo vā brāhmaṇo vā evaṃ vadeyya
‘netam dukkhaṃ paṭhamam ariyasaccam, yaṃ samaṇena Gotamena
desitam, ahametaṃ dukkhaṃ paṭhamam ariyasaccam paccakkhāya
aññaṃ dukkhaṃ paṭhamam ariyasaccam paññāpessāmi’ti netam ṭhānaṃ
vijjati⁴”ti-ādi⁴.

Apica pavattimācikkhanto Bhagavā sahetukaṃ ācikkhi, nivattiṅca sa-
upāyaṃ. Iti pavattinivattitadubhayahetūnaṃ etapparamato cattāreva vuttāni.
Tathā pariññeyya pahātabba sacchikātabba bhāvetabbānaṃ,
taṇhāvattthutaṇhātaṇhānirodhataṇhānirodhūpāyānaṃ, ālaya ālayarāmatā-
ālayasamugghāta-ālayasamugghātūpāyānaṃca vassenāpi cattāreva vuttānīti.

Ettha ca oḷārikattā sabbasattasādhāraṇattā ca suviññeyyanti
dukkhasaccam paṭhamam vuttam, tasseva hetudassanattam tadanantaram
samudayasaccam,

1. Nayidaṃ (Syā, Ka)

3. Gavesitabbaṃ.

2. Ahamidaṃ (Syā, Ka)

4. Saṃ 3. 375 piṭṭhe.

hetunirodhā phalanirodhoti nāpanatthaṃ tato nirodhasaccaṃ,
 tadadhigamūpāyadassanatthaṃ ante maggasaccaṃ.
 Bhavasukhassādagadhītānaṃ vā sattānaṃ samvegajananatthaṃ paṭhamam
 dukkhamāha, taṃ neva akataṃ āgacchati, na issaranimmānādito hoti, ito
 pana hotīti nāpanatthaṃ tadanantaraṃ samudayaṃ, tato sahetukena
 dukkhena abhibhūtattā samviggamānasānaṃ dukkhanissaraṇagavesīnaṃ
 nissaraṇadassanena assāsajananatthaṃ nirodhaṃ, tato
 nirodhādhigamanatthaṃ nirodhasampāpakaṃ magganti ayametesam kamo.

Etesu pana bhāro viya dukkhasaccaṃ daṭṭhabbaṃ, bhārādānamiva
 samudayasaccaṃ, bhāranikkhepanamiva nirodhasaccaṃ,
 bhāranikkhepanūpāyo viya maggasaccaṃ. Rogo viya vā¹ dukkhasaccaṃ,
 roganidānamiva samudayasaccaṃ, rogavūpasamo viya nirodhasaccaṃ,
 bhesajjamiva maggasaccaṃ. Dubbhikkhamiva vā dukkhasaccaṃ, dubbuṭṭhi
 viya samudayasaccaṃ, subhikkhamiva nirodhasaccaṃ, suvuṭṭhi viya
 maggasaccaṃ. Apica verīveramūlaverasamugghātaverasamugghātūpāyehi,
 visarukkarukkhāmūlamūlūpacchedatadupacchedūpāyehi
 bhayabhayamūlanibbhayatadadhigamūpāyehi,
 orimatīramahoghapārimatīratāmsampāpakavāyāmehi ca yojetvāpetāni
 upamāto veditabbānīti.

Sabbāneva panetāni saccāni paramatthena
 vedakakāraṇanibbutagamakābhāvato suññānīti veditabbāni. Tenetaṃ
 vuccati—

“Dukkameva hi, na koci dukkhito,
 Kārako na, kiriyāva vijjati.
 Atthi nibbuti, na nibbuto pumā,
 Maggamatthi, gamako na vijjati”ti.

Atha vā—

Dhuvasubhasukhattasuññānaṃ,
 Purimadvaya’ mattasuñña’ mamatapadaṃ.
 Dhuvasukha-attavirahito, maggo iti suññatā tesu.

Nirodhasuññāni vā tīṇi, nirodho ca sesattayasūñño. Phalasuñño vā ettha
 hetu samudaye dukkhassa abhāvato, magge ca nirodhassa, na phalena
 sagabbho pakativādīnaṃ pakati viya. Hetusuññaṇca phalaṃ
 dukkhasamudayānaṃ nirodhamaggānaṇca asamavāyā, na hetusamavetaṃ
 hetuphalaṃ samavāyavādīnaṃ² dvi-aṇukādi viya. Tenetaṃ vuccati—

1. Ca (Sī)

2. Hetuphalasamavāyavādīnaṃ (Sī, Abhi-Ṭṭha 2. 84 piṭṭhe ca)

“Tayamidha nirodhasuññaṃ, tayena tenāpi nibbuti suñña.
Suñño phalena hetu, phalampi tamhetunā suñña”ti.

Sabbāneva saccāni aññamaññasabhāgāni avitathato attasuññato
dukkarapaṭivedhato ca. Yathāha—

“Taṃ kiṃ maññasi Ānanda, katamaṃ nu kho dukkarataraṃ vā
durabhisambhavataraṃ vā, yo dūratova sukhumena tālacchiggaḷena
asanaṃ atipāteyya poṅkhānupoṅkhaṃ avirādhitam, yo vā sattadhā¹
bhinnassa vālassa koṭiyā koṭim paṭivijjheyāti. Etadeva bhante
dukkaratarānceva durabhisambhavatarāṇca. Yo vā sattadhā bhinnassa
vālassa koṭiyā koṭim paṭivijjheyāti. Atha kho te Ānanda
duppaṭivijjhatarāṃ paṭivijjhanti, ye ‘idaṃ dukkhaṃ’ti yathābhūtaṃ
paṭivijjhanti -pa- ayaṃ dukkhanirodhagāminī paṭipadā’ti yathābhūtaṃ
paṭivijjhanti”ti².

Visabhāgāni salakkhaṇavavatthānato. Purimāni ca dve sabhāgāni
duravagāhatthena gambhīrattā lokiyattā sāsavattā ca, visabhāgāni
phalahetubhedato pariññeyyapahātabbato ca. Pacchimāni dve sabhāgāni
gambhīrattena duravagāhattā lokuttarattā anāsavattā ca, visabhāgāni
visayavisayībhedato sacchikātabbabhāvetabbato ca. Paṭhamatatiyāni cāpi
sabhāgāni phalāpadesato, visabhāgāni saṅkhatāsaṅkhatato. Dutiyacatutthāni
cāpi sabhāgāni hetu-apadesato, visabhāgāni ekantakusalākusalato.
Paṭhamacatutthāni cāpi sabhāgāni saṅkhatato, visabhāgāni lokiyalokuttarato.
Dutiyatatiyāni cāpi sabhāgāni nevasekkhanāsekkhabhāvato, visabhāgāni
sārammaṇānārammaṇato.

Iti evaṃ pakārehi, nayehi ca vicakkhaṇo.

Vijañña ariyasaccānaṃ, sabhāgavisabhāgatanti.

Sabbameva cettha dukkhaṃ ekavidhaṃ pavattibhāvato, duvidhaṃ
nāmarūpato, tividhaṃ kāmarūpārūpūpapattibhavabhedato, catubbidhaṃ
catu-āhārabhedato,

1. Satadhā (Sī, Ka)

2. Saṃ 3. 395 piṭṭhe.

pañcavidhaṃ pañcupādānakkhandhabhedato. Samudayopi ekavidho pavattakabhāvato, duvidho diṭṭhisampayuttāsampayuttato, tividho kāmabhavavibhavataṇhābhedato, catubbidho catumaggappaheyato, pañcavidho rūpābhinandanādibhedato, chabbidho chaṭṭhaṅkāyabhedato. Nirodhopi ekavidho asaṅkhatadhātubhāvato, pariyāyato pana duvidho sa-upādisesa-anupādisesato, tividho bhavattayavūpasamato, catubbidho catumaggādhiḡamanīyato, pañcavidho pañcābhinandanavūpasamato, chabbidho chaṭṭhaṅkāyakkhayabhedato. Maggopi ekavidho bhāvetabbato, duvidho samathavipassanābhedato, dassanabhāvanābhedato vā, tividho khandhattayabhedato. Ayaṃ hi sappadesattā nagaraṃ viya rajjena nippadesehi tīhi khandhehi saṅgahito. Yathāha—

“Na kho āvuso Visākhā ariyena aṭṭhaṅgikena maggena tayo khandhā saṅgahitā, tīhi ca kho āvuso Visākhā khandhehi ariyo aṭṭhaṅgiko maggo saṅgahito. Yā cāvuso Visākhā sammāvācā yo ca sammākammanto yo ca sammā-ājīvo, ime dhammā sīlakkhandhe saṅgahitā. Yo ca sammāvāyāmo yā ca sammāsati yo ca sammāsamādhī, ime dhammā samādhikkhandhe saṅgahitā. Yā ca sammādiṭṭhi yo ca sammāsaṅkappo, ime dhammā paññākkhandhe saṅgahitā”¹.

Catubbidho sotāpattimaggaḡdivasena.

Apica sabbāneva saccāni ekavidhāni avitathattā, abhiññeyyattā vā. Duvidhāni lokiyalokuttarato, saṅkhatāsaṅkhatato vā. Tividhāni dassanabhāvanāhi pahātabbato appahātabbato nevapahātabbanāpahātabbato ca. Catubbidhāni pariññeyyapahātabbasacchikātabbabhāvetabbatoti.

Evam ariyasaccānaṃ, dubbodhānaṃ budho vidhiṃ.

Anekabhedato jaññā, hitāya ca sukhāya cāti.

Saccapakiṇṇakavaṇṇanā niṭṭhitā.

1. Ma 1. 375 piṭṭhe.

Idāni Dhammasenāpati Bhagavatā desitakkameneva ante saccatukkaṃ niddisitvā “taṃ nītaṭṭhena nīṇaṃ”ti-ādinā saccatukkavasena sutamaye nīṇaṃ nigametvā dasseti, evaṃ “soṭāvadhāne paññā sutamaye nīṇaṃ”ti pubbe vuttaṃ sabbaṃ nigametvā dassetīti.

Saddhammapākāsinīyā Paṭisambhidāmaggaṭṭhakathāya

Sutamayañāṇaniddesavaṇṇanā niṭṭhitā.

2. Sīlamayañāṇaniddesavaṇṇanā

37. Sīlamayañāṇaniddese **pañcāti** gaṇanaparicchedo. **Sīlānīti** paricchinnadhammanidassanaṃ. **Pariyantapārisuddhisīlanti**-ādi pañcannaṃ sarūpato dassanaṃ. Pariyantapārisuddhīti-ādīsu yathā nīlavaṇṇayogato vatthampi nīlamassa atthīti nīlanti vuccati, evaṃ gaṇanavasena pariyaṇto paricchedo assā atthīti pariyaṇtā, upasampannasīle patte anupasampannasīlassa avasānasabbhāvato vā pariyaṇto avasānaṃ assā atthīti pariyaṇtā. Sapariyaṇtāti vā vattabbe sakāralopo katoti veditabbo “dakam dakāsayā pavisaṇṭī”ti¹ ettha ukāralopo viya. Parisuddhabhāvo pārisuddhi, pariyaṇtā ca sā pārisuddhi cāti pariyaṇtapārisuddhi, pariyaṇtapārisuddhisāṅkhātāṃ sīlaṃ pariyaṇtapārisuddhisīlaṃ. Vuttapaṭipakkhena na pariyaṇtāti **apariyaṇtā**, natthi etissā pariyaṇtotipi apariyaṇtā, vuddho etissā pariyaṇtotipi apariyaṇtā. Samādānato pabhuti akhaṇḍitattā khaṇḍitāpi katapaṭikammattā cittuppādamattakenāpi malena virahitattā ca parisuddhajātimaṇi viya sudhantasuparikammakatasuvaṇṇaṃ viya ca parisuddhattā ariyamaggassa padaṭṭhānabhūtā anūnaṭṭhena **paripunnā**. Diṭṭhiyā pahīnattā diṭṭhiparāmāsenā aggahitattā **aparāmaṭṭhā**, ayaṃ te sīle dosoti kenaci codakena parāmasitum asakkuṇeyyattā vā aparāmaṭṭhā. Arahattaphalakkhaṇe sabbadarathapaṭippassaddhiyā **paṭippassaddhi**. **Anupasampannānanti** anavasesasamādānavasena sīlasampadāya bhusaṃ sampannāti upasampannā, na upasampannā anupasampannā. Tesāṃ anupasampannānaṃ.

1. Saṃ 2. 70; Aṃ 1. 342 piṭṭhesu.

Pariyantasikkhāpadānanti ettha sikkhitabbaṭṭhena sikkhā, koṭṭhāsaṭṭhena padāni, sikkhitabbaṭṭhāsānīti attho. Apica sīle paṭiṭṭhitena uparipattabbattā sabbe kusalā dhammā sikkhā, sīlāni tāsāṃ sikkhānaṃ paṭiṭṭhaṭṭhena padānīti sikkhānaṃ padattā sikkhāpadāni, pariyaṅtāni sikkhāpadāni etesanti pariyaṅtasikkhāpadā. Tesāṃ pariyaṅtasikkhāpadānaṃ. Ettha ca dve pariyaṅtā sikkhāpadapariyaṅto ca kālapariyaṅto ca. Katamo sikkhāpadapariyaṅto? Upāsakopāsikānaṃ yathāsamādānavasena ekaṃ vā dve vā tīṇi vā cattāri vā pañca vā aṭṭha vā dasa vā sikkhāpadāni honti, sikkhamānasāmaṇerasāmaṇerīnaṃ dasa sikkhāpadāni. Ayaṃ sikkhāpadapariyaṅto. Katamo kālapariyaṅto? Upāsakopāsikā dānaṃ dadamānā parivesanapariyaṅtaṃ sīlaṃ samādiyanti, viharagatā viharapariyaṅtaṃ sīlaṃ samādiyanti, ekaṃ vā dve vā tayo vā bhiiyo vā rattindivāni paricchedaṃ katvā sīlaṃ samādiyanti. Ayaṃ kālapariyaṅto. Imesu dvīsu pariyaṅtesu sikkhāpadaṃ pariyaṅtaṃ katvā samādinnaṃ sīlaṃ vītikkamanaena vā maraṇena vā paṭippassambhati, kālaṃ pariyaṅtaṃ katvā samādinnaṃ taṃtaṃkālatikkamanaena paṭippassambhati.

Apariyaṅtasikkhāpadānanti—

“Nava koṭṭisahasāni, asīti satakoṭṭiyo.

Paññāsa sataśahasāni, chaṭṭimsa ca punāpare.

Ete saṃvaravinayā, Sambuddhena pakāsītā.

Peyyālamukhena niddiṭṭhā, sikkhā vinayasamvare”ti—

evaṃ gaṇanavasena pariyaṅtānampi sikkhāpadānaṃ anavasesasamādānabhāvavasena lābhayaśānīti-aṅgajīvitahetu adiṭṭhapariyaṅtabhāvavasena uparirakkhitabbasīlaparicchedābhāvavasena ca natthi etesaṃ pariyaṅtoti apariyaṅtāni, apariyaṅtāni sikkhāpadāni etesanti apariyaṅtasikkhāpadā. Tesāṃ apariyaṅtasikkhāpadānaṃ, vuddhapariyaṅtasikkhāpadānanti vā attho.

Puthujjanakalyāṇakānanti-ādīsu—

“Puthūnaṃ jananādīhi, kāraṇehi puthujjano.

Puthujjanantogadhattā, puthuvāyaṃ jano iti”—

vuttaputhujjanalakkhaṇānatikkamepi—

“Duve puthujjanā vuttā, Buddhenādiccabandhunā.
Andho puthujjano eko, kalyāṇeko puthujjano”ti—

Vuttaputhujjanadvaye kalyāṇadhammasamāgamena
andhaputhujjanabhāvaṃ atikkamma kalyāṇaputhujjanabhāve ṭhitānaṃ
puthujjanakalyāṇakānaṃ kalyāṇaputhujjanānanti vuttaṃ hoti. Puthujjanesu
vā kalyāṇakānaṃ puthujjanakalyāṇakānaṃ.

Kusaladhamme yuttānanti ettha **kusalasaddo** tāva
ārogyānavajjachekasukhavipākesu dissati. Ayaṃ hi “kacci nu bhoto
kusalaṃ, kacci bhoto anāmayaṃ”ti-ādīsu¹ ārogyedissati. “Katamo pana
bhante kāyasamācāro kusalo, yo kho mahārāja kāyasamācāro anavajjo”ti
ca² “puna caparaṃ bhante etadānuttariyaṃ yathā Bhagavā dhammaṃ deseti
kusalesu dhammesū”ti ca³ evamādīsu anavajje. “Kusalo tvaṃ rathassa
aṅgapaccaṅgānaṃ⁴, kusalā naccagītassa sikkhitā cāturitthiyo”ti-ādīsu⁵
cheke. “Kusalānaṃ bhikkhave dhammānaṃ samādānahu⁶. Kusalassa
kammaṃsa katattā upacitattā”ti-ādīsu⁷ sukhavipāke. Svāyamidha ārogyepi
anavajjepi sukhavipākepi vaṭṭati.

Vacanaṭṭho panettha kucchite pāpake dhamme salayanti calayanti
kampenti viddhamsentīti kusalā, kucchitena vā ākārena sayanti pavattantīti
kusā, te kuse lunanti chindantīti kusalā, kucchitānaṃ vā sānato tanukaraṇato
kusaṃ, ṇāṇaṃ. Tena kusena lātabbā gahetabbā pavattetabbāti kusalā, yathā
vā kusā ubhayabhāgagataṃ hatthappadesaṃ lunanti, evamimepi
uppannānuppannabhāvena ubhayabhāgagataṃ saṃkilesapakkhaṃ lunanti,
tasmā kusā viya lunantīti kusalā. Apica ārogyaṭṭhena anavajjaṭṭhena
kosallasambhūtaṭṭhena vā kusalā. Idha pana yasmā vipassanākusalameva
adhippetāṃ, tasmā sese vihāya tasseva dassanaṭṭhaṃ “kusaladhamme”ti
ekavacanaṃ katanti veditabbaṃ. Vipassanā kusaladhamme sātaccakiriyatāya
sakkaccakāritāya ca yuttānanti attho.

Sekkhapariyante paripūrakārīnanti ettha tīsu sikkhāsu jātātipi sekkhā,
sattanaṃ sekkhānaṃ etetipi sekkhā, sayameva sikkhantītipi

1. Khu 5. 327; Khu 6. 77 piṭṭhādīsu.

2. Ma 2. 318 piṭṭhe.

3. Dī 3. 84 piṭṭhe.

4. Ma 2. 58 piṭṭhe.

5. Khu 6. 156 piṭṭhe.

6. Dī 3. 48 piṭṭhe.

7. Abhi 1. 104 piṭṭhādīsu.

sekkhā. Sotāpattimaggaphalasakadāgāmimaggaphala-anāgāmimaggaphala-arahattamaggadhammā. Te sekkhā dhammā pariyante avasāne etassa, te vā sekkhā dhammā pariyanto paricchedo etassāti sekkhapariyanto. Tasmim̄ sekkhapariyante dhammeti sambandho. Paripūram̄ paripuṇṇatam̄ karontīti paripūrakārino, paripūrakāro paripūrakiriyā etesam̄ atthīti vā paripūrakārino. Tesam̄ sotāpattimaggassa pubbhāgabhūte sekkhapariyante paṭipadādhamme vipassanāparipūriyā paripūrakārīnam̄. **Kāye ca jīvite ca anapekkhānanti** ettha **kāyeti** sarīre. Sarīram̄ hi asucisañcayato kucchitānañca kesādīnam̄ cakkhurogādīnañca rogasatānam̄ āyabhūtattā kāyoti vuccati. **Jīviteti** jīvitindriye. Tam̄ hi jīvanti tenāti jīvitanti vuccati. Natthi etesam̄ apekkhāti anapekkhā, nissinehāti attho. Tesam̄ tasmim̄ kāye ca jīvite ca anapekkhānam̄.

Idāni tesam̄ tesu anapekkhattassa kāraṇam̄ dassento **pariccattajīvitānanti** āha. Bhagavato ācariyassa vā sakajīvitapariccāgeneva hi te kilamamānēpi kāye vinassamānēpi jīvite anapekkhā hontīti. **Sattannam̄ sekkhānanti** sikkhantīti sekkhāti laddhanāmānam̄ sotāpattimaggatṭhādīnam̄ sattannam̄ ariyapuggalānam̄. **Tathāgatāsāvakānanti** Tathāgatassa sāvakānam̄. Aṭṭhapi hi ariyapuggalā savanante ariyāya jātiyā jātattā Bhagavato desanam̄ anusitṭhīm̄ aveccappasādayogena sakkaccam̄ suṇantīti sāvakā. Tesupi arahattaphalaṭṭheyeva visesetvā dassento **khīṇāsavānanti** āha, arahattamaggañāṇena parikkhīṇasabbāsavānanti attho. **Paccekabuddhānanti** tam̄ tam̄ kāraṇam̄ paṭicca ekova anācariyako catusaccam̄ bujjhitavāti Paccekabuddho. Tādisānam̄ Paccekabuddhānam̄.

Tathāgatānanti ettha aṭṭhahi kāraṇehi Bhagavā Tathāgato—tathā āgatoti Tathāgato, tathā gatoti Tathāgato, tathalakkhaṇam̄ āgatoti Tathāgato, tathadhamme yāthāvato abhisambuddhoti Tathāgato, tathadassitāya Tathāgato, tathavāditāya Tathāgato, tathā kāritāya Tathāgato, abhibhavanaṭṭhena Tathāgato.

Kathaṃ Bhagavā **tathā āgatoti Tathāgato?** Yathā sabbalokahitāya ussukkamāpannā purimakā Sammāsambuddhā āgatā. Kim vuttaṃ hoti? Yenābhinihārena purimakā Bhagavanto āgatā, teneva amhākampi Bhagavā āgato. Atha vā yathā purimakā Bhagavanto dānasīlanekkhammaṇṇā-vīriyakhantisaccādhiṭṭhānamettupekkhāsaṅkhātā dasa pāramiyo dasa upapāramiyo dasa paramatthapāramiyoti samatimsa pāramiyo pūretvā aṅgapariccāgaṃ nayanadhanarajjaputtadārapariccāganti ime pañca mahāpariccāge pariccajivā, pubbayogapubbacariyadhammakkhānañātattahacariyādayo pūretvā buddhacariyāya¹ koṭim patvā āgatā, tathā amhākampi Bhagavā āgato. Yathā ca purimakā Bhagavanto cattāro satipaṭṭhāne cattāro sammappadhāne cattāro iddhipāde pañcindriyāni pañca balāni satta bojjhaṅge ariyaṃ aṭṭhaṅgikaṃ maggaṃ bhāvetvā brūhetvā āgatā, tathā amhākampi Bhagavā āgatoti Tathāgato.

Yatheva Dīpaṅkarabuddha-ādayo,
Sabbāññubhāvaṃ Munayo idhāgatā.
Tathā ayaṃ Sakyamunīpi āgato,
Tathāgato vuccati tena cakkhumāti. (1)

Kathaṃ **tathā gatoti Tathāgato?** Yathā sampatijātā purimakā Bhagavanto gatā. Kathaṅca te gatā? Te hi sampatijātā samehi pādehi pathaviyaṃ patiṭṭhāya uttarenamukhā sattapadavītihārena gatā. Yathāha “sapatijāto Ānanda bodhisatto samehi pādehi pathaviyaṃ patiṭṭhahitvā uttarābhīmuḁkho sattapadavītihārena gacchati setamhi chatte anudhārayamaṅe, sabbā ca disā anuviloketi, āsabbhiṅca vācaṃ bhāsati ‘aggohamasmi lokassa, jeṭṭhohamasmi lokassa, seṭṭhohamasmi lokassa, ayamantimā jāti, natthi dāni punabbhāvo’ti”². Taṅcassa gamaṇaṃ tathaṃ ahoṣi avitathaṃ anekesaṃ viṣeṣādhigamaṇaṃ pubbanimittabhāvena. Yaṃ hi so sampatijāto samehi pādehi patiṭṭhahi, idamassa caturiddhipādapaṭi-lābhassa pubbanimittaṃ, uttaramukhabhāvo paṇassa sabbalokuttarabhāvassa pubbanimittaṃ, sattapadavītihaṃro satta bojjhaṅgaratanapaṭilābhassa pubbanimittaṃ, “suvaṇṇadaṇḁā vītipatanti cāmarā”ti³

1. Buddhacariyāya (Syā, Ka)

2. Ma 3. 164; Dī 2. 13 piṭṭhesu.

3. Khu 1. 386 piṭṭhe.

ettha vuttacāmarukkhepo pana sabbatitthiyanimmathanassa pubbanimittam,
setacchattadhāraṇam arahattaphalavimuttivaravimalasetacchattapaṭilābhassa
pubbanimittam sabbādisānuvilokanam sabbaññūtānāvarenañāṇapaṭilābhassa
pubbanimittam, āsabhivācābhāsanam pana
appaṭivattiyavaradhammacakkappavattanassa pubbanimittam. Tathāyam
Bhagavāpi gato. Tañcassa gamanam tatham ahosi avitatham tesamyeva
visesādhigamānam pubbanimittabhāvena. Tenāhu porāṇā—

“Muhuttajātova Gavampati yathā,
Samehi pādehi Phusī vasundharam.
So vikkamī satta padāni Gotamo,
Setaṅca chattam anudhārayum marū.

Gantvāna so satta padāni Gotamo,
Disā vilokesi samā samantato.
Aṭṭhaṅgupetaṃ giramabbhudīrayi,
Sīho yathā pabbatamuddhaniṭṭhito”ti.

Evam tathā gatoti Tathāgato.

Atha vā yathā purimakā Bhagavanto, ayampi Bhagavā tatheva
nekkhammena kāmacchandam -pa- paṭhamajjhānena nīvaraṇe -pa-
aniccānupassanāya niccasaññam -pa- arahattamaggena sabbakilese pahāya
gato. Evampi tathā gatoti Tathāgato. (2)

Katham **tathalakkhaṇam āgatoti Tathāgato?** Pathavīdhātuyā
kakkhaḷattalakkhaṇam tatham avitatham, āpodhātuyā paggharaṇalakkhaṇam,
tejodhātuyā uṇhattalakkhaṇam, vāyodhātuyā vitthambhanalakkhaṇam,
ākāsadhātuyā asamphuṭṭhalakkhaṇam, viññādhātuyā vijānanalakkhaṇam.

Rūpassa rūppanalakkhaṇam, vedanāya vedayitalakkhaṇam, saññāya
sañjānanalakkhaṇam, saṅkhārānam abhisāṅkharāṇalakkhaṇam, viññāssa
vijānanalakkhaṇam.

Vitakkassa abhiniropanalakkhaṇam, vicārassa anumajjanalakkhaṇam,
pītiyā pharaṇalakkhaṇam, sukhasa sātālakkhaṇam, cittekaggatāya
avikkhepalakkhaṇam, phassassa phusanalakkhaṇam.

Saddhindriyassa adhimokkhalakkhaṇaṃ, vīriyindriyassa paggahalakkhaṇaṃ, satindriyassa upaṭṭhānalakkhaṇaṃ, samādhindriyassa avikkhepalakkhaṇaṃ, paññindriyassa pajānanalakkhaṇaṃ.

Saddhābalassa assaddhiye akampiyalakkhaṇaṃ, vīriyabalassa kosajje, satibalassa muṭṭhassacce, samādhibalassa uddhacce, paññābalassa avijjāya akampiyalakkhaṇaṃ.

Satisambojjhaṅgassa upaṭṭhānalakkhaṇaṃ, dhammavicayasambojjhaṅgassa pavicayalakkhaṇaṃ, vīriyasambojjhaṅgassa paggahalakkhaṇaṃ, pītisambojjhaṅgassa pharaṇalakkhaṇaṃ, passaddhisambojjhaṅgassa upasamalakkhaṇaṃ, samādhisambojjhaṅgassa avikkhepalakkhaṇaṃ, upekkhāsambojjhaṅgassa paṭisaṅkhānalakkhaṇaṃ.

Sammādiṭṭhiyā dassanalakkhaṇaṃ, sammāsaṅkappassa abhiniropanalakkhaṇaṃ, sammāvācāya pariggahalakkhaṇaṃ, sammākammantassa samuṭṭhānalakkhaṇaṃ, sammā-ājīvassa vodānalakkhaṇaṃ, sammāvāyāmassa paggahalakkhaṇaṃ, sammāsatiyā upaṭṭhānalakkhaṇaṃ, sammāsamādhissa avikkhepalakkhaṇaṃ.

Avijjāya aññānalakkhaṇaṃ, saṅkhārānaṃ cetanānalakkhaṇaṃ, viññāṇassa vijjānanalakkhaṇaṃ, nāmassa namanalakkhaṇaṃ, rūpassa ruppanalakkhaṇaṃ, saḷāyatanassa āyatanalakkhaṇaṃ, phassassa phusanalakkhaṇaṃ, vedanāya vedayitalakkhaṇaṃ, taṇhāya hetulakkhaṇaṃ, upādānassa gahaṇalakkhaṇaṃ, bhavassa āyūhanalakkhaṇaṃ, jātiyā nibbattilakkhaṇaṃ, jarāya jiraṇalakkhaṇaṃ, maraṇassa cutilakkhaṇaṃ.

Dhātūnaṃ suññatānalakkhaṇaṃ, āyatanānaṃ āyatanalakkhaṇaṃ, satipaṭṭhānānaṃ upaṭṭhānalakkhaṇaṃ, sammappadhānānaṃ padahanalakkhaṇaṃ, iddhipādānaṃ ijghanalakkhaṇaṃ, indriyānaṃ adhipatilakkhaṇaṃ, balānaṃ akampiyalakkhaṇaṃ, bojjhaṅgānaṃ niyyānalakkhaṇaṃ, maggassa hetulakkhaṇaṃ.

Saccānaṃ tathalakkhaṇaṃ, samathassa avikkhepalakkhaṇaṃ, vipassanāya anupassanānalakkhaṇaṃ, samathavipassanānaṃ ekarasalakkhaṇaṃ, yuganaddhānaṃ anativattanalakkhaṇaṃ.

Sīlavisuddhiyā saṃvaralakkhaṇaṃ, cittavisuddhiyā avikkhepalakkhaṇaṃ, diṭṭhivisuddhiyā dassanalakkhaṇaṃ.

Khaye ñāṇassa samucchedalakkhaṇaṃ, anuppāde ñāṇassa passaddhilakkhaṇaṃ.

Chandassa mūlalakkhaṇaṃ, manasikārassa samuṭṭhānalakkhaṇaṃ, phassassa samodhānalakkhaṇaṃ, vedanāya samosaraṇalakkhaṇaṃ, samādhissa pamukhalakkhaṇaṃ, satiyā ādhipateyyalakkhaṇaṃ, paññāya tatuttarilakkhaṇaṃ, vimuttiyā sārallakkhaṇaṃ, amatogadhassa nibbānassa pariyosānalakkhaṇaṃ tathaṃ avitathaṃ. Etaṃ tathalakkhaṇaṃ ñāṇagatiyā āgato avirajjhivā patto anuppattoti Tathāgato. Evaṃ tathalakkhaṇaṃ āgatoti Tathāgato. (3)

Kathaṃ tathadhamme yāthāvato abhisambuddhoti Tathāgato?
Tathadhammā nāma cattāri ariyasaccani. Yathāha “cattārimāni bhikkhave tathāni avitathāni anaññathāni. Katamāni cattāri, ‘idaṃ dukkhaṇ’ti bhikkhave tathametaṃ avitathametaṃ anaññathametaṃ”¹ vitthāro. Tāni ca Bhagavā abhisambuddhoti tathānaṃ abhisambuddhattā Tathāgatoti vuccati. Abhisambodhattho hi ettha gatasaddo.

Apica jarāmaṇassa jātipaccayasambhūtasamudāgataṭṭho tatho avitatho anaññatho -pa-. Saṅkhārānaṃ avijjāpaccayasambhūtasamudāgataṭṭho tatho avitatho anaññatho. Tathā avijjāya saṅkhārānaṃ paccayaṭṭho tatho avitatho anaññatho -pa-. Jātiyā jarāmaṇassa paccayaṭṭho tatho avitatho anaññatho. Taṃ sabbaṃ Bhagavā abhisambuddho. Tasmāpi tathānaṃ abhisambuddhattā Tathāgato. Evaṃ tathadhamme yāthāvato abhisambuddhoti Tathāgato. (4)

Kathaṃ tathadassitāya Tathāgato? Bhagavā yaṃ sadevake loke -pa- sadevamanussāya aparimāṇāsu lokadhātūsu aparimāṇānaṃ sattānaṃ cakkhuvāre āpāthaṃ āgacchantaṃ rūpārammaṇaṃ nāma atthi, taṃ sabbākārena jānāti passati. Evaṃ jānatā passatā ca tena taṃ iṭṭhāniṭṭhādivasena vā diṭṭhasutamutaviññātesu labbhamānakapadavasena vā “katamaṃ taṃ rūpaṃ rūpāyatanaṃ, yaṃ rūpaṃ catunnaṃ mahābhūtānaṃ upādāya vaṇṇanibhā sanidassanaṃ sappaṭighaṃ nīlaṃ pītakaṃ”² ti-ādina² nayena anekehināmehi terasahi vārehi dvipaṇṇāsāya nayehi vibhajjamānaṃ tathameva hoti, vitathaṃ

1. Saṃ 3. 377 piṭṭhe.

2. Abhi 1. 162 piṭṭhe.

natthi. Esa nayo sotadvārādīsupi āpāthamāgacchantesu saddādīsū. Vuttampi cetam Bhagavatā “yam bhikkhave sadevakassa lokassa -pa-sadevamanussāya diṭṭham sutam mutam viññātam pattam pariyesitam anuvicaritam manasā, tamaham jānāmi, tamaham abbhaññāsim, tam Tathāgatassa viditam, tam Tathāgato na upaṭṭhāsī”¹. Evam tathadassitāya Tathāgato. Tattha tathadassī-atthe Tathāgatoti padasambhavo veditabbo. (5)

Katham **tathavādītāya Tathāgato?** Yam rattim Bhagavā Bodhimaṇḍe Aparājitapallaṅke nisinno catunnam² mārānam matthakam madditvā anuttaram sammāsambodhim abhisambuddho, yañca rattim yamakasālānamantare anupādisesāya nibbānadhātuyā parinibbāyi, etthantare pañcacattālīsavassaparimāṇe kāle paṭhamabodhiyāpi majjhimabodhiyāpi pacchimabodhiyāpi yam Bhagavatā bhāsitam Suttam Geyyam -pa-Vedallam, tam sabbam atthato ca byañjanato ca anavajjam anupavajjam anūnamanadhikam sabbākāraparipuṇṇam rāgamadanimmadanam dosamohadanimmadanam, natthi tattha vālaggamattampi pakkhalitam, sabbam tam ekamuddikāya lañchitam viya, ekanāḷikāya mitam viya, ekatulāya tulitam viya, ca tathameva hoti. Yathāha “yañca Cunda rattim Tathāgato anuttaram sammāsambodhim abhisambujjhati, yañca rattim anupādisesāya nibbānadhātuyā parinibbāyati, yam etasmim antare bhāsati lapati niddisati, sabbam tam tathameva hoti, no aññathā. Tasmā ‘tathāgato’ ti vuccatī”³. Gada-attho hi ettha gatasaddo. Evam tathavādītāya Tathāgato.

Apica āgadanam āgado, vacananti attho. Tatho aviparīto āgado assāti dakārassa takāram katvā Tathāgatoti evametasmim atthe padasiddhi veditabbā. (6)

Katham **tathākāritāya Tathāgato?** Bhagavato hi vācāya kāyo anulometi, kāyassāpi vācā, tasmā yathāvādī tathākārī yathākārī tathāvādī ca hoti. Evam bhūtassa cassa yathā vācā, kāyopi tathā gato pavattoti attho. Yathā ca kāyo, vācāpi

1. Am 1. 333 piṭṭhe.

2. Tiṇṇam (Sī, Am-Ṭṭha 1. 85; Ma-Ṭṭha 1. 52; Dī-Ṭṭha 1. 65 piṭṭhesupi) Gaṇṭhipade pana passitabbam.

3. Dī 3. 111 piṭṭhe.

tathā gatā pavattāti Tathāgato. Tenevāha “yathāvādī bhikkhave Tathāgato tathākārī, yathākārī tathāvādī. Iti yathāvādī tathākārī, yathākārī tathāvādī. Tasmā ‘tathāgato’tivuccatī”¹. Evam tathākāritāya Tathāgato. (7)

Katham **abhibhavanaṭṭhena Tathāgato?** Upari bhavaggaṃ heṭṭhā Avīcim̄ pariyantaṃ katvā tiriyaṃ aparimāṇāsu lokadhātūsu sabbasatte abhibhavati sīlena samādhinā paññāya vimuttiyā vimuttiñānadassanena, na tassa tulā² vā pamāṇaṃ vā atthi, atulo appameyyo anuttaro rājādhirājā devānaṃ atidevo Sakkānaṃ atisakko brahmānaṃ atibrahmā. Tenāha “sadevake bhikkhave loka -pa- sadevamanussāya Tathāgato abhibhū anabhibhūto aññadatthu daso vasavattī. Tasmā ‘tathāgato’ti vuccatī”¹.

Tatthevaṃ padasiddhi veditabbā—agado viya agado. Ko panesa? Desanāvilāso ceva puññussayo ca. Tena hesa mahānubhāvo bhisakko dibbāgadena sappe viya sabbaparappavādino sadevakañca lokam̄ abhibhavati. Iti sabbalokābhibhavane tatho aviparīto desanāvilāsamayo ceva puññamayo ca agado assāti dakārassa takāraṃ katvā Tathāgatoti veditabbo. Evam abhibhavanaṭṭhena Tathāgato. (8)

Apica tathāya gatotipi Tathāgato, tatham̄ gatotipi Tathāgatoti. **Gatoti** avagato atīto patto paṭipannoti attho. Tattha sakalam̄ lokam̄ tīraṇapariññāya tathāya gato avagatoti Tathāgato, lokasamudayaṃ pahānapariññāya tathāya gato atītoti Tathāgato, lokanirodham̄ sacchikiriyāya tathāya gato pattoti Tathāgato, lokanirodhagāminipaṭipadam̄ tatham̄ gato paṭipannoti Tathāgato. Tena yaṃ vuttam̄ Bhagavatā “loko bhikkhave Tathāgatena abhisambuddho, lokasmā Tathāgato visaṃyutto. Lokasamudayo bhikkhave Tathāgatena abhisambuddho, lokasamudayo Tathāgatassa pahīno. Lokanirodho

1. Am̄ 1. 332 piṭṭhe.

2. Tulo (Syā)

bhikkhave Tathāgatena abhisambuddho, lokanirodho Tathāgatassa sacchikato. Lokanirodhagāminī paṭipadā bhikkhave Tathāgatena abhisambuddhā, lokanirodhagāminī paṭipadā Tathāgatassa bhāvitā. Yaṃ bhikkhave sadevakassa lokassa -pa- anuvicaritaṃ manasā, sabbaṃ taṃ Tathāgatena abhisambuddhaṃ. Tasmā ‘tathāgato’ ti vuccatī¹. Tassa evampi attho veditabbo. Idampi ca Tathāgatassa Tathāgatabhāvadīpane mukhamattameva. Sabbākārena pana Tathāgatova Tathāgatassa Tathāgatabhāvaṃ vaṇṇeyya. Yasmā pana sabbabuddhā Tathāgataguṇenāpi samasamā, tasmā sabbesaṃ vasena Tathāgatānanti āha.

Arahantānanti kilesehi ārakattā, arīnaṃ arānañca hatattā, paccayādīnaṃ arahattā, pāpakaraṇe rahābhāvā Tathāgato araham. Ārakā hi so sabbakilesehi suvidūraviddhūre ṭhito maggena savāsanānaṃ kilesānaṃ pahīnattāti araham.

So tato ārakā nāma, yassa yenāsamaṅgitā.

Asamaṅgī ca dosehi, Nātho tenāraham mato.

Te cānena kilesārayo maggena hatāti arīnaṃ hatattāpi araham.

Yasmā rāgādisaṅkhātā, sabbepi arayo hatā.

Paññāsathena Nāthena, tasmāpi Araham mato.

Yañcetaṃ avijjābhavataṇhāmayanābhi puññādi-abhisāṅkhārāraṃ jarāmaṇaṇemi āsavaśamudayamayena akkhena vijjhitaṃ tibhavarathe samāyojitaṃ anādikālapavattaṃ saṃsāracakkaṃ, tassānena Bodhimaṇḍe vīriyapādehi silapathaviyaṃ paṭiṭṭhāya saddhāhatthena kammakkhayaṅkaraṃ ñāṇapharasuṃ gahetvā sabbe arā hatāti arānaṃ hatattāpi Araham.

Arā saṃsāracakkassa, hatā ñāṇāsina yato.

Lokanāthena tenesa, arahanti pavuccati.

Aggadakkhiṇeyyattā ca cīvarādipaccaye arahati pūjāvīsesaṅca. Teneva ca uppanne Tathāgate ye keci mahesakkhā devamanussā, na

1. Am 1. 331 piṭṭhe.

te aññattha pūjaṃ karonti. Tathā hi brahmā Sahampati Sinerumattena ratanadāmena Tathāgataṃ pūjesi, yathābalañca aññe devā manussā ca Bimbisāraḥkosalarājādayo. Parinibbutampi ca Bhagavantaṃ uddissa channavutikoṭidhanaṃ vissajjetvā Asokamahārājā sakalajambudīpe caturāsīti vihārasahassāni patiṭṭhāpesi, ko pana vādo aññesaṃ pūjāvīsesānanti paccayādīnaṃ arahattāpi Arahaṃ.

Pūjāvīsesaṃ saha paccayehi,
Yasmā ayaṃ arahati Lokanātho.
Atthānurūpaṃ arahanti loke,
Tasmā Jino arahati nāmetam.

Yathā ca loke ye keci¹ paṇḍitamānino bālā asilokabhayena raho pāpaṃ karonti, evamesa na kadāci karotīti pāpakaraṇe rahābhāvatopi Arahaṃ.

Yasmā natthi raho nāma, pāpakammesu tādīno.
Rahābhāvena tenesa, Arahaṃ iti vissuto.

Evam sabbathāpi

Ārakattā hatattā ca, kilesārīna so Muni.
Hatasāmsāracakkāro, paccayādīna cāraho.
Na raho karoti pāpāni, Arahaṃ tena vuccatīti.

yasmā pana sabbabuddhā arahattaguṇenāpi samasamā, tasmā sabbesaṃ vasena “arahantānaṃ”ti āha.

Sammāsambuddhānanti sammā samañca sabbadhammānaṃ Buddhattā Sammāsambuddho. Tathā hesa sabbadhamme sammā sambuddho, abhiññeyye dhamme abhiññeyyato Buddho, pariññeyye dhamme pariññeyyato, pahātabbe dhamme pahātabbato, sacchikātabbe dhamme sacchikātabbato, bhāvetabbe dhamme bhāvetabbato. Tenevāha—

“Abhiññeyyaṃ abhiññātaṃ, bhāvetabbañca bhāvitam.
Pahātabbaṃ pahīnaṃ me, tasmā Buddhosmi brāhmaṇā”ti².

1. Keci (Syā, Ka, Vi-Ṭṭha 1. 87 piṭṭhepi)

2. Ma 2. 352; Khu 1. 368 piṭṭhesu.

Atha vā cakkhu dukkhasaccam, tassa mūlakāraṇabhāvena samuṭṭhāpikā purimataṇhā samudayasaccam, ubhinnaṃ appavatti nirodhasaccam, nirodhappajānanā paṭipadā maggasaccanti evaṃ ekekapaduddhārenāpi sabbadhamme sammā sāmañca Buddho. Esa nayo sotaghānajivhākāyamanesu. Eteneva nayena rūpādīni cha āyatanāni, cakkhuviññāṇādayo cha viññāṇakāyā, cakkhusamphassādayo cha phassā, cakkhusamphassajādayo cha vedanā, rūpasaññādayo cha saññā, rūpasañcetanādayo cha cetanā, rūpataṇhādayo cha taṇhākāyā, rūpavitakkādayo cha vitakkā, rūpavicārādayo cha vicārā, rūpakkhandhādayo pañcakkhandhā, dasa kasiṇāni, dasa anussatiyo, uddhumātakasaññādivasena dasa saññā, kesādayo dvattimsākārā, dvādasāyatanāni, aṭṭhārasa dhātuyo, kāmahavādayo nava bhavā, paṭhamādīni cattāri jhānāni, mettābhāvanādayo cataso appamaññā, catasso arūpasamāpattiyo, paṭilomato jāramaraṇādīni, anulomato avijjādīni paṭiccasamuppādaṅgāni ca yojetabbāni. Tatrāyaṃ ekapadajojanā—jāramaraṇam dukkhasaccam, jāti samudayasaccam, ubhinnaṃ nissaraṇam nirodhasaccam, nirodhappajānanā paṭipadā maggasaccanti evaṃ ekekapaduddhārena sabbadhamme sammā sāmañca Buddho anubuddho paṭividdho. Yaṃ vā pana kiñci atthi neyyam nāma, sabbassa sammā sambuddhattā vimokkhantikañāṇavasena Sammāsambuddho. Tassa pana vibhāgo upari āvi bhavissatīti. Yasmā pana sabbabuddhā Sammāsambuddhaguṇenāpi samasamā, tasmā sabbesaṃ vasena “Sammāsambuddhānan”ti āha.

38. Idāni pariyantapārisuddhi-apariyantapārisuddhisīladvaye ekekameva sīlam pañcadhā bhinditvā dassetum **atthi sīlam pariyantaṃ, atthi sīlam apariyantanti**-ādimāha. Itaresu pana tīsu sīlesu tathāvidho bhedo natthīti. Tattha **lābhapariyantanti** lābhena pariyanto bhedo etassāti lābhapariyantaṃ. Evaṃ sesānipi. **Yasoti** panettha parivāro. **Idhāti** imasmiṃ loke. **Ekaccoti** eko. **Lābhahetūti** lābhoyeva hetu lābhahetu, tasmā lābhahetutoti vuttaṃ hoti. Hetvatthe nissakkavacanaṃ. “Lābhapaccayā lābhakāraṇā”ti tasseva vevacanaṃ. Hetumeva hi paṭicca etaṃ phalametīti **paccayoti** ca, phaluppattim kārayatīti **kāraṇanti** ca vuccati.

Yathāsamādinnanti yaṃ yaṃ samādinnaṃ gahitaṃ. **Vītikkaṃatīti** ajjhācarati. **Evarūpānīti** evaṃsabhāvāni, vuttappakārānīti adhippāyo. **Sīlānīti** gahaṭṭhasīlāni vā hontu pabbajitasīlāni vā, yesaṃ ādimhi vā ante vā ekaṃ bhinnaṃ, tāni pariyante chinnaṣāṭako viya **khaṇḍāni**. Yesaṃ vemajjhe ekaṃ bhinnaṃ, tāni majjhe vinividdhasāṭako viya **chiddāni**. Yesaṃ paṭipāṭiyā dve vā tīni vā bhinnāni, tāni piṭṭhiyā vā kucchiyā vā uṭṭhitena dīghavattādisaṅṭhānena visabhāgavaṇṇena kāḷarattādīnaṃ aññatarasarīravaṇṇā gāvī viya **sabalāni**. Yesaṃ antarantarā ekekāni bhinnāni, tāni antarantarā visabhāgavaṇṇabindu vicitrā gāvī viya **kammāsāni**. Avisesena vā sabbānīpi sattavidhena methunasāmyogena kodhūpanāhādīhi ca pāpadhammehi upahattā khaṇḍāni chiddāni sabalāni kammāsānīti. Tāniyeva taṇhādāsabyato mocetvā bhujissabhāvākaraṇena **na bhujissāni**. Buddhādīhi viññūhi na pasatthattā **na viññuppasatthāni**. Taṇhādīṭṭhīhi parāmaṭṭhattā, kenaci vā “ayaṃ te sīlesu doso”ti parāmaṭṭhum sakkuṇeyyatāya **parāmaṭṭhāni**. Upacārasamādhiṃ appanāsamādhiṃ vā, atha vā maggasamādhiṃ phalasangādhiṃ vā na samvattayantīti¹ **asamādhisaṃvattanikāni**. Na samādhisaṃvattanitānītipi pāṭho.

Keci pana “khaṇḍānīti kusalanāṃ dhammānaṃ appaṭiṭṭhābhūtattā, chiddānītipi evaṃ. Sabalānīti vivaṇṇakaraṇattā, kammāsānītipi evaṃ. Na bhujissānīti taṇhādāsabyaṃ gatattā. Na viññuppasatthānīti kusalehi garahitattā. Parāmaṭṭhānīti taṇhāya gahitattā. Asamādhisaṃvattanikānīti vipaṭisāravatthubhūtattā”ti evamatthaṃ vaṇṇayanti.

Na avippaṭisāravatthukānīti vipaṭisāravahattā avippaṭisārasa paṭiṭṭhā na hontīti attho. **Na pāmojjavatthukānīti** avippaṭisārajāya dubbalapītiyā na vatthubhūtāni tassā anāvahattā. Evaṃ sesesupi yojanā kātabbā. **Na pītivatthukānīti** dubbalapītijāya balavapītiyā na vatthubhūtāni. **Na passaddhivatthukānīti** balavapītijāya kāyacittapassaddhiyā na vatthubhūtāni. **Na sukhavatthukānīti** passaddhiyassa kāyikacetāsikasukhassa na vatthubhūtāni. **Na samādhivatthukānīti** sukhajassa

1. Na samvattantīti (Syā, Ka)

samādhissa na vatthubhūtāni. **Na yathābhūtañāṇadassanavattukānīti** samādhipadaṭṭhānassa yathābhūtañāṇadassanassa na vatthubhūtāni.

Na ekantanibbidāyāti-ādīsu **na-kārameva** āharitvā “na virāgāyā”ti-ādinā nayena sesapadehipi yojetabbaṃ. **Na virāgāyāti**-ādīsu sanakāro vā pāṭho. Tatha **ekantanibbidāyāti** ekantena vaṭṭe nibbindanattāya na samvattantīti sambandho. Evaṃ sesesupi yojetabbaṃ. **Virāgāyāti** vaṭṭe virajjanattāya. **Nirodhāyāti** vaṭṭassa nirodhanattāya. **Upasamāyāti** nirodhitassa puna anuppattivāsena vaṭṭassa upasamanattāya. **Abhiññāyāti** vaṭṭassa abhijānanattāya. **Sambodhāyāti** kilesaniddāvīgamena vaṭṭato pabujjhanattāya. **Nibbānāyāti** amatanibbānattāya.

Yathāsamādinnaṃ sikkhāpadaṃ vītikkamāyāti yathāsamādinnaṃ sikkhāpadaṃ vītikkamanattāya. Vibhattivipallāsavasena panettha upayogavacanāṃ kataṃ. **Cittampi na uppādetīti** cittuppādasuddhiyā sīlassa ativisuddhabhāvadassanattāṃ vuttaṃ, na pana cittuppādamattena sīlaṃ bhijjati. **Kim so vītikkamissatīti** kimattāṃ vītikkamaṃ karissati, neva vītikkamaṃ karissatīti attho. **Akhaṇḍānīti**-ādīni heṭṭhā vuttapaṭipakkhanayena veditabbāni. Na khaṇḍānītipi pāṭho. “Ekantanibbidāyā”ti-ādīsu ekantena vaṭṭe nibbindanattāyāti-ādinā nayena yojetabbaṃ. Ettha pana **nibbidāyāti** vipassanā. **Virāgāyāti** maggo. **Nirodhāya upasamāyāti** nibbānaṃ. **Abhiññāya sambodhāyāti** maggo. **Nibbānāyāti** nibbānameva. Ekasmiṃ ṭhāne vipassanā, dvīsu maggo, tīsu nibbānaṃ vuttanti evaṃ avatthānakathā veditabbā. Pariyāyena pana sabbānipetāni maggavevacanānīpi nibbānavevacanānīpi hontiyeva.

39. Idāni pariyaṅtāpariyaṅtavasena vijjamaṇapabhedāṃ dassetvā puna dhammavasena jātivāsena paccayavasena sampayuttavasena sīlassa pabhedāṃ dassetuṃ **kiṃ sīlanti**-ādimāha. Tatha samuṭṭhāti etenāti samuṭṭhānaṃ. Paccayasetaṃ nāmaṃ. **Kim samuṭṭhānamassāti kiṃsamuṭṭhānaṃ**. Katiṇaṃ dhammānaṃ samodhānaṃ samavāyo assāti **katidhammasamodhānaṃ**.

Cetanā sīlanti pāṇātipātādīhi viramantassa, vattapaṭipattiṃ vā pūrentassa cetanā. **Cetasikaṃ sīlanti** pāṇātipātādīhi viramantassa virati. Apica cetanā sīlaṃ nāma pāṇātipātādīni pajahantassa

sattakammapathacetanā. Cetasikaṃ silaṃ nāma “abhijjhaṃ loke pahāya vigatābhijjhena cetasā viharatī”ti-ādinā¹ nayena vuttā anabhijjhā-abyāpādasammādiṭṭhidhammā. **Samvaro silanti** ettha pañcavidho samvaro veditabbo pātimokkhasamvaro satsamvaro ñāṇasamvaro khantisamvaro vīriyasamvaroti. Tattha “iminā pātimokkhasamvarena upeto hoti samupeto”ti² ayaṃ **pātimokkhasamvaro**. “Rakkhati cakkhundriyaṃ, cakkhundriye samvaram āpajjati”ti³ ayaṃ **satsamvaro**.

“Yāni sotāni lokasmim, (ajitāti Bhagavā),

Sati tesam nivāraṇam.

Sotānam samvaram brūmi,

Paññāyete pidhīyare”ti⁴—

Ayaṃ **ñāṇasamvaro**. Paccayapaṭisevanampi ettheva samodhānaṃ gacchati. Yo panāyaṃ “khama hoti sītassa uṇhassā”ti-ādinā⁵ nayena āgato, ayaṃ **khantisamvaro** nāma. Yo cāyaṃ “uppannaṃ kāmavitakkaṃ nādhivāseti”ti-ādinā⁶ nayena āgato, ayaṃ **vīriyasamvaro** nāma. Ājīvapārisuddhipi ettheva samodhānaṃ gacchati. Iti ayaṃ pañcavidhopi samvaro, yā ca pāpabhīrukānaṃ kulaputtānaṃ sampattavatthuto virati, sabbametaṃ samvarasīlanti veditabbaṃ. **Avītikkamo sīlanti** samādinnaśīlassa kāyikavācasiko avītikkamo. Idaṃ tāva **kiṃsīlanti** pañhassa vissajjanaṃ.

Kati sīlānīti pañhassa vissajjane **kusalasīlaṃ akusalasīlaṃ abyākatasīlanti** ettha yasmā loke tesam tesam sattānaṃ pakati sīlanti vuccati, yaṃ sandhāya “ayaṃ sukhasīlo ayaṃ dukkhasīlo ayaṃ kalahasīlo ayaṃ maṇḍanasīlo”ti bhaṇanti. Tasmā tena pariyāyena atthuddhārasena akusalasīlamapi sīlanti⁷ Vuttaṃ. Taṃ pana “sutvāna samvare paññā”ti⁸ vacanato idhādhīppetāsīlaṃ na hotīti.

1. Dī 1. 67 piṭṭhe.

2. Abhi 2. 255 piṭṭhe.

3. Dī 1. 66; Ma 1. 238; Saṃ 2. 384; Am 1. 111 piṭṭhādīsu.

4. Khu 1. 434 piṭṭhe.

5. Ma 1. 13; Am 2. 433; Am 3. 341 piṭṭhesu.

6. Ma 1. 14; Am 2. 432; Am 3. 342 piṭṭhesu.

7. Akusalaṃ sīlampi (Syā), akusalaṃ sīlantipi (Ka)

8. Khu 9. 1, 41 piṭṭhesu.

Yasmā pana cetanādibhedassa sīlassa sampayuttacittam samuṭṭhānam, tasmā **kusalacittasamuṭṭhānam kusalasīlanti-ādimāha.**

Saṁvarasamodhānam sīlanti saṁvarasampayuttakhandhā. Te hi saṁvarena samāgatā missībhūtāti saṁvarasamodhānanti vuttā. Evam avītikkamasamodhānam sīlanti veditabbam. **Tathābhāve jātacetanā samodhānam sīlanti** saṁvarabhāve avītikkamabhāve jātacetanāsampayuttā khandhā. Yasmā ca tīsupi cetesu taṁsāmpayuttā dhammā adhippetā, tasmā cetanāsamodhānena cetasikānampi saṅgahitattā cetasikasamodhānasīlam visum na niddiṭṭhanti veditabbam. Heṭṭhā cetanādayo dhammā “sīlan”ti vuttā. Na kevalam te eva sīlam, taṁsāmpayuttā dhammāpi sīlamevāti dassanattam ayaṁ tiko vuttoti veditabbo.

40. Idāni yasmā cetanācetasikā saṁvarāvītikkamāyeva honti na visum, tasmā saṁvarāvītikkameyeva yāva arahattamaggā sādharmaṅgakkamena yojento **pāṇātipātam saṁvaratṭhena sīlam, avītikkamatṭhena sīlannti-ādimāha.** Pāṇātipātā veramaṇi-ādayo hi yasmā attano attano paccanīkam saṁvaranti, tam na vītikkamanti ca, tasmā saṁvaraṅgato avītikkamanato ca saṁvaratṭhena sīlam avītikkamatṭhena sīlam nāma hoti. Tattha **pāṇātipātam saṁvaratṭhenāti** pāṇātipātassa pidhanaṭṭhena sīlam. Kim tam? Pāṇātipātā veramaṇi. Sā ca tam saṁvarantīyeva tam na vītikkamatīti **avītikkamatṭhena sīlam.** Evameva **adinnādānā veramaṇi-ādayo** anabhijjhā-abyāpādasammādiṭṭhiyo yojetabbā.

Pāṇātipātanti-ādīsu pana dasasu akusalakammāpathesu pāṇassa atipāto **pāṇātipāto,** pāṇavadho pāṇaghātoti vuttam hoti. **Pāṇoti** cettha vohārato satto, parammatthato jīvitindriyam. Tasmim pana pāṇe pāṇasaññino jīvitindriyupacchedaka-upakkamasamuṭṭhāpikā kāyavacīdvārānam aññataradvārappavattā vadhakacetanā pāṇātipāto. So guṇavirahitesu tīracchānagatādīsu pāṇesu khuddake pāṇe appasāvajjo, mahāsārīre mahāsāvajjo. Kasmā? Payogamahantatāya. Payogasamattepi vatthumahantatāya. Guṇavantesu manussādīsu appaṅṅe pāṇe appasāvajjo, mahāguṇe mahāsāvajjo.

Sarīraguṇānaṃ pana samabhāve sati kilesānaṃ upakkamānañca mudutāya appasāvajjo, tibbatāya mahāsāvajjoti veditabbo. Tassa pañca sambhārā—pāṇo, pāṇasaññitā, vadhakacittā, upakkamo, tena maraṇanti.

Adinnassa ādānaṃ **adinnādānaṃ**, parasamharaṇaṃ¹, theyyaṃ corikāti vuttaṃ hoti. Tattha **adinnanti** parapariggahitaṃ, yattha paro yathākāmakāritaṃ āpajjanto adaṇḍāraho anupavajjo ca hoti, tasmim̐ parapariggahite parapariggahitasaññino tadādāyaka-upakkamasamuṭṭhāpikā kāyavacīdvārānaṃ aññataradvārappavattā theyyacetanā adinnādānaṃ. Taṃ hīne parasantake appasāvajjaṃ, paṇīte mahāsāvajjaṃ. Kasmā? Vatthupaṇītatāya. Vatthusamatte sati guṇādhikānaṃ santake vatthusmim̐ mahāsāvajjaṃ, taṃ taṃ guṇādhikaṃ upādāya tato tato hīnaguṇassa santake vatthusmim̐ appasāvajjaṃ. Tassa pañca sambhārā—parapariggahitaṃ, parapariggahitasaññitā theyyacittaṃ, upakkamo, tena haraṇanti.

Kāmesūti methunasamācāresu. **Micchācāro**ti ekantanindito lāmakācāro. Lakkhaṇato pana asaddhammādhippāyena kāyadvārappavattā agamanīyaṭṭhānavīttikamacetanā kāmesu micchācāro.

Tattha **agamanīyaṭṭhānaṃ** nāma purisānaṃ tāva māturakkhitā piturakkhitā mātāpiturakkhitā bhāturakkhitā bhaginirakkhitā ñātirakkhitā gottarakkhitā dhammarakkhitā sārakkhā sapaṇḍāti māturakkhitādayo dasa, dhanakkhitā chandavāsīni bhogavāsīni paṭavāsīni odapattakinī obhatacumbaṭā dāsī ca bhariyā ca, kammakārī ca bhariyā ca, dhajāhaṭā muhuttikāti dhanakkhitādayo dasāti vīsati itthiyo. Itthīsu pana dvinnaṃ sārakkhasapaṇḍānaṃ dasannañca dhanakkhitādinanti dvādasannaṃ itthīnaṃ aññe purisā², idaṃ agamanīyaṭṭhānaṃ nāma.

So panesa micchācāro sīlādiguṇarahite agamanīyaṭṭhāne appasāvajjo, sīlādiguṇasampanne mahāsāvajjo. Tassa cattāro sambhārā—agamanīyavatthu, tasmim̐ sevanacittaṃ, sevanapayogo, maggenamaggapaṭipatti-adhivāsananti.

1. Parassa haraṇaṃ (Sī, Syā, Ka) Dī-Ṭṭha 1. 70 piṭṭhe pana passitabbaṃ.

2. Aññesaṃ purisānaṃ (Sī), aññapurisānaṃ (Syā)

Musāti visamvādanapurekkhārassa atthabhañjako vacīpayogo, kāyapayogo vā. Visamvādanādhippāyena panassa paravisamvādakakāyavacīpayogasamuṭṭhāpikā cetanā musāvādo. Aparo nayo—**musāti** abhūtaṃ atacchaṃ vatthu. **Vādoti** tassa bhūtato tacchato viññāpanaṃ. Lakkhaṇato pana atathaṃ vatthuṃ tathato paraṃ viññāpetukāmassa tathāviññattisamuṭṭhāpikā cetanā musāvādo. So yamatthaṃ bhañjati, tassa appatāya appasāvajjo, mahantatāya mahāsāvajjo. Apica gahaṭṭhānaṃ attano santakaṃ adātukāmatāya natthīti-ādinayappavatto appasāvajjo, sakkhinā hutvā atthabhañjanatthaṃ vutto mahāsāvajjo. Pabbajitānaṃ appakampi telaṃ vā sappiṃ vā labhitvā hasādhippāyena “ajja gāme telaṃ naḍi maññe sandatī”ti pūraṇakathānayaena pavatto appasāvajjo, aditṭhaṃyeva pana ditṭhanti-ādinā nayaena vadantānaṃ mahāsāvajjo. Tassa cattāro sambhārā—atathaṃ vatthu, visamvādanacittaṃ, tajjo vāyāmo, parassa tadatthavijānananti.

Yāya vācāya yassa taṃ vācaṃ bhāsati, tassa hadaye attano piyabhāvaṃ, parassa ca suññabhāvaṃ karoti, sā **pisuṇā vācā**. Yāya pana attānampi parampi pharusāṃ karoti, yā vācā sayampi pharusā neva kaṇṇasukhā na hadayasukhā vā, ayaṃ **pharusā vācā**. Yena samphaṃ palapati niratthakaṃ, so **samphappalāpo**. Tesāṃ mūlabhūtā cetanāpi pisuṇāvācādināmameva labhati. Sā eva ca idha adhippetāti.

Tattha saṃkiliṭṭhacittassa paresāṃ vā bhedāya attano piyakamyatāya vā kāyavacīpayogasamuṭṭhāpikā cetanā pisuṇā vācā. Sā yassa bhedaṃ karoti, tassa appaṇatāya appasāvajjā, mahāṇatāya mahāsāvajjā. Tassā cattāro sambhārā—bhinditabbo paro, “iti ime nānā bhavissanti”ti bhedapurekkhārātā vā “iti ahaṃ piyo bhavissāmi vissāsiko”ti piyakamyatā vā, tajjo vāyāmo, tassa tadatthavijānananti. Pare pana abhinne kammaphathabhedo natthi, bhinneyeva hoti.

Parassa mammachedakakāyavacīpayogasamuṭṭhāpikā ekantapharusacetanā pharusā vācā. Mammachedakopi pana payogo cittasaṇhatāya pharusā vācā na hoti. Mātāpitaro hi kadāci puttake evampi vadanti “corā vo khaṇḍākhaṇḍikaṃ karontū”ti. Uppalapattampi ca nesāṃ upari

patantaṃ na icchanti. Ācariyupajjhāyā ca kadāci nissitake evaṃ vadanti “kiṃ ime ahirikā anottappino, niddhamatha ne”ti. Atha ca nesam āgamādhigamasampattim icchanti. Yathā ca cittasaṅhatāya pharusā vācā na hoti, evaṃ vacanasaṅhatāya aphaṛusā vācāpi na hoti. Na hi mārāpetukāmassa “imaṃ sukhaṃ sayāpethā”ti vacanaṃ aphaṛusā vācā hoti, cittapharusatāya panesā pharusā vācāva. Sā yaṃ sandhāya pavattitā, tassa appaṅṇatāya appasāvajjā, mahāṅṇatāya mahāsāvajjā. Tassa tayo sambhārā—akkositaḥ paro, kupitacittaṃ, akkosanāti.

Anatthaviññāpikā kāyavacīpayogasamuṭṭhāpikā akusalacetanā samphappalāpo. So āsevanamandatāya appasāvajjo, āsevanamahantatāya mahāsāvajjo. Tassa dve sambhārā—
bhāratayuddhasītāharaṇādiniratthakakathāpurekkhārātā,
tathārūpikathākathanañcāti. Pare pana taṃ kathaṃ agaṅhante
kammaṭṭhabhedo natthi, parena samphappalāpe gahiteyeva hoti.

Abhijjhāyatīti **abhijjhā**, parabhaṅḍābhimukhī hutvā tanninnatāya pavattatīti attho. Sā “aho vata idaṃ mamassā”ti evaṃ parabhaṅḍābhijjhāyanalakkhaṇā, adinnādānaṃ viya appasāvajjā mahāsāvajjā ca. Tassa dve sambhārā—parabhaṅḍaṃ, attano pariṇāmanañcāti. Parabhaṅḍavatthuke hi lobhe uppannepi na tāva kammaṭṭhabhedo hoti, yāva “aho vata idaṃ mamassā”ti attano na pariṇāmeti.

Hitasukhaṃ byāpādayatīti **byāpādo**. So paravināsāya manopadosalakkhaṇo, pharusā vācā viya appasāvajjo mahāsāvajjo ca. Tassa dve sambhārā—parasatto ca, tassa ca vināsacintāti. Parasattavatthuke¹ hi kodhe uppannepi na tāva kammaṭṭhabhedo hoti, yāva “aho vatāyaṃ ucchijjeyya vinasseyyā”ti tassa vināsaṃ na cinteti.

1. Parasantakavatthuke (Sī)

Yathābhuccagahaṇābhāvena micchā passatīti **micchādiṭṭhi**. Sā “natthi dinnan”ti-ādinā nayena viparītadassanalakkhaṇā, samphappalāpo viya appasāvajjā mahāsāvajjā ca. Apica aniyatā appasāvajjā, niyatā mahāsāvajjā. Tassā dve sambhārā—vatthuno ca gahitākāraviparītātā, yathā ca tam gaṇhāti, tathābhāvena tassūpaṭṭhānanti. Tatha natthikāhetuka-akiriyadiṭṭhihi eva kammaṭṭhabhedo hoti, na aññadiṭṭhihi.

Imesaṃ pana dasannaṃ akusalakammaṭṭhānaṃ dhammato koṭṭhāsato ārammaṇato vedanāto mūlatoti pañcahākārehi vinicchayo veditabbo.

Tatha **dhammatoti** etesu hi satta paṭipāṭiyā cetanādhammāva honti, abhijjhādayo tayo cetanāsampayuttā.

Koṭṭhāsatotī paṭipāṭiyā satta, micchādiṭṭhi cāti ime aṭṭha kammaṭṭhā eva honti, no mūlāni. Abhijjhābyāpādā kammaṭṭhā ceva mūlāni ca. Abhijjhā hi mūlaṃ patvā lobho akusalamūlaṃ hoti, byāpādo doso akusalamūlaṃ.

Ārammaṇatotī pāṇātipāto jīvitindriyārammaṇato saṅkhārārammaṇo. Adinnādānaṃ sattārammaṇaṃ vā saṅkhārārammaṇaṃ vā. Micchācāro phoṭṭhabbavasena saṅkhārārammaṇo, sattārammaṇotipi eke. Musāvādo sattārammaṇo vā saṅkhārārammaṇo vā. Tathā pīsuṇā vācā. Pharusā vācā sattārammaṇāva. Samphappalāpo diṭṭhasutamutaviññātavasena sattārammaṇo vā saṅkhārārammaṇo vā. Tathā abhijjhā. Byāpādo sattārammaṇova. Micchādiṭṭhi tebhūmakadhammavasena saṅkhārārammaṇāva.

Vedanātotī pāṇātipāto dukkhavedano hoti. Kiñcāpi hi rājāno coraṃ disvā hasamānāpi “gacchatha bhaṇe, māretha nan”ti vadanti, sanniṭṭhāpakacetanā pana nesaṃ dukkhasampayuttāva hoti. Adinnādānaṃ tivedanaṃ. Tañhi parabhaṇḍaṃ disvā haṭṭhatuṭṭhassa gaṇhato sukhavedanaṃ hoti, bhītatasitassa gaṇhato dukkhavedanaṃ, tathā vipākanissandaphalāni paccavekkhantassa. Gahaṇakāle majjhatabhāve ṭhitassa pana gaṇhato adukkhamasukhavedanaṃ hoti. Micchācāro sukhamajjhattavasena dvivedano,

sanniṭṭhāpakacitte pana majjhattavedano na hoti. Musāvādo adinnādāne vuttanayeneva tivedano, tathā pisuṇā vācā. Pharusā vācā dukkhavedanā. Samphappalāpo tivedano. Paresu hi sādhu-kāraṃ dentesu celādīni ukkhipantesu haṭṭhatuṭṭhassa sītāharaṇabhāratayuddhādīni kathanakāle so sukhavedano hoti, paṭhamāṃ dinnavetanena ekena pacchā āgantvā “ādito paṭṭhāya kathehī”ti vutte “niravasesaṃ yathānusandhikaṃ pakiṇṇakakathaṃ kathessāmi nu kho, no”ti domanassitassa kathanakāle dukkhavedano hoti, majjhattassa kathayato adukkhamasukhavedano hoti. Abhijjhā sukhmajjhattavasena dvivedanā, tathā micchādiṭṭhi. Byāpādo dukkhavedano.

Mūlātoti pāṇātipāto dosamohavasena dvimūlako hoti, adinnādānaṃ dosamohavasena vā lobhamohavasena vā, micchācāro lobhamohavasena, musāvādo dosamohavasena vā lobhamohavasena vā. Tathā pisuṇā vācā samphappalāpo ca. Pharusā vācā dosamohavasena, abhijjhā mohavasena ekamūlā, tathā byāpādo. Micchādiṭṭhi lobhamohavasena dvimūlāti.

Akusalakammamapathakathā niṭṭhitā.

Pāṇātipātādīhi pana viratiyo, anabhijjhā-abyāpādasammādiṭṭhiyo cāti ime dasa kusalakammamapathā nāma. Pāṇātipātādīhi etāya viramanti, sayam vā viramati, viramaṇamattameva vā etanti **virati**. Yā pāṇātipātādīhi viramantassa kusalacittasampayuttā virati, sā pabhedato tividhā hoti sampattavirati samādānavirati samucchedavirati. Tattha asamādinna-sikkhāpadānaṃ attano jātivayabāhusaccādīni paccavekkhitvā “ayuttaṃ amhākaṃ evarūpaṃ pāpaṃ kātun”ti sampattavatthum avitikkamantānaṃ uppajjamānā virati **sampattavirati** nāma. Samādinna-sikkhāpadānaṃ pana sikkhāpadasamādāne ca tatuttari ca attano jīvitampi pariccajivā vatthum avitikkamantānaṃ uppajjamānā virati **samādānavirati** nāma. Ariyamaggasampayuttā, pana virati **samucchedavirati** nāma, yassā uppattito pabhuti ariyapuggalānaṃ “pānaṃ ghātesāma”ti-ādicittampi na uppajjatīti.

Idāni akusalakammaṭṭhānaṃ viya imesaṃ kusalakammaṭṭhānaṃ dhammato koṭṭhāsato ārammaṇato vedanāto mūlatoti pañcahākārehi vinicchayo veditabbo.

Tattha **dhammatoti** etesupi paṭipāṭiyā satta cetanāpi vaṭṭanti viratiyopi, ante tayo cetanāsampayuttāva.

Koṭṭhāsatotī paṭipāṭiyā satta kammaṭṭhā eva, no mūlāni, ante tayo kammaṭṭhā ceva mūlāni ca. Anabhijjhā hi mūlaṃ patvā alobho kusalamūlaṃ hoti, abyāpādo adoso kusalamūlaṃ, sammādiṭṭhi amoho kusalamūlaṃ.

Ārammaṇatotī pāṇātipātādīnaṃ ārammaṇāneva etesaṃ ārammaṇāni. Vītikkamitabbatoyeva hi veramaṇī nāma hoti. Yathā pana nibbānārammaṇo ariyamaggo kilese pajahati, evaṃ jīvitindriyādi-ārammaṇāpete kammaṭṭhā pāṇātipātādīni dussīlyāni pajahantīti.

Vedanātotī sabbe sukhavedanā vā hontī majjhattavedanā vā. Kusalaṃ patvā hi dukkhā vedanā nāma natthī.

Mūlatoti paṭipāṭiyā satta ñāṇasampayuttacittena viramantassa alobha-adosa-amohavasena timūlā hontī, ñāṇavippayuttacittena viramantassa alobhādosavasena dvimūlā. Anabhijjhā ñāṇasampayuttacittena viramantassa adosa-amohavasena dvimūlā, ñāṇavippayuttacittena viramantassa adosavasena ekamūlā. Alobho pana attanāva attano mūlaṃ na hoti. Abyāpādepi eseva nayo. Sammādiṭṭhi alobhādosavasena dvimūlāvāti.

Kusalakammaṭṭhakathā niṭṭhitā.

41. Evaṃ dasakusalakammaṭṭhavasena sīlaṃ dassetvā idāni nekkhammādīnaṃ arahattamaggapariyosānānaṃ sattatimsadhammānaṃ vasena dassetuṃ **nekkhammena kāmacchandaṃ saṃvaratṭhena sīlaṃ, avītikkamatṭhena sīlanti**-ādimāha. Tattha yasmā nekkhammena kāmacchandaṃ saṃvarati na vītikkamati, tasmā nekkhammaṃ sīlanti adhippāyo. Paccattatthe vā karaṇavacanaṃ, nekkhammanti attho. Esa

nayo sesesu. Pāḷiyam̐ pana nekkhamma-abyāpāde dassetvā heṭṭhā vuttanayattā sesam̐ saṅkhipitvā ante arahattamaggoyeva dassito.

Evam̐ saṁvara-avītikkamavasena sīlam̐ dassetvā idāni tesam̐yeva dvinnam̐ pabhedadassanattam̐ **pañca sīlāni pāṇātipātassa pahānam̐ sīlanti-**ādimāha. Ettha ca pāṇātipātassa pahānam̐ sīlam̐, pāṇātipātā veramaṇī sīlam̐, pāṇātipātassa paṭipakkhacetanā sīlam̐, pāṇātipātassa saṁvaro sīlam̐, pāṇātipātassa avītikkamo sīlanti yojanā kātabbā. **Pahānanti** ca koci dhammo nāma natthi aññatra vuttappakārānam̐ pāṇātipātādīnam̐ anuppādamattato. Yasmā pana tam̐ tam̐ pahānam̐ tassa tassa kusalassa dhammassa patiṭṭhānaṭṭhena upadhāraṇam̐ hoti, vippakiṇṇasabhāvākaraṇena ca samodhānam̐, tasmā pubbe vutteneva upadhāraṇasamodhānasaṅkhātena sīlanaṭṭhena sīlanti vuttam̐. Itare cattāro dhammā tato tato veramaṇivasena tassa tassa saṁvaravasena tadubhayasampayuttacetanāvasena tam̐ tam̐ avītikkamantassa avītikkamavasena ca cetaso pavattisabhāvam̐ sandhāya vuttā.

Atha vā pahānampi dhammato atthiyeva. Katham̐? Pahīyate anena pāṇātipātādipaṭipakkho, pajahati vā tam̐ paṭipakkhanti pahānam̐. Kim̐ tam̐? Sabbepi kusalā khandhā. Aññe pana ācariyā “nekkhāmmādīsupi ‘veramaṇī sīlan’ti vacanamattam̐ gahetvā sabbakusalesupi niyatayevāpanakabhūtā virati nāma atthī”ti vadanti, na tathā idhāti. Evamimehi pahānādīhi pañcahi padehi visesetvā pariyantāpariyantasīlavaye apariyantasīlemeva vuttam̐. Tasmā eva hi **evarūpāni sīlāni cittassa avippaṭisārāya saṁvattanti -pa-sacchikātabbam̐ sacchikaronto sikkhatīti** vuttam̐.

Tattha **avippaṭisārāya saṁvattantīti** “saṁvaro avippaṭisāratthāyā”ti¹ ca “avippaṭisāratthāni kho Ānanda kusalāni sīlāni avippaṭisārānisamsāni”ti² ca vacanato avippaṭisāratthāya saṁvattanti. “Avippaṭisāro pāmojjatthāyā”ti¹ ca “yoniso manasikaroto pāmojjam̐ jāyatī”ti³ ca vacanato **pāmojjāya saṁvattanti**. “Pāmojjam̐ pītatthāyā”ti¹ ca “pamuditassa pīti jāyatī”ti⁴ ca vacanato

1. Vī 5. 288 piṭṭhe.

2. Am̐ 3. 257, 515 piṭṭhesu.

3. Khu 9. 83 piṭṭhe.

4. Am̐ 2. 18; Sam̐ 3. 135; Di 3. 201 piṭṭhesu.

pītiyā saṁvattanti. “Pīti passaddhatthāyā”¹ti ca “pītimanassa kāyo passambhatī”²ti ca vacanato **passaddhiyā saṁvattanti.** “Passaddhi sukhatthāyā”¹ti ca “passaddhakāyo sukhaṁ vedetī”²ti ca vacanato **somanassāya saṁvattanti.** Cetasikaṁ sukhaṁ hi somanassanti vuccati. **Āsevanāyāti** bhusā sevanā āsevanā. Kassa āsevanā? Anantaraṁ somanassavacanena sukhasa vuttattā sukhaṁ siddhaṁ. “Sukhino cittaṁ samādhīyati”²ti ca vacanato tena sukkena samādhī siddho hoti. Evaṁ siddhasa samādhissa āsevanā. Tassa samādhissa **āsevanāya saṁvattanti,** paṇḍabalavabhāvāya saṁvattantīti attho. **Bhāvanāyāti** tasseva samādhissa vuddhiyā. **Bahulīkammāyāti** tasseva samādhissa punappunaṁ kiriyāya. Avippaṭṭisārādīpavattiyā mūlakāraṇaṁ hutvā samādhissa saddhindriyādi-alāṅkārasādhanena **alāṅkārayā saṁvattanti.** Avippaṭṭisārādīkassa samādhisambhārasa sādhanena **parikkhārayā saṁvattanti.** “Ye ca kho ime³ pabbajitena jīvitaparikkhārā samudānetabbā”⁴ti-ādīsu⁴ viya hi ettha sambhārattho parikkhārasaddo. “Ratho sīlaparikkhāro, jhānakkho cakkavīriyo”⁵ti-ādīsu⁵ pana alāṅkārattho. “Sattahi nagaraparikkhārehi suparikkhataṁ hotī”⁶ti-ādīsu⁶ parivārattho. Idha pana alāṅkāraparivārānaṁ visuṁ āgatattā sambhāratthoti vuttaṁ. Sambhārattho ca paccayatthoti. Mūlakāraṇabhāveneva samādhisampayuttaphassādidhammasampattisādhanena **parivārāya saṁvattanti.** Samādhissa vipassanāya ca padaṭṭhānabhāvapāpanena vasībhāvapāpanena ca paripuṇṇabhāvasādhanato **pāripūriyā saṁvattanti.**

Evaṁ sīlūpanissayena sabbākāraparīpūraṁ samādhīṁ dassetvā idāni “samāhite citte yathābhūtaṁ jānāti passati, yathābhūtaṁ jānaṁ passaṁ nibbindati, nibbindaṁ virajjati, virāgā vimuccatī”⁷ti⁷ vacanato sīlamūlakāni samādhīpadaṭṭhānāni yathābhūtañānadassanādīni dassento **ekantanibbidāyāti**-ādīmāha. Nibbidāya hi dassitāya tassā padaṭṭhānabhūtaṁ

1. Vi 5. 288 piṭṭhe.

3. Ye cime (Sī, Syā), ye kecime (Ka)

6. Am 2. 478 piṭṭhe.

2. Am 2. 18; Sam 3. 135; Dī 3. 201 piṭṭhesu.

4. Ma 1. 150 piṭṭhe.

7. Khu 9. 83; Dī 3. 252 piṭṭhesu.

5. Sam 3. 5 piṭṭhe.

yathābhūtañāṇadassanaṃ dassitameva hoti. Tasmim̐ hi asiddhe nibbidā na sījhatīti. Tāni pana vuttatthāneva. Yathābhūtañāṇadassanaṃ panettha sappaccayanāmarūpapariggaho.

Evam̐ amatamahānibbānapariyosānaṃ sīlappayojanaṃ dassetvā idāni tassa sīlassa adhisīlasikkhābhāvaṃ tammūlakā ca adhicitta-adhipaññāsikkhā dassetukāmo **evarūpānaṃ sīlānaṃ saṃvarapārisuddhi adhisīlanti**-ādimāha. Tattha saṃvaroyeva pārisuddhi **saṃvarapārisuddhi**. Evarūpānaṃ apariyantabhūtānaṃ vivaṭṭanissitānaṃ sīlānaṃ saṃvarapārisuddhi vivaṭṭanissitattā sesasīlato adhikaṃ sīlanti **adhisīlanti** vuccati.

Saṃvarapārisuddhiyā ṭhitaṃ cittanti edisāya sīlasaṃvarapārisuddhiyā patiṭṭhitaṃ cittaṃ suṭṭhu avippaṭṭisārādīnaṃ āvahanato na vikkhepaṃ gacchati, samādhismiṃ patiṭṭhātīti attho. Avikkhepoyeva pārisuddhi **avikkhepapārisuddhi**. So sabbamalavirahito nibbedhabhāgiyo samādhi sesasamādhito adhikattā **adhicittanti**vuccati. Cittasīsenā hettha samādhi niddiṭṭho. **Saṃvarapārisuddhimsammā passatīti** parisuddhaṃ sīlasaṃvaraṃ ñātapariññāvasena tīraṇapariññāvasena ca sammā passati, evameva avikkhepapārisuddhisāṅkhātāṃ parisuddhaṃ samādhim̐ sammā passati. Evam̐ passato cassa dassanasāṅkhātā pārisuddhi **dassanapārisuddhi**. Sāyeva sesapaññāya adhikattā **adhipaññāti** vuccati. **Yotatthāti** yo tattha saṃvara-avikkhepadassanesu. **Saṃvaratṭhoti** saṃvarabhāvo. Evameva avikkhepatṭhadassanaṭṭhā ca veditabbā. Adhisīlameva sikkhā **adhisīlasikkhā**. Evam̐ itarāpi veditabbā.

Evam̐ tisso sikkhāyo dassetvā idāni tāsāṃ pāripūrikkamaṃ dassetuṃ **imā tisso sikkhāyo āvajjanto sikkhatīti**-ādimāha. Tassattho—paccekaṃ paripūretuṃ āvajjantopi sikkhati nāma, āvajjetvā “ayaṃ nāma sikkhā”ti jānantopi sikkhati nāma, jānitvā punappunaṃ passantopi sikkhati nāma, passitvā yathādiṭṭhaṃ paccavekkhantopi sikkhati nāma, paccavekkhitvā tattheva cittaṃ acalaṃ katvā patiṭṭhapentopi sikkhati nāma, taṃtaṃsikkhāsampayuttasaddhāvīriyasatisamādhipaññāhi sakasakakiccaṃ karontopi sikkhati nāma, abhiññeyyābhijānanādikālepi taṃ taṃ kiccaṃ karonto tisso sikkhāyo sikkhāti nāmāti. Puna **pañca sīlānīti**-ādīni vuttatthāneva. **Arahattamaggena sabbakilesānanti**-ādīsu

pana arahantānaṃ suṭṭhu vippaṭisārādi-abhāvato āsevanādibhāvato ca tāni padāni yujjanteva. **Ekantanibbidāyāti**-ādīni pana satipaṭṭhānasammappadhānāni viya maggakkhaṇeyeva yojetabbāni.

42. **Samvarapārisuddhiṃ sammā passati, avikkhepapārisuddhiṃ sammā passatī**ti idaṃ pana vacanadvayaṃ phalasangāhāyā vipassanāvasena yojetabbari, dutiyavacanāni pana nirodhasangāhāyā vipassanāvasenāpi yujjati. **Āvajjanto sikkhatī**-ādīsu pañcasu vacanesu arahato sikkhitabbābhāvepi asekkhasīlakkhandhādisabhāvato “sikkhatī”ti vuttanti vedītabbari. **Saddhāya adhimuccanto sikkhatī**-ādīni pana maggakkhaṇāññeva sandhāya vuttāni. Aññānīpi upacārappanāvīpassanāmaggasena vuttāni vacanāni yathāyogaṃ yojetabbānīti.

Sīlamayaññāniddesavaṇṇanā niṭṭhitā.

3. Samādhībhāvanāmayaññāniddesavaṇṇanā

43. Samādhībhāvanāmayaññāniddese ādito tāva ekakato paṭṭhāya yāva dasakā samādhippabhedāni dassento **eko samādhī**-ādīmāha. Tattha **cittassa ekaggatā**ti nānārammaṇavikkhepābhāvato ekaṃ ārammaṇaṃ aggaṃ uttamaṃ assāti ekaggo, ekaggassa bhāvo ekaggatā. Sā pana ekaggatā cittassa, na sattassāti dassanattaṃ “cittassā”ti vuttaṃ. Duke **lokiyoti** loko vuccati lujjanapalujjanatṭhena vaṭṭaṃ, tasmaṃ pariyāpannabhāvena loke niyuttoti lokiyo. **Lokuttaroti** uttiṇṇoti uttaro, loke apariyāpannabhāvena lokato uttaroti lokuttaro. Tike savitakko ca so savicāro cāti **savitakkasavicāro**. Evaṃ **avitakka-avicāro**. Vitakkavicāresu vicārova mattā pamāṇaṃ etassāti vicāramatto, vicārato uttari vitakkena saddhiṃ sampayogaṃ na gacchatīti attho. Avitakko ca so vicāramatto cāti **avitakkavicāramatto**. Tīsupi vicchedāni katvāpi paṭṭhanti. Catukkapañcakā

vuttatthā. Chakke punappunam uppajjanato satiyeva anussati, pavattitabbaṭṭhānamhiyeva vā pavattattā saddhāpabbajitassa kulaputtassa anurūpāsatiṭīpi anussati, Buddhaṃ ārabha uppannā anussati **Buddhānussati**. Arahataḍibuddhaguṇārammaṇāya satiyā etaṃ adhivacanaṃ. Tassā Buddhānussatiyā vasena cittassa ekaggatāyeva uddhaccasaṅkhātassa vikkhepassa paṭipakkhabhāvato na vikkhepoti **avikkhepo**. Dhammaṃ ārabha uppannā anussati **dhammānussati**. Svākkhātāḍidhammaguṇārammaṇāya satiyā etaṃ adhivacanaṃ. Saṃghaṃ ārabha uppannā anussati **saṃghānussati**. Suppaṭipannatāḍisaṃhaguṇārammaṇāya satiyā etaṃ adhivacanaṃ. Silaṃ ārabha uppannā anussati **sīlānussati**. Attano akhaṇḍatāḍisīlaguṇārammaṇāya satiyā etaṃ adhivacanaṃ. Cāgaṃ ārabha uppannā anussati **cāgānussati**. Attano muttacāgatāḍicāgaguṇārammaṇāya satiyā etaṃ adhivacanaṃ. Devatā ārabha uppannā anussati **devatānussati**. Devatā sakkhiṭṭhāne ṭhapetvā attano saddhāḍiguṇārammaṇāya satiyā etaṃ adhivacanaṃ.

Sattake **samādhikusalatā**ti ekavidhāḍibhedena anekabhede samādhimhi “ayamevaṃvidho samādhī, ayamevaṃvidho samādhī”ti chekabhāvo. Samādhiparicchedakapaññāyetaṃ adhivacanaṃ. Samāधि-
uppāḍanaḍividhānēpi chekabhāvo samādhikusalatā.

Samādhissa samāpattikusalatāti uppāḍitassa samādhissa samāpajjane chekabhāvo. Etena samāpajjanavasitā vuttā hoti.

Samādhissa ṭhitikusalatāti samāpannassa samādhissa santativasena yathāruḍi ṭhapane chekabhāvo. Etena adhiṭṭhānavasitā vuttā hoti. Atha vā nimittagahaṇena cassa puna te ākāre sampādayato appanāḍattameva ijjhati, na ciraṭṭhānaṃ. Ciraṭṭhānaṃ pana samādhiparipanthānaṃ dhammānaṃ suvisodhitattā hoti. Yo hi bhikkhu kāḍmāḍīnavapaccavekkhaṇāḍīhi kāḍmacchandaṃ na suṭṭhu vikkhambhetvā, kāyapassaddhivasena kāyaduṭṭhullaṃ na suppaṭippassaddhaṃ katvā, ārambhadhātumanasikārāḍivasena thinamiddhaṃ na suṭṭhu paṭivinodetvā, samathanimittamanasikārāḍivasena uddhaccakukkuccaṃ na suṭṭhu samūhataṃ katvā, aññēpi samādhiparipante dhamme na suṭṭhu visodhetvā jhānaṃ samāpajjati, so avisodhitaṃ āsayam paviṭṭhabhamaro viya asuddhaṃ uyyānaṃ paviṭṭharājā viya ca khippameva nikkhamati. Yo pana

samādhiparipante dhamme suṭṭhu visodhetvā jhānaṃ samāpajjati, so suvisodhitaṃ āsayaṃ pavitṭhabhamaro viya suparisuddhaṃ uyyānaṃ pavitṭharājā viya ca sakalampi divasabhāgaṃ antosamāpattiyāmyeva hoti. Tenāhu porāṇā—

“Kāmesu chandaṃ paṭighaṃ vinodaye,
Uddhaccathīnaṃ¹ vicikicchapañcamāṃ.
Vivekapāmojjakarena cetasā,
Rājāva suddhantagato tahiṃ rame”ti.

Tasmā “ciraṭṭhitikāmena pāripanthikadhamme sodhetvā jhānaṃ samāpajjitabban”ti vuttatā taṃ vidhiṃ sampādetvā samādhissa ciraṭṭhitikaraṇe chekabhāvoti vuttaṃ hoti.

Samādhissa vuṭṭhānakusalatāti santativasena yathāruci pavattassa samādhissa yathāparicchinnaṃkāleyeva vuṭṭhānena samādhissa vuṭṭhāne chekabhāvo. “Yassa hi dhammaṃ puriso vijaññā”ti-ādīsu² viya nissakkatthe vā samivacanaṃ katanti veditabbanti. Etena vuṭṭhānavasitā vuttā hoti.

Samādhissa kallatākusalatāti agilānabhāvo arogabhāvo kallatā. Gilāno hi akallakoti vuccati. Vinayepi vuttaṃ “nāhaṃ bhante akallako”ti³. Anaṅgaṇasuttavattasuttesu⁴ vuttānaṃ jhānapaṭilābhapaccanīkānaṃ pāpakānaṃ icchāvacarānaṃ abhāvena ca abhijjhādīnaṃ cittassa upakkilesānaṃ vigamena ca samādhissa agilānabhāvakarāṇe chekabhāvo samādhissa kallatākusalatā, kilesagelaññarahitabhāve kusalatāti vuttaṃ hoti. Atha vā **kallatā**ti kammaññatā kammaññatāpariyāyattā kallavacanassa. “Yā cittassa akallatā akammaññatā”ti⁵ hi vuttaṃ “kallacittaṃ muducittaṃ vinīvaraṇacittā”ti⁶ ca. Ettha kallasaddo kammaññattho. Tasmā kasiṇānulomato kasiṇapaṭilomato kasiṇānulomapaṭilomato jhānānulomato

1. Uddhaccamiddhaṃ (Visuddhi 1. 147 piṭṭhe)

2. Khu 5. 221 piṭṭhe.

3. Vi 1. 78 piṭṭhe.

4. Ma 1. 29, 43 piṭṭhesu.

5. Abhi 1. 233 piṭṭhe.

6. Dī 1. 102; Ma 2. 346; Vi 3. 22 piṭṭhādīsu.

jhānapaṭilomato jhānānulomapaṭilomato jhānukkantikato kasiṇukkantikato
 jhānakasiṇukkantikato aṅgasaṅkantito ārammaṇasaṅkantito
 aṅgārammaṇasaṅkantito aṅgavavattthānato ārammaṇavavattthānatoti imehi
 cuddasahi ākārehi, aṅgārammaṇavavattthānatoti iminā saha pañcadasahi vā
 ākārehi cittaparidamanena samādhissa kammaññabhāvakaṇe kusalahāvoti
 vuttaṃ hoti.

Samādhissa gocarakusalatāti samādhissa gocaresu kasiṇādīsu
 ārammaṇesu taṃ taṃ jhānaṃ samāpajjitukāmatāya yathāruci
 āvajjanakaraṇavasena tesu ārammaṇesu chekabhāvo. Etena
 kasiṇāvajjanavasena āvajjanavasitā vuttā hoti. Atha vā tasmim̐ tasmim̐
 disābhāge kasiṇapharaṇavasena evaṃ phuṭṭhassa kasiṇassa ciraṭṭhānavasena
 ca samādhissa gocaresu chekabhāvo.

Samādhissa abhinīhāarakusalatāti ekattanayena heṭṭhāheṭṭhāsamādhim̐
 uparūparisamādhībhāvūpanayanena abhinīharaṇe abhininnāmane
 chekabhāvo. Upacārajjhānaṃ hi vasippattaṃ paṭhamajjhānatthāya
 vipassanatthāya vā abhinīharati, evaṃ paṭhamajjhānādīni dutiyajjhānādi-
 atthāya vipassanatthāya vā, catutthajjhānaṃ arūpasamāpattatthāya
 abhiññatthāya vipassanatthāya vā, ākāśānañcāyatanādayo
 viññāṇaṅcāyatanādi-atthāya vipassanatthāya vā abhinīharatīti evaṃ
 samādhissa tattha tattha abhinīhāarakusalatā. Yasmā pana kusalatā nāma
 paññā, sā samādhi na hoti, tasmā samādhipariṇāyakaṇaṅcāyatanādayo
 samādhi vuttoti veditabbo.

Keci pana ācariyā “samādhikusalatāti yena manasikārena cittaṃ na
 vikkipati, tattha kusalatā. Samāpattikusalatāti yena manasikārena
 samāpajjantassa jhānaṅgāni pātubhavanti, tattha kusalatā. Ṭhitikusalatāti
 yena manasikārena appito samādhi na vikkipati, tattha kusalatā.
 Vuṭṭhānakusalatāti nīvaraṇavuṭṭhānaṃ jānāti paṭhamajjhāne, aṅgavuṭṭhānaṃ
 jānāti tīsu jhānesu, ārammaṇavuṭṭhānaṃ jānāti arūpasamāpattīsu,
 vikkhepavuṭṭhānaṃ jānāti visayādhimattesu, sacchandavuṭṭhānaṃ jānāti
 pariyantakāle ca avasānakaraṇīyakāle ca. Kallatākusalatāti

cittaphāsutāya sarīraphāsutāya āhāraphāsutāya senāsanaphāsutāya puggalaphāsutāya ca samādhissa kallatā hotīti jānāti. Gocarakusalatāti ārammaṇassa paricchedaṃ kātum jānāti, disāpharaṇaṃ kātum jānāti, vaḍḍhetum jānāti. Abhinīhārakusalatāti tattha tattha sammā manasikārena cittaṃ abhinīharati abhininnāmeti, upacāre vasippatte paṭhamajjhāne abhinīharati, evaṃ uparūparijhānesu abhiññāsu arūpasamāpattīsu vipassanāsu ca abhinīharati. Evaṃ tattha tattha abhinīhārakusalatā”ti evametesam padānaṃ atthaṃ vaṇṇayanti.

Aṭṭhakaṃ vuttatthameva. Navake **rūpāvacaroti** “katame dhammā rūpāvacarā. Heṭṭhato Brahmaṇapārisajjaṃ pariyantaṃ karitvā uparito Akaniṭṭhe deve antokaritvā”ti-ādinā¹ nayena vuttesu rūpāvacaradhammesu pariyāpanno. Tatrāyaṃ vacanatto—rūpakkhandhasaṅkhātāṃ rūpaṃ ettha avacarati, na kāmoti rūpāvacarō. Rūpakkhandhopi hi rūpanti vuccati “rūpakkhandho rūpaṃ”ti-ādīsu² viya. So pana Brahmaṇapārisajjabrahmapurohitamahābrahmānaṃ Parittābha-appamāṇābha-ābhassarānaṃ Parittasubha-appamāṇasubhasubhakiṇhānaṃ Asaññasattavehapphalānaṃ Avihātappasudassasudassī-akaniṭṭhānaṃ vasena soḷasavidho padeso. So rūpāvacarasaṅkhāto padeso uttarapadalopaṃ katvā “rūpaṃ”ti vuccati, tasmim rūpe avacarātīti rūpāvacarō. Rūpabhavo vā rūpaṃ, tasmim avacarātīti rūpāvacaraṃ. Kiñcāpi hi eso samādhi kāmabhavēpi avacarati, yathā pana saṅgāme avacaraṇato saṅgāmāvacaroti laddhanāmo nāgo nagare carantopi saṅgāmāvacaroti vuccati, thalacarā jalacarā ca pāṇino athale ajale ca ṭhitāpi thalacarā jalacarāti vuccanti, evamayam aññattha avacarantopi rūpāvacaroti vutto. Apica rūpabhavasāṅkhāte rūpe paṭisandhim avacāretītipi rūpāvacarō. **Hīnoti** lāmako. Hīnuttamānaṃ majjhe bhavo **majjho**. Majjhimotipi pāṭho, soyevattho. Padhānabhāvaṃ nīto **paṇīto**, uttamoti attho. Ete pana āyūhanavasena veditabbā. Yassa hi āyūhanakkhaṇe chando vā hīno hoti vīriyaṃ vā cittaṃ vā vīmaṃsā vā, so hīno nāma. Yassa te dhammā majjhimā, so majjhimō.

1. Abhi 1. 253 piṭṭhe.

2. Abhi 5. 17 piṭṭhe.

Yassa paṇītā, so paṇīto. Uppāditamatto vā hīno, nātiśubhāvito majjhimo, atisubhāvito vasippatto paṇīto. **Arūpāvācaro** rūpāvācare vuttanayānusārena veditabbo.

Suññato samādhīti-ādīsu “sabbe saṅkhārā aniccā dukkhā anattā”ti vipassanāpaṭipāṭiyā vipassantassa anattānupassanāya maggavuṭṭhāne jāte yasmā sā vipassanā attavirahitesu saṅkhāresu suññato pavattā, tasmā suññatā nāma hoti. Tāya siddho ariyamaggassamādhī **suññato samādhī**nāma hoti, suññatavasena pavattasamādhīti attho. Vipassanāya pavattākārena hi so pavattati. Aniccānupassanāya maggavuṭṭhāne jāte yasmā sā vipassanā niccanimittapaṭipakkhavasena pavattā, tasmā animittā nāma hoti. Tāya siddho ariyamaggassamādhī **animitto samādhī** nāma hoti, niccanimittavirahito samādhīti attho. Vipassanāya pavattākārena hi so pavattati. Dukkhanupassanāya maggavuṭṭhāne jāte yasmā sā vipassanā paṇidhipaṭipakkhavasena pavattā, tasmā appaṇihitā nāma hoti. Tāya siddho ariyamaggassamādhī **appaṇihito samādhī** nāma hoti, paṇidhivirahito samādhīti attho. Vipassanāya pavattākārena hi so pavattati. Tādisā eva tayo phalassamādhayopi etehiyeva tīhi samādhīhi gahitā hontīti veditabbā. Lokuttarasamādhīnaṃ pana paṇītattā hīnādibhedo na uddhaṭo.

Dasake **uddhumātakaśāññāvasenā**ti-ādīsu bhastā viya vāyūnā uddham jīvitapariyādānā yathānukkamaṃ samuggatena sūnabhāvena uddhumātattā uddhumātamaṃ, uddhumātameva **uddhumātakaṃ**, paṭikūlattā vā kucchitaṃ uddhumātanti uddhumātakaṃ. Tathārūpassa chavasarīrassetaṃ adhivacanaṃ. Vinīlaṃ vuccati viparibhinnavaṇṇaṃ, vinīlameva **vinīlakaṃ**, paṭikūlattā vā kucchitaṃ vinīlanti vinīlakaṃ. Mamsussadaṭṭhānesu rattavaṇṇassa, pubbasannicayaṭṭhānesu¹ setavaṇṇassa, yebhuyyena ca nīlavaṇṇassa nīlaṭṭhāne nīlasāṭakapārutasseva chavasarīrassetaṃ adhivacanaṃ. Paribhinnaṭṭhānesu vissandamānapubbaṃ vipubbaṃ, vipubbameva **vipubbakaṃ**, paṭikūlattā vā kucchitaṃ vipubbanti vipubbakaṃ. Tathārūpassa chavasarīrassetaṃ adhivacanaṃ. Vicchiddaṃ vuccati dvidhā chindanena apadhāritaṃ, vicchiddameva **vicchiddakaṃ**, paṭikūlattā vā kucchitaṃ

1. Pubbasannicayaṭṭhānesu (Sī, Syā)

vicchiddanti vicchiddakaṃ. Vemajjhe chinnassa chavasarīrassetaṃ adhivacanaṃ. Ito ca etto ca vividhākārena soṇasiṅgālādīhi khāyitanti vikkhāyitaṃ, vikkhāyitanti vattabbe vikkhāyitanti vuttaṃ. Vikkhāyitameva **vikkhāyitakaṃ**, paṭikūlattā vā kucchitaṃ vikkhāyitanti vikkhāyitakaṃ. Tathārūpassa chavasarīrassetaṃ adhivacanaṃ. Vividhaṃ khittam vikkhittaṃ, vikkhittameva **vikkhittakaṃ**, paṭikūlattā vā kucchitaṃ vikkhittanti vikkhittakaṃ. Aññena hattaṃ¹ aññena pādaṃ² aññena sīsanti evaṃ tato tato khittassa chavasarīrassetaṃ adhivacanaṃ. Hatañca taṃ purimanayeneva vikkhittakañcāti **hatavikkhittakaṃ**. Kākapadākārena aṅgapaccāṅgesu satthena hanitvā vuttanayena vikkhittassa chavasarīrassetaṃ adhivacanaṃ. Lohitaṃ kirati vikkhipati ito cito ca paggharatīti **lohitakaṃ**. Paggharitalohitamakkhitassa chavasarīrassetaṃ adhivacanaṃ. Puḷavā vuccanti kimayo, puḷave³ kiratīti **puḷavakaṃ**. Kimiparipuṇṇassa chavasarīrassetaṃ adhivacanaṃ. Aṭṭhiyeva **aṭṭhikaṃ**, paṭikūlattā vā kucchitaṃ aṭṭhīti aṭṭhikaṃ. Aṭṭhisāṅkhalikāyapi ekaṭṭhikassapi etaṃ adhivacanaṃ. Imāni ca pana uddhumātakādīni nissāya uppannamittānampi nimittesu paṭiladdhajjhānānampi eṭāneva nāmāni. Idha pana uddhumātakanimittē paṭikūlakāragāhikā appanāvasena uppannā saññā uddhumātakasaññā, tassā uddhumātakasaññāya vasena **uddhumātakasaññāvasena**. Sesesupi eseva nayo. **Pañcapaññāsa samādhīti** ekakādivasena vuttā.

44. Evaṃ ekakādivasena samādhippabhedam dassetvā idāni aññenapi pariyāyena samādhim dassetukāmo **apicāti** aññam pariyāyārambhaṃ dassetvā **pañcavīsati**-ādimāha. Tattha **samādhissa samādhīṭṭhāti** samādhissa samādhībhave sabhāvā, yehi sabhāvehi so samādhi hoti, te tasmim atthā nāma. **Pariggahaṭṭhena samādhīti** saddhādīhi indriyehi pariggahitattā tasmā pariggahitasabhāvena samādhi. Tāneva ca indriyāni aññamaññaparivārāni honti, bhāvanāparipūriyā paripuṇṇāni ca honti. Tasmā **parivāraṭṭhena paripūraṭṭhena samādhi**. Tesāmyeva samādhivasena ekārammaṇamapekkhitvā **ekaggaṭṭhena**, nānārammaṇavikkhepābhāvamapekkhitvā **avikkhepaṭṭhena**, lokuttarasseva mahatā

1. Hatthā (Sī, Syā)

2. Pādā (Sī, Syā)

3. Puḷavchi (Ka)

vīriyabalapaggahena¹ pattabbattā lokuttaramaggasseva ca parihānivasena visārābhāvato heṭṭhā gahitapaggahaṭṭha-avisāraṭṭhā² idha na gahitāti veditabbā. Kilesakālussiyassābhāvena **anāvilatṭhena samādhi**. Avikampattā **aniñjanaṭṭhena samādhi**. Vikkhambhanavasena samucchedavasena vā kilesehi vimuttattā ārammaṇe ca adhimuttattā **vimuttaṭṭhena samādhi**.

Ekattupaṭṭhānavasena cittassa ṭhitattāti samādhiyogeneva ekārammaṇe bhusam̐ patiṭṭhānavasena cittassa ārammaṇe niccalabhāvena patiṭṭhitattā. Aṭṭhasu yugalesu esati nesati, ādiyati nādiyati, paṭipajjati na paṭipajjatīti imāni tīṇi yugalāni appanāvīthito pubbabhāge upacārassa mudumajjhādhimattatāvasena vuttānīti veditabbāni, jhāyati jhāpetīti idaṃ appanāvīthiyaṃ upacāravasena veditabbāṃ. Esitattā nesitattā, ādinnattā anādinnattā, paṭipannattā nappaṭipannattā, jhātattā na jhāpitattāti imāni cattāri yugalāni appanāvasena vuttānīti veditabbāni.

Tattha **samaṃ esatīti samādhīti**-ādīsu **samanti** appannaṃ. Sā hi paccanīkadhamme sameti nāsetīti samā, paccanīkavisamābhāvato vā samabhūtāti samā. Taṃ samaṃ esati ajjhāsayavasena gavesati. **Itisaddo** kāraṇattho, yasmā samaṃ esati, tasmā samādhīti attho. **Visamaṃ nesatīti** taṃ taṃ jhānapaccanīkasankhātāṃ visamaṃ na esati. Mudubhūto hi pubbabhāgasamādhī ādibhūtattā **samaṃ esati, visamaṃ nesati** nāma. Majjhimabhūto thirabhūtattā **samaṃ ādiyati, visamaṃ nādiyati** nāma. Adhimattabhūto appanāvīthiyā āsannabhūtattā **samaṃ paṭipajjati, visamaṃ nappaṭipajjati** nāma. **Samaṃ jhāyatīti** bhāvanapuṃsakavacanaṃ, samaṃ hutvā jhāyati, samena vā ākārena jhāyatīti attho. Appanāvīthiyaṃ hi samādhī paccanīkadhammavigamena santattā, santāya appanāya anukūlabhāvena ca ṭhitattā samenākārena pavattati. **Jhāyatīti** ca pajjalatīti attho “ete maṇḍalamāḷe dīpā jhāyanti³ sabbarattim, sabbarattiyō ca telappadīpo jhāyati, telappadīpo cettha jhāyeyyā”ti-ādīsu⁴ viya. Samaṃ jāyatītipi

1. Vīriyabalapariggahena (Sabbattha)

2. Gahitapariggahaṭṭha... (Sabbattha)

3. Dī 1. 47 piṭṭhe.

4. Sam̐ 2. 414, 416 piṭṭhesu.

pāṭho, samenākārena uppajjatīti attho. Jhāyati jhāpetīti yugalattā pana purimapāṭhova sundarataro. **Jhāpetīti** ca dahatīti attho. So hi samādhipaccanīkadhamme dūratarakaraṇena dahati nāma. Esanānesanādīnaṃ pana appanāya siddhattā “esitattā nesitattā”ti-ādīhi appanāsamādhi vutto. **Samaṃ jhātattāti** samaṃ jalitattā. Samaṃ jātattātipi pāṭho. Iti imesaṃ aṭṭhannaṃ yugalānaṃ vasena soḷasa, purimā ca navāti ime pañcavīsati samādhissa samādhiṭṭhā.

Samo ca hito ca sukho cāti samādhīti idaṃ pana pañcavīsatiyā ākārehi sādhitassa samādhissa atthasādhanatthaṃ vuttaṃ. Tattha **samoti** samasaddassa, saṃsaddassa vā attho. So hi paccanīkakkhobhavisama-virahitattā samo. **Hitoti** ādhisaddassa attho, ārammaṇe āhito niccalabhāvakaraṇena patiṭṭhāpitoti adhippāyo. Ubhayena samo ca āhito cāti samādhīti vuttaṃ hoti. **Sukhoti** santaṭṭhena sukho. “Yāyaṃ bhante adukkhamasukhā vedanā, santasmiṃ esā paṇīte sukhe vuttā Bhagavatā”ti¹ ca “upekkhā pana santattā, sukhamicceva bhāsītā”ti ca vuttattā tena santatthena sukhasaddena upekkhāsahagatasamādhipi gahito hoti. Aniyāmena hi sabbasamādhayo idha vuccanti. Tena ca sukhasaddena āhitabhāvassa kāraṇaṃ vuttaṃ hoti. Yasmā santo, tasmā ekārammaṇe āhitoti adhippāyo veditabboti.

Samādhībhāvanāmayañāṇaniddesavaṇṇanā niṭṭhitā.

4. Dhammaṭṭhitiñāṇaniddesavaṇṇanā

45. Dhammaṭṭhitiñāṇaniddese **avijjāsaṅkhārānaṃ uppādaṭṭhīti**ti-ādīsu tiṭṭhanti etāya saṅkhārāti ṭhīti. Kā sā? Avijjā. Sā hi saṅkhārānaṃ uppādāya nibbattiyā ṭhīti kāraṇanti **uppādaṭṭhīti**. Uppannānaṃ pavattiyāpi kāraṇanti **pavattaṭṭhīti**. Kiñcāpi hi janakapaccayassa janakkhaṇeyeva kiccānubhāvo hoti, tena pana janitānaṃyeva pavattattā sakakkhaṇe pavattiyāpi kāraṇaṃ nāma hoti, santativasena vā pavattiyā kāraṇanti

1. Ma 2. 59 piṭṭhe.

attho. **Pavattanti** ca napuṃsake bhāvavacanametam, tasmā pavattam pavattīti atthato ekaṃ. Pavattisaddassa pana pākaṭṭā tena yojetvā attho vutto. Bhāvepi ṭhitisaddassa sijjhanato na idha bhāve ṭhitisaddo, kāraṇe ṭhitisaddoti dassanattam **nimittaṭṭhīti** vuttam, nimittabhūtāṭṭhīti attho, kāraṇabhūtāti vuttam hoti. Na kevalam nimittamattam hoti, atha kho saṅkhārajanane sabyāpārā viya hutvā āyūhati vāyamatīti paccayasamatthataṃ dassento **āyūhanatṭhīti** āha, āyūhanabhūtā ṭhīti attho. Yasmā avijjhā saṅkhāre uppādayamānā uppāde saṃyojeti nāma, ghaṭetīti attho, saṅkhāre pavattayamānā pavattiyam palibundhati¹ nāma, bandhatīti² attho, tasmā **saññogaṭṭhīti palibodhaṭṭhīti** vuttā, saññogabhūtā ṭhīti, palibodhabhūtā ṭhīti attho. Yasmā avijjāva saṅkhāre uppādayamānā uppādāya pavattiyā ca mūlakāraṇaṭṭhena samudayo nāma, samudayabhūtā ṭhīti **samudayaṭṭhīti**, mūlakāraṇabhūtā ṭhīti attho. Avijjāva saṅkhārānam uppāde janakapaccayattā, pavattiyam upatthambhakapaccayattā **hetuṭṭhīti paccayaṭṭhīti** vuttā, hetubhūtā ṭhīti, paccayabhūtā ṭhīti attho. Janakapaccayo hi hetūti, upatthambhako paccayoti vuccati. Evaṃ sesesupi yojetabbanam.

Bhavo jātiyā, jāti jarāmarañassāti ettha pana uppādaṭṭhīti saññogaṭṭhīti hetuṭṭhīti uppādavasena yojitāni padāni jātijarāmarānavantānam khandhānam vasena pariyaēyena vuttānīti veditabbāni. Keci pana “uppādāya ṭhīti uppādaṭṭhīti”ti evamādinā nāyenettha attham vaṇṇayanti. **Avijjāpaccayoti** avijjāya saṅkhārānam paccayabhāvam apekkhitvā vuttam. Avijjāyapi paccayasambhūtattā tassā api paccayapariggahaṇadassanattam **ubhopete dhammā paccayasamuppānāti paccayapariggahe paññāti** vuttam. Evaṃ sesesupi yojetabbanam. **Jāti paccayo, jarāmarānam paccayasamuppānanti** pana pariyaēyena vuttam. **Atītampi addhānanti** atikkantampi kālam. **Anāgatampi addhānanti** appattampi kālam. Ubhayatthāpi accantasāmyogathe upayogavacanam.

46. Idāni navākāravārānantaram te navākāre vihāya hetupaṭiccapaccayapadeheva yojetvā **avijjā hetu, saṅkhārā**

1. Palibujjhati (Sī)

2. Ganthatīti (Ka)

hetusamuppannāti-ādayo tayo vārā niddiṭṭhā. Navākāravāre janaka-upatthambhakavasena paccayo vutto. Idha pana hetuvārassa paccayavārassa ca visum āgatattā **hetū**ti janakapaccayattam, **paccayoti** upatthambhakapaccayattam veditabban ekekassāpi avijjādikassa paccayassa ubhayathā sambhavato. Paṭiccavāre **avijjā paṭiccā**ti attano uppāde saṅkhārānaṃ avijjāpekkhattā saṅkhārehi avijjā paṭimukhaṃ etabbā gantabbāti paṭiccā. Etena avijjāya saṅkhārappādanasamatthatā vuttā hoti. **Saṅkhārā paṭiccasamuppannā**ti saṅkhārā avijjā paṭicca tadabhimukhaṃ pavattanato paṭimukhaṃ katvā na vihāya samaṃ uppannā. Evaṃ sesesupi liṅgānurūpena yojetabban. Avijjā paṭiccāti ussukkavasena vā pāṭho, attho panettha avijjā attano paccaye paṭicca pavattāti pāṭhasesavasena yojetabbo. Evaṃ sesesupi. Catūsupi ca etesu vāresu dvādasannaṃ paṭiccasamuppādaṅgānaṃ paccayasseva vasena dhammaṭṭhitiñāṇassa niddisitabbattā avijjādināṃ ekādasannaṃyeva aṅgānaṃ vasena dhammaṭṭhitiñāṇaṃ niddiṭṭhaṃ, jarāmaṇassa pana ante ṭhitattā tassa vasena na niddiṭṭhaṃ. Jarāmaṇassāpi sokaparidevadukkhadomanassupāyāsānaṃ paccayattā jarāmaṇaṃ tesam paccayaṃ katvā upaparikkhamānassa tassāpi jarāmaṇassa vasena dhammaṭṭhitiñāṇaṃ yujjateva.

47. Idāni tāneva dvādasa paṭiccasamuppādaṅgāni vīsati-ākāravasena vibhajitvā catusaṅkhepatiyaddhatisandhiyo dassetvā dhammaṭṭhitiñāṇaṃ niddisitikāmo **purimakammabhavasminti**-ādimāha. Tattha **purimakammabhavasminti** purime kammabhave, atītajātiyaṃ kammabhave kariyamāneti attho. **Moho avijjā**ti yo tadā dukkhādīsu moho, yena mūlho kammaṃ karoti, sā avijjā. **Āyūhanā saṅkhārā**ti taṃ kammaṃ karontassa purimacetanāyo, yathā “dānaṃ dassāmī”ti cittaṃ uppādetvā māsampi saṃvaccharampi dānūpakaraṇāni sajjentassa uppannā purimacetanāyo. Paṭiggāhakānaṃ pana hatthe dakkhiṇaṃ paṭiṭṭhāpayato cetanā bhavoti vuccati. Ekāvajjanesu vā chasu javanesu cetanā āyūhanā saṅkhārā nāma, sattamajavane cetanā bhavo. Yā kāci vā pana cetanā bhavo, taṃsampayuttā āyūhanā saṅkhārā nāma. **Nikanti taṇhā**ti yā kammaṃ karontassa tassa phale upapattibhave nikāmanā patthanā, sā taṇhā nāma. **Upagamaṇaṃ upādānanti** yaṃ kammabhavassa paccayabhūtaṃ “imasmim nāma kamme kate

kāmā sampajjantī”ti vā “idaṃ katvā asukasmim nāma ṭhāne kāma sevissāmi”ti vā “attā ucchinno su-ucchinno hotī”ti vā “sukhī hoti¹ vigatapariḷāho”ti vā “sīlabbatam sukkena paripuratī”ti vā pavattam upagamanam dalhagahaṇam, idaṃ upādānam nāma. **Cetanā bhavoti** āyūhanāvasāne vuttā cetanā bhavo nāma. **Purimakammabhavasminti** atītajātiyā kammabhavave kariyamāne pavattā. **Idha paṭisandhiyā paccayāti** paccuppannapaṭisandhiyā paccayabhūtā.

Idha paṭisandhi viññāṇanti yaṃ paccuppannabhavassa bhavantarapaṭisandhānavasena uppannattā paṭisandhīti vuccati, taṃ viññāṇam. **Okkanti nāmarūpanti** yā gabbhe rūpārūpadhammānam okkanti āgantvā pavisanam viya, idaṃ nāmarūpam. **Pasādo āyatananti** yo pasannabhāvo, idaṃ āyatanam. Jātiggaṇena ekavacanam katam. Etena cakkhādāni pañcāyatanāni vuttāni. “Pabhassaramidaṃ bhikkhave cittam, tañca kho āgantukehi upakkilesehi upakkiliṭṭhan”ti² ettha bhavaṅgacittam adhippetanti vacanato idhāpi manāyatanassa vipākabhūtattā, tassa ca kilesakālussiyābhāvena pasannattā pasādavacanena manāyatanampi vuttanti veditabbam. **Phuṭṭho phassoti** yo ārammaṇam phuṭṭho phusanto uppanno, ayam phasso. **Vedayitam vedanāti** yaṃ paṭisandhiviññāṇena vā saḷāyatanapaccayena vā phassena saha uppannam vipākavedayitam, ayam vedanā. **Idhupapattibhavasmiṃ purekatassa kammassa paccayāti** paccuppanne vipākabhavave atītajātiyam katassa kammassa paccayena pavattantīti attho.

Idha paripakkattā āyatanānanti paripakkāyatanassa kammakaraṇakāle mohādayo dassitā. **Āyatim paṭisandhiyāti** anāgate paṭisandhiyā. **Āyatim paṭisandhi viññāṇanti** ādāni vuttatthāni.

Katham pana dvādasahi paṭiccasamuppādaṅgehi ime vīsati ākārā gahitā hontīti? Avijjā saṅkhārāti ime dve atītahetuyo sarūpato vuttā. Yasmā pana avidvā paritassati, paritassito upādiyati, tassupādānapaccayā bhavo, tasmā tehi dvīhi gahitehi taṅhupādānabhavāpi gahitāva honti. Paccuppanne viññāṇanāmarūpasalāyatanaphassavedanā sarūpato vuttāyeva. Taṅhupādānabhavā paccuppannahetuyo

1. Sukhīti (Syā)

2. Am 1. 9 piṭṭhe.

sarūpato vuttā. Bhave pana gahite tassa pubbabhāgā taṁsampayuttā vā saṅkhārā gahitāva honti, taṇhupādānaggahaṇena ca taṁsampayuttā. Yāya vā mūlho kammaṁ karoti, sā avijjā gahitāva hoti. Anāgate jāti jarāmaṇanti dve sarūpena vuttāni, jātijarāmaṇaggahaṇeneva pana viññāṇādīni pañca anāgataphalāni gahitāneva honti. Tesāmyeva hi jātijarāmaṇānīti evaṁ dvādasahi aṅgehi vīsati ākārā gahitā honti.

“Atīte hetavo¹ pañca, idāni phalapañcakaṁ.

Idāni hetavo¹ pañca, āyatim phalapañcakan”ti—

gāthāya ayamevattho vutto. **Itimeti** iti ime. Iti imeti vā pāṭho.

Catusaṅkhepeti caturo rāsī. Atīte pañca hetudhammā eko hetusaṅkhepo, paccuppanne pañca phaladhammā eko phalasaṅkhepo, paccuppanne pañca hetudhammā eko hetusaṅkhepo, anāgate pañca phaladhammā eko phalasaṅkhepo.

Tayo addheti tayo kāle. Paṭhamapañcakavasena atītakālo, dutiyatatiyapañcakavasena paccuppannakālo, catutthapañcakavasena anāgatakālo veditabbo.

Tisandhinti tayo sandhayo assāti tisandhi, taṁ tisandhim. Atītahetupaccuppannaphalānamantarā eko hetuphalasandhi, paccuppannaphala-anāgatahetūnamantarā eko phalahetusandhi, paccuppannahetu-anāgataphalānamantarā eko hetuphalasandhi.

Paṭiccasamuppādapāḷiyaṁ sarūpato āgatavasena pana avijjāsaṅkhārā eko saṅkhepo, viññāṇanāmarūpasalaḷāyatanaphassavedanā dutiyo, taṇhupādānabhavā tatiyo, jātijarāmaṇaṁ catuttho. Avijjāsaṅkhārāti dve aṅgāni atītakālāni, viññāṇādīni bhavāvasānāni aṭṭha paccuppannakālāni, jātijarāmaṇanti dve anāgatakālāni. Saṅkhāraviññāṇaṁ antarā eko hetuphalasandhi, vedanātaṇhānamantarā eko phalahetusandhi, bhavajātīnamantarā eko hetuphalasandhi.

Vīsatiyā ākārehiti vīsatiyā koṭṭhāsehi. Catusaṅkhepe ca tayo addhe ca tisandhim paṭiccasamuppādañca vīsatiyā ākārehi jānātīti sambandho.

Jānātīti sutānusārena bhāvanārambhañāṇena jānāti. **Passatīti** nātameva cakkhunā diṭṭham viya hatthatale āmalakaṃ viya ca phuṭam katvā nāṇeneva passati. **Aññātīti** diṭṭhamariyādeneva āsevanam karonto nāṇeneva jānāti. Mariyādattho ho ettha ākāro. **Paṭivijjhatīti** bhāvanāpāripūriyā niṭṭham pāpento nāṇeneva paṭivedham karoti. Salakkhaṇavasena vā jānāti, sarasavasena passati, paccupaṭṭhānavasena aññāti, padaṭṭhānavasena paṭivijjhati.

Tattha **paṭiccasamuppādoti** paccayadhammā veditabbā. **Paṭiccasamuppannā dhammā**ti tehi tehi paccayehi nibbattadhammā. Kathamidam jānitabbanti ce? Bhagavato vacanena. Bhagavatā hi paṭiccasamuppādapāṭiccasamuppannadhammadesanāsutte—

“Katamo ca bhikkhave paṭiccasamuppādo, jātipaccayā bhikkhave jarāmaṇam, uppādā vā Tathāgatānam anuppādā vā Tathāgatānam ṭhitāva sā dhātu dhammaṭṭhitatā dhammaniyāmatā idappaccayatā, tam Tathāgato abhisambujjhati abhisameti, abhisambujjhitvā abhisametvā ācikkhati deseti paññāpeti paṭṭhapeti vivarati vibhajati uttānīkaroti ‘passathā’ti cāha. Jātipaccayā bhikkhave jarāmaṇam, bhavapaccayā bhikkhave jāti -pa-avijjāpaccayā bhikkhave saṅkhārā. Uppādā vā Tathāgatānam -pa-uttānīkaroti ‘passathā’ti cāha. Avijjāpaccayā bhikkhave saṅkhārā. Iti kho bhikkhave yā tatra tathatā avitathatā anaññathatā idappaccayatā. Ayam vuccati bhikkhave paṭiccasamuppādo”ti¹—

evam paṭiccasamuppādam desentena tathatādīhi vevacanehi paccayadhammāva paṭiccasamuppādoti vuttā. Tasmā jarāmaṇādīnam paccayalakkhaṇo paṭiccasamuppādo, dukkhānubandhanaraso kummaggapaccupaṭṭhāno, ayampi sapaccayattā attano visesapaccayapadaṭṭhāno.

1. Sam 1. 264 piṭṭhe.

Uppādā vā anuppādā vāti uppāde vā anuppāde vā, Tathāgatesu uppannesupī anuppannesupīti attho. **Ṭhitāva sā dhātūti** ṭhitova so paccayasabhāvo, na kadāci jātijarāmarāṇassa paccayo na hotīti attho. **Dhammaṭṭhitatā dhammaniyāmatā idappaccayatāti** jātipaccayoyeva. Jātipaccayena hi jarāmarāṇasaṅkhāto paccayasamuppannadhammo tadāyattatāya tiṭṭhati, jātipaccayova jarāmarāṇadhammaṃ niyāmeti, tasmā jāti “dhammaṭṭhitatā dhammaniyāmatā”ti vuccati. Jātiyeva imassa jarāmarāṇassa paccayoti idappaccayo, idappaccayova **idappaccayatā**. **Tanti** taṃ paccayaṃ. **Abhisambujjhatīti** ñāṇena abhisambujjhati. **Abhisametīti** ñāṇena abhisamāgacchati. **Ācikkhatīti** katheti. **Desetīti** dasseti. **Paññāpetīti** jānāpeti. **Paṭṭhepetīti** ñāṇamukhe ṭhapeti. **Vivaratīti** vivaritvā dasseti. **Vibhajatīti** vibhāgato dasseti. **Uttānikarotīti** pākāṭaṃ karoti. **Iti khoti** evaṃ kho. **Yā tatrāti** yā tesu “jātipaccayā jarāmarāṇaṃ”ti-ādīsu. So pañāyaṃ paṭiccasamuppādo tehi tehi paccayehi anūnādhikeheva tassa tassa dhammassa sambhavato **tathatāti**, sāmaggim upāgatesu paccayesu muhuttampi tato nibbattanadhammānaṃ asambhavābhāvato **avitathatāti**, aññadhammapaccayehi aññadhammānuppattito **anaññathatāti**, yathāvuttānaṃ etesaṃ jarāmarāṇādīnaṃ paccayato vā paccayasamūhato vā **idappaccayatāti** vutto. Tatrāyaṃ vacanatto—imesaṃ paccayā idappaccayā, idappaccayā eva idappaccayatā, idappaccayānaṃ vā samūho idappaccayatā. Lakkhaṇaṃ panettha saddasatthato veditabbanti.

Dhammaṭṭhitiñāṇaniddesavaṇṇanā niṭṭhitā.

5. Sammasanañāṇaniddesavaṇṇanā

46. Sammasanañāṇaniddese **yaṃ kiñcīti** anavaśesapariyādānaṃ. **Rūpanti** atippasaṅganiyamaṇaṃ. Evaṃ padadvayenāpi rūpassa asesapariggaho kato hoti. Athassa atītādīnā vibhāgaṃ ārabhati. Taṃ hi kiñci atītaṃ kiñci anāgatādibhedanti. Esa nayo vedanādīsūpi. Tattha rūpaṃ tāva addhāsantatisamayakhaṇavasena catudhā atītaṃ nāma hoti, tathā anāgatapaccuppannaṃ. Tattha **addhāvasena** tāva ekassa

ekasmim¹ bhava paṭisandhito pubbe atītaṃ, cutito uddhaṃ anāgataṃ, ubhinnamantare paccuppannaṃ. **Santativasena** sabhāga-eka-utusamuṭṭhānaṃ ekāhārasamuṭṭhānaṃca pubbāpariyabhāvena vattamānampi paccuppannaṃ, tato pubbe visabhāga-utu-āhārasamuṭṭhānaṃ atītaṃ, pacchā anāgataṃ. Cittajaṃ ekavīthi-ekajavana-ekasamāpattisamuṭṭhānaṃ paccuppannaṃ, tato pubbe atītaṃ, pacchā anāgataṃ. Kammasamuṭṭhānassa pāṭiyekkaṃ santativasena atītādibhedo natthi, tesaññeva pana utu-āhāracittasamuṭṭhānaṃ upatthambhanavasena tassa atītādibhāvo veditabbo. **Samayavasena** ekamuhuttapubbaṅhasāyanharattindivādīsu samayesu santānavasena pavattamānaṃ taṃ taṃ samayaṃ paccuppannaṃ nāma, tato pubbe atītaṃ, pacchā anāgataṃ. **Khaṇavasena** uppādādikhaṇattayapariyāpannaṃ paccuppannaṃ, tato pubbe anāgataṃ, pacchā atītaṃ. Apica atikkantahetupaccayakiccaṃ atītaṃ, niṭṭhitahetukiccamaniṭṭhitapaccayakiccaṃ paccuppannaṃ, ubhayakiccamasampattaṃ anāgataṃ. Sakiccakkaṇe vā paccuppannaṃ, tato pubbe anāgataṃ, pacchā-atītaṃ. Ettha ca khaṇādikathāvanipariyāyā sesā sapariyāyā.

Ajjhattanti pañcasupi khandhesu idha niyakajhattaṃ adhippettaṃ, tasmā attano santāne pavattaṃ paṭipuggalikaṃ rūpaṃ ajjhantanti veditabbaṃ. Tato bahibhūtaṃ pana indriyabaddhaṃ vā anindriyabaddhaṃ vā rūpaṃ **bahiddhā** nāma. **Oḷārikanti** cakkhusotaghānajivhākāyarūpasaddagandharasa-phoṭṭhabbasāṅkhātā pathavītejovāyo cāti dvādasavidhaṃ rūpaṃ ghaṭṭanavasena gahetabbato oḷārikaṃ. Sesamā pana āpodhātu itthindriyaṃ purisindriyaṃ jīvitindriyaṃ hadaya vatthu oḷā ākāśadhātu kāyaviññatti vacīviññatti rūpassalahutā mudutā kammaññatā upacayo santati jaratā aniccatāti soḷasavidhaṃ rūpaṃ ghaṭṭanavasena agahetabbato **sukhumaṃ**. **Hīnaṃ vā paṇītaṃ vā**ti ettha hīnapaṇītabhāvo pariyāyato nipariyāyato ca. Tattha Akaniṭṭhānaṃ rūpato sudassīnaṃ rūpaṃ hīnaṃ, tadeva sudassānaṃ rūpato paṇītaṃ. Evaṃ yāva narakasattānaṃ rūpaṃ, tāva pariyāyato hīnapaṇītatā veditabbā. Nipariyāyato pana yattha akusalavipākaṃ uppajjati, taṃ hīnaṃ. Yattha kusalavipākaṃ, taṃ paṇītaṃ. **Yaṃ dūre santike vā**ti ettha yaṃ sukhumaṃ, tadeva duppaṭivijjhasabhāvattā dūre. Yaṃ oḷārikaṃ, tadeva suppaṭivijjhasabhāvattā santike.

1. Ekasmim vā (Sī)

Sabbaṃ rūpaṃ aniccato vavattheti ekaṃ sammasanaṃ, dukkhato vavattheti ekaṃ sammasanaṃ anattato vavattheti ekaṃ sammasanaṃ ettha yaṃ bhikkhu “yaṃ kiñci rūpaṃ”ti evaṃ aniyamaniddiṭṭhaṃ sabbampi rūpaṃ atītattikena ceva catūhi ajjhattādidukehi cāti ekādasahi okāsehi paricchinditvā sabbaṃ rūpaṃ aniccato vavattheti aniccanti sammasati. Kathaṃ? Parato vuttanayena. Vuttaṃ hetuṃ “rūpaṃ atītānāgatapaccuppannaṃ aniccaṃ khayaṭṭhena”ti¹. Tasmā esa yaṃ atītaṃ rūpaṃ, taṃ yasmā atīteyeva khīṇaṃ, nayimaṃ bhavaṃ sampattanti aniccaṃ khayaṭṭhena, yaṃ anāgataṃ rūpaṃ anantarabhava nibbattissati, tampi tattheva khīyissati, na tato paraṃ bhavaṃ gamissatīti aniccaṃ khayaṭṭhena, yaṃ paccuppannaṃ rūpaṃ, taṃ idheva khīyati, na ito gacchatīti aniccaṃ khayaṭṭhena, yaṃ ajjhattaṃ rūpaṃ, tampi ajjhattameva khīyati, na bahiddhābhāvaṃ gacchatīti aniccaṃ khayaṭṭhena, yaṃ bahiddhā oḷārikaṃ sukhumāṃ hīnaṃ paṇītaṃ dūre santike, tampi ettheva khīyati, na dūrabhāvaṃ gacchatīti aniccaṃ khayaṭṭhenaṃti sammasati. Iduṃ sabbampi “aniccaṃ khayaṭṭhena”ti etassa vasena ekaṃ sammasanaṃ, pabhedato pana ekādasavidhaṃ hoti.

Sabbameva cetāṃ dukkhaṃ bhayaṭṭhenaṃti sammasati. **Bhayaṭṭhenaṃti** sappaṭibhayaṭṭhenaṃti. Yaṃ hi aniccaṃ, taṃ bhayāvahaṃ hoti Sīhopamasutte² devānaṃ viya. Iti idampi “dukkhaṃ bhayaṭṭhenaṃ”ti etassa vasena ekaṃ sammasanaṃ, pabhedato pana ekādasavidhaṃ hoti.

Yathā ca dukkhaṃ, evaṃ sabbampi taṃ anattā asāraṭṭhenaṃti sammasati. **Asāraṭṭhenaṃti** “attā nivāsī kāraṇo vedako sayamvasī”ti evaṃ parikkappitassa attasārassa abhāvena. Yaṃ hi aniccaṃ dukkhaṃ, attanopi³ aniccatāṃ vā udayabbayaṭṭhenaṃti vā vāretuṃ na sakkoti, kuto tassa kāraṇādibhāvo. Tenāha “rūpaṅca hidaṃ bhikkhave attā abhavissa, nayidaṃ rūpaṃ ābādāya samvatteyyā”ti-ādi⁴. Iti idampi “anattā asāraṭṭhenaṃ”ti etassa vasena ekaṃ sammasanaṃ, pabhedato pana ekādasavidhaṃ hoti. Eseva nayo vedanādīsu. Iti ekekasmim khandhe ekādasā ekādasā katvā pañcasu khandhe pañcapaññāsa sammasanaṃ honti, aniccato

1. Khu 9. 51 piṭṭhe.

2. Am 1. 342; Sam 2. 70 piṭṭhesu.

3. Taṃ attanopi (Visuddhi 2. 245 piṭṭhe)

4. Vi 2. 18; Sam 2. 55 piṭṭhesu.

pañcapaññāsa, dukkhato pañcapaññāsa, anattato pañcapaññāsāti
tividhānupassanāvasena sabbāni pañcasaṭṭhisatasammasanāni honti.

Keci pana”sabbam rūpam sabbam vedanam sabbam saññam sabbe
saṅkhāre sabbam viññāṇanti padampi pakkhipitvā ekekasmim khandhe
dvādasa dvādasa katvā pañcasu saṭṭhi, anupassanāto asītisatasammasanāni”ti
vadanti.

Atītādivibhāge panettha santativasena khaṇādivasena ca vedanāya
atītānāgatapaccuppanabhāvo veditabbo. Tattha **santativasena** ekavīthi-
ekajavana-ekasamāpattipariyāpanā ekavidhavisayasamāyogappavattā¹ ca
paccuppanā, tato pubbe atītā, pacchā anāgatā. **Khaṇādivasena**
khaṇattayapariyāpanā pubbantāparantamajjhagatā sakiccaṅca kurumānā
vedanā paccuppanā, tato pubbe atītā, pacchā anāgatā.
Ajjhattabahiddhābhedo niyakajhattavaseneva veditabbo.

Oḷārikasukhumabhāvo² “akusalā vedanā oḷārikā, kusalābyākatā vedanā
sukhumā”ti-ādinā³ nayena Vibhaṅge vuttena
jātisabhāvapuggalalokiyalokuttaravasena veditabbo. **Jātivasena** tāva akusalā
vedanā sāvajjakiriyahetuto, kilesasantāpabhāvato ca avūpasantavuttīti
kusalavedanāya oḷārikā, sabyāpārato sa-ussāhato savipākato
kilesasantāpabhāvato sāvajjato ca vipākābyākatāya oḷārikā, savipākato
kilesasantāpabhāvato sabyābajjhato sāvajjato ca kiriyābyākatāya oḷārikā.
Kusalābyākatā pana vuttavipariyāyato akusalāya vedanāya sukhumā. Dvepi
kusalākusalā vedanā sabyāpārato sa-ussāhato savipākato ca yathāyogaṃ
duvidhāyapi abyākatāya oḷārikā, vuttavipariyāyena duvidhāpi abyākatā tāhi
sukhumā. Evaṃ tāva jātivasena oḷārikasukhumatā veditabbā.

Sabhāvavasena pana dukkhā vedanā nirassādato savipphārato
khobhakarāṇato ubbejanīyato abhibhavanato ca itarāhi dvīhi oḷārikā, itarā
pana dve sātato santato paṇītato

1. Ekavīthivisaya... (Visuddhi 2. 104 piṭṭhe)

2. Oḷārikasukhumabhedo (Visuddhi 2. 104 piṭṭhe)

3. Abhi 2. 4 piṭṭhe.

manāpato majjhata ca yathāyogaṃ dukkhāya sukhumā. Ubho pana sukhadukkhā savipphārato ubbejanīyato khobhakarāṇato pākaṭato ca adukkhamasukhāya oḷārikā, sā vuttavipariyāyena tadubhayato sukhumā. Evaṃ sabhāvavasena oḷārikasukhumatā veditabbā.

Puggalavasena pana asamāpannessa vedanā nānārammaṇe vikkhittabhāvato samāpannessa vedanāya oḷārikā, vipariyāyena itarā sukhumā. Evaṃ puggalavasena oḷārikasukhumatā veditabbā.

Lokiyalokuttaravasena pana sāsavā vedanā lokiyā, sā āsavuppattihetuto oghaniyato yoganiyato ganthaniyato nīvaraṇiyato upādāniyato saṃkilesikato puthujjanasādhāraṇato ca anāsavāya oḷārikā, anāsavā ca vipariyāyena sāsavāya sukhumā. Evaṃ lokiyalokuttaravasena oḷārikasukhumatā veditabbā.

Tattha jāti-ādivasena sambhedo pariharitabbo. Akusalavipākakāyaviññāṇasampayuttā hi vedanā jātivasena abyākatattā sukhumāpi samānā sabhāvādivasena oḷārikā hoti. Vuttañhetam—

“Abyākatā vedanā sukhumā, dukkhā vedanā oḷārikā. Samāpannessa vedanā sukhumā, asamāpannessa vedanā oḷārikā. Anāsavā vedanā sukhumā, sāsavā vedanā oḷārikā”¹.

Yathā ca dukkhā vedanā, evaṃ sukhādayopi. Tāpi hi jātivasena oḷārikā, sabhāvādivasena sukhumā honti. Tasmā yathā jāti-ādivasena sambhedo na hoti, tathā vedanānam oḷārikasukhumatā veditabbā. Seyyathidaṃ, abyākatā jātivasena kusalākusalāhi sukhumā. Tattha katamā abyākatā? Kim dukkhā? Kim sukhā? Kim samāpannessa? Kim asamāpannessa? Kim sāsavā? Kim anāsavā? Evaṃ sabhāvādibhedo na parāmasitabbo. Esa nayo sabbattha.

Apica “taṃ taṃ vā pana vedanaṃ upādāyupādāya vedanā oḷārikā sukhumā daṭṭhabbā”¹ vacanato akusalādisupi lobhasahagatāya

1. Abhi 2. 4 piṭṭhe.

dosahagatā vedanā aggi viya nissayadahanato oḷārikā, lobhasahagatā sukhumā. Dosahagatāpi niyatā oḷārikā, aniyatā sukhumā. Niyatāpi kappatṭhitikā oḷārikā, itarā sukhumā. Kappatṭhitikāsupi asaṅkhārikā oḷārikā, itarā sukhumā. Lobhasahagatā pana diṭṭhisampayuttā oḷārikā, itarā sukhumā. Sāpi niyatā kappatṭhitikā asaṅkhārikā oḷārikā, itarā sukhumā. Avisesena ca akusalā bahuvipākā oḷārikā, appavipākā sukhumā. Kusalā pana appavipākā oḷārikā, bahuvipākā sukhumā.

Apica kāmāvacarakusalā oḷārikā, rūpāvacarā sukhumā. Tato arūpāvacarā, tato lokuttarā. Kāmāvacarā ca dānamayā oḷārikā, sīlamayā sukhumā. Sīlamayāpi oḷārikā, tato bhāvanāmayā sukhumā. Bhāvanāmayāpi duhetukā oḷārikā, tihetukā sukhumā. Tihetukāpi asaṅkhārikā oḷārikā, asaṅkhārikā sukhumā. Rūpāvacarā ca paṭhamajjhānikā oḷārikā -pa- pañcamajjhānikā sukhumāva. Arūpāvacarā ca ākāśānañcāyatanasampayuttā oḷārikā -pa- nevaśāññānāśāññāyatanasampayuttā sukhumāva. Lokuttarā ca sotāpattimaggasampayuttā oḷārikā -pa- arahattamaggasampayuttā sukhumāva. Esa nayo taṃtaṃbhūmivipākakiriyāvedanāsu dukkhādi-asamāpannādisāsavādivasena vuttavedanāsu ca. Okāsavasena vāpi niraye dukkhā oḷārikā, tiracchānāyoniyāṃ sukhumā -pa- Paranimmitavasavattīsu sukhumāva. Yathā ca dukkhā, evaṃ sukhāpi sabbattha yathānurūpaṃ yojetabbā. Vatthivasena cāpi hīnavatthukā yā kāci vedanā oḷārikā, pañītavatthukā sukhumā. Hīnapañītabhede yā oḷārikā, sā hīnā. Yā ca sukhumā, sā pañītāti daṭṭhabbā.

Dūrasantikapade pana “akusalā vedanā kusalābyākātāhi vedanāhi dūre, akusalā vedanā akusalāya vedanāya santike”¹ti-ādīnā¹ nayena Vibhaṅge vibhattā. Tasmā akusalā vedanā visabhāgato asaṃsaṭṭhato asarikkhato ca kusalābyākātāhi dūre, tathā kusalābyākātā akusalāya. Esa nayo sabbavāresu.

1. Abhi 2. 4 piṭṭhe.

Akusalā pana vedanā sabhāgato saṁsaṭṭhato sarikkhato ca akusalāya santiketī idam vedanāya atītādivibhāge vitthārakathāmukham.
Tamtamvedanāsampayuttānam pana saññādīnampi etaṁ evameva veditabban.

Ye panettha vedanādīsū **cakkhu -pa- jarāmarañanti** peyyālena saṅkhittesu ca dhammesu lokuttaradhammā āgatā, te asammasanūpagattā imasmim adhikārena na gahetabbā. Te pana kevalam tena tena padena saṅgahitadhammadassanavasena ca abhiññeyyaniddese āgatanayena ca vuttā. Yepi ca sammasanūpagā, tesu ye yassa pākaṭā honti, sukkena pariggahaṁ gacchanti, tesu tena sammasanam ārabhitabban.
Jātijarāmarāṇavasena visum sammasanābhāvepi jātijarāmarāṇavantesuyeva pana sammasitesu tānipi sammasitāni hontīti pariyāyena tasampi vasena sammasanam vuttanti veditabban. **Atītānāgatapaccuppannam aniccato vavattethīti**-ādīnā nayena atītattikasēva ca vasena sammasanassa vuttattā ajjhattādibhedam anāmasitvāpi atītattikasēva vasena paricchinditvāpi aniccādito sammasanam kātabbameva.

Yam pana aniccam, tam yasmā niyamato saṅkhatādibhedam hoti, tenassa pariyāyadassanattham, nānākārehi vā manasikārappavattidassanattham **rūpam atītānāgatapaccuppannam aniccam saṅkhatanti**-ādīmāha. Tam hi hutvā abhāvattihena **aniccam**, aniccantikātāya ādi-antavantatāya vā aniccam. Paccayehi samāgantvā katattā **saṅkhatam**. Paccaye paṭicca nissāya samam, saha vā uppannattā **paṭiccasamuppannam**. Etena paccayehi katepi paccayānam abyāpāratam dasseti. **Khayadhammanti** khīyanadhammam khīyanapakatikan. **Vayadhammanti** nassanadhammam. Nayidam mandībhāvakkhayavasena khayadhammam, kevalam vigamanapakatikan. Pahūtassa mandībhāvopi hi loke khayoti vuccati. **Virāgadhammanti** nayidam kuhiñci gamanavasena vayadhammam, kevalam sabhāvātikkanapakatikan. “Virāgo nāma jigucchanaṁ vā samatikkamo vā”ti hi vuttam. **Nirodhadhammanti** nayidam sabhāvātikkanena punarāvattidhammam, kevalam apunarāvattinirodhena nirujjanapakatikanti purimapurimapaḍassa atthavivaraṇavasena pacchimapacchimapaḍam vuttanti veditabban.

Atha vā ekabhavapariyāpannarūpabhaṅgavasena khayadhammaṃ, ekasantatipariyāpannarūpakkhayavasena vayadhammaṃ, rūpassa khaṇabhaṅgavasena virāgadhammaṃ, tiṇṇampi apunappavattivasena¹ nirodhadhammantipi yojetabbaṃ.

Jarāmarañam aniccanti-ādīsu jarāmarañam na aniccaṃ, aniccasabhāvānaṃ pana khandhānaṃ jarāmarañattā aniccaṃ nāma jātaṃ. Saṅkhatādīsipi eseva nayo. Antarapeyyāle jātiyāpi aniccāditāya eseva nayo.

Jātipaccayā jarāmarāṇanti-ādi² na vipassanāvasena³ vuttaṃ, kevalaṃ paṭiccasamuppādassa ekeka-aṅgavasena saṅkhipitvā vavatthānato sammasanañāṇaṃ nāma hotīti pariyāyena vuttaṃ. Na panetaṃ kalāpasammasanañāṇaṃ dhammaṭṭhitiñāṇameva taṃ hotīti. **Asati jātiyāti** liṅgavipallāso kato, asatiyā jātiyāti vuttaṃ hoti. **Asati saṅkhāresūti** vacanavipallāso kato, asantesu saṅkhāresūti vuttaṃ hoti. **Bhavapaccayā jāti**, **asatīti**-ādi “bhavapaccayā jāti, asati bhava natthi jāti”ti-ādinā nayena yojetabbaṃ.

Sammasanañāṇaniddesavaṇṇanā niṭṭhitā.

6. Udayabbayañāṇaniddesavaṇṇanā

49. Idāni anantaraṃ vuttassa sammasanañāṇassa nānāyehi bhāvanāthirakaraṇena pāraṃ gantvā ṭhitena aniccādito diṭṭhe saṅkhāre udayabbayena paricchinditvā aniccādito vipassanattaṃ vuttassa udayabbayānupassanāñāṇassa niddese **jātaṃ rūpanti**-ādīsu santativasena yathāsakaṃ paccayehi nibbattaṃ rūpaṃ. **Tassa** jātassa rūpassa **nibbattilakkhaṇaṃ** jātiṃ uppādaṃ abhinavākāraṃ **udayoti**, **vipariṇāmalakkhaṇaṃ** khayaṃ bhaṅgaṃ **vayoti**, **anupassanā** punappunanaṃ nisāmanā, udayabbayānupassanāñāṇanti attho. Vedanādīsipi eseva nayo. Jātijarāmarāṇavantaṇāmyeva udayabbayassa pariggahetabbattā jātijarāmarāṇaṃ udayabbayābhāvato jātijarāmarāṇaṃ anāmasitvā **jātaṃ cakkhu -pa- jāto bhavoti** peyyālaṃ kataṃ. So evaṃ pañcannaṃ khandhānaṃ

1. Apunappunaruppattivasena (Sī), apunappunappattivasena (Syā)

2. Jarāmarāṇanti-ādīsu (Sī, Ka)

3. Vipassanāvasena (Sī, Syā)

udayabbayaṃ passanto evaṃ jānāti “imesaṃ khandhānaṃ uppattito pubbe anuppannānaṃ rāsi vā nicayo vā natthi, uppajjamānānampi rāsito vā nicayato vā āgamaṃ nāma natthi, nirujjhamānānampi disāvidisāgamaṃ nāma natthi, niruddhānampi ekasmiṃ ṭhāne rāsito nicayato nidhānato avaṭṭhānaṃ nāma natthi. Yathā pana vīṇāya vādiyamāyā uppannassa saddassa neva uppattitopubbe sannicayo atthi, na uppajjamāno sannicayato āgato, na nirujjhamānassa disāvidisāgamaṃ atthi, na niruddho katthaci sannicito tiṭṭhati, atha kho vīṇāṇca upavīṇāṇca purisassa ca tajarā vāyāmaṃ paṭicca ahutvā sambhoti, hutvā paṭiveti, evaṃ sabbepi rūpārūpino dhammā ahutvā sambhonti, hutvā paṭiventī”¹.

50. Evaṃ saṅkhepato udayabbayadassanaṃ dassetvā idāni vitthārato dassetuṃ **pañcannaṃ khandhānaṃ udayaṃ passanto kati lakkhaṇāni passatīti**-ādīhi rāsito gaṇanaṃ pucchitvā pañcannaṃ khandhānaṃ udayaṃ passanto **pañcavīsati lakkhaṇāni passatīti**-ādīhi rāsitova gaṇanaṃ vissajjetvā puna **rūpakkhandhassa udayaṃ passanto kati lakkhaṇāni passatīti**-ādīhi vibhāgato gaṇanaṃ pucchitvā **rūpakkhandhassa udayaṃ passanto pañca lakkhaṇāni passatīti**-ādīhi vibhāgato gaṇanaṃ vissajjetvā puna **rūpakkhandhassa udayaṃ passanto katamāni pañca lakkhaṇāni passatīti**-ādīhi lakkhaṇavibhāgaṃ pucchitvā vissajjanaṃ katam.

Tattha **avijjāsamudayā rūpasamudayoti** “purimakammabhavasmim moho avijjā”²ti vuttāya avijjāya sati imasmim bhava rūpassa uppādo hotīti attho. **Paccayasamudayaṭṭhenāti** paccayassa uppannabhāvenāti attho. Avijjātaṇhākammāni cettha idha paṭisandhihetubhūtā atītapaccayā. Imesu ca tīsu gahitesu saṅkhārupādānāni gahitāneva honti. **Āhārasamudayāti** pavattipaccayesu kabalīkārāhārassa balavattā soyeva gahito. Tasmim pana gahite pavattihetubhūtāni utucittānipi gahitāneva honti. **Nibbattilakkhaṇanti** addhāsantatikhaṇavasena rūpassa uppādaṃ, uppādoyeva saṅkhatalakkhaṇattā lakkhaṇanti ca vutto. **Pañca lakkhaṇānīti** avijjā taṇhā kammāhārā nibbatti cāti imāni

1. Paṭiventīti passati (Sabbattha) Visuddhi 2. 266 piṭṭhe pana passitabbaṃ.

pañca lakkhaṇāni. Avijjādayopi hi rūpassa udayo lakkhīyati etetīti lakkhaṇāni. Nibbatti pana saṅkhatalakkhaṇameva, tampi saṅkhatanti lakkhīyati etenāti lakkhaṇam.

Avijjānirodhā rūpanirodhoti anāgatabhavassa paccayabhūtāya imasmim bhava avijjāya arahattamaggañāṇena nirodhe kate paccayābhāvā anāgatassa rūpassa anuppādo nirodho hotīti attho. **Paccayanirodhatthenāti** paccayassa niruddhabhāvenāti attho. Nirodho cettha anāgatapaṭisandhipaccayānaṃ idha avijjātaṇhākammānaṃyeva nirodho. **Āhāranirodhā rūpanirodhoti** pavattipaccayassa kabaḷikārāhārassa abhāve taṃsamuṭṭhānarūpābhāvo hoti. **Vipariṇāmalakkhaṇanti** addhāsantatikhaṇavasena rūpassa bhaṅgam, bhaṅgoyeva saṅkhatalakkhaṇattā lakkhaṇanti vutto. Idha **pañca lakkhaṇānīti** avijjātaṇhākammāhārānaṃ abhāvanirodhā cattāri, vipariṇāmo ekanti pañca. Esa nayo vedanākkhandhādīsu. Ayaṃ pana viseso—arūpakkkhandhānaṃ udayabbayadassanaṃ addhāsantativasena, na khaṇavasena. Phasso vedanāsaññāsāṅkhārakkhandhānaṃ pavattipaccayo, taṃnirodhā ca tesam nirodho. Nāmarūpaṃ viññāṇakkhandhassa pavattipaccayo, taṃnirodhā ca tassa nirodhoti.

Keci paṇāhu “catudhā paccayato udayabbayadassane atītādivibhāgam anāmasitvāva sabbasāmaññavasena avijjādīhi udetīti uppajjamānabhāvamattaṃ gaṇhāti, na uppādam. Avijjādinirodhā nirujjatīti anuppajjamānabhāvamattaṃ gaṇhāti, na bhaṅgam. Khaṇato udayabbayadassane paccuppanānaṃ uppādam bhaṅgam gaṇhāti”ti.

Vipassamāno pana vipassako paṭhamam paccayato udayabbayam manasikarivā vipassanākāle avijjādike caturo dhamme vissajjetvā udayabbayavanteyeva khandhe gahetvā tesam udayabbayam passati. Evañca tassa vipassakassa “evaṃ rūpādīnaṃ udayo, evaṃ vayo, evaṃ rūpādayo u denti, evaṃ ventī”ti paccayato ca khaṇato¹ ca vitthārena udayabbayam passato “iti kira ime dhammā ahutvā sambhonti, hutvā paṭiventī”ti ñāṇam visadataram hoti, saccapaṭiccasamuppādanayalakkhaṇabhedā pākaṭā

1. Lakkhaṇato (Sī, Syā)

honti. Yaṃ hi so avijjādisamudayā khandhānaṃ samudayaṃ avijjādinirodhā ca khandhānaṃ nirodhaṃ passati, idamassa paccayato udayabbayadassanaṃ. Yaṃ pana nibbatilakkhaṇavipariṇāmalakkhaṇāni passanto khandhānaṃ udayabbayaṃ passati, idamassa khaṇato udayabbayadassanaṃ. Uppattikkhaṇeyeva hi nibbatilakkhaṇaṃ, bhaṅgakkhaṇe ca vipariṇāmalakkhaṇaṃ.

Iccassevaṃ paccayato ceva khaṇato ca dvedhā udayabbayaṃ passato paccayato udayadassanena samudayasaccaṃ pākaṭaṃ hoti janakāvabodhato. Khaṇato udayadassanena dukkhasaccaṃ pākaṭaṃ hoti jātidukkhāvabodhato. Paccayato vayadassanena nirodhasaccaṃ pākaṭaṃ hoti jātidukkhāvabodhato. Paccayato vayadassanena nirodhasaccaṃ pākaṭaṃ hoti paccayānuppādena paccayavataṃ anuppādāvabodhato. Khaṇato vayadassanena dukkhasaccameva pākaṭaṃ hoti maraṇadukkhāvabodhato. Yañcassa udayabbayadassanaṃ, maggovāyaṃ lokikoti maggasaccaṃ pākaṭaṃ hoti tatra sammohavighātato.

Paccayato cassa udayadassanena anulomo paṭiccasamuppādo pākaṭo hoti “imasmiṃ sati idaṃ hoti”¹ti avabodhato. Paccayato vayadassanena paṭilomo paṭiccasamuppādo pākaṭo hoti “imassa nirodhā idaṃ nirujjhati”²ti avabodhato. Khaṇato pana udayabbayadassanena paṭiccasamuppānā dhammā pākaṭā honti saṅkhatalakkhaṇāvabodhato. Udayabbayavanto hi saṅkhatā, te ca paṭiccasamuppānāti.

Paccayato cassa udayadassanena ekattanayo pākaṭo hoti hetuphalasambandhena santānassa anupacchedāvabodhato. Atha suṭṭhutamaṃ. Ucchedadiṭṭhiṃ pajahati. Khaṇato udayadassanena nānattanayo pākaṭo hoti navanavānaṃ uppādāvabodhato. Atha suṭṭhutamaṃ sassatadiṭṭhiṃ pajahati. Paccayato cassa udayabbayadassanena abyāpāranayo pākaṭo hoti dhammānaṃ avasavattibhāvāvabodhato. Atha suṭṭhutamaṃ attadiṭṭhiṃ pajahati. Paccayato pana udayadassanena evaṃdhammatānayo pākaṭo hoti paccayānurūpena phalassuppādāvabodhato. Atha suṭṭhutamaṃ akiriyadiṭṭhiṃ pajahati.

1. Ma 1. 329; Saṃ 1. 266; Khu 1. 77 piṭṭhādīsu.

2. Ma 1. 331; Saṃ 1. 266; Khu 1. 78 piṭṭhādīsu.

Paccayato cassa udayadassanena anattalakkhaṇaṃ pākaṭaṃ hoti dhammānaṃ nirīhakattapaccayaapaṭibaddhavuttitāva bodhato. Khaṇato udayabbayadassanena aniccalakkhaṇaṃ pākaṭaṃ hoti hutvā abhāvāvabodhato, pubbantāparantavivekāvabodhato ca. Dukkhalakkhaṇampi pākaṭaṃ hoti udayabbayehi paṭipīḷanāvabodhato. Sabhāvalakkhaṇampi pākaṭaṃ hoti udayabbayaparicchinnāvabodhato. Sabhāvalakhaṇe saṅkhatalakkhaṇassa tāvakālikattampi pākaṭaṃ hoti udayakkhaṇe vayassa, vayakkhaṇe ca udayassa abhāvāvabodhatoti.

Tassevaṃ pākaṭībhūtasaccapaṭiccasamuppādanayalakkhaṇabhedassa “evaṃ kira nāmime dhammā anuppannapubbā uppajjanti, uppannā nirujjhanti”ti niccavāva hutvā saṅkhārā upaṭṭhahanti. Na kevalaṅca niccavāva, sūriyuggamane ussāvabindu viya udakapubbūlo viya udake daṇḍarāji viya āragge sāsapo viya vijjuppādo viya ca parittaṭṭhāyino māyāmarīcisupinanta-alātacakkagandhabbanagaraphenakadali-ādayo viya asārā nissārāti cāpi upaṭṭhahanti. Ettāvatā tena “vayadhammeva uppajjati, uppannaṅca vayaṃ upeti”ti iminā ākārena samapaññāsa lakkhaṇāni paṭivijjhivā ṭhitaṃ udayabbayānupassanā nāma paṭhamāṃ taruṇavipassanāñāṇaṃ adhigataṃ hoti, yassādhigamā “āraddhavipassako”ti saṅkhaṃ gacchati. Imasmiṃ ṅaṇe ṭhitassa obhāsādayo dasa vipassanūpakkilesā uppajjanti, yesaṃ uppattiyā akusalo yogāvacarō tesu maggañāṇasaññī hutvā amaggameva “maggo”ti gaṇhāti, upakkilesajaṭaṭṭito ca hoti. Kusalo pana yogāvacarō tesu vipassanaṃ āropento upakkilesajaṭaṃ vijaṭetvā “ete dhammā na maggo, upakkilesavimuttaṃ pana vīthipaṭipannaṃ vipassanāñāṇaṃ maggo”ti maggaṅca amaggaṅca vavatthapeti. Tassevaṃ maggaṅca amaggaṅca ṅatvā ṭhitaṃ ṅaṇaṃ maggāmaggañāṇadassanavisuddhi nāma.

Ettāvatā ca pana tena catunnaṃ saccānaṃ vavatthānaṃ kataṃ hoti. Kathaṃ? Nāmarūpariggahe sati paccayapariggahasambhavato dhammaṭṭhitiñāṇavacaneneva vuttena diṭṭhivisuddhisāṅkhātena nāmarūpavavatthāpanena¹ dukkhasaccassa vavatthānaṃ kataṃ hoti, kaṅkhāvitaraṇavisuddhisāṅkhātena paccayapariggahaṇena samudayasaccassa vavatthānaṃ, udayabbayānupassanena ca khaṇato udayabbayadassanena

1. Nāmarūpavavatthānena (Sī)

dukkhasaccassa vavatthānaṃ kataṃ, paccayato udayadassanena samudayasaccassa vavatthānaṃ, paccayato vayadassanena nirodhasaccassa vavatthānaṃ, yañcassa udayabbayadassanaṃ, maggovāyaṃ lokikoti tatra sammohavighātato imissañca maggāmaggaññāḍassanavisuddhiyaṃ vipassato sammā maggassa avadhāraṇena maggasaccassa vavatthānaṃ kataṃ. Evaṃ lokiyena tāva ñāḍena catunnaṃ saccānaṃ vavatthānaṃ kataṃ. Evaṃ lokiyena tāva ñāḍena catunnaṃ saccānaṃ vavatthānaṃ kataṃ hotīti.

Udayabbayaññāḍaniddesavaṇṇanā niṭṭhitā.

7. Bhaṅgānupassanāññāḍaniddesavaṇṇanā

51. So udayabbayānupassanāyaṃ ṭhito yogāvacaro maggāmaggavavatthāpanena upakkilesavimuttaṃ vīthipaṭipannaṃ udayabbayānupassanāññāḍaṃ “maggo”ti ñatvā tilakkhaṇasallakhaṇena tasseva maggassa suvisadakaṇaṭṭhaṃ puna udayabbayānupassanaṃ ārabhitvā udayabbayena paricchinne saṅkhāre aniccāḍito vipassati. Evaṃ tassa taṃ ñāḍaṃ tikkhaṃ hutvā vahati, saṅkhārā lahuṃ upaṭṭhahanti, ñāḍe tikkhe vahante saṅkhāresu lahuṃ upaṭṭhahantesu uppādaṃ atikkamitvā bhaṅge eva sati santiṭṭhati. Nirodhādhimuttattā vā udayaṃ pahāya bhaṅgeyeva satim upaṭṭhapeti, etasmiṃ ṭhāne bhaṅgānupassanāññāḍaṃ uppajjati. Idāni tassa ñāḍassa niddese **rūpārammaṇatā cittaṃ uppajjitvā bhijjatīti** rūpārammaṇaṃ cittaṃ uppajjitvā bhijjatīti. Atha vā rūpārammaṇabhāve cittaṃ uppajjitvā bhijjatīti attho. **Taṃ ārammaṇaṃ paṭisaṅkhāti** taṃ rūpārammaṇaṃ paṭisaṅkhāya jānitvā, khayato vayato disvāti attho. **Tassa cittaṃ bhaṅgaṃ anupassatīti** yena cittaṃ taṃ rūpārammaṇaṃ khayato vayato diṭṭhaṃ, tassa cittaṃ aparena cittaṃ bhaṅgaṃ anupassatīti attho. Tenāhu porāṇā “ñāḍaṇca ñāḍaṇca ubho vipassatī”ti. **Cittanti** cettha sasampayuttacittaṃ¹ adhippetāṃ.

Anupassatīti anu anu passati, anekehi ākārehi punappunaṃ passatīti attho. Tenāha **anupassatīti kathaṃ anupassati, aniccato**

1. Sampayuttaṃ cittaṃ (Sī), sampayuttacittaṃ (Syā)

anupassatī-ādi. Tattha yasmā bhaṅgo nāma aniccatāya paramā koṭi, tasmā bhaṅgānupassako yogāvacaro sabbaṃ rūpagataṃ aniccato anupassati, no niccato. Tato aniccassa dukkhattā dukkhassa ca anattattā tadeva dukkhato anupassati, no sukhato. Anattato anupassati, no attato. Yasmā pana yaṃ aniccaṃ dukkhamanattā, na taṃ abhinanditabbaṃ. Yañca na abhinanditabbaṃ, na tattha rajjitabbaṃ. Tasmā esa tasmim̃ bhaṅgānupassanānusārena “aniccaṃ dukkhamanattā”ti diṭṭhe rūpagate nibbindati, no nandati. Virajjati, no rajjati. So evaṃ virajjanto lokikeneva tāva nāṇena rāgaṃ nirodheti, no samudeti, samudayaṃ na karotīti attho. Atha vā so evaṃ viratto yathā diṭṭhaṃ rūpagataṃ, tathā adiṭṭhampi anvayañāṇavasena nirodheti, no samudeti. Nirodhatova manasi karoti, nirodhamevassa passati, no samudayanti attho. So evaṃ paṭipanno paṭinissajjati, no ādiyati. Kim̃ vuttaṃ hoti? Ayampi hi aniccādi-anupassanā tadaṅgavasena saddhim̃ khandhābhisankhārehi kilesānaṃ pariccajanato, saṅkhatadosadassanena ca tabbiparīte nibbāne tanninnatāya pakkhandanato pariccāgapaṭinissaggo ceva pakkhandanapaṭinissaggo cāti vuccati. Tasmā tāya samannāgato bhikkhu yathāvuttena nayena kilese ca pariccajati, nibbāne ca pakkhandati. Nāpi nibbattanavasena kilese ādiyati, na adosadassitāvasena saṅkhatārammaṇaṃ. Tena vuccati **paṭinissajjati, no ādiyatīti**.

52. Idānissa tehi nāṇehi yesaṃ dhammānaṃ pahānaṃ hoti, taṃ dassetuṃ **aniccato anupassanto niccasaññaṃ pajahatīti**-ādi vuttaṃ. Tattha **nandinti** sappītikaṃ taṇhaṃ. **Rāganti** sesaṃ taṇhaṃ. **Samudayanti** rāgassa uppattim̃. Atha vā rūpagatassa udayaṃ. **Ādānanti** nibbattanavasena kilesānaṃ ādānaṃ. Vedanārammaṇatāti-ādīni idha ca heṭṭhā ca vuttanayeneva veditabbāni.

Gāthāsu pana **vattusankamanāti** rūpādīsu ekekassa bhaṅgaṃ disvā puna yena cittena bhaṅgo diṭṭho, tassāpi bhaṅgadassanavasena purimavatthuto aññavatthusankamanā. **Paññāya ca vivatṭanāti** udayaṃ pahāya vaye santiṭṭhanā. **Āvajjanā balañcevāti** rūpādīsu ekekassa bhaṅgaṃ disvā puna bhaṅgārammaṇassa cittassa bhaṅgadassanattamaṃ anantameva āvajjanasamatthatā. **Paṭisaṅkhā**

vipassanāti esā ārammaṇapaṭisaṅkhā bhaṅgānupassanā nāma. **Ārammaṇa-anvayena ubho ekavavatthānā**¹ paccakkhato diṭṭhassa ārammaṇassa anvayena anugamanena yathā idaṃ, tathā atītepi saṅkhāragataṃ bhijji, anāgatepi bhijjissatīti evaṃ ubhinnaṃ ekasabhāvenava vavatthāpananti attho. Vuttampi cetāṃ porāṇehi—

“Saṃvijjamānamhi visuddhadassano,
Tadanvayaṃ neti atītanāgate.
Sabbepi saṅkhāragatā palokino,
Ussāvabindū suriyeva uggate”ti.

Nirodhe adhimuttatāti evaṃ ubhinnaṃ bhaṅgavasena ekavavatthānaṃ katvā tasmimīyeva bhaṅgasaṅkhāte nirodhe adhimuttatā taggarutā tanninnatā tappoṇatā tappabbhāratāti attho. **Vayalakkhaṇavipassanā**ti esā vayalakkhaṇavipassanā nāmāti vuttaṃ hoti. **Ārammaṇaṅca paṭisaṅkhā**ti purimaṅca rūpādi-ārammaṇaṃ jānitvā. **Bhaṅgaṅca anupassatī**ti tassārammaṇassa bhaṅgaṃ disvā tadārammaṇassa cittassa ca bhaṅgaṃ anupassati. **Suññato ca upaṭṭhānanti** tassevaṃ bhaṅgamanupassato “saṅkhārāva bhijjanti, tesāṃ bhedo maraṇaṃ, na añño koci atthi”ti suññato upaṭṭhānaṃ ijjhati. Tenāhu porāṇā—

“Khandhā nirujjhanti na catthi añño,
Khandhāna bhedo maraṇanti vuccati.
Tasaṃ khayāṃ passati appamatto,
Maṇimva vijjhaṃ vajirena yoniso”ti.

Adhipaññā vipassanāti yā ca ārammaṇapaṭisaṅkhā, yā ca bhaṅgānupassanā, yaṅca suññato upaṭṭhānaṃ, ayaṃ adhipaññā vipassanā nāmāti vuttaṃ hoti. **Kusalo tīsu anupassanāsū**ti aniccānupassanādīsu tīsu cheko bhikkhu. **Catasso ca**² **vipassanāsū**ti nibbidādīsu ca catūsu vipassanāsu. **Tayo upaṭṭhāne kusalatā**ti khayato vayato suññatoti imasmim ca tividhe upaṭṭhāne kusalatāya. **Nānādiṭṭhīsu na kampa**tīti

1. Ekavavatthānāti (Sī, Syā)

2. Catūsu (Syā)

sassatadiṭṭhi-ādīsu nānappakārāsu diṭṭhīsu na vedhati. So evaṃ avedhamāno “aniruddhameva nirujjhati, abhinnameva bhijjati”¹ti pavattamanasikāro dubbalabhājanassa viya bhijjamānassa, sukhumarajasseva vipakiriyamānassa, tilānaṃ viya bhajjiyamānānaṃ sabbasaṅkhārānaṃ uppādaṭṭhitipavattanimittaṃ vissajjetvā bhedameva passati. So yathā nāma cakkhumā puriso pokkharaṇīṭire vā nadīṭire vā ṭhito thūlaphusitake deve vassante udakapiṭṭhe mahantamahantāni udakapubbuḷāni uppajjitvā uppajjitvā sīghaṃ sīghaṃ bhijjamānāni passeyya, evameva sabbe saṅkhārā bhijjanti bhijjantīti passati. Evarūpaṃ hi yogāvacaraṃ sandhāya vuttaṃ Bhagavatā—

“Yathā pubbuḷakaṃ passe, yathā passe parīcikaṃ.
Evaṃ lokaṃ avekkhantaṃ, maccurājā na passati”¹ti.

Tassevaṃ “sabbe saṅkhārā bhijjanti bhijjantī”²ti abhiṇhaṃ passato aṭṭhānisaṃsaparivāraṃ bhaṅgānupassanāññānaṃ balappattaṃ hoti. Tatrimaṃ aṭṭhānisaṃsā—bhavadiṭṭhippahānaṃ jīvitānīkanti-pariccāgo sadāyuttapayuttatā visuddhājīvitā² ussukkappahānaṃ vigatabhayatā khantisoraccapaṭilābho aratiratisahanaṭṭīti. Tenāhu porāṇā—

“Imāni aṭṭhagguṇamuttamāni,
Disvā tahiṃ sammasatī punappunaṃ.
Ādittacelassirasūpamo Muni,
Bhaṅgānupassī amatassa pattiyā”³ti.

Bhaṅgānupassanāññānāniddesavaṇṇanā niṭṭhitā.

8. Ādīnavaññānāniddesavaṇṇanā

53. Ādīnavaññānāniddese **uppādoti** purimakammaṃ paccayā idha uppatti. **Pavattanti** tathā-uppannaṃ pavatti. **Nimittanti** sabbampi saṅkhāranimittaṃ. **Āyūhanāti** āyatim paṭisandhihetubhūtaṃ kammaṃ. **Paṭisandhīti** āyatim uppatti. **Gatīti** yāya gatiyā sā paṭisandhi hoti. **Nibbattīti** khandhānaṃ nibbattaṃ. **Upapattīti** “samāpannaṃ vā upapannaṃ vā”³ti³ evaṃ vuttā

1. Khu 1. 39 piṭṭhe.

2. Visuddhājīvatā (Syā, Ka)

3. Abhi 1. 253 piṭṭhe.

vipākappavatti. **Jāti**ti jarādīnaṃ paccayabhūtā bhavapaccayā jāti. Nippariyāyato tattha tattha nibbattamānānaṃ sattānaṃ ye ye khandhā pātubhavanti, tesam paṭhamapātubhāvo jāti. **Jarāti** khaṇḍiccādisammato santatiyaṃ ekabhavapariyāpannakhandhasantānassa purāṇabhāvo. **Sokoti** nātibyasanādīhi phuṭṭhassa cittasantāpo. **Paridevoti** nātibyasanādīhi phuṭṭhassa vacīpalāpo. **Upāyāsoti** bhuso āyāso, nātibyasanādīhi phuṭṭhassa adhimattacetodukkhappabhāvito dosoyeva. Ettha ca uppādādayo pañceva ādīnavañāṇassa vatthivasena vuttā, sesā tesam vevacanavasena. “Nibbatti jāti”ti idaṃ hi dvayaṃ uppādassa ceva paṭisandhiyā ca vevacanāṃ, “gati upapatti”ti idaṃ dvayaṃ pavattassa, jarādayo nimittassāti. Tenāha—

“Uppādañca pavattañca, nimittāṃ dukkhanti passati.
 Āyūhanaṃ paṭisandhiṃ, ñāṇaṃ ādinave idan”ti ca.
 “Idaṃ ādinave ñāṇaṃ, pañca ṭhānesu jāyati”ti ca.

sabbapadesu ca **bhayanti** iccetassa vacanassa bhayaṃ itīti padacchedo. **Bhayanti** pīlāyogato sappaṭibhayatāya bhayaṃ. **Itīti** bhayatupaṭṭhānassa kāraṇaniddeso.

Anuppādo khemanti santipade ñāṇanti-ādi pana ādīnavañāṇassa paṭipakkhañāṇadassanattamaṃ vuttaṃ. Bhayatupaṭṭhānena vā ādīnavaṃ disvā ubbiggahadayānaṃ abhayampi atthi khemaṃ nirādīnavanti assāsajanantthampi etaṃ vuttaṃ, yasmā vā yassa uppādādayo bhayato sūpaṭṭhitā honti, tassa tappaṭipakkhaninnaṃ cittaṃ hoti, tasmā bhayatupaṭṭhānavasena siddhassa ādīnavañāṇassa ānisaṃsadassanattampetaṃ vuttanti veditabbaṃ. **Anuppādo appavattanti**-ādi nibbānameva. **Santipadeti** santikoṭṭhāse, nibbāneti attho. Anussavavasenāpi hi santipadanti nāmamattaṃ gahetvā uppannaṃ ñāṇampi “santipade ñāṇan”ti vuttaṃ.

Uppādo bhayaṃ, anuppādo khemanti-ādi vipakkhapaṭipakkhavasena ubhayaṃ samāsetvā uppajjamānaṃ ñāṇaṃ gahetvā vuttaṃ. Ettha ca yaṃ bhayaṃ, taṃ yasmā niyamato dukkhaṃ. Yañca dukkhaṃ, taṃ vaṭṭāmisalokāmisakilesāmisehi avippamuttattā sāmisaṃ. Yañca sāmisaṃ, taṃ saṅkhāramattameva.

Tasmā **uppādo dukkhanti bhayatupaṭṭhāne paññā ādīnave ñāṇanti**-ādi vuttaṃ. Evaṃ santepi bhayākārena dukkhākārena sāmīśākārena saṅkhārākārenāti evaṃ ākāraṇānattato pavattivasenettha nānattaṃ vedītabbāṃ. Uppādo bhayaṃ, dukkhaṃ, sāmīsaṃ, saṅkhārā cāti uppādādīlingamanapekkhitvā “netāṃ kho saraṇaṃ khemaṃ, netāṃ saraṇamuttamaṃ”ti-ādīsu¹ viya attano līngāpekkhameva vuttaṃ. Saṅkhārāti ca ekattamanapekkhitvā “appaccayā dhammā, asaṅkhatā dhammā”ti-ādīsu² viya bahuvacanaṃ kataṃ, uppādādīnaṃ vā saṅkhārekadesattā “uttare pañcālā, dakkhiṇe pañcālā”ti-ādīsu viya bahunnaṃ ekadesepi bahuvacanaṃ katanti vedītabbāṃ. **Khemaṃ sukhaṃ nirāmisāṃ nibbānanti** nibbānameva vuttākārānaṃ paṭipakkhavasena catudhā vuttaṃ. **Dasa ñāṇe pajānāti** ādīnave ñāṇaṃ pajānanto uppādādivatthukāni pañca, anuppādādivatthukāni pañcāti dasa ñāṇe pajānāti paṭivijjhati sacchikaroti. **Dvinnāṃ ñāṇānaṃ kusalatāti** ādīnavañāṇassa ceva santipadañāṇassa cāti imesaṃ dvinnāṃ ñāṇānaṃ kusalatāya. **Nānādīṭṭhīsu na kampaṭīti** paramadīṭṭhadhammanibbānādivasena pavattāsu dīṭṭhīsu na vedhatīti.

Ādīnavañāṇaniddesavaṇṇanā niṭṭhitā.

9. Saṅkhārupekkhāñāṇaniddesavaṇṇanā

54. Saṅkhārupekkhāñāṇaniddese **uppādādīni** vuttatthāneva. **Dukkhanti bhayanti sāmīsanti saṅkhārāti** uppādādīmuñcanañāṇassa³ kāraṇavacanāni. Evañca lakkhaṇato saṅkhārupekkhaṃ dassetvā idāni atthato dassetuṃ **uppādo saṅkhārā, te saṅkhāre ajjupekkhatīti saṅkhārupekkhāti**-ādīmāha. Tatha **saṅkhāre ajjupekkhatīti** tassa āradhāvīpassakassa vipassanāñāṇena lakkhaṇattayassa dīṭṭhattā lakkhaṇavicinane pahīnabyāpārassa āditte viya tayo bhava passato saṅkhārāggahaṇe majjhataṃsa taṃ vipassanāñāṇaṃ te saṅkhāre vīsesena ca ikkhati, gahaṇena vajjitañca hutvā ikkhati oloketīti saṅkhārupekkhā nāmāti attho. Yathā loke vīsesena jayanto adhiyayati, annena vajjito vasanto upavasati vuccati. Puna saṅkhāre aniccādīto vipassitvā gahaṇe

1. Khu 1. 41 piṭṭhe.

2. Abhi 1. 4 piṭṭhe.

3. Uppādādīmuñcanassa (Sī), uppādādīni muñcanañāṇassa (Syā)

majjhatabhāvasaṅghitaṃ saṅkhārupekkhampi aniccādito vipassitvā tassāpi saṅkhārupekkhāya gahaṇe majjhattākārasaṅghitāya saṅkhārupekkhāya sabbhāvato **ye ca saṅkhārā yā ca upekkhāti**-ādi vuttaṃ.

55. Idānisāṅkhārupekkhāya cittābhinihārabhedanāṃ dassetuṃ **katihākārehīti**-ādimāha. Tattha **saṅkhārupekkhāyāti** bhumavacanaṃ. **Cittassa abhinīhāro**ti saṅkhārupekkhālābhino tato aññassa cittassa saṅkhārupekkhābhimukhaṃ katvā bhusaṃ haraṇaṃ. Abhimukhattho hi ettha **abhisaddo**, bhusattho **nīsaddo**. **Katihākārehīti** pucchitaṃ pucchāṃ **aṭṭhākārehīti** vissajjetvā dutiyapucchāvissajjaneneva te aṭṭhākāre dassetukāmo te adassetvāva **puthujjanassa katihākārehīti**-ādipucchāṃ akāsi. **Puthujjanassāti** ettha pana—

Duve puthujjanā vuttā, Buddhenādiccabandhunā.

Andho puthujjano eko, kalyāṇeko puthujjanoti.

Tattha yassa khandhadhātu-āyatanādīsū uggahaparipucchāsavanadhāraṇapaccavekkhaṇādīni natthi, ayaṃ andhaputhujjano, yassa tāni atthi, so kalyāṇaputhujjano. Duvidhopi panesa—

Puthūnaṃ jananādīhi, kāraṇehi puthujjano.

Puthujjanantogadhattā, puthuvāyaṃ jano iti.

So hi puthūnaṃ nānappakārānaṃ kilesādīnaṃ jananādīhi kāraṇehi **puthujjano**. Yathāha “puthu kilese janentīti puthujjanā, puthu avihatasakkāyadīṭṭhikāti puthujjanā, puthu satthārānaṃ mukhullokkikāti puthujjanā, puthu sabbagatīhi avuṭṭhitāti puthujjanā, puthu nānābhisaṅkhāre abhisaṅkharontīti puthujjanā, puthu nānā-oghehi vuyhantīti puthujjanā, puthu nānāsantāpehi santappentīti puthujjanā, puthu nānāpariḷāhehi pariḍayhantīti puthujjanā, puthu pañcasu kāmagaṇesu rattā giddhā gadhitā mucchitā ajjhosannā¹ laggā laggitā palibuddhāti puthujjanā, puthu pañcahi nīvaraṇehi āvutā nivutā ovutā pihitā paṭicchannā paṭikujjitāti

1. Ajjhoppānā (Ka)

puthujjanā”ti¹. Puthūnaṃ vā gaṇanapathātītānaṃ
ariyadhammaparammukhānaṃ nīcadhammasamācārānaṃ janānaṃ
antogadhattāpi puthujjanā, puthu vā ayaṃ visumyeva saṅkhaṃ gato,
visaṃsaṭṭho sīlasutādiguṇayuttehi ariyehi janotipi puthujjano. Tesu
kalyāṇaputhujjano idhādhippeto itarassa bhāvanāya eva abhāvā.

Sekkhassāti ettha satta sekkhā

sotāpattimaggaphalasadāgāmimaggaphala-anāgāmimaggaphala-
arahattamaggaṭṭhā. Te hi tisso sikkhā sikkhantīti sekkhā. Tesu
sotāpattisakadāgāmi-anāgāmiphalaṭṭhā tayo idhādhippetā maggaṭṭhānaṃ
saṅkhārupekkhāya cittābhinihārābhāvā.

Vītarāgassāti ettha samucchavedavigamena vigato rāgo assāti vītarāgo.
Arahato etaṃ adhivacanaṃ. Tīsupi padesu jātiggaṇaṇena ekavacanaṃ
katam.

Saṅkhārupekkhaṃ abhinandatīti tasmim upekkhāvihāre
phāsuvihārasaññaṃ paṭilābhivā phāsuvihāranikantiyā
saṅkhārupekkhābhimukho hutvā nandati, sappītikaṃ taṇhaṃ uppādetīti
attho. **Vipassatīti** sotāpattimaggapaṭilābhatthaṃ aniccādivasena vividhā
passati, sekkho uparimaggatthaṃ, vītarāgo diṭṭhadhammasukhavihāratthaṃ
vipassati. **Paṭisaṅkhāyāti** aniccādivaseneva upaparikkhitvā. Yasmā pana
sotāpannādayo ariyā sakaṃ sakaṃ phalasaṃpattim samāpajjamānā
udayabbayañāṇādīhi navahi vipassanāñāṇehi avipassitvā samāpajjitum na
sakkonti, tasmā **paṭisaṅkhāya vā phalasaṃpattim samāpajjatīti** vuttaṃ.

Phalasaṃpattiyā pavattidasanatthaṃ pana tesam idam
pañhakammaṃ—kā phalasaṃpatti, ke taṃ samāpajjanti, kena samāpajjanti,
kasmā samāpajjanti, kathañcassā samāpajjanaṃ hoti kathaṃ ṭhānaṃ, kathaṃ
vuṭṭhānaṃ, kim phalassa anantaraṃ, kassa ca phalaṃ anantaranti?

Tattha **kā phalasaṃpattīti**? Yā ariyaphalassa nirodhe appanā.

Ke taṃ samāpajjanti, ke na samāpajjantīti? Sabbepi puthujjanā na
samāpajjanti. Kasmā? Anadhigatatā. Ariyā pana sabbepi samāpajjanti.

1. Khu 7. 192 piṭṭhe.

Kasmā? Adhigatattā. Uparimā pana heṭṭhimā na samāpajjanti puggalantarabhāvūpagamanena paṭippassaddhattā, heṭṭhimā ca uparimā anadhigatattā. Attano attanoyeva pana phalaṃ sabbepi samāpajjantīti idamettha sanniṭṭhānaṃ.

Keci pana “sotāpannasakadāgāminopi na samāpajjanti, uparimā dveveva samāpajjantī”ti vadanti. Idañca nesaṃ kāraṇaṃ—ete hi samādhismim paripūrakārinoti. Taṃ puthujjanassāpi attanā paṭiladdhaṃ lokiyasamādhim samāpajjanato akāraṇameva. Kiñcetha kāraṇākāraṇacintāya. Nanu idheva Pāliyaṃ “katame dasa saṅkhārupekkhā vipassanāvasena uppajjanti, katame dasa gotrabhudhammā vipassanāvasena uppajjantī”ti¹ imesaṃ pañhānaṃ vissajjane “sotāpattiphalasamāpattatthāya sakadāgāmiphalasamāpattatthāyā”ti¹ visum visum vuttā. Tasmā sabbepi ariyā attano attano phalaṃ samāpajjantīti niṭṭhamettha gantabbaṃ.

Kasmā samāpajjantīti? Diṭṭhadhammasukhavihāratthaṃ. Yathā hi rājano rajjasukhaṃ, devatā dibbasukhamanubhavanti, evaṃ ariyā “lokuttarasukhaṃ anutavissāmā”ti addhānaparicchedaṃ katvā icchiticchitakkhaṇe phalasamāpattim samāpajjanti.

Kathañcassā samāpajjanaṃ hoti, kathaṃ ṭhānaṃ, kathaṃ vuttānanti? Dvīhi tāva ākārehi assā samāpajjanaṃ hoti nibbānato aññaassa āramaṇassa amanasikārā, nibbānassa ca manasikārā. Yathāha “dve kho āvuso paccayā animittāya cetovimuttiyā samāpattiyā sabbanimittānañca amanasikāro, animittāya ca dhātuyā manasikāro”ti². Ayaṃ panettha samāpajjanakkamo— phalasamāpattatthikena hi ariyasāvakena rahogatena paṭisallīna udayabbayādivasena saṅkhārā vipassitabbā. Tassa pavattānupubbavipassanassa saṅkhārārammaṇagotrabhuñāṇānantaraṃ phalasamāpattivasena nirodhe cittaṃ appeti. Phalasamāpattininnatāya cettha sekkhassāpi phalameva uppajjati, na maggo. Ye pana vadanti “sotāpanno ‘phalasamāpattim samāpajjissāmī’ti vipassanaṃ paṭṭhapetvā sakadāgāmī hoti, sakadāgāmī ca anāgāmī”ti. Te vattabbā “evaṃ sati anāgāmī arahā bhavissati, arahā Paccekabuddho, Paccekabuddho ca Buddho”ti.

1. Khu 9. 65 piṭṭhe.

2. Ma 1. 370 piṭṭhe.

Tasmā na kiñci etaṃ, Pāḷivaseneva ca paṭikkhittanti paṇa gahetabbaṃ. Idameva paṇa gahetabbaṃ. Sekkhassāpi phalameva uppajjati, na maggo. Phalañcassa sace anena paṭhamajjhāniko maggo adhigato hoti, paṭhamajjhānikameva uppajjati, sace dutiyādāsu aññatarajjhāniko dutiyādāsu aññatarajjhānikamevāti evaṃ tāvassā samāpajjanaṃ hoti.

“Tayo kho āvuso paccayā animittāya cetovimuttiyā ṭhitiyā sabbanimittānañca amanasikāro, animittāya ca dhātuyā manasikāro, pubbe ca abhisankhāro”¹ vacanato paṇassā tīhākārehi ṭhānaṃ hoti. Tattha **pubbe ca abhisankhāro**ti samāpattito pubbe kālaparicchedo. “Asukasmim nāma kāle vuṭṭhahissāmī”²ti paricchinnattā hissā yāva so kālo nāgacchati, tāva ṭhānaṃ hoti. Evamassa ṭhānaṃ hoti.

“Dve kho āvuso paccayā animittāya cetovimuttiyā vuṭṭhānāya sabbanimittānañca manasikāro, animittāya ca dhātuyā amanasikāro”¹ vacanato paṇassā dvīhākārehi vuṭṭhānaṃ hoti. Tattha **sabbanimittānanti** rūpanimittavedanāsaññāsankhāravīññāṇanimittānaṃ. Kāmañca na sabbānevetāni ekato manasi karoti, sabbasaṅgāhikavasena paṇetaṃ vuttaṃ. Tasmā yaṃ bhavaṅgassa ārammaṇaṃ hoti, taṃ manasikaroto phalasaṃpattito vuṭṭhānaṃ hotīti evamassā vuṭṭhānaṃ vedittabbaṃ.

Kiṃ phalassa anantaraṃ, kassa ca phalaṃ anantaranti? Phalassa tāva phalameva vā anantaraṃ hoti bhavaṅgaṃvā. Phalaṃ paṇa atthi maggānantaraṃ, atthi phalānantaraṃ, atthi gotrabhu-anantaraṃ, atthi nevasaññānāsaññāyatanānantaranti. Tattha maggavīthiyaṃ maggānantaraṃ, purimassa purimassa pacchimaṃ pacchimaṃ phalānantaraṃ, phalasaṃpattīsu purimaṃ purimaṃ gotrabhu-anantaraṃ. **Gotrabhūti** cettha anulomaṃ vedittabbaṃ. Vuttaṃ hetuṃ paṭṭhāne “arahato anulomaṃ phalasaṃpattiyā anantarapaccayena paccayo. Sekkhānaṃ anulomaṃ phalasaṃpattiyā anantarapaccayena paccayo”²ti. Yena phalena nirodhā vuṭṭhānaṃ hoti, taṃ nevasaññānāsaññāyatanānantaranti. Tattha ṭhapetvā maggavīthiyaṃ uppannapphalaṃ

1. Ma 1. 371 piṭṭhe.

2. Abhi 8. 138 piṭṭhe.

avasesaṃ sabbam phalasaṃpattivasena pavattaṃ nāma. Evametam maggavīthiyam vā phalasaṃpattiyam vā uppajjanavasena—

Paṭippassaddhadaratham, amatārammaṇam subham¹.

Vantalokāmisam santam, sāmāññaphalamuttamanti.

Ayamettha phalasaṃpattikathā.

Tadajjupekkhitvā tam saṅkhārupekkham aññena tādiseneva vipassanāññena ajjupekkhitvā. **Suññatavihārena vā**ti-ādīsu phalasaṃpattim vinā vipassanāvihārenea viharitukāmassa arahato attābhinivesam² bhayato disvā suññatādhimuttassa saṅkhārupekkhāya vayam passantassa vipassanattayavihāro suññatavihāro nāma, saṅkhāranimittam bhayato disvā animittādhimuttassa saṅkhārupekkhāya vayam passantassa vipassanattayavihāro animittavihāro nāma, taṇhāpaṇidhim bhayato disvā appaṇihitādhimuttassa saṅkhārupekkhāya vayam passantassa vipassanattayavihāro appaṇihitavihāro nāma. Tathā hi parato vuttam—

“Abhinivesam bhayato sampassamāno suññate adhimuttattā phussa phussa vayam passati, suññato vihāro. Nimittam bhayato sampassamāno animitte adhimuttattā phussa phussa vayam passati, animitto vihāro. Paṇidhim bhayato sampassamāno appaṇihite adhimuttattā phussa phussa vayam passati, appaṇihito vihāro”³.

Chaḷaṅgupekkhāsabbhāvena ca paṭikūle appaṭikūlasaññādivihārasabbhāvena ca arahatoyeva sabbākārena cittaṃ vase vattati, tato ayaṃ vipassanāvihāro arahatoyeva ijhatīti vuttam hoti. **Vītarāgo saṅkhārupekkham vipassati vā**ti ettha pana tidhā ca bhayam, tidhā ca adhimuttim anāpajjitvā kevalam vipassanāti veditabbā. Evaṃ hi sati pubbāparaviseso hoti.

56. Idāni dvinnam tiṇṇam puggalānam vasena saṅkhārupekkhāya ekattanānattabhedam dassetukāmo **katham puthujjanassa ca sekkhassa cāti-ādīmāha**.

1. Sukham (Syā)

2. Abhinivesam (Gaṇṭhipade)

3. Khu 9. 89 piṭṭhe.

Tattha **cittassa abhinīhāro ekattaṃ hotīti** eko hoti, sakatthe bhāvavacananti veditabbaṃ. Yathā idappaccayā eva idappaccayatāti vuttaṃ, tathā ekova ekattaṃ. **Abhinīhāro**ti sāmi-atthe paccattavacanāṃ vā, abhinīhārassāti attho. “So deso sammajjitvā”¹ti-ādīsu¹ viya vibhattivipallāso katoti veditabbo. **Cittaṃ kilissatīti** vipassanānikantisāṅkhātena lobhakilesena cittaṃ kilissati, tāpīyati bādhiyatīti attho. **Bhāvanāya paripantho hotīti** paṭiladdhāya vipassanābhāvanāya upaghāto hoti. **Paṭivedhassa antarāyo hotīti** vipassanābhāvanāya paṭilabhitabbassa saccappaṭivedhassa paṭilābhantarāyo hoti. **Āyatim paṭisandhiyā paccayo hotīti** saṅkhārupekkhāsampayuttakammassa balavattā teneva sugatipaṭisandhiyā dīyamānāya abhinandanasaṅkhāto lobhakilesa anāgate kāmāvacarasugatipaṭisandhiyā paccayo hoti. Yasmā kilesasahāyaṃ kammaṃ vipākaṃ janeti, tasmā kammaṃ janakapaccayo hoti, kilesa upatthambhakapaccayo. Sekkhassa pana **uttaripaṭivedhassāti** sakadāgāmimaggādivasena saccappaṭivedhassa. **Āyatim paṭisandhiyā paccayo hotīti** sekkhesu sotāpannasakadāgāmīnaṃ anadhigatajjhānānaṃ saṅkhārupekkhākammena dīyamānāya kāmāvacarasugatipaṭisandhiyā abhinandanakilesa paccayo hoti, jhānalābhīnaṃ pana anāgāmiṃ ca brahmalokeya eva paṭisandhānato paccayo na hoti², anulomagotrabhūhi ca dīyamānāya paṭisandhiyā ayameva kilesa paccayo hotīti veditabbo.

Aniccatoti hutvā abhāvaṭṭhena aniccantikātāya ādi-antavantatāya ca aniccatoti. **Dukkhato**ti abhiñhaṃ paṭipīḷanaṭṭhena uppādavayapaṭipīḷanatāya dukkhavattutāya ca dukkhato. **Anattato**ti avasavattanaṭṭhena paccayāyattavuttitāya sāmīnivāsīkārakavedakābhāvena ca anattato. **Anupassanaṭṭhenāti** anu anu aniccādito passanaṭṭhena. **Abhinīhāro nānatthaṃ hotīti** abhinīhāro nānā hotīti vā abhinīhārassa nānābhāvo hotīti vā veditabbaṃ.

Kusalāti ārogyaṭṭhena anavajjaṭṭhena kosallasambhūtaṭṭhena ca. **Abyākatāti** kusalākusalabhāvena na byākatā. **Kiñcikāle**

1. Vi 3. 168 piṭṭhe.

2. Hoti (Sī, Syā)

suviditāti vipassanākāle suṭṭhu viditā. **Kimñcikāle na suviditā**ti abhinandanakāle na suṭṭhu viditā. **Accantaṃ suviditā**ti abhinandanāya pahīnattā ekantena suviditā. **Viditaṭṭhena ca aviditaṭṭhena cāti** ettha puthujjanasekkhānaṃ suviditaṭṭhopi vītarāgassa accantasuvīditaṭṭhopi viditaṭṭhova hoti, dvinnampi na suviditaṭṭho aviditaṭṭhova.

Atittattāti vipassanāya karaṇīyassa apariyosittā appaṇītabhāvena. Tabbiparītena **tittattā**. **Tiṇṇaṃ saññojanānaṃ pahānāyāti** sakkāyadiṭṭhivicikicchāsīlabbataparāmāsānaṃ pahānattham. Pacchimabhavikāpi bodhisattā ettheva saṅgahaṃ gacchanti. Apacchimabhavikā pana vipassanaṃ saṅkhārupekkhaṃ pāpetvā ṭhapenti. **Sotāpattimaggam paṭilābhatthāyāti** asamāsetvā paṭhanti, samāsetvā pāṭho sundarataro. **Sekkho tiṇṇaṃ saññojanānaṃ pahīnattāti** sotāpannasakadāgāmi-anāgāmīnaṃ sāmāññena vuttam. Sakadāgāmi-anāgāmīnampi hi tāni pahīnāneva. **Uttariṭṭhāyāti** uparūparimaggapaṭilābhattham. **Diṭṭhadhammasukhavihāratthāyāti** diṭṭheva dhamme paccakkhe attabhāve yo sukho vihāro, tadatthāya. **Vihārasamāpattatthēnāti** sekkhassa phalasaṃpattatthēna, vītarāgassa vipassanāvihāraphalasaṃpattatthēna.

57. Idāni saṅkhārupekkhānaṃ gaṇanaparicchedaṃ dassetuṃ **kati saṅkhārupekkhāti**-ādīmāha. Tattha **samathavasena**ti samādhivasena. Ayameva vā pāṭho. **Nīvaraṇe paṭisaṅkhāti** pañca nīvaraṇāni pahātabbabhāvena pariggahetvā. **Santiṭṭhanāti** nīvaraṇānaṃ pahānābhīmukhībhūtattā tesam pahānepi abyāpārabhāvūpagamanena majjhattatāya santiṭṭhanā. **Saṅkhārupekkhāsūti** nīvaraṇappahāne byāpārākaraṇena nīvaraṇasaṅkhātānaṃ saṅkhārānaṃ upekkhanāsu. Esa nayo vitakkavicārādīsu ca. Samathe saṅkhārupekkhā nāma appanāvīthiyā āsannapubbabhāge balappattabhāvanāmayaññaṃ. **Sotāpattimaggam paṭilābhatthāyāti**-ādīsu catūsu maggavāresu suññatānimitta-appaṇihitamaggānaṃ aññataraññataro¹ maggo labbhati. **Sotāpattiphalasaṃpattatthāyāti**-ādīsu catūsu phalavāresu pana appaṇihitā phalasaṃpatti veditabbā. Kasmā? “Suññatāvihārasamāpattatthāya

animittavihārasamāpattatthāyā”ti itarāsam dvinnam phalasangamāpattinam visum vuttatā. Aniccānupassanāvuttāhānavasena hi animittamaggo, tatheva phalasangamāpattikāle animittaphalasangamāpatti, dukkhānupassanāvuttāhānavasena appaṇihitamaggaphalasangamāpattiyō, anattānupassanāvuttāhānavasena suññatamaggaphalasangamāpattiyō suttantanayeneva veditabbā.

Ettha ca catūsu maggavāresu **uppādanti**-ādīni pañca mūlapadāni, **gatinti**-ādīni dasa vevacanapadānīti pannarasa padāni vuttāni. Chasu pana phalasangamāpattivāresu pañca mūlapadāneva vuttāni. Tam kasmā iti ce? Saṅkhārupekkhāya tikkhabhāve sati kilesappahāne samatthassa maggassa sambhavato tassā tikkhabhāvadassanattam vevacanapadeti saha daḥham katvā mūlapadāni vuttāni. Phalassa nirussāhabhāvena santasabhāvattā maggāyattattāca mandabhūtāpi saṅkhārupekkhā phalassa paccayo hotīti dassanattam mūlapadāneva vuttānīti veditabbāni.

58. Idāni jātivaseṇa pucchitvā labbhamānavaseṇa vissajjetum **kati saṅkhārupekkhā kusalāti**-ādimāha. Tattha **pannarasa saṅkhārupekkhāti** samathavasena aṭṭha, catunnam maggānam tiṇṇam phalānam vaseṇa sattāti pannarasa. Samathavasena aṭṭha saṅkhārupekkhā arahato nīvaraṇapaṭisaṅkhā-abhāvato, vitakkavicārādīnam pahānabyāpāram vinā sukhena pahānato ca saṅkhārupekkhānamassa ananurūpāti katvā tāsam abyākatatā na vuttāti veditabbā. Arahata pana phalasangamāpattim samāpajjantena saṅkhārupekkham vinā samāpajjatum na sakkāti tisso saṅkhārupekkhā abyākatāti vuttā. Appaṇihitasuññatānimittavasena hi arahato tisso saṅkhārupekkhā.

Idāni saṅkhārupekkhānam samvaṇṇanāvasena vuttāsu tīsu gāthāsu **paṭisaṅkhāsantiṭṭhanā paññāti** saṅkhārupekkhā. **Aṭṭha cittassa gocarāti** samathavasena vuttā aṭṭha saṅkhārupekkhā samādhissa visayā, bhūmiyoti attho. “Cittam paññaṅca bhāvayan”ti-ādīsu¹ viya cittasīseṇa samādhi niddiṭṭho, “gocare bhikkhave caratha sake pettike visaye”ti-ādīsu² viya gocarasaddena visayo. Yam hi yadāyattham, tassesō visayoti vuccati. **Puthujjanassa dveti** samathavasena vipassanāvasena ca. **Tayo**

1. Saṃ 1. 13, 167 piṭṭhesu.

2. Saṃ 3. 128 piṭṭhe.

sekkhassāti samathavipassanāsamāpattivasena. **Tayo ca vītarāgassā**ti appaṇihitasuññatānimittaphalāsamāpattivasena. “Tisso”ti vattabbe “tayo”ti ca līṅgavipallāso kato. Tayo saṅkhārupekkhā dhammāti vā yojetabbam. **Yehi cittaṃ vivaṭṭatī**ti yehi saṅkhārupekkhādhammehi vitakkavicārādito, uppādādito vā cittaṃ apagacchati. Vītarāgassāpi hi saṅkhārupekkhāsabbhāvato ca saṅkhārato cittaṃ vivaṭṭitvā nibbānaṃ pakkhandatīti vuttaṃ hoti. **Aṭṭha samādhissa paccayā**ti samathavasena vuttā aṭṭha appanāsammāpakattā appanāsamādhissa paccayā. **Dasa ñāṇassa gocarā**ti vipassanāvasena vuttā dasa maggañāṇassa phalañāṇassa ca bhūmiyo. **Tiṇṇaṃ vimokkhāna paccayā**ti suññatānimitta-appaṇihitavimokkhānaṃ upanissayapaccayā. **Nānādiṭṭhīsu na kampaṭī**ti bhaṅgaṃ avissajjitvā vā saṅkhāre aniccādivasena vipassanto¹ sassatadiṭṭhi-ādīsu nānappakārāsu diṭṭhīsu na vedhatīti.

Saṅkhārupekkhāñāṇaniddesavaṇṇanā niṭṭhitā.

10. Gotrabhuñāṇaniddesavaṇṇanā

59. Gotrabhuñāṇaniddese **abhibhuyyati**ti abhibhavati atikkamati. **Bahiddhā saṅkhāranimittanti** sakasantānappavatta-akusalakkhandhato bahiddhābhūtaṃ saṅkhāranimittaṃ. Lokikasāṅkhārā hi kilesānaṃ nimittatā, nimittākārena upaṭṭhānato vā nimittanti vuccanti. **Abhibhuyyati**ti gotrabhūti ca puthajjanagottābhibhavanato gotrabhubhāvo vutto. **Pakkhandatīti** gotrabhūti ariyagottabhāvanato gotrabhubhāvo vutto. **Abhibhuyyitvā pakkhandatīti** gotrabhūti ubho atthe samāsetvā vuttaṃ. **Vuṭṭhatīti** gotrabhūti ca **vivaṭṭatīti** gotrabhūti ca mātikāya vuṭṭhānavivaṭṭanapadānurūpena puthajjanagottābhibhavanatthoyeva vutto. Samathavasena vuttagotrabhūnaṃ pana nīvaraṇādīgottābhibhavanato gotrabhūti, “sotāpattiphalāsamāpattatthāyā”ti-ādīsu chasu samāpattivāresu uppādādīgottābhibhavanato gotrabhūti, “sakadāgāmimaggam paṭilābhatthāyā”ti-ādīsu tīsu maggavāresu sotāpannādīgottābhibhavanato

1. Vipassanāto (Syā), vipassanato (Ka)

gotrabhūti attho veditabbo. Gottattho cettha bījattho. Vattanipakarāṇe¹ kira vuttaṃ—gottaṃ vuccati nibbānaṃ sabbaparipanthehi guttattā, taṃ paṭipajjati gotrabhūti, aṭṭhasamāpattiyopi gottaṃ gotrabhuparipanthehi² guttattā, taṃ gottaṃ paṭipajjati gotrabhūti vuttaṃ. “Catunnaṃ maggānaṃyeva gotrabhu nibbānārammaṇaṃ, catassannaṃ phalasaṃpattīnaṃ gotrabhu saṅkhārārammaṇaṃ phalasaṃpattininnattā”³ tivadanti. Vuttaṃ hettaṃ Visuddhimagge—“tassa pavattānupubbavipassanassa saṅkhārārammaṇagotrabhuñāṇantaraṃ phalasaṃpattivasena nirodhe cittaṃ appeti”³. Tenevettha maggavāresu soḷasamaṃ katvā gahitassa bahiddhāsaṅkhāranimittapadassa samāpattivāresu chaṭṭhaṃ katvā gahaṇaṃ na katanti veditabbaṃ. Itarathā hi mūlapadagahaṇena gahetabbaṃ bhaveyya.

Aññe pana “yo nibbāne paṭhamābhogo paṭhamasamannāhāro, ayaṃ vuccati gotrabhū”³ ti vadanti. Taṃ phalaṃ sandhāya na yujjati. **Pannarasa gotrabhudhammā kusalā**ti ettha arahato abhibhavitabbanīvaraṇābhāvato vitakkavicārādīnaṃ sukheneva pahātabbabhāvato ca abhibhavanaṭṭhena gotrabhunāmaṃ nārahantīti katvā gotrabhūnaṃ abyākatatā na vuttāti veditabbā. Arahataṃ pana phalasaṃpattīṃ samāpajjantena saṅkhāre anabhibhuyya samāpajjituṃ na sakkāti “tayo gotrabhudhammā abyākatā”³ ti vuttā. Keci pana “aṭṭha samāpattiyo nibbedhabhāgiyā eva idha niddiṭṭhā”⁴, tasmā aṭṭha samāpattigotrabhū kusalā hontī”³ ti vadanti. Tathā saṅkhārupekkhāyapi veditabbaṃ.

60. **Sāmisañcā**ti-ādīsu vaṭṭāmisalokāmisakilesāmisānaṃ kilesāmisena sāmisaṃ sanikantikattā. Kim taṃ? Aṭṭhavidhaṃ samathagotrabhuñāṇaṃ. **Vaṭṭāmisanti** cettha tebhūmakavaṭṭameva. **Lokāmisanti** pañca kāmagaṇā. **Kilesāmisanti** kilesā eva. **Nirāmisanti** dasavidhaṃ vipassanāgotrabhuñāṇaṃ anikantikattā. Na hi ariyā gotrabhusmiṃ nikantiṃ karonti. Potthake “sāmisañce”³ ti likhanti, taṃ na sundarataṃ. Evameva paṇihitaṃ appaṇihitaṃ saññuttaṃ visaññuttaṃ vuṭṭhitaṃ avuṭṭhitaṃ veditabbaṃ. Nikantipaṇidhiyā hi **paṇihitaṃ** patthitanti attho. Tadabhāvena

1. Vattati, pakaraṇe (Sī)

2. Paripanthehi (Sī)

3. Visuddhi 2. 342 piṭṭhe.

4. Idhāniddiṭṭhānaṃ ariyamaggānaṃ vasena (Sī)

appaṇihitaṃ. Nikantisaññogeneva **saññuttaṃ.** Tadabhāvena **visaññuttaṃ.** **Vuṭṭhitaṃ** vipassanāgotrabhuññaṇameva. Tam hi nikanticchedakattā vuṭṭhitaṃ nāma. Itaraṃ **avuṭṭhitaṃ.** Bahiddhā vuṭṭhānattā vā vuṭṭhitaṃ. Phalagotrabhupi hi nibbānajjhāsayavasena nibbānābhimukhībhūtattā bahiddhāsaṅkhāranimittā vuṭṭhitaṃ nāmāti veditabbaṃ. Heṭṭhābhībhavanavuṭṭhānavivaṭṭanavāresupi phalagotrabhū ajjhāsayavasena nibbānābhimukhībhūtattā abhibhuyyati vuṭṭhāti vivaṭṭatīti veditabbaṃ. **Tiṇṇaṃ vimokkhāna paccayāti** tiṇṇaṃ lokuttaravimokkhānaṃ samathagotrabhū pakatūpanissayapaccayā honti, vipassanāgotrabhu anantarasamanantarūpanissayapaccayā honti. **Paññā yassa pariccitāti** pubbhāgapaññā yassa paricitaṃ pariciṇṇā. **Kusalo vivaṭṭe vuṭṭhāneti** asammohavaseneva vivaṭṭasaṅkhāte gotrabhuññaṇe kusalo cheko, pubbhāgapaññāna vā kusalo. **Nānādiṭṭhīsu na kampaṭīti** samucchadena pahīnāsu nānappaṅkārasu diṭṭhīsu na vedhatīti.

Gotrabhuññaṇaniddesavaṇṇanā niṭṭhitā.

11. Maggaññaṇaniddesavaṇṇanā

61. Maggaññaṇaniddese **micchādiṭṭhiyā vuṭṭhātīti** diṭṭhānusayappahānena samucchadavasena dvāsaṭṭhibhedato¹ micchādiṭṭhito vuṭṭhāti. **Tadanuvattakakilesehīti** micchādiṭṭhisampayogavasena ca micchādiṭṭhi-upanissayena ca uppajjamānehi micchādiṭṭhi-anuvattamānehi nānāvidhehi kilesehi. Tena tadekaṭṭhakilesappahānaṃ vuttaṃ hoti. Duvidhaṃ hi ekaṭṭhaṃ sahaṇekaṭṭhaṃ pahānekaṭṭhaṃca. Tāya diṭṭhiyā saha ekasmiṃ citte, ekasmiṃ puggale vā yāva pahānā ṭhitāti tadekaṭṭhā. Diṭṭhiyā hi pahīyamānāya diṭṭhisampayuttetu dvīsu asaṅkhārikacittesu tāya diṭṭhiyā sahaṇatā lobho moho uddhaccaṃ ahirikaṃ anottappanti ime kilesā, dvīsu sasaṅkhārikacittesu tāya diṭṭhiyā sahaṇatā lobho moho thinā uddhaccaṃ ahirikaṃ anottappanti ime kilesā **sahaṇekaṭṭhavasena** pahīyanti. Diṭṭhikileseyeva pahīyamāne tena saha ekasmiṃ puggale ṭhitā apāyagamaṇiyā lobho doso moho māno vicikicchā

1. Tesaṭṭhibhedato (Sabbattha)

thinaṃ uddhaccaṃ ahirikaṃ anottappanti ime kilesā **pahānekaṭṭhavasena** pahiyanti. **Khandhehī**ti tadanuvattakeheva khandhehi, taṃ diṭṭhiṃ anuvattamānehi sahajekaṭṭhehi ca pahānekaṭṭhehi ca catūhi arūpakkhandhehi, taṃsamuṭṭhānarūpehi vā saha pañcahi khandhehi micchādiṭṭhi-ādikilesapaccayā anāgate uppajjitabbehi vipākakkhandhehi. **Bahiddhā ca sabbanimittehī**ti yathāvuttakilesakkhandhato bahibhūtehi sabbasaṅkhāranimittehi. **Micchāsaṅkappā vuṭṭhātī**ti sotāpattimaggena pahātabbesu catūsu diṭṭhisampayuttesu, vicikicchāsahagate cāti pañcasu cittesu apāyagamanīyasesākusalacittesu ca micchāsaṅkappā vuṭṭhātī.

Micchāvācāya vuṭṭhātīti musāvādato ceva apāyagamanīyapisuṇapharusasamphappalāpehi ca vuṭṭhātī. **Micchākammantā vuṭṭhātī**ti pāṇātipātādinnādānamicchācārehi vuṭṭhātī. **Micchā-ājīvā vuṭṭhātī**ti kuhanālapanā nemittikatā nippesikatā lābhenalābhamni jigīsanaṭā, ājīvahetukehi vā sattahipi kāyavacīkammehi vuṭṭhātī. Micchāvāyāmicchāsatimicchāsamādhīhi vuṭṭhānaṃ micchāsaṅkappavutṭhāne vuttanayeneva veditabbaṃ. **Micchāsatī**ti ca satiyā paṭipakkhākārena uppajjamānā akusalacittuppādamattameva. Uparimaggattaye “dassanaṭṭhena sammādiṭṭhī”ti-ādīni aṭṭha maggaṅgāni yathā paṭhamajjhānike paṭhamamagge labbhanti, tatheva labbhanti. Tattha paṭhamamagge sammādiṭṭhi micchādiṭṭhiṃ pajahatīti sammādiṭṭhi. Sammāsaṅkappādayopi micchāsaṅkappādīnaṃ pajahanaṭṭheneva veditabbā. Evaṃ sante paṭhamamaggenevadvasaṭṭhiyā¹ diṭṭhigatānaṃ pahīnattā uparimaggattayena pahātabbā diṭṭhi nāma natthi.

Tattha sammādiṭṭhīti nāmaṃ kathaṃ hotīti? Yathā visaṃ atthi vā hotu mā vā, agado agadotveva vuccati, evaṃ micchādiṭṭhi atthi vā hotu mā vā, ayaṃ sammādiṭṭhi eva nāma. Yadi evaṃ nāmamattamevetaṃ hoti, uparimaggattaye pana sammādiṭṭhiyā kiccābhāvo āpajjati, maggaṅgāni na paripūrenti. Tasmā sammādiṭṭhi sakiccakā kātabbā, maggaṅgāni paripūretabbānīti. Sakiccakā cettha sammādiṭṭhi yathālābhaniyamena dīpetabbā. Uparimaggattayavajjho hi eko māno atthi, so diṭṭhiṭṭhāne tiṭṭhati, sā taṃ mānaṃ pajahatīti sammādiṭṭhi. Sotāpattimaggasmiṃ hi sammādiṭṭhi

1. Tesatṭhiyā (Syā, Ka)

micchādīṭṭhiṃ pajahati. Sotāpannessa pana sakadāgāmimaggavajjho māno atthi, taṃ mānaṃ pajahatīti sammādīṭṭhi. Tasseva satta-akusalacittasahajāto saṅkappo atthi, teheva cittehi vācaṅgacopanaṃ atthi, kāyaṅgacopanaṃ atthi, paccayaparibhogo atthi, sahajātavāyāmo atthi, assatiyabhāvo atthi, sahajātacittekaggatā atthi, ete micchāsaṅkappādayo nāma. Sakadāgāmimagge sammāsaṅkappādayo tesam pahānena sammāsaṅkappādayoti veditabbā. Evaṃ sakadāgāmimagge aṭṭhaṅgāni sakiccakāni honti. Sakadāgāmiṃsa anāgāmimaggavajjho māno atthi, so diṭṭhiṭṭhāne tiṭṭhati. Tasseva sattahi cittehi sahajātā saṅkappādayo atthi. Tesam pahānena anāgāmimagge aṭṭhannaṃ aṅgānaṃ sakiccatā veditabbā. Anāgāmiṃsa arahattamaggavajjho māno atthi, so diṭṭhiṭṭhāne tiṭṭhati. Yāni panassa pañca akusalacittāni, tehi sahajātā saṅkappādayo atthi. Tesam pahānena arahattamagge aṭṭhannaṃ aṅgānaṃ sakiccatā veditabbā.

Oḷārikāti kāyavacīdvāre vītikkamassa paccayabhāvena thūlabhūtāmhā. **Kāmarāgasaññojanā**ti methunarāgasāṅkhātā saññojanā. So hi kāmabhāve saññojetīti saññojananti vuccati. **Paṭighasaññojanā**ti byāpādasaññojanā. So hi ārammaṇe paṭihaññatīti paṭighanti vuccati. Te eva thāmagataṭṭhena santāne anusentīti **anusayā**. **Aṇusahagatā**ti aṇubhūtā, sukhumabhūtāti attho. Tabbhāve hi ettha sahasataddo. Sakadāgāmiṃsa hi kāmarāgabyāpādā dvīhi kāraṇehi aṇubhūtā adhiccuppattiyā ca pariyuṭṭhānamandatāya ca. Tassa hi bālaputhujjanassa viya kilesā abhiṇhaṃ na uppajjanti, kadāci karahaci uppajjanti. Uppajjamānā ca bālaputhujjanassa viya maddantā pharantā chādentā andha-andhaṃ karontā na uppajjanti, dvīhi pana maggehi pahīnattā mandamandā tanukākārā hutvā uppajjanti, vītikkamaṃ pāpetuṃ samatthā na honti. Evaṃ tanubhūtā anāgāmimaggena pahīyanti. **Rūparāgā**ti rūpabhāve chandarāgā. **Arūparāgā**ti arūpabhāve chandarāgā. **Mānā**ti unnatilakkhaṇā. **Uddhaccā**ti avūpasamalakkhaṇā. **Avijjāyā**ti andhalakkhaṇāya. **Bhavarāgānusayā**ti rūparāgārūparāgavasena pavattabhavarāgānusayā.

62. Idāni maggañāṇasaṃvaṇṇanaṃ karonto **ajātaṃ jhāpetī**ti-ādimāha. Tattha ca **ajātaṃ jhāpeti jātena, jhānaṃ tena pavuccatī**ti

attano santāne pātubhūtena tena tena lokuttarajjhānena taṃsamaṅgīpuggalo ajātameva taṃ taṃ kilesaṃ jhāpeti dahati samucchindati, tena kāraṇena taṃ lokuttaraṃ jhānanti pavuccatīti attho. **Jhānavimokkhe kusalatāti** tasmim ariyamaggasampayutte vitakkādike jhāne ca vimokkhasaṅkhāte ariyamagge ca asammohavasena kusalatāya paṭhamamaggeneva pahīnāsu nānādiṭṭhīsu na kampati. Jhānaṃ nāma duvidhaṃ ārammaṇūpanijjhānaṃca lakkhaṇūpanijjhānaṃca. Lokiyapaṭhamajjhānādikaṃ kasiṇādi-ārammaṇūpanijjhānaṭṭhena jhānaṃ, vipassanāsaṅkhārānaṃ sabhāvasāmaññalakkhaṇūpanijjhānaṭṭhena jhānaṃ, lokuttaraṃ nibbāne tathalakkhaṇūpanijjhānaṭṭhena jhānaṃ. Idha pana gotrabhunāpi sādharmaṇaṃ lakkhaṇūpanijjhānaṭṭhaṃ anāmasitvā asādharmaṇena kilesajhāpanaṭṭhena jhānaṃ vuttaṃ. Vimokkhaṭṭho panettha nibbānārammaṇe suṭṭhu adhimuccanaṭṭho kilesehi ca suṭṭhu muccanaṭṭho.

Samādahitvā yathā ce vipassatīti appanūpacārakhaṇikasamādhīnaṃ aññatarena samādhinā paṭhamamā cittaśamādhānaṃ katvā pacchā yathā vipassati ca. Samuccayattho ce-saddo vipassanaṃ samuccinoti.

Vipassamāno tathā ce samādaheti vipassanā nāmesā lūkhabhūtā nirassādā, samatho ca nāma siniddhabhūto sa-assādo. Tasmā tāya lūkhabhūtaṃ cittaṃ sinehetuṃ vipassamāno tathā ca samādahe. Vipassamāno puna samādhim pavisitvā cittaśamādhānaṃca tatheva kareyya, yatheva vipassananti attho. Idha ce-saddo samādahanam samuccinoti. Ubhayatthāpi gāthābandhānuvattanena ce-kāro kato, attho pana ca-kārattho eva.

Vipassanā ca samatho tadā ahūti yasmā samathavipassanānaṃ yuganaddhabhāve sati ariyamaggapātubhāvo hoti, tasmā ariyamaggajanasamatthattā yadā tadubhayasamāyogo hoti, tadā vipassanā ca samatho ca ahu, samathavipassanā bhūtā nāma hotīti attho. Tā ca samathavipassanā ariyamaggābhimukhikāle ca maggakkhaṇe ca **samānabhāgā yuganaddhā vattare** samāno samo bhāgo koṭṭhāso etesanti samānabhāgā, yuge naddhā viyāti yuganaddhā, aññamaññaṃ anativattanaṭṭhena samadhurā samabalāti attho. Vitthāro panassa yuganaddhakathāyaṃ āvibhavissati.

Dukkhā saṅkhārā sukho, nirodho iti dassanaṃ. Dubhato vuṭṭhitā paññā, phasseti amataṃ padanti dukkhā saṅkhārā, sukho nirodho nibbānanti

paṭipannassa tato nibbānadassanaṃ ariyamaggañāṇaṃ dubhato vuṭṭhitā paññā nāma. Sā eva ca paññā amataṃ padaṃ nibbānaṃ ārammaṇaphusanaena phusati, paṭilabhatīti attho. Nibbānaṃ hi atappakaṭṭhena amatasadisanti amataṃ, nāssa mataṃ maraṇaṃ vayo atthītipi amataṃ, pubbabhāgato paṭṭhāya mahatā ussāhena mahatīyā paṭipadāya pajjati paṭipajjīyatīti padanti vuccati.

Vimokkhacariyaṃ jānātīti vimokkhapavattiṃ asammohavasena jānāti, paccavekkhaṇavasena jānāti. “Dubhato vuṭṭhāno vimokkho, dubhato vuṭṭhānā cattāro vimokkhā, dubhato vuṭṭhānānaṃ anulomā cattāro vimokkhā, dubhato vuṭṭhānapaṭippassaddhi cattāro vimokkhā”ti hi upari vimokkhakathāyaṃyeva¹ āgatā vimokkhacariyā veditabbā. Tesāṃ vitthāro tattheva āgato. **Nānattekattakovidoti** tesāṃ vimokkhānaṃ nānābhāve ekabhāve ca kusalo. Dubhato vuṭṭhānavimokkhavasena hi tesāṃ ekattaṃ, catu-ariyamaggavasena nānattaṃ, ekekassāpi vā ariyamaggassa anupassanābhedenā nānattaṃ, ariyamaggabhāvena ekattaṃ veditabbāṃ. **Dvinnāṃ ñāṇānaṃ kusalatāti** dassanasāṅkhātassa ca bhāvanāsāṅkhātassa cāti imesaṃ dvinnāṃ ñāṇānaṃ kusalatāya. **Dassananti** hi sotāpattimaggo. So hi paṭhamānaṃ nibbānadassanato dassananti vutto. Gotrabhu pana kiñcāpi paṭhamataraṃ nibbānaṃ passati, yathā pana rañño santikaṃ kenacideva karaṇīyena āgato puriso dūratova rathikāya carantaṃ hatthikkhandhagataṃ rājānaṃ disvāpi “diṭṭho te rājā”ti puṭṭho disvā kattabbakiccassa akatattā “na passāmī”ti āha, evameva nibbānaṃ disvā kattabbassa kilesappahānassābhāvā na “dassanaṃ”ti vuccati. Taṃ hi ñāṇaṃ maggassa āvajjanaṭṭhāne tiṭṭhati. **Bhāvanāti** sesamaggattayaṃ. Taṃ hi paṭhamamaggena diṭṭhasmimyeva dhamme bhāvanāvasena uppajjati, na adiṭṭhapubbaṃ kiñci passati, tasmā “bhāvanā”ti vuccati. Heṭṭhā pana bhāvanāmaggassa apariniṭṭhitattā “dvinnāṃ ñāṇānaṃ”ti avatvā sotāpattisakadāgāmi-anāgāmi-maggalābhino sandhāya “jhānavimokkhe kusalatā”ti vuttaṃ, arahattamaggalābhino pana bhāvanāmaggassa pariniṭṭhitattā “dvinnāṃ ñāṇānaṃ kusalatā”ti vuttanti veditabbāṃ.

Maggañāṇaniddesavaṇṇanā niṭṭhitā.

1. Khu 9. 231 piṭṭhe.

12. Phalañāṇaniddesavaṇṇanā

63. Phalañāṇaniddese **taṃpayogappaṭippassaddhattā**ti tassa ajjhatabhiddhā vuṭṭhānapayogassa paṭippassaddhattā. Maggo hi sakakkhaṇe kilesappahānena ubhato vuṭṭhānapayogaṃ karoti nāma, phalakkhaṇe kilesānaṃ pahīnattā maggassa ubhato vuṭṭhānapayogo paṭippassaddho vūpasanto nāma hoti. **Uppajjati**ti maggānantaraṃ sakim vā dvikkhattuṃ vā uppajjati, phalasamāpattikāle pana bahukkhattuṃ, nirodhā vuṭṭhahantassa dvikkhattuṃ uppajjati, sabbampi hi taṃpayogappaṭippassaddhattā uppajjati. **Maggasetaṃ phalanti** phalaṃ apekkhitvā napuṃsakavacanaṃ kataṃ. Sakadāgāmimaggakkaṇāḍīsupi ekekamaggaṅgavaseneva vuṭṭhānayojanā veditabbā.

Phalañāṇaniddesavaṇṇanā niṭṭhitā.

13. Vimuttiñāṇaniddesavaṇṇanā

64. Vimuttiñāṇaniddese **sakkāyadiṭṭhī**ti vijjamānatṭhena sati khandhapañcakasaṅkhāte kāye, sayāṃ vā satī tasmim kāye diṭṭhīti sakkāyadiṭṭhī. **Vicikicchā**ti vigatā cicicchā, sabhāvaṃ vā vicinanto etāya kicchati kilamatīti vicikicchā. **Sīlabbataparāmāso**ti sīlena suddhi vatena suddhi sīlabbatena suddhīti gahita-abhiniveso. So hi sabhāvaṃ atikkamitvā parato āmasatīti sīlabbataparāmāso¹. Ubhinnaṃ samānepi diṭṭhibhāve takkañca parūpadesaṅca vinā pakatiyā eva sakkāyadiṭṭhigahaṇato pakatibhūtāya vīsativatthukāya sakkāyadiṭṭhiyā pahāneneva sabbadiṭṭhippahānadassanatthaṃ sakkāyadiṭṭhi vuttā. Sīlabbataparāmāso pana “suddhipaṭipadaṃ paṭipajjāmā”ti paṭipannānaṃ paṭipadāya micchābhāvadassanatthaṃ visuṃ vuttoti veditabbo. Tiṇṇampi anusayappahāneneva pahānaṃ dassetuṃ **diṭṭhānusayo vicikicchānusayoti** vuttaṃ, na visuṃ kilesattā. **Upakkilesā**ti kilesenti upatāpenti vibādhentīti kilesā, thāmagataṭṭhena bhusā kilesāti upakkilesā. **Sammā samucchinnā hontīti** samucchadappahānena anuppādanirodhena sammā samucchinnā honti. **Sapariyuṭṭhānehīti** cittaṃ

1. Parāmāso (Sī, Syā)

pariyonandhantāni uṭṭhenti uppajantīti pariyuṭṭhānāni,
 samudācārappattānaṃ kilesānametaṃ adhivacanaṃ. Saha pariyuṭṭhānehīti
 sapariyuṭṭhānāni. Tehi sapariyuṭṭhānehi anusayita-upakkilese hi. **Cittaṃ**
vimuttaṃ hotīti tesāṃ abhabbuppattikabhūtatā santativasena pavattamānaṃ
 cittaṃ tato vimuttaṃ nāma hoti. Tadeva suṭṭhu vimuttatā **suvimuttaṃ.**
Taṃvimutti ñātaṭṭhenāti tassā vimuttiyā jānanaṭṭhena.

Vimuttiñāṇaniddesavaṇṇanā niṭṭhitā.

14. Paccavekkhaṇañāṇaniddesavaṇṇanā

65. Paccavekkhaṇañāṇaniddese maggakkhaṇeyeva hetuṭṭhena paṭhamaṃ
 maggaṅgāni visum visum vatvā puna maggaṅgabhūte ca amaggaṅgabhūte ca
 dhamme “bujjhanatṭhena bodhī”ti laddhanāmassa ariyassa aṅgabhāvena
 bojjhaṅge visum dassesi. Satidhammavicayavīriyasamādhisambojjhaṅgā hi
 maggaṅgāneva, pītipassaddhi-upekkhāsambojjhaṅgā amaggaṅgāni. Puna
 balavasena indriyavasena ca visum niddiṭṭhesu saddhā eva amaggaṅgabhūtā.
 Puna maggakkhaṇe jāteyeva dhamme rāsivasena dassento
ādhipateyyatṭhenāti-ādimāha. Tattha **upatṭhānatṭhena satipatṭhānāti** ekāva
 nibbānārammaṇā sati kāyavedanācittadhammesu subhasukhanicca-
 attasaññāpahānakiccāsādhana vasena cattāro satipatṭhānā nāma.
 Nibbānārammaṇaṃ ekameva vīriyaṃ uppannānuppannānaṃ akusalānaṃ
 pahānānupattikiccassa, anuppannuppannānaṃ kusalānaṃ
 uppādaṭṭhitikiccassa sādhanavasena cattāro sammappadhānā nāma.

Tathatṭhena saccāti dukkhabhāvādīsu avisaṃvādakatṭhena cattāri
 ariyasaccāni. Etāneva cettha paṭivedhatṭhena tadā samudāgatāni,
 “amatogadhaṃ nibbānaṃ”ti visum vuttaṃ nibbānañca, sesā pana dhammā
 paṭilābhatṭhena tadā samudāgatā. “Tathatṭhena saccā tadā samudāgatā”ti
 vacanato maggaphalaparīyosāne avassaṃ cattāri saccāni paccavekkhatīti
 niṭṭhamettha gantabbaṃ. “Kataṃ karaṇīyaṃ nāparaṃ itthattāyāti pajānāti”ti¹
 vacanato ca “dukkhaṃ me pariññātaṃ, samudayo me pahīno, nirodho me
 sacchikato,

maggo ca me bhāvito”ti paccavekkhaṇaṃ vuttameva hoti. Tathā paccavekkhaṇaṃ yujjati ca. **Samudayoti** cettha taṃtaṃmaggavajjhoyeva veditabbo. Ettha vuttasamudayapaccavekkhaṇavaseneva Aṭṭhakathāyaṃ duvidhaṃ kilesapaccavekkhaṇaṃ maggaphalanibbānapaccavekkhaṇāni idha sarūpeneva āgatānīti vuttāni. Kevalaṃ dukkhapaccavekkhaṇamevana vuttaṃ. Kiñcāpi na vuttaṃ, atha kho pāṭhasabbhāvato yuttisabbhāvato ca gahetabbameva. Saccapaṭivedhatthaṃ hi paṭipannassa niṭṭhite saccapaṭivedhe sayāṃ katakiccapaccavekkhaṇaṃ yuttamevāti.

Avikkhepaṭṭhena samathoti-ādi maggasampayutte eva samathavipassanādhamme ekarasaṭṭhena anativattanaṭṭhena ca dassetuṃ vuttaṃ. **Samvaraṭṭhena sīlavisuddhīti** sammāvācākammantājīvā eva **avikkhepaṭṭhena cittavisuddhīti** sammāsamādhī eva. **Dassanaṭṭhena ditṭhivisuddhīti** sammāditṭhiyeva. **Vimuttaṭṭhenāti** samucchadavasena maggavajjhakilesehi muccanaṭṭhena, nibbānārammaṇe vā adhimuccanaṭṭhena. **Vimokkhoti**samucchadavimokkho, ariyamaggoyeva. **Paṭivedhaṭṭhena vijjāti** saccapaṭivedhaṭṭhena vijjā, sammāditṭhiyeva. **Pariccāgaṭṭhena vimuttīti** maggavajjhakilesānaṃ pajhanaṭṭhena tato muccanato vimutti, ariyamaggoyeva. **Samucchedaṭṭhena khaye ñāṇanti** kilesasamucchindanaṭṭhena kilesakkhayakare ariyamagge ñāṇaṃ, sammāditṭhiyeva.

Chandādayo heṭṭhā vuttanayeneva veditabbā. Kevalaṃ hettha¹ maggakkhaṇeyeva maggassa ādimajjhapariyosānākārena dassitā. **Vimuttīti** cettha maggavimuttiyeva. “Tathaṭṭhena saccā”ti ettha gahitampi ca nibbānaṃ idha pariyosānabhāvadassanaṭṭhaṃ puna vuttanti veditabbaṃ. Phalakkhaṇepi e seva nayo. Ettha pana **hetuṭṭhena maggoti** phalamaggabhāveneva. **Sammappadhānāti** maggakkhaṇe catukiccasādhakassa vīriyakiccassa phalassa uppādakkhaṇe siddhattā vuttanti veditabbaṃ. Aññathā hi phalakkhaṇe sammappadhānā eva na labbhanti. Vuttaṃ hi maggakkhaṇe sattatimsa bodhipakkhiyadhamme uddharantena therena “phalakkhaṇe ṭhapetvā cattāro sammappadhāne avasesā tettimsa dhammā labbhantī”ti. Evameva paṭivedhakiccādisiddhivasena saccādinipi yathāyogaṃ veditabbāni. **Vimokkhoti** ca phalavimokkho. **Vimuttīti** phalavimutti. **Paṭippassaddhaṭṭhena anuppāde ñāṇaṃ** vuttatthameva. **Vuṭṭhahitvāti** antarā vuṭṭhānābhāvā phalāvasānena² evaṃ vuttaṃ. **Ime dhammā tadā samudāgatāti** ime

1. Heṭṭhā (Gaṇṭhipade)

2. Phalavasena (Sī, Syā)

vuttappakārā dhammā maggakkhaṇe phalakkhaṇe ca samudāgatāti paccavekkhatīti iti-saddaṃ pāḥasesaṃ katvā sambandho vedītabbo.

Paccavekkhaṇañāṇaniddesavaṇṇanā niṭṭhitā.

15. Vatthunānattañāṇaniddesavaṇṇanā

66. Vatthunānattañāṇaniddese **cakkhuṃ ajjhattaṃ vavatthetīti** ajjhatabhūtaṃ cakkhuṃ vavatthapeti. Yathā so cakkhuṃ vavatthapeti, tathā vattukāmo **kathaṃ cakkhuṃ ajjhattaṃ vavatthetīti** pucchitvā puna **cakkhu avijjāsambhūtaṃ vavatthetīti**-ādinā vavatthāpanākāraṃ dasseti. Tattha avijjātaṇhā atītā upatthambhakahetuyo, kammaṃ atītaṃ janakahetu, āhāro idāni upatthambhakahetu. Etena cakkhūpatthambhakāni utucittāni gahitāneva hontī. **Catunnaṃ mahābhūtānaṃ upādāyāti** upayogatthe sāmivacanaṃ, cattāri mahābhūtāni upādiyitvā pavattanti attho. Etena pasādacakkhubhāvo dassito hoti, sasambhārabhāvo paṭikkhitto. **Uppannanti** addhāvasena, santatikhaṇavasena vā paccuppannaṃ. **Samudāgatanti** hetuto samuṭṭhitaṃ. Ettāvata vipassanāpubbabhāge cakkhuvavatthānaṃ dassitaṃ. **Ahuvā sambhūtaṃ**-ādīhi aniccānupassanā. Pubbe udayā avijjamānato ahuvā sambhūtaṃ, uddhaṃ vayā abhāvato hutvā na bhavissati. **Antavantatoti** anto assa atthīti antavā, antavā eva antavanto yathā “satimanto gatimanto, dhitimanto ca yo isī”¹. Tato antavantato, bhaṅgavijjamānatoti attho. **Addhuvanti** sabbāvattānīpātīyā, thirabhāvassa ca abhāvātāya na thiraṃ. **Asassatanti** na niccaṃ. **Vipariṇāmadhammanti** jarāya ceva maraṇena cāti dvedhā vipariṇāmapakatikaṃ. **Cakkhu aniccanti**-ādīni **cakkhuṃ aniccatoti**-ādīni ca vuttatthāni. **Manoti** idha bhavaṅgamanassa adhippetattā **avijjāsambhūtoti**-ādi yujjatiyeva. **Āhārasambhūtoti** ettha sampayuttaphassāhāraṃ manosañcetanāhāraṃ vasena vedītabbaṃ. **Uppannoti** ca addhāsantatīvasena.

Vatthunānattañāṇaniddesavaṇṇanā niṭṭhitā.

1. Khu 2. 349 piṭṭhe Theragāthāyaṃ.

16. Gocaranānattañāṇaniddesavaṇṇanā

67. Gocaranānattañāṇaniddese **rūpe bahiddhā vavattheti**ti ajjhattato bahiddhābhūte rūpāyatanadhamme vavatthapeti ti attho. **Avijjāsambhūtāti-**ādi attabhāvapariyāpannakammajarūpattā vuttaṃ. Āhāropi hi kammajarūpassa upatthambhakapaccayo hoti. Saddassa pana utucittasamuṭṭhānattā avijjāsambhūtādicatukkaṃ na vuttaṃ. Phoṭṭhabbānaṃ sayāṃ mahābhūtattā “catunnaṃ mahābhūtānaṃ upādāyā”ti na vuttaṃ. **Dhammā**ti cettha bhavaṅgamanosampayuttā tayo arūpino khandhā, dhammāyatanapāriyāpannāni sukhumarūpāni ca kammāsamuṭṭhānāni, sabbānipi rūpādāni ca. Apica yāni yāni yena yena samuṭṭhahanti, tāni tāni tena tena veditabbāni. Itarathā hi sakasantānapariyāpannāpi rūpādayo dhammā sabbe na saṅgaṇheyyāṃ. Yasmā anindriyabaddharūpādayopi vipassanūpagā, tasmā tesaṃ kammāsamuṭṭhānapadena saṅgaho veditabbo. Tepi hi sabbasattasādhāraṇakammaṇṇapaccaya-utusamuṭṭhānā. Aññe pana “anindriyabaddhā rūpādayo avipassanūpagā”ti vadanti. Taṃ pana—

“Sabbe saṅkhārā aniccāti, yadā paññāya passati.

Atha nibbindati dukkhe, esa maggo visuddhiyā”ti¹—

ādikāya Pāḷiyā virujjhati. Vuttañca Visuddhimagge “idhekacco āditova ajjhattasaṅkhāre abhinivisitvā vipassati, yasmā pana na suddha-ajjhattadassanāmatteva maggavutṭhānaṃ hoti, bahiddhāpi datṭhabbameva, tasmā parassa khandhepi anupādinnasaṅkhārepi aniccaṃ dukkhamānattāti vipassati”ti². Tasmā paresaṃ cakkhādivavatthānampi anindriyabaddharūpādivavatthānampi icchitabbameva, tasmā tebhūmakasaṅkhārā avipassanūpagā nāma natthi.

Gocaranānattañāṇaniddesavaṇṇanā niṭṭhitā.

17. Cariyānānattañāṇaniddesavaṇṇanā

68. Cariyānānattañāṇaniddese **viññāṇacariyā**ti-ādīsu ārammaṇe caratīti cariyā, viññāṇameva cariyā **viññāṇacariyā**. Aññāṇena

1. Khu 1. 53 piṭṭhe.

2. Visuddhi 2. 300 piṭṭhe.

caraṇam, aññāṇena vā carati, aññāte vā carati, aññāṇassa vā caraṇanti
aññāṇacariyā. Ñāṇameva cariyā, ñāṇena vā cariyā, ñāṇena vā carati, ñāte vā
 carati, ñāṇassa vā caraṇanti **ñāṇacariyā.** **Dassanattḥāyāti** rūpadassanattḥāya
 pavattā. **Āvajjanakiriyābyākatāti** bhavaṅgasantānato apānetvā rūpārammaṇe
 cittasantānam āvajjeti nāmetīti āvajjanam, vipākābhāvato karaṇamattanti
 kiriyā, kusalākusalavasena na byākatāti abyākatā. **Dassanattḥoti** passanti
 tena, sayam vā passati, dassanamattameva vā tanti dassanam, dassanameva
 attho dassanattḥo. **Cakkhuviññānanti** kusalavipākam vā akusalavipākam vā.
Diṭṭhattāti adiṭṭhe sampaṭicchanaassa abhāvato cakkhuviññāṇena
 rūpārammaṇassa diṭṭhattā. **Abhiniropanā vipākamanodhātūti**
 diṭṭhārammaṇameva ārohatīti abhiniropanā, ubhayavipākā
 sampaṭicchanaamanodhātu. **Abhiniropitattāti** rūpārammaṇam abhiruḥhattā.
Vipākamanoviññādhātūti ubhayavipākā santīraṇamanoviññādhātu. Esa
 nayo sotadvārādīsipi. Santīraṇānantaram voṭṭhabbane avuttepi
 Atṭhakathācariyehi vuttattā labbhatīti gahetabbam. **Vijānanattḥāyāti**
 dhammārammaṇassa ceva rūpādi-ārammaṇassa ca vijānanattḥāya.
Āvajjanakiriyābyākatāti manodvārāvajjanacittam. **Vijānanattḥoti**
 tadanantarajavanavasena ārammaṇassa vijānanameva attho, na añño. Upari
 akusalajavanānam vipassanāmaggaḥalajavanānaṅca visum vuttattā
 sesajavanāni idha gahetabbāni siyum. “Kusalehi kammehi vippayuttā caratīti
 viññāṇacariyā”ti-ādivacanato¹ pana hasituppādacittajavanameva
 gahetabbam. Chasu dvāresu ahetukānaṅyeva cittānam vuttattā dve
 āvajjanāni dve pañcaviññāṇāni dve sampaṭicchanaṅi tīṇi santīraṇāni ekaṁ
 hasituppādacittanti aṭṭhārasa ahetukacittāniyeva viññāṇacariyāti veditabbāni.

69. Idāni visayavijānanamattaṭṭhena viññāṇacariyāti dassetum **nīrāgā**
caratīti-ādimāha, viññāṇam hi rāgādisampayoge saddhādisampayoge ca
 avatthantaram pāpuṇāti, tesu asati sakāvattḥāyameva tiṭṭhati. Tasmā
 nīrāgādivacanena tesam vuttaviññāṇānam viññāṇakiccamattam dasseti.
 Natthi etissā rāgoti nīrāgā. Nirāgāti rassam katvāpi

1. Khu 9. 79 piṭṭhe.

paṭhanti. So pana rajjanavasena **rāgo**. Itaresu dussanavasena **doso**.
 Muyhanavasena **moho**. Maññanavasena **māno**. Viparītadassanavasena **ditṭhi**.
 Uddhatabhāvo avūpasantabhāvo, vā **uddhaccaṃ**. **Vicikicchā** vuttatthā.
 Anusentīti **anusayā**. “Niranusayā”ti vattabbe **nānusayāti** vuttam, soyevattho.
 Pariyutṭhānappattānamevettha abhāvo veditabbo. Na hi viññānacariyā
 pahīnānusayānamyeva vuttā. Yā ca nīrāgādināmā, sā rāgādīhi vippayuttāva
 nāma hotīti pariyāyantaradassanattam **rāgavippayuttāti**-ādimāha. Puna
 aññchi ca vippayuttatam dassetum **kusalehi kammehīti**-ādimāha.
 Kusalāniyeva rāgādivajjābhāvā **anavajjāni**. Parisuddhabhāvakarehi hiri-
 ottappehi yuttatā **sukkāni** pavattisukhattā sukho udayo uppatti etesanti
sukhudrayāni, sukhavipākattā vā sukho udayo vaḍḍhi etesanti sukhudrayāni.
 Vuttavipakkhena akusalāni yojetabbāni. **Viññāte caratīti** viññāṇena
 viññāyamānam ārammaṇam viññātānā nāma, tasmim viññāte ārammaṇe.
 Kim vuttam hoti? Nīlavanṇayogato nīlavattham viya viññāyogato
 viññātānā viññāṇam nāma hoti, tasmim viññāṇe caratīti **viññānacariyāti**
 vuttam hoti. **Viññāṇassa evarūpā cariyā hotīti** vuttappakārassa viññāṇassa
 vuttappakārā cariyā hotīti attho. “Viññāṇassa cariyā”ti ca vohāravasena
 vuccati, viññāṇato pana visum cariyā natthi. **Pakatiparisuddhamidaṃ cittaṃ**
nikkilesatṭhenāti idaṃ vuttappakāram cittaṃ rāgādikilesābhāvena pakatiyā
 eva parisuddham. Tasmā vijānanamattameva cariyāti **viññānacariyāti** vuttam
 hoti. Niklesatṭhenātīpi pāṭho.

Aññānacariyāya **manāpiyesūti**¹ manasi appenti pasīdanti, manam vā
 appāyanti vaḍḍhentīti manāpāni, manāpāniyeva manāpiyāni. Tesu
 manāpiyesu. Tāni pana iṭṭhāni vā hontu aniṭṭhāni vā, gahaṇavasena
 manāpiyāni. Na hi iṭṭhasmimyeva rāgo aniṭṭhasmimyeva doso uppajjati.
Rāgassa javanattāyāti santativasena rāgassa javanattāyā pavattā.
Āvajjanakiriyābyākatāti cakkhudvāre ayoniso manasikārabhūtā
 āvajjanakiriyābyākatā manodhātu. **Rāgassa javanāti** yebhuyyena

1. Manāpikesūti (Sī, Syā, Ka)

sattakkhattum rāgassa pavatti, punappunam pavatto rāgoyeva.

Aññāṇacariyāti aññāṇena rāgassa sambhavato aññāṇena rāgassa cariyāti vuttam hoti. Sesesupi eseva nayo. **Tadubhayena asamapekkhanasmim vatthusminti** rāgadosavasena samapekkhanavirahite rūpārammaṇasaṅkhāte vatthusmim. **Mohassa javanattāyā**ti vicikicchā-uddhaccavasena mohassa javanattāyā. **Aññāṇacariyā**ti aññāṇasseva cariyā¹, na aññassa.

Vinibandhassāti-ādīni mānādīnam sabhāvavacanāni. Tattha **vinibandhassā**ti unnativasena vinibandhitvā ṭhitassa. **Parāmatṭhāyā**ti rūpassa aniccabhāvādīm atikkamitvā parato niccabhāvādīm āmatṭhāyā gahitāyā. **Vikkhepagatassā**ti rūpārammaṇe vikkhittabhāvaṃ gatassa. **Aniṭṭhaṅgatāyā**ti asanniṭṭhānabhāvaṃ gatāyā. **Thāmagatassā**tibalappattassa. **Dhammesū**ti rūpādīsu vā dhammārammaṇabhūtesu vā dhammesu.

70. Yasmā rāgādayo aññāṇena honti, tasmā rāgādisampayogena aññāṇam viśesento **sarāgā caratī**ti-ādīmāha. Tattha **sarāgā caratī**ti mohamānadiṭṭhimānānusayadiṭṭhānusaya-avijjānusayajavanavasena cariyā veditabbā. **Sadosā caratī**ti moha-avijjānusayajavanavasena. **Samohā caratī**ti rāgadosamānadiṭṭhi-uddhaccavicikicchānusayajavanavasena. **Samānā caratī**ti rāgamohakāmarāgabhavarāgāvijjānusayajavanavasena. **Sadiṭṭhi caratī**ti rāgamohakāmarāgāvijjānusayajavanavasena. **Sa-uddhaccā carati savicikicchā caratī**ti moha-avijjānusayajavanavasena. **Sānusayā caratī**ti etthāpi vuttanayeneva ekekaṃ anusayaṃ mūlaṃ katvā tasmim citte labbhamānakasesānusayavasena sānusayatā yojetabbā. **Rāgasampayuttā**ti-ādi sārāgādivēvacanameva. Sā eva hi cariyā sampayogavasena saha rāgādīhi vattatīti sarāgādi-ādīni nāmāni labhati. Rāgādīhi samam ekuppādekanirodhekavatthekārammaṇādīhi pakārehi yuttāti **rāgasampayuttānī**ti-ādīni nāmāni labhati. Sāyeva ca yasmā kusalādīhi kammehi vippayuttā, akusalādīhi kammehi sampayuttā, tasmāpi aññāṇacariyāti dassetuṃ **kusalehi kammehī**ti-ādīmāha. Tattha **aññā**ṭeti mohassa aññāṇalakkhaṇattā yathāsabhāvena aññāte ārammaṇe. Sesam vuttatthameva.

1. Aññāṇameva cariyā (Ka)

71. Ñāṇacariyāyaṃ yasmā vivaṭṭanānupassanādīnaṃ anantarapaccayabhūtā āvajjanakiriyābyākatā natthi, tasmā tesam atthāya āvajjanakiriyābyākatam avatvā vivaṭṭanānupassanādayova vuttā. Anulomaññatthāya eva hi āvajjanā hoti, tato vivaṭṭanānupassanāmaggaphalāni. **Phalasarāpattī**ti cettha maggānantarajā vā hotu kālantarajā¹ vā, ubhopi adhippetā. **Nīrāgā caratī**ti-ādīsu rāgādīnaṃ paṭipakkhavasena nīrāgādītā veditabbā, viññāṇacariyāyaṃ rāgādīnaṃ abhāvamattaṭṭhena. **Ñātetī** yathāsabhāvato ñāte. **Aññā viññāṇacariyā**ti-ādīhi tissannaṃ cariyānaṃ aññamaññamasammissataṃ dasseti. Viññāṇakiccāmatavasena hi ahetukacittuppādā viññāṇacariyā, aññāṇakiccavataṃ dvādasannaṃ akusalacittuppādānaṃ vaseneva aññāṇacariyā, visesena ñāṇakiccakārīnaṃ vipassanāmaggaphalānaṃ vasena ñāṇacariyā. Evamimā aññamaññamasammissā ca, vipassanaṃ ṭhapetvā sahetukakāmāvacarakiriyākusalā ca, sahetukakāmāvacaravipākā ca, rūpāvacarārūpāvacarakusalābyākatā ca tīhi cariyāhi vinimuttāti veditabbā. Nibbānārammaṇāya vivaṭṭanānupassanāya ñāṇacariyāya niddiṭṭhattā nibbānamaggaphalapaccavekkhaṇabhūtāni sekkhāsekkhānaṃ paccavekkhaṇañāṇāni ñāṇacariyāya saṅgahitānīti veditabbāni. Tānipi hi visesena ñāṇakiccarānevāti.

Cariyānānattañāṇaniddesavaṇṇanā niṭṭhitā.

18. Bhūminānattañāṇaniddesavaṇṇanā

72. Bhūminānattañāṇaniddese **bhūmiyoti** bhāgā paricchedā vā. **Kāmāvacarā**ti ettha duvidho kāmo kilesakāmo vatthukāmo ca. Kilesakāmo chandarāgo, vatthukāmo tebhūmakavaṭṭam. Kilesakāmo kāmetīti kāmo, vatthukāmo kāmiyāti kāmo. So duvidho kāmo pavattivāsena yasmim padese avacarati, so padeso kāmo ettha avacarati kāmāvacaro. So pana padeso catunnaṃ apāyānaṃ, manussalokassa, channañca devalokānaṃ vasena

1. Kālānantarajā (Sī)

ekādasavidho. Yathā hi yasmim padese sasatthā purisā avacaranti, so vijjamānesupi aññesu dvipadacatuppadesu avacarantesu tesam abhilakkhitattā “sasatthāvacaro”ti vuccati, evam vijjamānesupi aññesu rūpāvacarādīsu tattha avacarantesu tesam abhilakkhitattā ayam padeso “kāmāvacaro”tveva vuccati. Svāyam yathā rūpabhavo rūpaṃ, evam uttarapadalopaṃ katvā “kāmo”tveva vuccati. Tappaṭibaddho ekeko dhammo imasmim ekādasavidhapadesasankhāte kāme avacarātīti kāmāvacaro. Kiñcāpi hi ettha keci dhammā rūpārūpabhavesupi avacaranti, yathā pana saṅgāme avacaraṇato “saṅgāmāvacaro”ti laddhanāmo nāgo nagare carantopi “saṅgāmāvacaro”tveva vuccati, thalajalacarā ca pāṇino athale ajale ca ṭhitāpi “thalacarā jalacarā”tveva vuccanti, evam te aññattha avacarantāpi kāmāvacarāyevāti veditabbā. Ārammaṇakaraṇavasena vā etesu vuttapakāresu dhammesu kāmo avacarātīti kāmāvacarā. Kāmañcesa rūpārūpāvacaradhammesupi avacarati, yathā pana “vadaṭīti vaccho, mahiyam setīti mahimso”ti vuttana yattakā vadanti, mahiyam vā senti, sabbesam tam nāmaṃ hoti. Evaṃsampadamidaṃ veditabbaṃ. Ettha sabbe te dhamme ekarāsīm katvā vuttabhūmisaddamapekkhitvā kāmāvacarāti itthilingavacanaṃ kataṃ. Rūpāvacarāti-ādīsu rūpabhavo rūpaṃ, tasmim rūpe avacarantīti **rūpāvacarā**. Arūpabhavo arūpaṃ, tasmim arūpe avacarantīti **arūpāvacarā**. Tebhūmakavaṭṭe pariyāpannā antogadhāti pariyāpannā, tasmim na pariyāpannāti **apariyāpannā**.

Kāmāvacarādibhūminiddesesu **heṭṭhatoti heṭṭhābhāgena**. **Avīcinirayanti** jālānaṃ vā sattānaṃ vā vedanānaṃ vā vīci antaraṃ chiddaṃ ettha natthīti Avīci. Sukhasankhāto ayo ettha natthīti nirayo, nirati-atthenapi nirayo. **Pariyantaṃ karitvāti** tam Avīcisaṅkhātaṃ nirayaṃ antaṃ katvā. **Uparitoti** uparibhāgena. **Paranimmitavasavattī deveti** paranimmitesu kāmesu vasaṃ vattanato evamladdhavohāre deve. **Anto karitvāti** anto pakkhipitvā. **Yam etasmim antareti** ye etasmim okāse. **Yanti** ca liṅgavacanaṃ vipallāso kato. **Etthāvacarāti** iminā yasmā tasmim antare aññepi caranti kadāci katthaci sambhavato, tasmā tesam asaṅgaṇhanatthaṃ avacarāti vuttaṃ. Tena ye etasmim antare ogālhā hutvā caranti sabbattha

sadā ca sambhāvato, adhobhāge ca caranti Avīcinirayassa heṭṭhā bhūtūpādāya pavattibhāvena, tesam saṅgaho kato hoti. Te hi ogāḷhā caranti, adhobhāge ca carantīti avacarā. **Ettha pariyāpannā**ti iminā pana yasmā ete etthāvacarā aññatthāpi avacaranti, na pana tattha pariyāpannā honti, tasmā tesam aññatthāpi avacarantānam pariggaho kato hoti.

Idāni te ettha pariyāpanne dhamme rāsisuññatāpaccayabhāvato ceva sabhāvato ca dassento **khandhadhātu-āyatanā**ti-ādimāha. **Brahmalokanti** paṭhamajjhānabhūmisāṅkhātāṃ brahmaṭṭhānam. **Akaniṭṭheti** uttamaṭṭhena na kaniṭṭhe. **Samāpannassā**ti samāpattim samāpannassa. Etena kusalajjhānam vuttam. **Upapannassā**ti vipākavasena brahmaloke upapannassa. Etena vipākajjhānam vuttam. **Diṭṭhadhammasukhavihārissā**ti diṭṭheva dhamme paccakkhe attabhāve sukho vihāro diṭṭhadhammasukhavihāro, so assa atthīti diṭṭhadhammasukhavihārī, arahā. Tassa diṭṭhadhammasukhavihārissa. Etena kiriyaajjhānam vuttam. **Cetasikā**ti cetasi bhavā cetasikā, cittasampayuttāti attho. **Ākāsānañcāyatanūpage**ti Ākāsānañcāyatanasāṅkhātāṃ bhavaṃ upagate. Dutiyapadepi eseva nayo. **Maggā**ti cattāro ariyamaggā. **Maggapalānī**ti cattāri ariyamaggapalāni. **Asāṅkhatā ca dhātū**ti paccayehi akatā nibbānadhātu.

Aparāpi catasso bhūmiyoti ekekacatukkavasena veditabbā, **cattāro satipaṭṭhānā**ti kāyānupassanāsatiṭṭhānam vedanānupassanāsatiṭṭhānam cittānupassanāsatiṭṭhānam dhammānupassanāsatiṭṭhānam. Tassattho— patiṭṭhātīti ṭṭhānam, upaṭṭhātīti okkanditvā¹ pakkhanditvā pavattatīti attho. Satiyeva ṭṭhānam satipaṭṭhānam. Atha vā saraṇaṭṭhena sati, upaṭṭhānaṭṭhena ṭṭhānam, sati ca sā ṭṭhānañcātipi satipaṭṭhānam. Ārammaṇavasena bahukā tā satiyoti satipaṭṭhānā. **Cattāro sammappadhānā**ti anuppannānam akusalānam anuppādāya sammappadhānam, uppannānam akusalānam pahānāya sammappadhānam, anuppannānam kusalānam uppādāya sammappadhānam, uppannānam kusalānam ṭṭhānam, vīriyassetam

1. Okkantitvā (Sī)

nāmaṃ. **Sammappadhānanti** aviparītapadhānaṃ kāraṇappadhānaṃ upāyappadhānaṃ yonisopadhānaṃ. Ekameva vīriyaṃ kiccavasena catudhā katvā sammappadhānāti vuttaṃ. **Cattāro iddhipādāti** chandiddhipādo cittiddhipādo vīriyiddhipādo vīmaṃsiddhipādo. Tassattho vuttoyeva. **Cattāri jhānānīti** vitakkavicārapītisukhacittkekaggaṭṭhavasena pañcaṅgikaṃ paṭhamajjhānaṃ, pītisukhacittkekaggaṭṭhavasena tivaṅgikaṃ dutiyajjhānaṃ, sukhacittkekaggaṭṭhavasena duvaṅgikaṃ tatiyajjhānaṃ, upekkhācittkekaggaṭṭhavasena duvaṅgikaṃ catutthajjhānaṃ. Imāni hi aṅgāni ārammaṇūpanijjhānaṭṭhena jhānanti vuccanti. **Catasso appamaññāyoti** mettā karuṇā muditā upekkhā. Pharaṇa-appamaññavasena appamaññāyo. Etāyo hi ārammaṇavasena appamaññe vā satte pharanti, ekaṃ sattampi vā anavasesapharaṇavasena pharantīti pharaṇa-appamaññavasena appamaññāyoti vuccanti. **Catasso arūpasamāpattiyoti** ākāsaṇācāyatanasamāpatti viññāṇaṇācāyatanasamāpatti ākiṇcaññāyatanasamāpatti nevasaññānāsaññāyatanasamāpatti. **Catasso paṭisambhidā** vuttatthā eva.

Catasso paṭipadāti “dukkhā paṭipadā dandhābhiññā, dukkhā paṭipadā khippābhiññā, sukhā paṭipadā dandhābhiññā, sukhā paṭipadā khippābhiññā”¹ ti vuttā catasso paṭipadā. **Cattāri ārammaṇānīti** parittam parittārammaṇaṃ, parittam appamaññārammaṇaṃ, appamaññaṃ parittārammaṇaṃ, appamaññaṃ appamaññārammaṇanti² vuttāni cattāri ārammaṇāni. Kasiṇādi-ārammaṇaṇaṃ avavatthāpetabbato ārammaṇavantāni³ jhānāni vuttānīti veditabbāni. **Cattāro ariyavaṃsāti** ariyā vuccanti Buddhā ca Paccēkabuddhā ca Tathāgatasāvaka ca, tesam ariyānaṃ vaṃsā tantiyo paveṇiyoti ariyavaṃsā. Ke pana te? Cīvarasantoso piṇḍapātasantoso senāsanasantoso bhāvanārāmatāti ime cattāro. Gilānapaccayasantoso piṇḍapātasantose vutte vuttoyeva hoti. Yo hi piṇḍapāte santuṭṭho, so kathaṃ gilānapaccaye asantuṭṭho bhavissati.

Cattāri saṅgahavatthūnīti cattāri janasaṅgaṇhanakāraṇāni, dānaṇca peyyavajjaṇca atthacariyā ca samānattatā cāti imāni cattāri. **Dānanti** yathārahaṃ dānaṃ. **Peyyavajjanti** yathārahaṃ piyavacanāṃ. **Atthacariyāti** tattha tattha kattabbassa karaṇavasena kattabbākattabbānusāsanavasena ca vuddhikiriyaṃ.

1. Dī 3. 191 piṭṭhe.

2. Abhi 1. 51 piṭṭhe.

3. Ārammaṇehi ārammaṇavantāni (Sī, Syā)

Samānattatāti saha mānena samāno, saporimāṇo saporigaṇanoti attho. Samāno parassa attā etenāti samānatto, samānattassa bhāvo samānattatā, “ayaṃ mayā hīno, ayaṃ mayā sadiso, ayaṃ mayā adhiko”ti parigaṇetvā tadanurūpena upacaraṇaṃ karaṇanti attho. “Samānasukhadukkhataṃ samānattatā”ti ca vadanti.

Cattāri cakkānīti ettha cakkāṃ nāma dārucakkāṃ ratanacakkāṃ dhammacakkāṃ iriyāpathacakkāṃ sampatticakkānti pañcavidhaṃ. Tattha “yaṃ pana taṃ deva cakkāṃ chahi māsehi niṭṭhitaṃ chārattūnehī”ti¹ idaṃ dārucakkāṃ. “Cakkāṃ vattayato pariggahetvā”ti² idaṃ ratanacakkāṃ. “Mayā pavattitaṃ cakkāṃ”ti³ idaṃ dhammacakkāṃ. “Catucakkāṃ navadvāraṃ”ti⁴ idaṃ iriyāpathacakkāṃ. “Cattārimāni bhikkhave cakkāni, yehi samannāgatānaṃ devamanussānaṃ catucakkāṃ vattati. Katamāni cattāri. Patirūpadesavāso sappurisāvassayo⁵ attasammāpaṇidhi pubbe ca katapuññatā”ti⁶ idaṃ sampatticakkāṃ. Idhāpi etadeva adhippetāṃ. Tattha **patirūpadesavāsoti** yattha catasso parisā sandissanti, evarūpe anucchavike dese vāso. **Sappurisāvassayoti** Buddhādīnaṃ sappurisānaṃ avassayaṇaṃ sevanaṃ bhajanaṃ. **Attasammāpaṇidhī**ti attano sammā patiṭṭhāpanaṃ. Sace pubbe assaddhādīhi samannāgato hoti, tāni pahāya saddhādīsu patiṭṭhāpanaṃ. **Pubbe ca katapuññatā**ti pubbe upacitakusalatā. Idameva cettha pamāṇaṃ. Yena hi nāṇasampayuttacittena kusalakammaṃ kataṃ hoti, tadeva kusalaṃ taṃ purisaṃ patirūpadese upaneti, sappurise bhajāpeti, so eva puggalo attānaṃ sammā ṭhāpetīti.

Cattāri dhammapadānīti cattāro dhammakotṭhāsā. Katamāni cattāri. Anabhijjhā dhammapadaṃ, abyāpādo dhammapadaṃ, sammāsati dhammapadaṃ, sammāsamādhi dhammapadaṃ. **Anabhijjhā dhammapadaṃ** nāma alobho vā anabhijjhāvasena adhigatajjhānavipassanāmagga-phala-nibbānāni vā. **Abyāpādo dhammapadaṃ** nāma akopo vā mettāsīsenā adhigatajjhānādīni vā. **Sammāsati dhammapadaṃ** nāma sūpaṭṭhitassati vā satisīsenā adhigatajjhānādīni vā. **Sammāsamādhi dhammapadaṃ** nāma aṭṭhasamāpatti vā aṭṭhasamāpattisīsenā adhigatajjhānādīni vā. Dasa-asubhavasena vā adhigatajjhānādīni anabhijjhā dhammapadaṃ, catubrahmavihāravasena

1. Am 1. 110 piṭṭhe.

2. Khu 5. 264 piṭṭhe.

3. Khu 1. 368 piṭṭhe.

4. Saṃ 1. 15 piṭṭhe.

5. Sappurisāpassayo (Sī, Syā, Ka)

6. Am 1. 341 piṭṭhe.

adhigatāni abyāpādo dhammapadam, dasānussati-āhārepaṭikūlasaññāvasena adhigatāni sammāsati dhammapadam, dasakasiṇa-ānāpānavasena adhigatāni sammāsamādhī dhammapadanti. **Imā cataso bhūmiyoti** ekekaṃ catukkavaseneva yojetabbam.

Bhūminānattañāṇaniddesavaṇṇanā niṭṭhitā.

19. Dhammanānattañāṇaniddesavaṇṇanā

73. Dhammanānattañāṇaniddese **kammopatheti** kammāni ca tāni pathā ca apāyagamanāyāti kammopathā, te kammapathe. **Dasa kusalakammopathā** nāma pāṇātipātā adinnādānā kāmesumicchācārā veramaṇīti tīṇi kāyasucaritāni, musāvādā piṣuṇāya vācāya pharusāya vācāya samphappalāpā veramaṇīti cattāri vacīsucaritāni, anabhijjhā abyāpādo sammādiṭṭhīti tīṇi manosucaritāni. **Dasa akusalakammopathā** nāma pāṇātipāto adinnādānam kāmesumicchācāroti tīṇi kāyaduccaritāni, musāvādo piṣuṇā vācā pharusā vācā samphappalāpoti cattāri vacīduccaritāni, abhijjhā byāpādo micchādiṭṭhīti tīṇi manoduccaritāni. Kusalākusalāpi ca paṭisandhijanakāyeva kammopathāti vuttā, vuttāvasesā paṭisandhijanane anekantikattā kammopathāti na vuttā. Oḷārikakusalākusalagahaṇeneva sesakusalākusalāpi gahitāti veditabbā. **Rūpanti** bhūtopādāyabhedato aṭṭhavīsatividham rūpam. **Vipākanti** kāmāvacarakusalavipākānam soḷasannam, akusalavipākānam sattannaṅca vasena tevīsatividham vipākam. **Kiriyanti** tiṇṇamahetukakiriyānam, aṭṭhannam sahetukakiriyānaṅca vasena ekādasavidham kāmāvacarakiriyam. Vipākābhāvato kiriyāmatṭāti kiriyā. Ettāvātā kāmāvacarameva rūpābyākatavipākābyākatakiriyābyākatavasena vuttam.

Idhaṭṭhassāti imasmim loke ṭhitassa. Yebhuyyena manussaloke jhānabhāvanāsabbhāvato manussalokavasena vuttam, jhānāni pana kadāci karahaci devalokepi labbhanti, rūpī brahmalokepi tatrūpapattikaheṭṭhūpapattika-uparūpapattikānam vasena labbhanti. **Suddhāvāse** pana arūpāvacare ca

heṭṭhūpapattikā natthi. Rūpārūpāvacaressu abhāvitajjhānā heṭṭhā nibbattamānā kāmāvacarasugatīyaṃyeva nibbattanti, na duggatiyaṃ. **Tatrūpapannassāti** vipākavasena brahmaloke upapannassa paṭisandhibhavaṅgacutivasena vattamānāni cattāri vipākajjhānāni. Rūpārūpāvacarajjhānasamāpattīsu kiriyābyākatāni na vuttāni. Kiñcāpi na vuttāni, atha kho kusalehi samānapavattittā kusalesu vuttasu vuttāneva honṭīti veditabbāni. Yathā paṭṭhāne “kusalākusale niruddhe vipāko tadārammaṇatā uppajjati”¹ti kusalajavanaggahaṇeneva kiriyajavanam saṅgahitaṃ, evamidhāpi daṭṭhabbam. **Sāmaññaphalānīti** cattāri sāmaññaphalāni. Etena lokuttaravipākābyākatam vuttam. **Nibbānanti** nibbānābyākatam.

Pāmojjamūlakāti pāmojjam mūlam ādi etesanti pāmojjamūlakā, pāmojjādikāti attho. Pāmojjena hi samāgatāneva honti. **Aniccato manasikaroto pāmojjam jāyatīti** ettha yonisomanasikarotoyeva pāmojjam jāyati, na ayonisomanasikaroto. Ayonisomanasikaroto kusaluppattīyeva natthi, pageva vipassanā. Kasmā sarūpena vuttanti ce? Pāmojjassa balavabhāvadassanattam. Pāmojje hi asati pantesu ca senāsanesu adhikusalesu ca dhammesu arati ukkaṇṭhitā uppajjati. Evaṃ sati bhāvanāyeva ukkamati. Pāmojje pana sati arati-abhāvato bhāvanāpāripūrim gacchati. Yonisomanasikārassa pana mūlabhāvena bhāvanāya bahūpakārattam dassetuṃ upari navakam vakkhati.

“Yato yato sammasati, khandhānam udayabbayaṃ.

Labhatī pītipāmojjam, amataṃ tam vijānatan”²—

Vacanato vipassakassa vipassanāpaccayā pāmojjam uppajjati. Idha pana kalāpasammasanapaccayā pāmojjam gahetabbam. Pamuditassa bhāvo pāmojjam, dubbalā pīti. Ādikammatthe pa-kāro daṭṭhabbo. **Pamuditassāti** tena pāmojjena pamuditassa tuṭṭhassa. Pamuditassātipi pāṭho, soyevattho. **Pīti**ti balavapīti. **Pītimanassāti** pītiyuttamanassa. Yuttasaddassa lopo daṭṭhabbo yathā assarathoti. **Kāyoti** nāmakāyo, rūpakāyena saha vā. **Passambhatīti** vūpasantadaratho hoti.

1. Abhi 8. 133, 134 piṭṭhesu.

2. Khu 1. 67 piṭṭhe Dhammapade.

Passaddhakāyoti ubhayapassaddhiyogena nibbutakāyo. **Sukhaṃ vedetīti** cetasikaṃ sukhaṃ vindati, kāyikasukhena saha vā. **Sukhinoti** sukhasamaṅgissa. **Cittaṃ samādhīyatīti** cittaṃ samaṃ ādhiyati, ekaggaṃ hoti. **Samāhite citteti** bhāvenabhāvalakkhaṇatthe bhummavacanaṃ. Cittasamāhitabhāvena hi yathābhūtajānanam lakkhīyati. **Yathābhūtaṃ pajānātīti** udayabbayañāṇādivasena saṅkhāraṃ yathāsabhāvaṃ jānāti. **Passatīti** taṃyeva cakkhunā diṭṭhaṃ viya phuṭaṃ katvā paññācakkhunā passati. **Nibbindatīti** navavidhavipassanāñāyogena saṅkhāresu ukkaṇṭhati. **Nibbindaṃ virajjatīti** taṃ vipassanaṃ sikkhaṃ pāpento maggañāyogena saṅkhārehi virattho hoti. **Virāgā vimuccatīti** virāgasāṅkhātamaggahetu phalavimuttiyā nibbāne adhimokkkena vimuccati. Kesuci pana potthakesu imasmiṃ vāre “samāhitena cittena idaṃ dukkhanti yathābhūtaṃ pajānātī”ti-ādi saccanayo likhito, sopi ca kesuci potthakesu “idaṃ dukkhanti yoniso manasi karotī”ti-ādinā nayena likhito. Vāradvayepi byañjanatoyeva viseso, na atthato. “Nibbindaṃ virajjati”ti hi maggañāyogassa vuttattā maggañāyogena ca siddhe catusaccābhisamayakiccaṃ siddhameva hoti. Tasmā catusaccanayena vuttavāropi iminā vārena atthato avisiṭṭhoyeva.

74. Idāni **aniccatoti-ādīhi** ārammaṇassa avisesetvā vuttattā ārammaṇam viwesento **rūpaṃ aniccato manasi karotīti-ādimāha**.

Yonisomanasikāramūlakāti yonisomanasikāro mūlam patiṭṭhā etesanti yonisomanasikāramūlakā. Yonisomanasikāraṃ muñcitvāyeva hi pāmojjādayo nava na honti. **Samāhitena cittenāti** kāraṇabhūtena cittena. **Yathābhūtaṃ pajānātīti** paññāya pajānāti. “Idaṃ dukkhanti yoniso manasi karotī”ti vuccamāne anussavavasena pubbhāgasaccānubodhōpi saṅgayhati. **Yonisomanasikāroti** ca upāyena manasikāro.

Dhātunānattaṃ paṭicca uppajjati phassaṇānattanti cakkhādīdhātunānattaṃ paṭicca cakkhusamphassādinānattaṃ uppajjati attho. **Phassaṇānattaṃ paṭiccāti** cakkhusamphassādinānattaṃ paṭicca. **Vedanānānattanti** cakkhusamphassajādivedanānānattaṃ. **Saññānānattanti** kāmasaññādinānattaṃ. **Saṅkappānānattanti** kāmasaṅkappādinānattaṃ. **Chandanānattanti** saṅkappānānattatāya rūpe chando sadde chandoti

evaṃ chandanānattaṃ uppajjati. **Parilāhanānattanti** chandanānattatāya rūpapariḷāho saddapariḷāhoti evaṃ pariḷāhanānattaṃ uppajjati. **Pariyesanānānattanti** pariḷāhanānattatāya rūpapariyesanānattaṃ uppajjati. **Lābhanānattanti** pariyesanānānattatāya rūpapaṭilābhādinānattaṃ uppajjatīti.

Dhammanānattañāṇaniddesavaṇṇanā niṭṭhitā.

20-24. Ñāṇapañcakaniddesavaṇṇanā

75. Ñāṇapañcakaniddese tesāṃ pañcannaṃ ñāṇānaṃ anupubbasambandhasabbhāvato ekatova pucchivissajjanāni katāni. **Abhiññātā hontīti** dhammasabhāvalakkhaṇajānanavasena suṭṭhu ñātā honti. **Ñātā hontīti** ñātapariññāvasena sabhāvato ñātattā ñātā nāma honti. Yena ñāṇena te dhammā ñātā honti, taṃ ñātaṭṭhena ñāṇaṃ, pajānanaṭṭhena paññāti sambandho. Imināva nayena sesaññāṇaniyojetabbāni. **Pariññātā hontīti** sāmāññalakkhaṇavasena samantato ñātā honti. **Tīritā hontīti** tīraṇapariññāvasena aniccādito upaparikkhitā samāpitā nāma honti. **Pahīnā hontīti** aniccānupassanādinā ñāṇena niccasaññādayo bhaṅgānupassanato paṭṭhāya pahīnā honti. **Pariccattā hontīti** pahānavaseneva chaḍḍitā nāma honti. **Bhāvitā hontīti** vadḍhitā paribhāvitā ca honti. **Ekarasā hontīti** sakiccasādhanapaṭipakkhapahānena ekakiccā honti, paccanīkato vā vimuttivasena vimuttirasena ekarasā honti. **Sacchikatā hontīti** paṭilābhavasena phaladhammo paṭivedhavasena nibbānadhammoti paccakkhatā honti. **Phassitā hontīti** paṭilābhaphusanena paṭivedhaphusanena ca phassitā anubhūtā honti. Imāni pañca ñāṇāni heṭṭhā sutamayañāṇavasena vuttāni, idha sakiccasādhanavasena.

Ñāṇapañcakaniddesavaṇṇanā niṭṭhitā.

25-28. Paṭisambhidāñāṇaniddesavaṇṇanā

76. Paṭisambhidāñāṇaniddese yasmā dhamme avutte tassa kiccaṃ na sakkā vattum, tasmā uddiṭṭhānaṃ paṭipāṭim anādiyitvā paṭhamāṃ dhammā niddiṭṭhā.

Dhammādīnaṃ atthā vuttāyeva. **Saddhindriyaṃ dhammoti**-ādīhi dhammasaddapariyāpanne dhamme vatvā nānattasaddassa atthaṃ dassento **añño saddhindriyaṃ dhammoti**-ādimāha. “Añño dhammo”ti hi vutte dhammānaṃ nānattaṃ dassitaṃ hoti. **Paṭividditā** abhimukhabhāvena vidditā pākaṭā nāma honti. Tena paṭisambhidāpadassa attho vutto. **Adhimokkhaṭṭho atthoti**-ādīhi tesāṃ saddhādīnaṃ adhimuccanādikiccaṃ attho nāmāti dasseti. **Sandassetunti** paraṃ nāpetukāmassa paraṃ sandassetuṃ. Parassa pana vacanaṃ suṇantassāpilabbhatiyeva. **Byañjananiruttābhilāpāti** nāmabyañjanaṃ nāmanirutti nāmābhilāpo. Nāmaṃ hi atthaṃ byañjayatīti byañjanaṃ, “saṅkhatamabhisaṅkharontīti kho bhikkhave tasmā saṅkhārāti vuccantī”ti¹ evaṃ niddhāretvā sahetukaṃ katvā vuccamānattā nirutti, abhilāpīyati etena atthoti abhilāpoti vuccati.

Nāmañca nāmetaṃ catubbidhaṃ sāmāññanāmaṃ guṇanāmaṃ kittimanāmaṃ opapātikanāmaṃ. Tattha paṭhamakappikesu mahājanena sammannitvā ṭhapitattā “mahāsammato”ti rañño nāmaṃ **sāmāññanāmaṃ**. Yaṃ sandhāya vuttaṃ “mahājanasammatoṭi kho vāsetṭha ‘mahāsammato mahāsammato’veva paṭhamaṃ akkharāṃ upanibbattan”ti². “Dhammakathiko paṃsukūliko vinayadharo tipīṭakadharo saddho sato”ti evarūpaṃ guṇato āgatanāmaṃ **guṇanāmaṃ**. “Bhagavā Arahaṃ Sammāsambuddho”ti-ādīnīpi Tathāgatassa anekāni nāmasatāni guṇanāmāneva. Tena vuttaṃ—

“Asaṅkhyeyyāni nāmāni, saguṇena Mahesino.

Guṇehi nāmamuddheyyaṃ, api nāmasahassato”ti.

Yaṃ pana jātassa kumārakassa nāmaggaḥaḍdivase dakkhiṇeyyānaṃ sakkāraṃ katvā samīpe ṭhitā nītakā kappetvā pakappetvā “ayaṃ asuko nāmā”ti nāmaṃ karonti, idaṃ **kittimanāmaṃ**. Yā pana purimapaññatti aparapaññattiyāṃ patati, purimavohāro pacchimavohāre patati. Seyyathidaṃ, purimakappepi cando candoyeva nāma, etarahipi candoyeva. Atīte sūriyo, samuddo, pathavī, pabbato pabbatoyeva nāma, etarahipi pabbatoyevāti, idaṃ **opapātikanāmaṃ**. Idaṃ catubbidhampi nāmaṃ ekaṃ nāmameva

1. Saṃ 2. 72 piṭṭhe.

2. Dī 3. 77 piṭṭhe.

hoti, taṃ lokasaṅketamattasiddhaṃ paramatthato avijjamānaṃ. Aññe pana “nāmaṃ nāma atthajotako sado”ti vadanti. Balabojjhaṅgamaggaṅgānaṃ vuttanayānusāreṇeva attho vedītabbo.

Paṭisambhidāññānaiddesavaṇṇanā niṭṭhitā.

29-31. Ñāyattayaniddesavaṇṇanā

78. Ñāyattayaniddese **nimittanti** saṅkhāranimittam. **Animitteti** saṅkhāranimittapaṭipakkhe nibbāne. **Adhimuttattāti** tanninnabhāvena cittassa vissaṭṭhattā. **Phussa phussa vayaṃ passatīti** saṅkhāranimittam ñāṇena phusivā phusivā tassa bhaṅgaṃ vipassanāñāṇeṇeva passati. Etena bhaṅgānupassanā siddhā. Sā aniccānupassanaṃ sādheti, anicassa dukkhattā sā dukkhanupassanaṃ, dukkhassa anattattā sā anattānupassananti evamettha tisso anupassanā vuttā honti. **Animitto vihāroti** nimittam bhayato diṭṭhattā so vipassanattayavihāro animittavihāro nāma hoti. **Paṇidhinti** taṇhaṃ. **Appaṇihiteti** taṇhāpaṭipakkhe nibbāne. **Abhinivesanti** attābhinivesaṃ. **Suññateti** attavirahite nibbāne. **Suññatoti** suññāmyeva suññato. **Pavattam ajjupekkhitvāti** vipākappavattam saṅkhārupekkhāya ajjupekkhitvā. Sugatisaṅkhātavipākappavattābhinandino hi sattā. Ayaṃ pana phalasaṃpattim samāpajjitukāmo taṃ pavattam, sabbaṅca saṅkhāragataṃ aniccādito passivā ajjupekkhatiyeva. Evaṃ hi diṭṭhe phalasaṃpattim samāpajjitum sakkoti, na aññathā. **Āvajjitvāti** āvajjanena āvajjitvā. **Samāpajjatīti** phalasaṃpattim paṭipajjati. **Animittā samāpattīti** nimittam bhayato disvāsasaṃpattā animittā samāpatti nāma. **Animittavihārasaṃpattīti** vipassanāvihārasena ca phalasaṃpattivasena ca tadubhayaṃ nāma hoti.

79. Idāni saṅkhāranimittameva vibhajitvā dassento **rūpanimittanti-**ādimāha. Jarāmarāṅgahaṇe vattabbaṃ pubbe vuttameva. “Añño animittavihāro”ti-ādīhi vuttēyeva nigamētvā dasseti. Saṅkhepena **vihāraṭṭheñānaṃ** nāma phalasaṃpattiyā pubbabhāge saṅkhārupekkhāñāṇe ṭhitassa vipassanāvihāranānante ñāṇam. **Samāpattatṭhe ñāṇam** nāma phalasaṃpattinānante ñāṇam. **Vihārasaṃpattatṭhe ñāṇam** nāma tadubhayanānante ñāṇam.

Vipassanāvihārenea vītināmetukāmo vipassanāvihārameva pavatteti, phalasaṃpattivihārenea vītināmetukāmo vipassanāpaṭipāṭiyā ussakkitvā phalasaṃpattivihārameva pavatteti, tadubhayena vītināmetukāmo tadubhayaṃ pavatteti. Evaṃ puggalādhippāyavasena tividhaṃ jātāṃ. Sesamettha vattabbaṃ saṅkhārupekkhāññaṇaṇṇāyaṃ vuttameva.

Ñāṇattayaniddesaṇṇanā niṭṭhitā.

32. Ānantarikasamādhiñāṇaniddesaṇṇanā

80. Ānantarikasamādhiñāṇaniddese **nekkhamvasenā**ti-ādīsu nekkhamma-abyāpāda-ālokasaññā avikkhepa dhammavavattānañña pāmojjāni sukkhavipassakassa upacārajjhānasampayuttā tassa tassa kilesassa vipakkabhūtā satta dhammā ekacittasampayuttā eva. **Cittassa ekaggatā avikkhepoti** ekaggassa bhāvo ekaggatā, nānārammaṇe na vikkhipati tena cittanti avikkhepo, cittassa ekaggatāsaṅkhāto avikkhepoti attho. **Samādhi**ti ekārammaṇe samaṃ ādhīyati tena cittanti samādhi nāmāti attho. **Tassa samādhissa vasenā**ti upacārasamādhināpi samāhitacittassa yathābhūtāvabodhato vuttappakārassa samādhissa vasena. **Uppajjati ñāṇanti** maggaññaṇaṃ yathākkamena uppajjati. **Khīyantī**ti samucchadavasena khīyanti. **Itī**ti vuttappakārassa atthassa nigamaṇaṃ. **Paṭhamāṃ samathoti** pubbabhāge samādhi hoti. **Pacchā ñāṇanti** aparabhāge maggakkhaṇe ñāṇaṃ hoti.

Kāmāsavoti pañcakāmaguṇikarāgo. **Bhavāsavoti** rūpārūpabhavesu chandarāgo jhānanikanti sassatadiṭṭhisahajāto rāgo bhavavasena patthanā. **Diṭṭhāsavoti** dvāsaṭṭhi diṭṭhiyo. **Avijjāsavoti** dukkhādīsu aṭṭhasu ṭhānesu aññāṇaṃ. Bhumavacanena okāsapucchāṃ katvā “sotāpattimaggenā”ti-ādinā āsavakkhayaarena maggena āsavakkhayaṃ dassetvā “etthā”ti okāsavissajjanaṃ kataṃ, maggakkhaṇeti vuttaṃ hoti. **Anavasesoti** natthi etassa avasesoti anavaseso. **Apāyagamanīyoti** nirayatiracchānayanipettivisayāsuraṅkāyā cattāro sukhasaṅkhātā ayā apētattā apāyā, yassa

saṁvijjati, taṁ puggalaṁ apāye gametīti apāyagamaṇīyo. Āsavakkhayakathā dubhatovuttāṅhakathāyaṁ vuttā.

Avikkhepavasenāti pavattamānassa samādhissa upanissayabhūtasamādhivasena. **Pathavīkasiṇavasenāti**-ādīsu dasa kasiṇāni tadārammaṇika-appanāsamādhivasena vuttāni, Buddhānussati-ādayo maraṇassati upasamānussati ca upacārajjhānavasena vuttā, ānāpānassati kāyagatāsati ca appanāsamādhivasena vuttā, dasa asubhā paṭhamajjhānavasena vuttā.

Buddhaṁ ārabha uppannā anussati **Buddhānussati**. “Itipi so Bhagavā Arahan”ti-ādibuddhaguṇārammaṇāya¹ satiyā etaṁ adhivacanaṁ, tassā Buddhānussatiyā vasena. Tathā dhammaṁ ārabha uppannā anussati **dhammānussati**. “Svākkhāto Bhagavatā dhammo”ti-ādiddhammaguṇārammaṇāya¹ satiyā etaṁ adhivacanaṁ. Saṅghaṁ ārabha uppannā anussati **saṅghānussati**. “Suppaṭipanno Bhagavato sāvakasaṅgho”ti-ādīsaṅghaguṇārammaṇāya¹ satiyā etaṁ adhivacanaṁ. Silaṁ ārabha uppannā anussati **sīlānussati**. Attano akhaṇḍatādisīlaguṇārammaṇāya satiyā etaṁ adhivacanaṁ. Cāgaṁ ārabha uppannā anussati **cāgānussati**. Attano muttacāgatādicāgaguṇārammaṇāya satiyā etaṁ adhivacanaṁ. Devatā ārabha uppannā anussati **devatānussati**. Devatā sakkhiṭṭhāne ṭhapetvā attano saddhādiguṇārammaṇāya satiyā etaṁ adhivacanaṁ. Ānāpāne ārabha uppannā sati **ānāpānassati**. Ānāpānanimittārammaṇāya satiyā etaṁ adhivacanaṁ. Maraṇaṁ ārabha uppannā sati **marāṇassati**. Ekabhavapariyāpannajīvitindriyupacchedasaṅkhātamarāṇārammaṇāya satiyā etaṁ adhivacanaṁ. Kucchitānaṁ kesādīnaṁ paṭikūlānaṁ āyattā ākarattā kāyotisaṅkhāte sarīre gatā pavattā, tādīsaṁ vā kāyaṁ gatā sati **kāyagatāsati**. “Kāyagatasatī”ti vattabbe rassaṁ akatvā “kāyagatāsati”ti vuttā. Tatheva idhāpi kāyagatāsativasenāti vuttaṁ. Kesādikesu kāyakoṭṭhāsesu paṭikūlanimittārammaṇāya satiyā etaṁ adhivacanaṁ. Upasamaṁ ārabha uppannā anussati **upasamānussati**. Sabbadukkhūpasamārammaṇāya satiyā etaṁ adhivacanaṁ. Dasa asubhā heṭṭhā vuttatthā.

1. Ma 1. 45; Aṁ 1. 208, 209; Aṁ 3. 206 piṭṭhādīsu.

81. **Dīghaṃ assāsavasena**ti-ādīni appanūpacārasamādhībhedamyeva dassetuṃ vuttāni. **Dīghaṃ assāsavasena**ti dīghanti vutta-assāsavasena. “Dīghaṃ vā assasanto dīghaṃ assasāmīti pajānāti”¹ti hi vuttaṃ. Esa nayo sesesupi. **Sabbakāyapaṭisaṃvedī**ti sabbassa assāsapassāsakāyassa paṭisaṃvedī. **Passambhayaṃ kāyasaṅkhāranti** oḷārikaṃ assāsapassāsasaṅkhātāṃ kāyasaṅkhāraṃ passambhento vūpasamento. “Dīghaṃ rassaṃ sabbakāyapaṭisaṃvedī passambhayaṃ kāyasaṅkhāraṃ”ti imināva catukkena appanāsamādhī vutto. **Pītipaṭisaṃvedī**ti pītiṃ pākaṭaṃ karonto. **Cittasaṅkhārapaṭisaṃvedī**ti saññāvedanāsaṅkhātāṃ cittasaṅkhāraṃ pākaṭaṃ karonto. **Abhippamodayaṃ cittanti** cittaṃ modento. **Samādahaṃ cittanti** ārammaṇe cittaṃ samaṃ ṭhapento. **Vimocayaṃ cittanti** cittaṃ nīvaraṇādīhi vimocento. **Pītipaṭisaṃvedī sukhapaṭisaṃvedī cittasaṅkhārapaṭisaṃvedī passambhayaṃ cittasaṅkhāranti** catukkaṅca **cittapaṭisaṃvedī abhippamodayaṃ cittaṃsamādahaṃ cittanti vimocayaṃcittanti** catukkaṅca appanāsamādhivasena vipassanāsampayuttasamādhivasena ca vuttāni. **Aniccānupassīti** aniccānupassanāvasena. **Virāgānupassīti** nibbidānupassanāvasena. **Nirodhānupassīti** bhaṅgānupassanāvasena. **Paṭinissaggānupassīti** vuṭṭhānagāminīvipassanāvasena. Sā hi tadaṅgavasena saddhim khandhābhisāṅkhārehi kilese pariccajati. Saṅkhatadosadassanena ca tabbiparīte nibbāne tanninnatāya pakkhandati. Idaṃ catukkaṃ vipassanāsampayuttasamādhivaseneva vuttaṃ. **Assāsavasena passāsavasena**ti cettha assāsapassāsapavattimattaṃ gahetvā vuttaṃ, na tadārammaṇakaraṇavasena. Vitthāro panettha ānāpānakathāyaṃ āvibhavissati.

Ānantarikasamādhīñāṇaniddesavaṇṇanā niṭṭhitā.

33. Araṇavihārañāṇaniddesavaṇṇanā

82. Araṇavihārañāṇaniddese aniccānupassanādayo vuttatthā. **Suññato vihāro**ti anattānupassanāya vuṭṭhitassa suññatākārenea pavattā arahattaphalasamāpatti. **Animitto vihāro**ti aniccānupassanāya vuṭṭhitassa animittākārenea pavattā arahattaphalasamāpatti.

1. Dī 2. 231; Ma 1. 70; Ma 3. 125 piṭṭhādīsu.

Appaṇihito vihāroti dukkhānupassanāya vuṭṭhitassa appaṇihitākārena pavattā arahattaphalasangāhāyā. **Suññate adhimuttatā**ti suññate phalasangāhāyā pubbabhāgapaññāvasena adhimuttatā. Sesadvayepi eveda nayo. **Paṭhamam jhānanti**-ādīhi arahattaphalasangāhāyā samāpajjitukāmassa vipassanāya ārammaṇabhūtā jhānasangāhāyā vuttā. Arahato yeva hi vipassanāphalasangāhāyā paṇīṭādhimuttijhānasangāhāyā sabbakilesānaṃ pahīnattā “araṇavihāro”ti vatthum arahanti.

Paṭhamena jhānena nīvaraṇe haratīti araṇavihāro

paṭhamajjhānasamaṅgī paṭhamena jhānena nīvaraṇe haratīti taṃ paṭhamam jhānam araṇavihāroti attho. Sesevapi eveda nayo. Arahato nīvaraṇābhāvepi nīvaraṇavipakkhattā paṭhamassa jhānassa nīvaraṇe haratīti vuttanti vedītabbānaṃ. Vipassanāphalasangāhāyā paṇīṭādhimuttivasena tidhā araṇavihāraññaṃ uddisīvā kasmā jhānasangāhāyā araṇavihāroti niddiṭṭhāti ce? Uddesavaseneva tāsāṃ tissannaṃ araṇavihāratāya siddhattā. Phalasangāhāyā vipassanāya pana bhūmibhūtānaṃ jhānasangāhāyā araṇavihāratā avutte na sijjhāti, tasmā asiddhameva sādhetum “paṭhamam jhānam araṇavihāro”ti-ādī vuttanti vedītabbānaṃ. Tāsāṃ hi araṇavihāratā uddesavasena asiddhāpi niddese vuttattā siddhāti. Tesāṃ vā yojitanayeneva “aniccānupassanā niccasaññaṃ haratīti araṇavihāro, dukkhānupassanā sukhasaññaṃ haratīti araṇavihāro, anattānupassanā attasaññaṃ haratīti araṇavihāro, suññato vihāro asuññataṃ haratīti araṇavihāro, animitto vihāro nimittaṃ haratīti araṇavihāro, appaṇihito vihāro paṇidhim haratīti araṇavihāro, suññatādhimuttatā asuññatādhimuttim haratīti araṇavihāro, animittādhimuttatā nimittādhimuttim haratīti araṇavihāro, appaṇihitādhimuttatā paṇihitādhimuttim haratīti araṇavihāro”ti yojetvā gahetabbānaṃ.

Araṇavihāraññaṃ niddesavaṇṇanā niṭṭhitā.

34. Nirodhasamāpattiñāṇaniddesavaṇṇanā

83. Nirodhasamāpattiñāṇaniddese **samathabalanti** kāmaccchandādayo paccanīkadhamme sametīti samatho, soyeva akampanīyaṭṭhena balaṃ. Anāgāmi-arahantānaṃyeveva samādhipaṭipakkhassa kāmaccchandassa pahānena samādhismim̐ paripūrakāribhāvappattattā tesāṃyeveva samādhi balappattoti katvā “samathabalan”ti vuccati, na aññesaṃ. Samādhibalantipi pāṭho. **Vipassanābalanti** aniccādivasena vividhehi ākārehi dhamme passatīti vipassanā, sāyeveva akampanīyaṭṭhena balaṃ. Tesāṃyeveva ubhinnaṃ balappattaṃ vipassanāñāṇaṃ. Tattha samathabalaṃ anupubbena cittasantānavūpasamanatthaṃ nirodhe ca paṭipādanatthaṃ, vipassanābalaṃ pavatte ādinavadassanatthaṃ nirodhe ca ānisāmsadassanatthaṃ.

Nīvaraṇeti nimittatthe bhummavacanaṃ, nīvaraṇanimittaṃ nīvaraṇapaccayāti attho. Karaṇatthe vā bhummavacanaṃ, nīvaraṇenāti attho. **Na kampatīti** jhānasamaṅgīpuggalo. Atha vā jhānanti jhānaṅgānaṃ adhippetattā paṭhamena jhānena taṃsampayuttasamādhi nīvaraṇe na kampati. Ayameva cettha yojanā gahetabbā. **Uddhacce cāti** uddhaccasahagatacittuppāde uddhacce ca. **Uddhaccanti** ca uddhatabhāvo, taṃ avūpasamalakkhaṇaṃ. **Uddhaccasahagatakilese cāti** uddhaccena sahagate ekuppādādibhāvaṃ gate uddhaccasampayutte moha-ahirika-anottappakilese ca. **Khandhe cāti** uddhaccasampayuttacatukkhandhe ca. **Na kampati na calati na vedhatīti** aññamaññavevacanāni. Uddhacce na kampati, uddhaccasahagatakilese na calati, uddhaccasahagatakkhandhe na vedhatīti yojetabbāṃ. Vipassanābalaṃ sattannaṃyeveva anupassanānaṃ vuttattā tāsāṃyeveva vasena vipassanābalaṃ paripuṇṇaṃ hotīti veditabbāṃ. **Avijjāya cāti** dvādasasupi akusalacittuppādesu avijjāya ca. **Avijjāsahagatakilese cāti** yathāyogaṃ avijjāya sampayuttalobhadosamānadiṭṭhivicikekicchāthina-uddhacca-ahirika-anottappakilese ca.

Vacīsaṅkhārāti vitakkavicārā. “Pubbe kho āvuso Visākha vitakketvā vicāretvā pacchā vācaṃ bhindati, tasmā vitakkavicārā vacīsaṅkhāro”ti¹

1. Ma 1. 376 piṭṭhe.

vacanato vācaṃ saṅkharonti uppādentīti vacīsaṅkhārā. **Kāyasaṅkhārā**ti assāsapassāsā. “Assāsapassāsā kho āvuso Visākha kāyikā ete dhammā kāyapaṭibaddhā, tasmā assāsapassāsā kāyasaṅkhāro”¹ti vacanato kāyena saṅkharīyantīti kāyasaṅkhārā. **Saññāvedayitanirodhanti** saññāya vedanāya ca nirodhaṃ. **Cittasaṅkhārā**ti saññā ca vedanā ca. “Cetasikā”² ete dhammā cittapaṭibaddhā, tasmā saññā ca vedanā ca cittasaṅkhāro”³ti vacanato cittaena saṅkharīyantīti cittasaṅkhārā.

84. Ñāṇacariyāsu anupassanāvasāne⁴, vivaṭṭanānupassanāgahaṇena vā tassā ādibhūtā cariyākathāya ñāṇacariyāti vuttā sesānupassanāpi gahitā hontīti vedītabbā. **Soḷasahi ñāṇacariyāhī**ti ca ukkaṭṭhāparicchedo, anāgāmiṣṣa pana arahattamaggaphalavajjāhi cuddasahipi hoti paripuṇṇabalattā.

85. **Navahi samādhicariyāhī**ti ettha paṭhamajjhānādīhi aṭṭha, paṭhamajjhānādīnaṃ paṭilābhatthāya sabbattha upacārajjhānavasena ekāti nava samādhicariyā. Balacariyānaṃ kiṃ nānattaṃ? Samathabalepi hi “nekkhamavasena”⁵ti-ādīhi sattaḥ pariyāyehi upacārasamādhī vutto, peyyālavitthārato “paṭhamajjhānavasena”⁵ti-ādīhi samasattatiyā vārehi yathāyogaṃ appanūpacārasamādhī vutto, samādhicariyāyapi “paṭhamam jhānaṃ”⁵ti-ādīhi aṭṭhahi pariyāyehi appanāsamādhī vutto. **Paṭhamam jhānaṃ paṭilābhatthāyā**ti-ādīhi aṭṭhahi pariyāyehi upacārasamādhī vuttoti ubhayatthāpi appanūpacārasamādhīyeva vutto. Evaṃ santepi akampiyatṭhena balāni vasībhāvaṭṭhena cariyāti vedītabbā. Vipassanābale pana satta anupassanāva “vipassanābalan”⁵ti vuttā, ñāṇacariyāya satta ca anupassanā vuttā, vivaṭṭanānupassanādayo nava ca viśeṣevā vuttā. Idaṃ nesaṃ nānattaṃ. Satta anupassanā pana akampiyatṭhena balāni vasībhāvaṭṭhena cariyāti vedītabbā.

“Vasībhāvatā paññā”⁵ti ettha vuttavasiyo viśajjetuṃ **vasīti pañca vasiyoti** itthilīṅgavohārena vuttaṃ. Vaso eva vasīti vuttaṃ hoti.

1. Ma 1. 375 piṭṭhe.

2. Yasmā kho āvuso Visākha cetasikā (Ka)

3. Ma 1. 376 piṭṭhe.

4. Anupassanāvasena (Sī, Syā)

5. Khu 9. 3 piṭṭhe.

Puna puggalādhiṭṭhānāya desanāya tā vasiyo vissajjento **āvajjanavasīti-**ādimāha. Āvajjanāya vaso āvajjanavaso, so assa atthīti āvajjanavasī. Eseva nayo sesesu. **Paṭhamam jhānam yatthicchakanti** yattha yattha padese icchati gāme vā araṇṇe vā, tattha tattha āvajjati. **Yadicchakanti** yadā yadā kāle sītakāle vā uṇhakāle vā, tadā tadā āvajjati. Atha vā yaṃ yaṃ paṭhamam jhānam icchati pathavīkasiṇārammaṇam vā sesārammaṇam vā, taṃ taṃ āvajjati. Ekekakasiṇārammaṇassāpi jhānassa vasitānam vuttattā purimayojanāyeva sundaratarā. **Yāvaticchakanti** yāvatakaṃ kālam icchati accharāsaṅghātamattam sattāham vā, tāvatakaṃ kālam āvajjati. **Āvajjanāyāti** manodvārāvajjanāya. **Dandhāyittanti** avasavattibhāvo, alasabhāvo vā. **Samāpajjati**ti paṭipajjati, appetīti attho. **Adhiṭṭhāti**ti antosamāpattiyam adhikaṃ katvā tiṭṭhati. Vuṭṭhānavasiyam **paṭhamam jhānanti** nissakkatthe upayogavacanam, paṭhamajjhānāti attho. **Paccavekkhatīti** paccavekkhaṇajavanehi nivattitvā passati. Ayamettha Pāḷivaṇṇanā.

Ayam pana atthappakāsanā—paṭhamajjhānato vuṭṭhāya vitakkaṃ āvajjayato bhavaṅgam upacchinditvā pavattāvajjanānantaram vitakkārammaṇāneva cattāri pañca vā javanāni javanti, tato dve bhavaṅgāni, tato puna vicārārammaṇam āvajjanam vuttanayeneva javanānīti evam pañcasu jhānaṅgesu yadā nirantaram cittam pesetum sakkoti, athassa āvajjanavasī siddhāva hoti. Ayam pana matthakappattā vasī Bhagavato yamakapāṭihāriyeva labbhati. Ito param sīghatarā āvajjanavasī nāma natthi. Aññesaṃ pana antarantarā bhavaṅgavāre gaṇanā natthi. Mahāmogallānattherassa Nandopanandadamane viya sīgham samāpattisamāpajjanasamatthatā samāpajjanavasī nāma. Accharāmatam vā dasaccharāmatam vā khaṇam samāpattim ṭhapetum samatthatā adhiṭṭhānavasī nāma. Tatheva tato lahum vuṭṭhānasamatthatā vuṭṭhānavasī nāma. Paccavekkhaṇavasī pana āvajjanavasiyā eva vuttā. Paccavekkhaṇajavanāneva hi tattha āvajjanānantarānīti. Iti āvajjanavasiyā siddhāya paccavekkhaṇavasī siddhā hoti, adhiṭṭhānavasiyā ca siddhāya vuṭṭhānavasī siddhā hoti. Evam santepi “ayam pana matthakappattā vasī Bhagavato yamakapāṭihāriyeva labbhatī”ti vuttattā pāṭihāriyakāle jhānaṅgapaccavekkhaṇānam

abhāvato nānāvidhavaṇṇādinimmānassa nānākasiṇavasena ijghanato taṁtaṁkasiṇārammaṇaṁ jhānaṁ samāpajjitukāmassa yathāruci lahuṁ tasmim̐ kasiṇe vuttanayena āvajjanapavattanasamatthatā āvajjanavasī, tadāvajjanavīthiyaṁyeva tassa jhānassa appanāsamatthatāsamāpajjanasamatthatā samāpajjanavasī. Evaṁ hi vuccamāne yutti ca na virujjhati, vasīpaṭipāṭi ca yathākkameneva yujjati. Jhānaṅgapaccavekkhaṇāyaṁ pana “matthakappattāyeva pañca javanāni”¹ti vuttattā vuttanayena sattasupi javanesu javantesu paccavekkhaṇavasīyeva hoti. Evaṁ sante “paṭhamajjhānaṁ āvajjati”²ti vacanaṁ na yujjati ce? Yathā kasiṇe pavattaṁ jhānaṁ kāraṇopacārena kasiṇanti vuttaṁ, tathā jhānapaccayaṁ kasiṇaṁ “sukho Buddhānamuppādo”³ti-ādīsu¹ viya phalopacārena jhānanti vuttaṁ. Yathāparicchinne kāle ṭhatvā vuṭṭhitassa niddāya pabuddhassa puna niddokkamane viya puna jhānokkamane satipi adhiṭṭhānavasīyeva nāma, yathāparicchena vuṭṭhitassa pana vuṭṭhāneyeva adhiṭṭhāne satipi vuṭṭhānavasī nāma hotīti ayaṁ tesam̐ viseso.

Nirodhasamāpattiyā vibhāvanatthaṁ pana idaṁ pañhakammaṁ—kā nirodhasamāpatti, ketaṁ samāpajjanti, ke na samāpajjanti, kattha samāpajjanti, kasmā samāpajjanti, kathaṅcassā samāpajjanaṁ hoti, kathaṁ ṭhānaṁ, kathaṁ vuṭṭhānaṁ, vuṭṭhitassa kinninnaṁ cittaṁ hoti, matassa ca samāpannassa ca ko viseso, nirodhasamāpatti kiṁ saṅkhatā asaṅkhatā lokiyā lokuttarā nipphannā anipphannāti?

Tattha **kā nirodhasamāpattīti?** Yā anupubbanirodhavasena cittacetāsikānaṁ dhammānaṁ appavatti.

Ke taṁ samāpajjanti, ke na samāpajjantīti? Sabbepi puthujjanā sotāpannā sakadāgāmino sukkhavipassakā ca anāgāmī arahanto na samāpajjanti, aṭṭhasamāpattilābhino pana anāgāmino ca khīṇāsavā ca samāpajjanti.

1. Khu 1. 42 piṭṭhe.

Kattha samāpajjantī? Pañcavokārabhave. Kasmā?

Anupubbasamāpattisabbhāvato. Catuvokārabhave pana paṭhamajjhānādīnam uppattiyeva natthi, tasmā na sakā tattha samāpajjitum.

Kasmā samāpajjantī? Saṅkhārānaṃ pavattibhede ukkaṅṭhitvā diṭṭheva dhamme acittakā hutvā “nirodhaṃ nibbānaṃ patvā sukhaṃ viharissāmā”ti samāpajjanti.

Kathaṃ cassā samāpajjanaṃ hotī? Samathavipassanāvasena ussakkivā katapubbakiccassa nevasaññānāsaññāyatanāṃ nirodhayato evamassā samāpajjanaṃ hoti. Yo hi samathavaseneva ussakkati, so nevasaññānāsaññāyatanasamāpattim patvā tiṭṭhati. Yo vipassanāvaseneva ussakkati, so phalasangāpattim patvā tiṭṭhati. Yo pana ubhayavasena ussakkivā nevasaññānāsaññāyatanāṃ nirodheti, so taṃ samāpajjantī ayamettha saṅkhepo.

Ayaṃ pana vitthāro—idha bhikkhu nirodhaṃ samāpajjitukāmo katabhattakicco sudhotahatthapādo vivitte okāse supaññatte āsane nisīdati pallaṅkaṃ ābhujitvā ujum kāyaṃ paṇidhāya parimukhaṃ satim upaṭṭhapetvā, so paṭhamajjhānaṃ samāpajjitvā vuṭṭhāya tattha saṅkhāre aniccatō dukkhato anattato vipassati. Vipassanā paṇesā tividhā hoti saṅkhārapariggaṇhanakavipassanā phalasangāpattivipassanā nirodhasamāpattivipassanāti. Tattha saṅkhārapariggaṇhanakavipassanā mandā vā hotu tikkhā vā, maggassa padaṭṭhānaṃ hotiyeva. Phalasangāpattivipassanā tikkhāva vaṭṭati maggabhāvanāsadisā. Nirodhasamāpattivipassanā pana nātimandā nātitikkhā vaṭṭati. Tasmā esa nātimandāya nātitikkhāya vipassanāya te saṅkhāre vipassati, tato dutiyajjhānaṃ samāpajjitvā vuṭṭhāya tattha saṅkhāre tatheva vipassati. Tato tatiyajjhānaṃ -pa-. Tato viññāṇaṅcāyatanāṃ samāpajjitvā vuṭṭhāya tattha saṅkhāre tatheva vipassati. Atha¹ ākiñcaññāyatanāṃ samāpajjitvā vuṭṭhāya catubbidhaṃ pubbakiccaṃ karoti nānābaddha-avikopanaṃ saṅghapaṭimānaṃ satthupakkosanaṃ addhānaparicchedanti.

Tattha **nānābaddha-avikopanaṃ** yaṃ iminā bhikkhunā saddhim ekābaddhaṃ na hoti, nānābaddhaṃ hutvā ṭhitaṃ pattacīvaraṃ vā mañcapīṭhaṃ vā nicāsagehaṃ vā

1. Tathā (Sī), atha vā (Syā)

aññaṃ vā pana kiñci parikkhārajātaṃ, taṃ yathā na vikuppati, aggi-udakavātacora-undūrādīnaṃ vasena na vinassati, evaṃ adhiṭṭhātabbaṃ. Tatridaṃ adhiṭṭhānavidhānaṃ—“idañcidañca imasmiṃ sattāhabbhantare mā agginā jhāyatu, mā udakena vuyhatu, mā vātena viddhaṃsatu, mā corehi harīyatu, mā undūrādīhi khajjatū”ti. Evaṃ adhiṭṭhite taṃ sattāhaṃ tassa na koci parissayo hoti, anadhiṭṭhahato pana aggi-ādīhi vinassati. Idaṃ nānābaddha-avikopanaṃ nāma. Yaṃ pana ekābaddhaṃ hoti nivāsanapārūpanaṃ vā nisinnāsaṇaṃ vā, tattha visuṃ adhiṭṭhānakiccaṃ natthi, samāpattiyeva¹ naṃ rakkhati.

Samghapaṭimānananti bhikkhusaṃghassa paṭimānaṃ udikkhanaṃ. Yāva eso bhikkhu āgacchati, tāva saṃghakammaṃsā akaraṇanti attho. Ettha ca na paṭimānaṃ etassa pubbakiccaṃ, paṭimānaṃāvajjanaṃ pana pubbakiccaṃ. Tasmā evaṃ āvajjitabbaṃ—“sace mayi sattāhaṃ nirodhaṃ samāpajjitvā nisinne saṃgho apalokanakammādisu² kiñciveva kammaṃ kattukāmo hoti, yāva maṃ koci bhikkhu āgantvā na pakkosati, tāvadeva vuṭṭhahissāmī”ti. Evaṃ katvā samāpanno hi tasmīṃ samaye vuṭṭhātiyeva. Yo pana evaṃ na karoti, saṃgho ca sannipattitvā taṃ apassanto “asuko bhikkhu kuhin”ti pucchitvā “nirodhaṃ samāpanno”ti vutte kañci bhikkhuṃ peseti “gaccha taṃ saṃghassa vacanena pakkosā”ti. Athassa tena bhikkhuṃ savanūpacāre ṭhatvā “saṃgho taṃ āvuso paṭimānetī”ti vuttamatteyeva vuṭṭhānaṃ hoti. Evaṃgarukā hi saṃghassa āṇā nāma. Tasmā taṃ āvajjitvā yathā sayameva³ vuṭṭhāti, evaṃ samāpajjitabbaṃ.

Satthupakkosananti idhāpi satthupakkosanāvajjanaṃ eva imassa pubbakiccaṃ. Tasmā tampi evaṃ āvajjitabbaṃ—“sace mayi sattāhaṃ nirodhaṃ samāpajjitvā nisinne Satthā otiṇṇe vatthusmiṃ sikkhāpadaṃ vā paññāpeti, tathārūpāya vā aṭṭhuppattiyā dhammaṃ deseti. Yāva maṃ koci āgantvā na pakkosati, tāvadeva vuṭṭhahissāmī”ti. Evaṃ katvā nisinnā hi tasmīṃ samaye vuṭṭhātiyeva. Yo pana evaṃ na karoti, Satthā ca saṃghe sannipattite taṃ apassanto “asuko bhikkhu kuhin”ti pucchitvā “nirodhaṃ samāpanno”ti vutte kañci bhikkhuṃ peseti “gacchataṃ mama vacanena pakkosā”ti.

1. Samāpattivaseneva (Visuddhi 2. 348 piṭṭhe)

2. Ñattikammādisu (Visuddhi 2. 349 piṭṭhe)

3. Paṭhamameva (Syā)

Athassa tena bhikkhunā savanūpacāre ṭhatvā Satthā āyasmantaṃ āmanteti”ti vuttamatteyeva vuṭṭhānaṃ hoti. Evaṃ garukaṃ hi satthupakkosanaṃ. Tasmā taṃ āvajjitvā yathā sayameva¹ vuṭṭhāti, evaṃ samāpajjitabbaṃ.

Addhānaparicchedoti jīvitaddhānassa paricchedo. Iminā hi bhikkhunā addhānaparicchede kusalena² bhavitabbaṃ. “Attano āyusaṅkhārā sattāhaṃ pavattissanti, na pavattissanti”ti āvajjitvāva samāpajjitabbaṃ. Sace hi sattāhabbhantare nirujjhanake āyusaṅkhāre anāvajjitvāva samāpajjati, tassa nirodhasamāpatti maraṇaṃ paṭibāhituṃ na sakkoti. Antonirodhe maraṇassa natthitāya antarāva samāpattito vuṭṭhāti, tasmā etaṃ āvajjitvāva samāpajjitabbaṃ. Avasesaṃ hi anāvajjitumpi vaṭṭati, idaṃ pana āvajjitabbamevāti vuttaṃ. So evaṃ ākiṅcaññāyatanaṃ samāpajjitvā vuṭṭhāya imaṃ pubbakiccaṃ katvā nevasaññānāsaññāyatanaṃ samāpajjati. Athekaṃ vā dve vā cittavāre atikkamitvā acittako hoti, nirodhaṃ phusati. Kasmā panassa dvinnaṃ cittānaṃ upari cittāni nappavattanti? Nirodhassa payogattā. Idaṃ hi imassa bhikkhuno dve samathavipassanādhamme yuganaddhe katvā aṭṭhasamāpatti-ārohanaṃ anupubbanirodhassa payogo, na nevasaññānāsaññāyatanasamāpattiyāti nirodhassa payogattā dvinnaṃ cittānaṃ upari nappavattanti.

Kathaṃ ṭhānanti? Evaṃ samāpannāya panassā³ kālaparicchedavasena ceva antarā āyukkhayasamghapaṭimānanasatthupakkosanābhāvena ca ṭhānaṃ hoti.

Kathaṃ vuṭṭhānanti? Anāgāmissa anāgāmiphalasamāpattiyā arahato arahattaphalasalasamāpattiyāti evaṃ dvedhā vuṭṭhānaṃ hoti.

Vuṭṭhitassa kinninnaṃ cittaṃ hotīti? Nibbānaninnaṃ. Vuttañhetam “saññāvedayitanirodhasamāpattiyā vuṭṭhitassa kho āvuso Visākha bhikkhuno vivekaninnaṃ cittaṃ hoti vivekapaṇaṃ vivekapabbhāraṇa”ti⁴.

Matassa ca samāpannassa ca ko visesoti? Ayampi attho sutte vuttoyeva. Yathāha “yo cāyaṃ āvuso mato kālaṅkato,

1. Paṭhamameva (Syā)

2. Sukusalena (Visuddhi 2. 349 piṭṭhe)

3. Samāpannassa panassa (Sī, Syā)

4. Ma 1. 377 piṭṭhe.

tassa kāyasaṅkhārā niruddhā paṭippassaddhā, vacīsaṅkhārā, cittasaṅkhārā niruddhā paṭippassaddhā, āyu parikkhīṇo, usmā vūpasantā, indriyāni paribhinnāni. Yvāyaṃ bhikkhu saññāvedayitanirodhaṃ samāpanno, tassapi kāyasaṅkhārā niruddhā paṭippassaddhā, vacīsaṅkhārā, cittasaṅkhārā niruddhā paṭippassaddhā, āyu aparikkhīṇo, usmā avūpasantā, indriyāni aparibhinnāni”ti¹.

Nirodhasamāpatti kiṃ saṅkhatāti-ādipucchāyaṃ pana “saṅkhatā”tipi “asaṅkhatā”tipi “lokiyā”tipi “lokuttarā”tipi na vattabbā. Kasmā? Sabhāvato natthitāya. Yasmā pana samāpajjantassa vasena samāpanno nāma hoti, tasmā nipphannāti vatthum vaṭṭati, no anipphannāti.

Iti santā samāpatti, ayaṃ ariyanisevitā.

Diṭṭheva dhamme nibbāna-miti saṅkhamupāgatāti.

Nirodhasamāpattiñāṇaniddesavaṇṇanā niṭṭhitā.

35. Parinibbānañāṇaniddesavaṇṇanā

86. Parinibbānañāṇaniddese **idhā**ti imasmim sāsane. **Sampajānoti** sātthakasampajaññaṃ sappāyasampajaññaṃ gocarasampajaññaṃ asammohasampajaññanti imehi catūhi sampajaññehi sampajāno. **Pavattanti** sabbattha yathānurūpaṃ pariyuṭṭhānapavattañca anusayappavattañca. **Pariyādiyati**ti upacārappanāvasena vuttesu vikkhambhanavasena, vipassanāvasena vuttesu tadaṅgavasena, maggavasena vuttesu samucchedavasena khepeti appavattaṃ karoti. Peyyālamukhena hi dutiyādiñānasamāpattimahāvipassanāmaggā saṅkhittā. Yasmā etaṃ paccavekkhantassa pavattaṃ ñāṇaṃ parinibbāne ñāṇaṃ nāma hoti, tasmā vikkhambhanaparinibbānaṃ tadaṅgaparinibbānaṃ samucchedaparinibbānantipi vuttameva hoti. Etehi kilesaparinibbānapaccavekkhaṇañāṇaṃ vuttaṃ. **Atha vā panāti**-ādīhi khandhaparinibbānapaccavekkhaṇañāṇaṃ niddisati. **Anupādisesāya nibbānadhātuyāti** duvidhā hi nibbānadhātu sa-upādisesā ca anupādisesā ca. Tattha upādiyate “ahaṃ mamā”ti bhusaṃ gaṇhīyatīti upādi,

1. Ma 1. 370 piṭṭhe.

khandhapañcakassetam̐ adhivacanam̐. Upādiyeva seso avasiṭṭhoti upādiseso, saha upādisesena vattatīti sa-upādisesā. Natthettha upādisesoti anupādisesā. Sa-upādisesā paṭhamam̐ vuttā, ayam̐ pana anupādisesā. Tāya anupādisesāya nibbānadhātuyā. **Cakkhupavattanti** cakkhupavatti cakkhusamudācāro. **Pariyādiyatīti** khepiyati maddīyatīti. Esa nayo sesesu.

Parinibbānañāṇaniddesavaṇṇanā niṭṭhitā.

36. Samasīsaṭṭhañāṇaniddesavaṇṇanā

87. Samasīsaṭṭhañāṇaniddese **pañcakkhandhāti**-ādīhi dasahi rāsīhi sabbadhammasaṅgaho veditabbo. Na hi ekekassa vasena āyatanadhāturāsivajjehi sesehi aṭṭhahi rāsīhi visum̐ visum̐ sabbadhammo saṅgayhatīti. Yasmā pana lokuttaradhammā hetusamucchedena samucchinditabbā na honti, tasmā sabbadhammasaddena saṅgahitāpi lokuttaradhammā samucchedavasena sambhavato¹ idha na gahetabbā, hetusamucchedena samucchinditabbā eva tebhūmakadhammā gahetabbā. **Sammā samucchindatīti** yathāyogaṃ vikkhambhanatadaṅgasamucchedapahānavasena pariyaṭṭhānam̐ anusayañca nirodhento sammā samucchindati. Evaṃ puggalādhiṭṭhānāya desanāya sammā samucchedo niddiṭṭho. **Nirodhetīti** anuppādanirodhena nirodheti. Iminā samucchedattho vutto. **Na upaṭṭhātīti** evaṃ nirodhe kate so so dhammo puna na upatiṭṭhati, na uppajjatīti attho. Iminā nirodhattho vutto. Evaṃ anupaṭṭhahanadhammasena anupaṭṭhānabhāvo niddiṭṭho. **Samanti** kāmacchandādinam̐ samitattā samaṃ. Tāni pana nekkhammādīni satta, rūpārūpajjhānāni aṭṭha, mahāvīpassanā aṭṭhārasa, ariyamaggā cattāroti sattatimsa honti.

Terasa sīsāni sīsabhūtānam̐ sabbesam̐ saṅgahavasena vuttāni. Idha pana saddhādīni aṭṭheva sīsāni yujjanti. Na hi arahato taṇhādīni pañca sīsāni santi. **Palibodhasīanti** palibundhanam̐ palibodho, nibbānamaggāvaraṇanti attho. **Sīanti** padhānam̐, adhikanti attho. Palibodhoyeva sīsam̐,

1. Samucchedavacanasambhavato (Syā, Ka)

taṃsampayuttādisabbapalibodhesu vā sīsanti palibodhasīsam. Esa nayo sesesu. Visesato pana **vinibandhananti** unnativasena saṃsāre bandhanam. **Parāmāsoti** abhiniveso. **Vikkhepoti** vippakiṇṇatā. **Kilesoti** kilissanam. **Adhimokkhoti** adhimuccanam. **Paggahoti** ussāhanam. **Upaṭṭhānanti** apilāpanam. **Avikkhepoti** avippakiṇṇatā. **Dassananti** yathāsabhāvapaṭivedho. **Pavattanti** upādinnakkhandhapavattam. **Gocaroti** ārammaṇam. Imesu dvādasasupi vāresu padhānaṭṭho sīsattṭho. **Vimokkhoti** vikkhambhanatadaṅgasamucchedapaṭippassaddhinissaraṇavimuttīsu pañcasu nissaraṇavimutti nibbānam. **Saṅkhārasīsanti** sabbasaṅkhatasaṅkhārānam sīsam, koṭi avasānanti attho. Etena anupādisesaparinibbānam vuttam. Saṅkhārābhāvamattavasena vā khandhaparinibbānameva vuttam hoti. Nekkhammādikam samañca saddhādīkam sīsāñca, samasīsam vā assa atthīti samasīsīti. Atha vā terasannam sīsānam taṇhādīni pañca sīsāni samudayasaccam, saddhādīni pañca maggasaccam, pavattasīsam jīvitindriyam dukkhasaccam, gocarasīsāñca saṅkhārasīsāñca nirodhasaccanti imesam catunnam ariyasaccānam ekasmim roge vā ekasmim iriyāpathe vā ekasmim sabhāgajīvitindriye vā abhisamayo ca anupādisesaparinibbānañca yassa hoti, so pubbe vuttasamānañca imesañca sīsānam atthitāya samasīsīti vuccati.

Samasīsattṭhañāṇaniddesavaṇṇanā niṭṭhitā.

37. Sallekhaṭṭhañāṇaniddesavaṇṇanā

88. Sallekhaṭṭhañāṇaniddese **rāgo puthūti** rāgo visum, lokuttarehi asammissoti attho. Esa nayo sesesu. **Rāgoti** rañjanaṭṭhena. **Dosoti** dussanaṭṭhena. **Mohoti** muyhanaṭṭhena. Rañjanalakkhaṇo rāgo, dussanalakkhaṇo doso, muyhanalakkhaṇo mohoti ime tayo sīsakilese vatvā idāni pabhedato dassento **kodhoti-ādimāha**. Tattha kujjhanalakkhaṇo **kodhoti** idha sattavatthuko adhippeto. Upanandhanalakkhaṇo **upanāho**, daḷhabhāvappatto kodhoyeva. Paraguṇamakkhanalakkhaṇo **makkho**, paraguṇapuñchananti attho. Yugaggāhalakkhaṇo **paḷāso**, yugaggāhavasena paraguṇadassananti attho. Parasampattikhīyanalakkhaṇā **issā**, usūyanāti

attho. Attasampattinigūhanalakkhaṇaṃ **macchariyaṃ**, “mayhaṃ acchariyaṃ mā parassa hotū”ti attho. Attanā katapāpapaṭicchādanalakkhaṇā **māyā**, paṭicchādanaṭṭhena māyā viyāti attho. Attano avijjamānaḡuṇappakāsanalakkhaṇaṃ **sāṭṭheyyaṃ**, saṭṭhabhāvoti attho. Cittassa uddhumātabhāvalakkhaṇo **thambho**, thaddhabhāvoti attho. Karaṇuttariyalakkhaṇo **sārambho**. Unnatilakkhaṇo **māno**. Abbhunnatilakkhaṇo **atimāno**. Mattabhāvalakkhaṇo **mado**. Pañcasu kāmagaṇesu cittavosaggalakkhaṇo **pamādo**.

Evam visum visum kilesavasena puthū dassetvā vuttakilese ca avutte ca aññe sabbasaṅgāhikavasena dassetuṃ **sabbe kilesāti**-ādimāha. Tattha diṭṭhadhammasamparāyesu satte kilesenti upatāpenti vibādhentīti kilesā. Akusalakammampathasaṅgahitā ca asaṅgahitā ca. Duṭṭhu caritā, duṭṭhā vā caritāti **duccaritā**. Te pana kāyaduccaritaṃ vacīduccaritaṃ manoduccaritanti tippakārā. Vipākaṃ abhisankharontīti **abhisankhārā**. Tepi puññābhisankhāro apuññābhisankhāro āneñjābhisankhāroti tippakārā. Vipākavasena bhavaṃ gacchantīti bhavagāmino, bhavagāmino kammā **bhavagāmikammā**. Iminā abhisankhārabhāvepi sati avedanīyāni kammāni paṭikkhittāni hontīti ayaṃ viseso. “Duccaritā”ti ca “kammā”ti ca liṅgavipallāso kato. **Nānattekattanti** ettha uddese ekattasaddassa abhāvepi nānattekattānaṃ aññamaññāpekkhattā ekattampi niddisitikāmena “nānattekattan”ti uddeso kato. Nānattasallekhake ekatte dassite sallekhaññaṃ sukhena dassīyatīti. **Nānattanti** anavaṭṭhitattā saporipphandattā ca nānāsabhāvo. **Ekattanti** avaṭṭhitattā aparipphandattā ca ekasabhāvo.

Caranatejoti caranti tena agataṃ disaṃ nibbānaṃ gacchantīti caranaṃ. Kim taṃ? Sīlaṃ. Tadeva paṭipakkhatāpanaṭṭhena tejo. **Guṇatejoti** sīlena laddhapatitṭho samādHITEJO. **Paññātejoti** samādhinā laddhapatitṭho vipassanātejo. **Puññatejoti** vipassanāhi laddhapatitṭho ariyamaggakusalatejo. **Dhammatejoti** catunnaṃ tejānaṃ patiṭṭhābhūto Buddhavacanatejo. **Caranatejena tejitattāti** sīlatejena tikhiṇikatattā. **Dussīlyatejanti** dussīlabhāvasankhātāṃ tejaṃ. Tampi hi santānaṃ tāpanato tejo nāma. **Pariyādiyatīti** khepeti. **Agūṇatejanti**

samādhissa paṭipakkhaṃ vikkhepatejaṃ. **Duppaññatejanti** vipassanāñāṇapaṭipakkhaṃ mohatejaṃ. **Apuññatejanti** taṃtaṃmaggavajjhakilesappahānena kilesasahāyaṃ akusalakammatejaṃ. Na kevalaṃ hetarṃ apuññameva khepeti, “atthi bhikkhave kammarṃ akaṇhaṃ asukkaṃ akaṇha-asukkavipākaṃ kammarṃ kammakkhayāya saṃvattatī”¹ vacanato kusalakammampi khepetiyeva. Puññatejapaṭipakkhavasena apuññatejameva vuttarṃ. **Adhammatejanti** nānātitthiyānaṃ samayavacanatejaṃ. Imassa nāṇassa uddesavaṇṇanāyaṃ vutte dutiye atthavikappe rāgādayo ekūnavīsati puthu dussīlyatejā honti. “Abhisāṅkhārā, bhavagāmikammā”²ti ettha apuññābhisaṅkhārā akusalakammaṅca apuññatejā honti, āneñjābhisaṅkhārāni lokiyakusalakammāni puññatejeneva khepanīyato apuññatejapakkhikāva honti. Kāmacchandādayo pañcadasa nānattā aguṇatejā honti, niccasaññādayo aṭṭhārassa nānattā duppaññatejā honti, catumaggavajjhā cattāro nānattā apuññatejā honti. **Sotāpattimagavajjhanānattena adhammatejo saṅgahetabbo.**

Niddese sallekhapaṭipakkhena asallekhena sallekhaṃ dassetukāmena asallekhapubbako sallekho niddiṭṭho. Nekkhammādayo sattatimsa ekattadhammāva paccanīkānaṃ sallikhanato “sallekho”³ti vuttā. Tasmimṃ nekkhammādiḷe sattatimsapabhede sallekhe nāṇaṃ **sallekhaṭṭhe nāṇanti.**

Sallekhaṭṭhañāṇaniddesavaṇṇanā niṭṭhitā.

38. Vīriyārambhañāṇaniddesavaṇṇanā

89. Vīriyārambhañāṇaniddese **anuppannānanti** ekasmiṃ attabhāve, ekasmiṃ vā ārammaṇe anibbattānaṃ. Anamatagge hi saṃsāre anuppannā akusalā nāma natthi, kusalā pana atthi. **Pāpakānanti** lāmakānaṃ. **Akusalānaṃ dhammānanti** akosallasambhūtānaṃ dhammānaṃ. **Anuppādāyāti** na uppādanatthāya. **Uppannānanti** imasmiṃ attabhāve nibbattānaṃ. **Pahānāyāti** pajahanatthāya. **Anuppannānaṃ kusalānaṃ dhammānanti** imasmiṃ attabhāve

1. Am 1. 555; Di 3. 192; Ma 2. 52 piṭṭhesu.

anibbattapubbānaṃ kosallasambhūtānaṃ dhammānaṃ. **Uppādāyāti** uppādanatthāya. **Uppannānanti** imasmim attabhāve nibbattānaṃ. **Ṭhitiyāti** ṭhitatthāya. **Asammosāyāti** avināsatthāya. **Bhiyyobhāvāyāti** punappunabhāvāya. **Vepullāyāti** vipulabhāvāya. **Bhāvanāyāti** vadḍhiyā. **Pāripūriyāti** paripūraṇatthāya.

Idāni akusalesu kāmaccchandam, kusalesu nekkhammam visesetvā dassetuṃ **anuppanna kāmaccchandassāti**-ādimāha. Tattha **kāmaccchandoti** samādhipaṭipakkho kāmārāgo. **Nekkhammanti** paṭhamajjhānasamādhi, paṭhamajjhānaṃ vā, sabbe eva vā kusalā dhammā nekkhammam.

Idāni sabbakilesānaṃ sabbakilesapaṭipakkhassa arahattamaggassa ca vasena yojetvā dassetuṃ **anuppannaṃ sabbakilesānanti**-ādimāha. Tattha **uppanna arahattamaggassa ṭhitiyāti**-ādīsu uppādakkhaṇe uppanna arahattamaggassa ṭhitikkhaṇabhaṅgakkhaṇavasena “ṭhitiyā”ti-ādiyojanā veditabbā. Vibhaṅgaṭṭhakathāyampi “yā cassa pavatti, ayameva ṭhiti nāmā”ti¹ vuttam. Keci pana “arahattamaggassa pubbhāgamaggo daṭṭhabbo”ti vadanti.

Viriyārambhañāṇaniddesavaṇṇanā niṭṭhitā.

39. Atthasandassanañāṇaniddesavaṇṇanā

90. Atthasandassanañāṇaniddese **pañcakkhandhāti**-ādīni vuttatthāneva. **Pakāsetīti** pakāṣam karoti, sotūnaṃ ñāṇacakkhunā dassanaṃ sampādetīti attho. **Nānādhammāti** lokiyalokuttarā sabbadhammā vuttā. Kasmā pakāsanāniddese lokiyā eva vuttāti ce? Aniccādivasena pakāsanāya āraddhattā. Lokuttarānañca asammasanūpagattā lokuttarā na vuttā. Nānādhammaniddesena pana atthasandassananiddesena ca tesam saṅgahitattā yathā te pakāsetabbā, tathā pakāsanā pakāsanāyeva. **Pajahantoti** sotāraṃ pajahāpentoti attho. **Sandassetīti** sotūnaṃ sammā dasseti. Keci pana “kāmaccchandassa pahīnattā

1. Abhi-Ṭṭha 2. 287 piṭṭhe.

nekkhammattham sandasseti”ti-ādinā nayena paṭhanti. Tesam ujukameva sotūnam dosappahāne guṇapaṭilābhe ca kate sikhāppattam desanāññanam hotīti dassanattham ayam nayo vuttoti veditabbo.

Atthasandassanaññaniddesavaṇṇanā niṭṭhitā.

40. Dassanavisuddhiññaniddesavaṇṇanā

91. Dassanavisuddhiññanidde **sabbe dhammā ekasaṅgahitā**ti sabbe saṅkhatāsaṅkhatā dhammā ekena saṅgahitā paricchinnā. **Tathaṭṭhenā**ti bhūtaṭṭhena, attano attano sabhāvavasena vijjamānatthenāti attho. **Anattaṭṭhenā**ti kāravēdakasaṅkhātena attanā rahitaṭṭhena. **Saccaṭṭhenā**ti avisaṁvādakaṭṭhena, attano sabhāvaññhattābhāvenāti attho. **Paṭivedhaṭṭhenā**ti sabhāvato ñāṇena paṭivijjhitabbaṭṭhena. Idha lokuttaraññena asammoḥato ārammaṇato ca paṭivedho veditabbo. **Abhijānanaṭṭhenā**ti lokikena ñāṇena ārammaṇato, lokuttarena ñāṇena asammoḥato ārammaṇato ca tesam tesam dhammanam sabhāvato abhijānatabbaṭṭhena. “Sabbam bhikkhave abhiññeyyan”ti¹ hi vuttam. **Parijānanaṭṭhenā**ti vuttanayeneva lokiyalokuttarehi ñāṇehi sabhāvato abhiññātānam dhammanam aniccādito niyyānādito ca paricchinditvā jānatabbaṭṭhena. “Sabbam bhikkhave pariññeyyan”ti¹ hi vuttam. **Dhammaṭṭhenā**ti sabhāvadhāraṇādinā dhammaṭṭhena. **Dhātuṭṭhenā**ti nijjivatādinā dhātuṭṭhena. **Ñātaṭṭhenā**ti lokiyalokuttarehi ñāṇehi ñāṭum sakkūeyyaṭṭhena. Yathā daṭṭhum sakkūeyyādinā atthena “diṭṭham sutam mutam viññātam rūpan”ti vuttam, evamidhāpi ñāṭum sakkūeyyaṭṭho ñātaṭṭhoti veditabbo. **Sacchikiriyaṭṭhenā**ti ārammaṇato paccakkhakatābaṭṭhena. **Phusanaṭṭhenā**ti paccakkhakatassa ārammaṇato punappunam phusitabbaṭṭhena. **Abhisamayaṭṭhenā**ti lokikena ñāṇena abhisamāgantabbaṭṭhena. Kiñcāpi hi “tathaṭṭhe paññā saccavivaṭṭe ñāṇam, abhiññāpaññā ñātaṭṭhe ñāṇam, sacchikiriyaṭṭhe phassanaṭṭhe ñāṇam”ti ekekameva ñāṇam vuttam, Aṭṭhakathāyañca—

1. Sam 2. 258 piṭṭhe.

“Samavāye khaṇe kāle, samūhe hetudiṭṭhisu.

Paṭilābhe pahāne ca, paṭivedhe ca dissatī”ti—

gāthāvaṇṇanāyaṃ abhisamayasaddassa paṭivedhattho vutto, idha pana yathāvuttena atthena tesāṃ nānattaṃ veditabbaṃ. Aṭṭhakathāyameva hi so lokiyañānavasena dhammābhisamayo vuttoti.

Kāmacchando nānattanti vikkhepasabbhāvato nānārammaṇattā ca nānāsabhāvoti attho. Evaṃ sabbakilesā veditabbā. **Nekkhammaṃ ekattanti** cittekaggatāsabbhāvato nānārammaṇavikkhepābhāvato ca ekasabhāvanti attho. Evaṃ sabbakusalā veditabbā. Idha peyyālena saṅkhittānaṃ byāpādādīnaṃ akusalānaṃ yathāvuttena atthena nānattaṃ veditabbaṃ. Vitakkavicārādīnaṃ pana heṭṭhimānaṃ heṭṭhimānaṃ uparimato uparimato oḷārikaṭṭhena nānattaṃ veditabbaṃ. Yasmā ekasaṅgahitanānattekattānaṃ paṭivedho maggakkhaṇe saccapaṭivedhena sijjhati, tasmā “paṭivedho”ti padaṃ uddharitvā saccābhisamayaṃ dassesi.

Pariññā paṭivedhaṃ paṭivijjhatī pariññābhisamayena abhisameti. Esa nayo sesesu. Saccābhisamayakālasmiṃ hi maggañāṇassa ekakkhaṇe pariññā pahānaṃ sacchikiriyā bhāvanāti cattāri kiccāni honti. Yathā nāvā apubbaṃ acarimaṃ ekakkhaṇe cattāri kiccāni karoti, orimaṃ tīraṃ pajahati, sotaṃ chindati, bhaṇḍaṃ vahati, pārimaṃ, tīraṃ appeti, evameva maggañāṇaṃ apubbaṃ acarimaṃ ekakkhaṇe cattāri saccāni abhisameti, dukkhaṃ pariññābhisamayena abhisameti, samudayaṃ pahānābhisamayena abhisameti, maggaṃ bhāvanābhisamayena abhisameti, nirodhaṃ sacchikiriyābhisamayena abhisameti. Kim vuttaṃ hoti? Nirodhaṃ ārammaṇaṃ katvā kiccavasena cattāripi saccāni pāpuṇāti passati paṭivijjhatī. Yathā orimaṃ tīraṃ pajahati, evaṃ maggañāṇaṃ dukkhaṃ pariñānāti. Yathā sotaṃ chindati, evaṃ samudayaṃ pajahati. Yathā bhaṇḍaṃ vahati, evaṃ sahaṇḍātipaccayatāya maggaṃ bhāveti. Yathā pārimaṃ tīraṃ appeti, evaṃ pārimatīrabhūtaṃ nirodhaṃ sacchikarotīti evaṃ upamāsaṃsandanaṃ veditabbaṃ.

Dassanaṃ visujjhatī taṃtaṃmaggavajjhakilesatamappahānena ñāṇadassanaṃ visuddhibhāvaṃ pāpuṇāti. **Dassanaṃ visuddhanti** tassa tassa phalassa

uppādakkhaṇe tassa tassa maggañāṇassa kiccāsiddhippattito ñāṇadassanaṃ visuddhibhāvaṃ pattam hoti. Sabbadhammānaṃ ekasaṅgahitāya nānattekattapaṭivedhapaññāya maggaphalañāṇehi siddhito ante maggaphalañāṇāni vuttāni.

Dassanavisuddhiñāṇaniddesavaṇṇanā niṭṭhitā.

41-42. Khantiñāṇapariyogāhaṇañāṇaniddesavaṇṇanā

92-93. Khantiñāṇapariyogāhaṇañāṇaniddesesu **rūpaṃ aniccato viditanti** aniccānupassanāya aniccanti ñātaṃ. **Rūpaṃ dukkhato viditanti** dukkhānupassanāya dukkhanti ñātaṃ. **Rūpaṃ anattato viditanti** anattānupassanāya anattāti ñātaṃ. **Yaṃ yaṃ viditaṃ, taṃ taṃ khamatīti** yaṃ yaṃ rūpaṃ aniccādito viditaṃ, taṃ taṃ rūpaṃ aniccādito khamati ruccati. “Rūpaṃ aniccato viditaṃ, yaṃ yaṃ viditaṃ, taṃ taṃ khamatīti”ti visuṃ visuṃ katvā kesuci potthakesu likhitaṃ. “Vedanā saññā saṅkhārā aniccato viditā”ti-ādinā liṅgavacanāni parivattetvā yojetabbāni. **Phusatīti** vipassanāñāṇaphusanena phusati pharati. **Pariyogahatīti** vipassanāñāṇena pavisati. Pariyogāhatītipi pāṭho.

Khantiñāṇapariyogāhaṇañāṇaniddesavaṇṇanā niṭṭhitā.

43. Padesavihārañāṇaniddesavaṇṇanā

94. Padesavihārañāṇaniddese yenākārena mātikāya uddiṭṭho padeso paccavekkhitabbo, taṃ dassento **micchādiṭṭhipaccayāpi vedayitanti-**ādimāha. Tattha **micchādiṭṭhipaccayāti** diṭṭhisampayuttavedanāpi vaṭṭati diṭṭhiṃ upanissayaṃ katvā uppannā kusalākusalavedanāpi vipākavedanāpi. Tattha micchādiṭṭhisampayuttā akusalāva hoti, diṭṭhiṃ pana upanissāya kusalāpi uppajjanti akusalāpi. Micchādiṭṭhikā hi diṭṭhiṃ upanissāya pakkhadivasesu yāgubhattādīni denti, andhakuṭṭhi-ādīnaṃ vattam paṭṭhapenti, catumahāpathe sālāṃ karonti, pokkharaṇiṃ khaṇāpenti, pupphārāmaṃ phalārāmaṃ ropenti, nadīviduggesu setuṃ attharanti, visamaṃ samaṃ karonti. Iti tesam kusalā

vedanā uppajjati¹. Micchādiṭṭhiṃ pana nissāya sammādiṭṭhike akkosanti paribhāsanti vadhabandhādīni karonti, pāṇaṃ vadhitvā devatānaṃ upaharanti. Iti nesaṃ akusalā vedanā uppajjati. Vipākavedanā pana bhavantaragatānaṃ hoti. Sā pana micchādiṭṭhi saha-jātāya vedanāya saha-jāta-añña-mañña-nissayasampayutta-atthi-avigatapaccayehi paccayo hoti, samanantaraniruddhā micchādiṭṭhi paccuppannamicchādiṭṭhisampayuttāya vedanāya anantarasamanantarūpanissaya-āsevananatthivigatapaccayehi paccayo hoti, micchādiṭṭhiṃ garuṃ katvā abhinandantassa lobhasahagatavedanāya ārammaṇa-ārammaṇādhipati² ārammaṇūpanissayapaccayehi paccayo hoti, sabbākusalehi micchādiṭṭhiṃ ārammaṇamattaṃ karontassa sabbākusalavedanāya micchādiṭṭhiṃ paccavekkhantassa vipassantassa kusalābyākatavedanāya ārammaṇapaccayena paccayo hoti, micchādiṭṭhipaccayena uppajjamānānaṃ kusalākusalavedanānaṃ bhavantare vipākavedanānaṃca upanissayapaccayena paccayo hoti.

Micchādiṭṭhivūpasamapaccayāti micchādiṭṭhivūpasamo nāma sammādiṭṭhi, tasmā yaṃ sammādiṭṭhipaccayā vedayitaṃ vuttaṃ, tadeva “micchādiṭṭhivūpasamapaccayā”ti veditabbaṃ. Keci pana “micchādiṭṭhivūpasamo nāma vipassanākkhaṇe sotāpattimaggaṅkhaṇe³ cā”ti vadanti.

Sammādiṭṭhipaccayāpi vedayitanti etthāpi sammādiṭṭhisampayuttavedanāpi vaṭṭati sammādiṭṭhiṃ upanissayaṃ katvā uppannā kusalākusalavedanāpi vipākavedanāpi. Tattha sammādiṭṭhisampayuttā kusalāva hoti, sammādiṭṭhiṃ pana upanissāya Buddhapūjā dīpamālāropanaṃ mahādhammassavanaṃ appatīṭṭhite disābhāge cetiyapatiṭṭhāpananti evamādīni puññaṃ karonti. Iti nesaṃ kusalā vedanā uppajjati. Sammādiṭṭhimeva nissāya micchādiṭṭhike akkosanti paribhāsanti, attānaṃ ukkaṃsanti, paraṃ vambhenti. Iti nesaṃ akusalā vedanā uppajjati. Vipākavedanā pana bhavantaragatānaṃyeva hoti. Sā pana sammādiṭṭhi saha-jātāya samanantaraniruddhāya paccuppannāya vedanāya micchādiṭṭhiyā vuttapaccayeheva paccayo hoti, lokikasammādiṭṭhi paccavekkhaṇasampayuttāya vipassanāsampayuttāya nikantisampayuttāya ca vedanāya ārammaṇapaccayena paccayo hoti, micchādiṭṭhiyā vuttanayeneva upanissayapaccayena paccayo hoti, maggaṅkhaṇasammādiṭṭhi paccavekkhaṇa-

1. Uppajjanti (Syā) 2. Ārammaṇādhipati (Sī, Syā) 3. Sotāpattiphalakkaṇe (Sī, Syā)

sampayuttāya vedanāya ārammaṇa-ārammaṇādhipati-
ārammaṇūpanissayapaccayavasena paccayo hoti.

Sammādiṭṭhivūpasamapaccayāpi vedayitanti sammādiṭṭhivūpasamo
nāma micchādiṭṭhi, tasmā yaṃ micchādiṭṭhipaccayā vedayitaṃ vuttaṃ,
tadeva “sammādiṭṭhivūpasamapaccayā”ti veditabbaṃ.

Micchāsāṅkappapaccayā micchāsāṅkappavūpasamapaccayāti-ādīsupi eseva
nayo. Yassa yassa hi “vūpasamapaccayā”ti vuccati, tassa tassa
paṭipakkhadhammapaccayāva taṃ taṃ vedayitaṃ adhippettaṃ.
Micchāñāṇādisu pana **micchāñāṇaṃ** nāma pāpakiriyāsu upāyacintā. Atha vā
micchāñāṇaṃ micchāpaccavekkhaṇāñāṇaṃ. **Sammāñāṇaṃ** nāma
vipassanāsammādiṭṭhiṃ lokuttarasammādiṭṭhiṃca ṭhapetvā
avasesakusalābyākataṃ ñāṇaṃ. **Micchāvimutti** nāma pāpādhimuttitā. Atha
vā ayāthāvavimutti aniyyānikavimutti avimuttasseva sato vimuttisaññīti.
Sammāvimutti nāma kalyāṇādhimuttitā phalavimutti ca. Sammādiṭṭhi-ādayo
heṭṭhā vuttatthāyeva.

Chandapaccayāpīti-ādīsū pana chando nāma lobho, chandapaccayā
aṭṭhalobhasahagatacittasampayuttavedanā veditabbā.

Chandavūpasamapaccayā paṭhamajjhānavedanāva. **Vitakkapaccayā**
paṭhamajjhānavedanā. **Vitakkavūpasamapaccayā** dutiyajjhānavedanā.
Saññāpaccayā ṭhapetvā paṭhamajjhānaṃ sesā cha samāpattivedanā.
Saññāvūpasamapaccayā nevasaññānāsaññāyatanavedanā.

Chando ca avūpasanto hotīti-ādīsū sace chandavitakkasaññā avūpasantā
hontīti attho. **Tappaccayāti** so chandavitakkasaññānaṃ avūpasamo eva
paccayo tappaccayo, tasmā tappaccayā. Chandavitakkasaññā-
avūpasamapaccayā vedanā hotīti attho. Sā
aṭṭhalobhasahagatacittasampayuttavedanā hoti. Sace chando vūpasanto
vitakkasaññā avūpasantā. **Tappaccayāti** so chandassa vūpasamo
vitakkasaññānaṃ avūpasamo eva paccayo tappaccayo, tasmā tappaccayā. Sā
paṭhamajjhānavedanāva. Sace chandavitakkā vūpasantā saññā avūpasantā.
Tappaccayāti so chandavitakkānaṃ vūpasamo saññāya avūpasamo eva
paccayo tappaccayo, tasmā tappaccayā. Sā dutiyajjhānavedanāva. Sace
chandavitakkasaññā vūpasantā. **Tappaccayāti** so chandavitakkasaññānaṃ
vūpasamo eva paccayo tappaccayo, tasmā tappaccayā. Sā
nevasaññānāsaññāyatanavedanāva. Keci pana “chando nāma appanaṃ
pāpuṇissāmīti

pubbabhāge dhammacchando, appanāppattassa so chando vūpasanto hoti. Paṭhamajjhāne vitakko hoti, dutiyajjhānappattassa vitakko vūpasanto hoti. Sattasu samāpattīsu saññā hoti, nevasaññānāsaññāyatanam samapannassa ca nirodham samāpannassa ca saññā vūpasantā hoti”ti evam vaṇṇayanti. Idha pana nirodhasamāpatti na yujjati. **Appattassa pattiyāti** arahattaphalassa pattatthāya. **Atthi āyavanti**¹ atthi vīriyam. **Āyāvanti**² pāṭho. **Tasmimpi ṭhāne anuppatteti** tassa vīriyārambhassa vasena tasmim arahattaphalassa kāraṇe ariyamagge anuppatte. **Tappaccayāpi vedayitanti** arahattassa ṭhānapaccayā vedayitam. Etena catumaggasahajātā nibbattitalokuttaravedanā gahitā. Keci pana “āyavanti paṭipatti. Tasmimpi ṭhāne anuppatteti tassā bhūmiyā pattiyā”ti vaṇṇayanti.

Padesavihārañāṇaniddesavaṇṇanā niṭṭhitā.

44-49. Vivaṭṭañāṇachakkaniddesavaṇṇanā

95. Vivaṭṭañāṇachakkaniddese **nekkhammādhipatattā paññāti** nekkhammam adhikam katvā nekkhammādhikabhāvena pavattā paññā. **Kāmacchandato saññāya vivaṭṭatīti** nekkhammādhipatikatapaññāsampayuttasaññāya hetubhūtāya, karaṇabhūtāya vā kāmacchandato vivaṭṭati parāvattati, parammukhī hotīti attho. Esa nayo sesesu.

96. **Kāmacchando nānattanti** kāmacchando sandavuttitāya abhāvato na ekasabhāvo. **Nekkhammam ekattanti** nekkhammam santavuttibhāvato ekasabhāvo. **Nekkhammekattam cetayatoti** kāmacchande ādīnavadassanena nekkhammam pavattayato. **Kāmacchandato cittam vivaṭṭatīti** diṭṭhādīnavato kāmacchandato nekkhammakkaṇe cittam vivaṭṭati. Esa nayo sesesu.

97. **Kāmacchandaṃ pajahantoti** nekkhammapavattikkhaṇe kāmacchandaṃ vikkhambhanappahānena pajahanto. **Nekkhammasena cittam adhiṭṭhātīti** paṭiladdhassa

1. Āsavanti (Sī) Pāliyampi āsavantveva dissati.

2. Āsavantipi (Sī)

nekkhammassa vasena taṃsampayuttacittam̐ adhitiṭṭhati adhikam̐ karonto tiṭṭhati, pavattetīti attho. Esa nayo sesesu.

98. **Cakkhu suññam̐ attena vāti** bālayanaparikappitassa kārakavedakasaṅkhātassa attano abhāvā cakkhu attena ca suññam̐. Yam̐ hi yattha na hoti, tena tam̐ suññam̐ nāma hoti. **Attaniyena vāti** attano abhāveneva attano santakassapi abhāvā¹ attano santakena ca suññam̐. Lokassa attāti ca attaniyanti ca ubhayathā gāhasambhavato tadubhayagāhapaṭisedhanattham̐ attābhāvo ca attaniyābhāvo ca vutto. **Niccena vāti** bhaṅgam̐ atikkamitvā tiṭṭhantassa kassaci abhāvato niccena ca suññam̐. **Dhuvana vāti** pavattikkhaṇepi thirassa kassaci abhāvato dhuvana ca suññam̐. **Sassatena vāti** sabbakālepi² vijjamānassa kassaci abhāvato sassatena ca suññam̐. **Avipariṇāmadhammena vāti** jarābhaṅgavasena dvidhā aparivattamānapakatikassa kassaci abhāvato avipariṇāmadhammena ca suññam̐. Atha vā niccabhāvena ca dhuvabhāvena ca sassatabhāvena ca avipariṇāmadhammabhāvena ca suññanti attho. Samuccayattho vā-saddo. **Yathābhūtam̐ jānato passatoti** iccevam̐ anattānupassanāñāṇena yathāsabhāvena jānantassa cakkhunā viya ca passantassa. **Cakkhābhinivesato ñāṇam̐ vivaṭṭatīti** cakkhu attāti vā attaniyanti vā pavattamānato diṭṭhābhinivesato tadanāgappahānavasena ñāṇam̐ vivaṭṭatīti. Esa nayo sesesu.

99. **Nekkhammena kāmacchandam̐ vosajjatīti** nekkhammalābhī puggalo nekkhammena tappaṭipakkham̐ kāmacchandam̐ pariccajati. **Vosagge paññāti** kāmacchandassa vosagabhūte nekkhamme taṃsampayuttā paññā. Esa nayo sesesu. **Pīlanatṭhādayo** heṭṭhā vuttatthā eva. **Parijānanto vivaṭṭatīti** puggalādhiṭṭhānā desanā, maggasamaṅgīpuggalo dukkhassa catubbidham̐ attham̐ kiccavasena parijānanto dubhato vutṭhānavasena vivaṭṭatīti, ñāṇavivaṭṭanepi ñāṇasamaṅgī vivaṭṭatīti vutto.

1. Attano sabhāveneva attano santakassa kassaci abhāvā (Sī)

2. Sabbathāpi (Ka)

100. **Tathaṭṭhe paññāti** etassa puggalasseva tathaṭṭhe vivaṭṭanā paññā. Esa nayo sesesu. Idāni maggakkhaṇe eva kiccavasena ākāraṇānattato cha vivaṭṭañāṇāni dassetuṃ **saññāvivaṭṭoti**-ādimātikam ṭhapetvā tam atthato vibhajanto **sañjānanto vivaṭṭatīti**-ādimāha. Tattha **sañjānanto vivaṭṭatīti saññāvivaṭṭoti** yasmā pubbabhāge nekkhammādim adhipatito sañjānanto yogī pacchā nekkhammasampayuttañāṇena kāmacchandādito vivaṭṭati, tasmā tam ñāṇam saññāvivaṭṭo nāmāti attho. **Cetayanto vivaṭṭatīti cetovivaṭṭoti** yasmā yogī nekkhammekattādīni cetayanto sampayuttañāṇena kāmacchandādito vivaṭṭati, tasmā tam ñāṇam cetovivaṭṭo nāmāti attho. **Vijānanto vivaṭṭatīti cittavivaṭṭoti** yasmā yogī nekkhammādivasena cittādhiṭṭhāṇena vijānanto taṃsampayuttañāṇena kāmacchandādito vivaṭṭati, tasmā tam ñāṇam cittavivaṭṭo nāmāti attho. **Ñāṇam karonto vivaṭṭatīti ñāṇavivaṭṭoti** yasmā yogī chabbidham ajjhattikāyatanam anattānupassanāñāṇena suññato viditam karonto teneva ñāṇena diṭṭhābhinivesato vivaṭṭati, tasmā tam ñāṇam ñāṇavivaṭṭo nāmāti attho. **Vosajjanto vivaṭṭatīti vimokkhavivaṭṭoti** yasmā yogī nekkhammādīhi kāmacchandādīni vosajjanto taṃsampayuttañāṇena kāmacchandādito vivaṭṭati, tasmā tam ñāṇam vimokkhavivaṭṭo nāmāti attho. **Tathaṭṭhe vivaṭṭatīti saccavivaṭṭoti** yasmā yogī catubbidhe tathaṭṭhe dubhato vuṭṭhānavasena vivaṭṭati, tasmā maggañāṇam saccavivaṭṭo nāmāti attho. Maggañāṇameva vā tathaṭṭhe dubhato vuṭṭhānabhāvena vivaṭṭatīti saccavivaṭṭoti attho.

Yattha saññāvivaṭṭoti-ādi saccavivaṭṭañāṇaniddese vuttatā saccavivaṭṭañāṇakkhaṇameva sandhāya vuttanti veditabham. Maggakkhaṇeyeva hi sabbāni yujjanti. Katham? Ñāṇavivaṭṭe ñāṇam hi vajjetvā sesesu ariyamaggo sarūpeneva āgato. Vipassanākiccassa pana maggeneva sijjhanato vipassanākiccāsiddhivasena ñāṇavivaṭṭañāṇampi maggakkhaṇe yujjati. Maggañāṇeneva vā “cakkhu suññan”ti-ādi kiccavasena paṭividdhameva hotīti maggakkhaṇe tam ñāṇam vatthum yujjatiyeva. Atthayojanā panettha “yattha maggakkhaṇe saññāvivaṭṭo, tattha cetovivaṭṭo. Yattha maggakkhaṇe

cetovivaṭṭo, tattha saññāvivaṭṭo”ti evamādinā nayena sabbasaṃsandanesu yojanā kātabbā. Atha vā saññāvivaṭṭacetovivaṭṭacittavivaṭṭa-vimokkhavivaṭṭesu catunnaṃ ariyamaggānaṃ ariyamaggānaṃ āgatattā saccavivaṭṭo āgatoyeva hoti. Ñāṇavivaṭṭo ca saccavivaṭṭeneva kiccavasena siddho hoti. Saññācetocittavimokkhavivaṭṭesveva ca peyyāle vitthāriyamāne “anattānupassanādhīpatattā paññā abhinivesato saññāya vivaṭṭatīti adhipatattā paññā saññāvivaṭṭe ñāṇan”ti ca, “abhiniveso nānattaṃ, anattānupassanā ekattaṃ. Anattānupassane kattaṃ cetayato abhinivesato cittaṃ vivaṭṭatīti nānatte paññā cetovivaṭṭe ñāṇan”ti ca, “abhinivesaṃ pajahanto anattānupassanāvasena cittaṃ adhiṭṭhātīti adhiṭṭhāne paññā citta-vivaṭṭe ñāṇan”ti ca, “anattānupassanāya abhinivesaṃ vosajjatīti vosagge paññā vimokkhavivaṭṭe ñāṇan”ti ca pāṭhasambhavato ñāṇavivaṭṭe ñāṇampi tesu āgatameva hoti. Ñāṇavivaṭṭe ca anattānupassanāya vuṭṭhāya ariyamaggaṃ paṭiladdhassa kiccavasena¹ “cakkhu suññaṃ attena vā attaniyena vā”ti ādiyujjanato saccavivaṭṭo labbhati, tasmā ekekasmim vivaṭṭe sesā pañca pañca vivaṭṭā labbhanti. Tasmā evaṃ² “yattha saññāvivaṭṭo, tattha cetovivaṭṭo”ti-ādikāni saṃsandanāni vuttānīti veditabbaṃ.

Vivaṭṭañāṇachakkaniddesavaṇṇanā niṭṭhitā.

50. Iddhividhañāṇaniddesavaṇṇanā

101. Iddhividhañāṇaniddese **idha bhikkhū**ti imasmim sāsane bhikkhu. **Chandasamādhīpadhānasāṅkhārasamannāgatanti** ettha chanda hetuko samādhī, chandādhiko vā samādhī chandasamādhī, kattukamyatāchandaṃ adhipatim karitvā paṭiladdhasamādhissetaṃ adhivacanaṃ. Padhānabhūtā saṅkhārā padhānasāṅkhārā, catukiccasādhakassa sammappadhāna-vīriyassettaṃ adhivacanaṃ. Catukiccasādhanavasena bahuvacanaṃ kataṃ. **Samannāgatanti** chandasamādhinā ca padhānasāṅkhārehi ca upetaṃ. **Iddhipādanti** nipphattipariyāyena vā ijjanaṭṭhena, ijjhanti etāya sattā iddhā vuddhā ukkaṃsagatā hontīti iminā vā pariyāyena

1. Cittavasena (Sī)

2. Tasmā eva (Ka)

iddhīti saṅkhaṃ gatānaṃ upacārajjhānādikusalacittasampayuttānaṃ chandasamādhīpadhānasaṅkhārānaṃ adhiṭṭhānaṭṭhena pādabhūtaṃ sesacittacetāsikarāsinti attho. Vuttaṃ hi Iddhipādavibhaṅge suttantabhājanīye “iddhipādoti tathābhūtaṃ vedanākkhandho -pa- viññānakkhandho”¹. Abhidhammabhājanīye ca “iddhipādoti tathābhūtaṃ phasso vedanā -pa- paggāho avikkhepo”² vuttaṃ. Tasmā “sesacittacetāsikarāsin”³ti ettha chandasamādhīpadhānasaṅkhāresu ekekaṃ iddhim katvā dvīhi dvīhi saha sesavacanaṃ katanti vedītabbāṃ. Evaṃ hi cattāro khandhā sabbe ca phassādayo dhammā saṅgahitā honti. Iminā nayena sesesupi attho vedītabbo. Yatheva hi chandaṃ adhipatim karitvā paṭiladdhasamādhī chandasamādhīti vutto, evaṃ vīriyaṃ cittaṃ vīmaṃsaṃ adhipatim karitvā paṭiladdhasamādhī vīmaṃsāsamādhīti vuccati. Evamekekasmim iddhīpāde chandādayo vīriyādayo cittādayo vīmaṃsādayoti tayo tayo dhammā iddhīpi honti iddhīpādāpi, sesā pana sampayuttakā cattāro khandhā iddhīpādāyeva. Yasmā vā ime tayo tayo dhammā sampayuttakehi catūhi khandhehi saddhimyeva ijjhanti, na vinā tehi, tasmā tena pariyāyena sabbe cattāropi khandhā ijjhanaṭṭhena iddhī nāma honti, patiṭṭhaṭṭhena pādā nāmātipi vedītabbāṃ.

Vīriyasamādhīpadhānasaṅkhārasamannāgatanti ettha pana vīriyanti ca padhānasaṅkhāroti ca ekoyeva. Kasmā dvidhā vuttanti ce? Vīriyassa adhipatibhāvadassanavasenettha paṭhamaṃ vīriyaggahaṇaṃ kataṃ, tasseva catukiccasādhakattadassanattamaṃ padhānasaṅkhāravacanaṃ kataṃ. Evaṃ dvidhā vuttatā eva cetthāpi tayo tayo dhammāti vuttaṃ. Keci pana “Vibhaṅge ‘iddhīti yā tesam tesam dhammānaṃ iddhī samiddhī ijjhānā samijjhānā’¹ vuttatā iddhī nāma anipphannā, iddhīpādo nipphanno”²ti vadanti. Idha pana iddhīpi iddhīpādopi nipphanno lakkhaṇabbhāhatoti sanniṭṭhānaṃ kataṃ. Iddhī samiddhīti-ādīhi ijjhānākārena dhammā eva vuttāti vedītabbāṃ.

Bhāvetīti āsevati. Suttantabhājanīye³ viya idhāpi iddhīpādabhāvanā lokiya eva. Tasmā iddhividhaṃ tāva sampādetukāmo

1. Abhi 2. 226 piṭṭhe.

2. Abhi 2. 230 piṭṭhe.

3. Abhi 2. 225 piṭṭhe.

lokiyaṃ iddhipādaṃ bhāvento pathavīkasiṇādīsu aṭṭhasu kasiṇesu
 adhikatavasippatta-aṭṭhasamāpattiko kasiṇānulomato kasiṇapaṭilomato
 kasiṇānulomapaṭilomato jhānānulomato jhānapaṭilomato
 jhānānulomapaṭilomato jhānukkantikato kasiṇukkantikato
 jhānakasiṇukkantikato aṅgasaṅkantikato ārammaṇasaṅkantikato
 aṅgārammaṇasaṅkantikato aṅgavavatthānato ārammaṇavavatthānatoti imehi
 cuddasati ākārehi cittaṃ paridametvā chandasīsavīriyasīsaccittasīsa-
 vīmaṃsāsīsavasena punappunāṃ jhānaṃ samāpajjati.
 Aṅgārammaṇavavatthānampi keci icchanti. Pubbahetusampannena pana
 kasiṇesu catukkajjhānamatte ciṇṇavasināpi kātuṃ vaṭṭatīti taṃ taṃ
 iddhipādaṃ samādhiṃ bhāvento “anuppannānaṃ pāpakānaṃ akusalānaṃ
 dhammānaṃ anuppādāyā”ti-ādikaṃ¹ catuppakāraṃ vīriyaṃ adhiṭṭhāti, tassa
 ca hānivuddhiyo ñatvā vīriyasamataṃ adhiṭṭhāti. So evaṃ catūsu
 iddhipādesu cittaṃ paribhāvetvā iddhividhaṃ sampādeti.

So imesu catūsu iddhipādesūti-ādīsu soti so bhāvitacaturiddhipādo
 bhikkhu. **Catūsu iddhipādesu cittaṃ paribhāvetīti** punappunāṃ chandādīsu
 ekekaṃ adhipatiṃ katvā jhānasamāpajjanavasena tesu cittaṃ paribhāveti
 nāma, chandādivāsaṇaṃ gāhāpetīti attho. **Paridametīti** nibbisevaṇaṃ karoti.
 Purimaṃ pacchimassa kāraṇavacanaṃ. Paribhāvitaṃ hi cittaṃ paridamitaṃ
 hotīti. **Muduraṃ karotīti** tathā dantaṃ cittaṃ vasippattaṃ karoti. Vase
 vattamānaṃ hi cittaṃ “mudū”ti vuccati. **Kammaniyanti** kammakkhamaṃ
 kammayoggaṃ karoti. Mudu hi cittaṃ kammaniyaṃ hoti sudhantamiva
 suvaṇṇaṃ, idha pana iddhividhakammakkhamaṃ. **Soti** soparibhāvitacitto
 bhikkhu. **Kāyampi citte samodahatīti-ādi** iddhikaraṇakāle yathāsukhaṃ
 cittacārassa ijghanatthaṃ yogavidhānaṃ dassetuṃ vuttaṃ. Tattha **kāyampi**
citte samodahatīti attano karajakāyampi pādakajjhānacitte samodahati
 paveseti āropeti, kāyaṃ cittānugatikaṃ karotīti attho. Evaṃ karaṇaṃ
 adissamānena kāyena gamanassa upakārāya hoti. **Cittampi kāye**
samodahatīti pādakajjhānacittaṃ attano karajakāye samodahati

1. Abhi 2. 225 piṭṭhe.

āropeti, cittampi kāyānugatikaṃ karotīti attho. Evaṃ karaṇaṃ dissamānena kāyena gamanassa upakārāya hoti. Samādahatītipi pāṭho, patiṭṭhāpetīti attho. **Kāyavasena cittaṃ pariṇāmetīti** pādakajjhānacittaṃ gahetvā karajakāye āropeti kāyānugatikaṃ karoti, idaṃ cittaṃ kāye samodahanassa vevacanaṃ. **Cittavasena kāyaṃ pariṇāmetīti** karajakāyaṃ gahetvā pādakajjhānacitte āropeti, cittānugatikaṃ karoti, idaṃ kāyaṃ citte samodahanassa vevacanaṃ. **Adhiṭṭhātīti** “evaṃ hotū”ti adhiṭṭhātī. Samodahanassa atthavivaraṇatthaṃ pariṇāmo vutto, pariṇāmassa atthavivaraṇatthaṃ adhiṭṭhānaṃ vuttaṃ. Yasmā samodahatīti mūlapadaṃ, pariṇāmeti adhiṭṭhātīti tassa atthaniddesapadāni, tasmā tesāṃ dvinnaṃyeva padānaṃ vasena pariṇāmetvāti adhiṭṭhahitvāti vuttaṃ, na vuttaṃ samodahitvāti.

Sukhasaññaṅca lahusaññaṅca kāye okkamitvā viharatīti

catutthajjhānena sahaṃjātasukhasaññaṅca lahusaññaṅca samāpajjanavasena karajakāye okkamitvā pavesetvā viharati. Tāya saññāya okkantakāyassa panassa karajakāyopi tūlapicu viya lahuko hoti. **Soti** so katayogavidhāno bhikkhu. **Tathābhāvitena cittenāti** itthambhūtalakkhaṇe karaṇavacanaṃ, hetu-atthe vā, tathābhāvitena cittaena hetubhūtenāti attho. **Parisuddhenāti** upekkhāsati parisuddhibhāvato parisuddhena. Parisuddhattāyeva **pariyodātena**, pabhassarenāti attho. **Iddhividhaññāyāti** iddhikoṭṭhāse, iddhivikappe vā ñāṇatthāya. **Cittaṃ abhinīharatīti** so bhikkhu vuttappakāravasena tasmim citta abhiññāpādake jāte iddhividhaññādhigamattāya parikkammacittaṃ abhinīharati, kasiṇārammaṇato apanetvā iddhividhābhimukhaṃ peseti. **Abhininnāmetīti** adhigantabba-iddhipoṇaṃ iddhipabbhāraṃ karoti. **Soti** so evaṃ katacittābhinīhāro bhikkhu. **Anekavīhanti** anekavidhaṃ nānappakāraṃ. **Iddhividhanti** iddhikoṭṭhāsaṃ, iddhivikappaṃ vā. **Paccanubhotīti** paccanubhavati, phasseti sacchikaroti pāpuṇātīti attho.

102. Idānissa anekavīhitabhāvaṃ dassento **ekopi hutvāti**-ādimāha. Tattha **ekopi hutvāti** iddhikaraṇato pubbe pakatiyā ekopi hutvā. **Bahudhā hotīti** bahunnaṃ santike caṅkamtukāmo vā,

sajjhāyaṃ vā kattukāmo, pañhaṃ vā pucchitukāmo hutvā satampi sahasampi hoti. Kathaṃ pañāyamevaṃ hoti? Iddhiyā bhūmipādapadamūlabhūte dhamme sampādetvā abhiññāpādakajjhānaṃ samāpajjitvā vuṭṭhāya sace sataṃ icchati, “sataṃ homi sataṃ homī”ti parikammaṃ katvā puna pādakajjhānaṃ samāpajjitvā vuṭṭhāya adhiṭṭhāti. Adhiṭṭhānacittena saheva sataṃ hoti. Sahassādīsupi eseva nayo. Sace evaṃ na ijjhati, puna parikammaṃ katvā dutiyampi samāpajjitvā vuṭṭhāya adhiṭṭhātabbaṃ. Saṃyuttaṭṭhakathāyaṃ hi “ekavāraṃ dhevāraṃ samāpajjituṃ vaṭṭati”ti vuttaṃ. Tattha pādakajjhānacittāni nimittārammaṇaṃ, parikammacittāni satārammaṇāni vā sahasarammaṇāni vā. Tāni ca kho vaṇṇavaseneva¹, no paṇṇattivasena. Adhiṭṭhānacittampi tatheva satārammaṇaṃ vā sahasārammaṇaṃ vā, taṃ paṭhamappañācittamiva gotrabhu-anantaraṃ ekameva uppajjati rūpāvacaracatutthajjhānikaṃ. Tattha ye te bahū nimmitā, te aniyametvā nimmitattā iddhimatā sadisāva honti. Ṭhānanisajjādīsū vā bhāsitatuphībhāvādīsū vā yaṃ yaṃ iddhimā karoti, taṃtadeva karonti. Sace pana nānāvaṇṇe kātukāmo hoti, keci paṭhamavaye keci majjhimavaye keci pacchimavaye, tathā dīghakese upaḍḍhamuḍdamuḍde missakakese upaḍḍharattacīvare paṇḍukacīvare padabhāṇadhammakathāsarabhañña-pañhapucchanapañhavissajjanarajanapacānacīvarasibbanadhovanādīni karonte, aparepi vā nānappaḅkārake kātukāmo hoti, tena pādakajjhānato vuṭṭhāya “ettakā bhikkhū paṭhamavayā hontū”ti-ādinā nayena parikammaṃ katvā puna samāpajjitvā vuṭṭhāya adhiṭṭhātabbaṃ. Adhiṭṭhānacittena saddhim icchitappaḅkārāyeva hontīti. Esa nayo “bahudhāpi hutvā eko hotī”ti-ādisū. Ayaṃ pana viseso—iminā hi bhikkhunā evaṃ bahubhāvaṃ nimminivā puna “ekova hutvā caṅkamissāmi, sajjhāyaṃ karissāmi, pañhaṃ pucchissāmi”ti cintetvā vā “ayaṃ vihāro appabhikkhuko, sace keci āgamissantī, kuto ime ettakā ekasadisā bhikkhū addhā therassa esānubhāvoti maṃ jānissantī”ti appicchatāya vā antarāva “eko homī”ti icchantena pādakajjhānaṃ samāpajjitvā vuṭṭhāya “eko homī”ti parikammaṃ katvā puna samāpajjitvā vuṭṭhāya “eko homī”ti

1. Vaṇṇanāvāsena (Si)

adhiṭṭhātabbām. Adhiṭṭhānacittena saddhimyeva eko hoti. Evaṃ akaronto pana yathāparicchinnaḥlavasena sayameva eko hoti.

Āvibhāvanti pākaṭabhāvaṃ karotīti attho. **Tirobhāvanti** paṭicchannabhāvaṃ karotīti attho. Āvibhāvaṃ paccanubhoti, tirobhāvaṃ paccanubhotīti purimena vā sambandho. Tatrāyaṃ iddhimā āvibhāvaṃ kattukāmo andhakāraṃ vā ālokaṃ karoti, paṭicchannaṃ vā vivaṭaṃ karoti, anāpāthaṃ vā āpāthaṃ karoti. Kathaṃ? Ayaṃ hi yathā paṭicchannopi dūre ṭhitopi vā dissati, evaṃ attānaṃ vā paraṃ vā kattukāmo pādakajjhānato vuṭṭhāya “idaṃ andhakāraṃ ālokaḥjātaṃ hotū”ti vā, “idaṃ paṭicchannaṃ vivaṭaṃ hotū”ti vā, “idaṃ anāpāthaṃ āpāthaṃ hotū”ti vā āvajjitvā parikkammaṃ katvā vuttanayeneva adhiṭṭhāti. Saha adhiṭṭhānā¹ yathādhiṭṭhitameva hoti. Pare dūre ṭhitāpi passanti, sayampi passitukāmo passati. Tirobhāvaṃ kattukāmo pana ālokaṃ vā andhakāraṃ karoti, appaṭicchannaṃ vā paṭicchannaṃ, āpāthaṃ vā anāpāthaṃ karoti. Kathaṃ? Ayaṃ hi yathā appaṭicchannopi samīpe ṭhitopi vā na dissati, evaṃ attānaṃ vā paraṃ vā kattukāmo pādakajjhānā vuṭṭhahitvā “idaṃ ālokaṭṭhānaṃ andhakāraṃ hotū”ti vā, “idaṃ appaṭicchannaṃ paṭicchannaṃ hotū”ti vā, “idaṃ āpāthaṃ anāpāthaṃ hotū”ti vā āvajjitvā parikkammaṃ katvā vuttanayeneva adhiṭṭhāti. Saha adhiṭṭhānā yathādhiṭṭhitameva hoti. Pare samīpe ṭhitāpi na passanti, sayampi apassitukāmo na passati. Apica sabbampi pākaṭapāṭihāriyaṃ āvibhāvo nāma, apākaṭapāṭihāriyaṃ tirobhāvo nāma. Tattha pākaṭapāṭihāriye iddhipi paññāyati iddhimāpi. Taṃ yamakapāṭihāriyena dīpetabbām. Apākaṭapāṭihāriye iddhiyeva paññāyati, na iddhimā. Taṃ Mahakasuttena² ca Brahmanimantanikasuttena³ ca dīpetabbām.

Tirokuṭṭanti parakuṭṭaṃ, kuṭṭassa parabhāganti vuttaṃ hoti. Esa nayo **tiropākāratiroppabbatesu**. **Kuṭṭoti** ca gehabhitti. **Pākāroti** gehavihāragāmādīnaṃ parikkhepapākāro. **Pabbatoti** paṃsupabbato vā pāsānapabbato vā. **Asajjamānoti** alaggamāno. **Seyyathāpi**

1. Saha adhiṭṭhānacittena (Visuddhi 2. 18 piṭṭhe), saha adhiṭṭhānāya (Syā, Ka)

2. Saṃ 2. 480 piṭṭhe.

3. Ma 1. 401 piṭṭhe.

ākāseti ākāse viya. Evaṃ gantukāmena pana ākāsakasiṇaṃ samāpajjitvā vuṭṭhāya kuṭṭaṃvā pākāraṃ vā pabbataṃ vā āvajjitvā kataparikkammaena “ākāso hotū”ti adhiṭṭhātabbo, ākāsova hoti. Adho otaritukāmassa, uddhaṃ vā ārohitukāmassa susiro hoti, vinivijjhivā gantukāmassa chiddo. So tattha asajjamāno gacchati. Sace panassa bhikkhuno adhiṭṭhahitvā gacchantassa antarā pabbato vā rukkho vā uṭṭheti, kiṃ puna samāpajjitvā adhiṭṭhātabbanti? Doso natthi. Puna samāpajjitvā adhiṭṭhānaṃ hi upajjhāyassa santike nissayaggahaṇasadiṣaṃ hoti. Iminā pana bhikkhunā “ākāso hotū”ti adhiṭṭhitattā ākāso hotiyeva. Purimādhiṭṭhānabaleneva cassa antarā añño pabbato vā rukkho vā utumayo uṭṭhahissatīti aṭṭhānametaṃ. Aññena iddhiṃatānimmite pana paṭhamāṃ nimmānaṃ balavaṃ hoti. Itarena tassa uddhaṃ vā adho vā gantabbaṃ.

Pathaviyāpi ummujjanimujjanti ettha ummujjanti uṭṭhānaṃ, nimujjanti saṃsīdanaṃ, ummujjañca nimujjañca ummujjanimujjaṃ. Evaṃ kattukāmena pana āpokasiṇaṃ samāpajjitvā uṭṭhāya “ettake ṭhāne pathavī udakaṃ hotū”ti paricchindivā parikkammaṃ katvā vuttanayeneva adhiṭṭhātabbaṃ. Saha adhiṭṭhānā yathāparicchinne ṭhāne pathavī udakameva hoti. So tattha ummujjanimujjaṃ karoti seyyathāpi udake. Na kevalaṃca ummujjanimujjameva, nhānapānamukhadhovanabhaṇḍakadhovanādīsu yaṃyaṃ icchati, taṃ taṃ karoti. Na kevalaṃca udakameva karoti, sappitelamadhuphāṇitādīsupi yaṃ yaṃ icchati, taṃ taṃ “idañcidañca ettakaṃ hotū”ti āvajjitvā parikkammaṃ katvā adhiṭṭhahantassa yathādhiṭṭhitameva hoti. Uddharitvā bhājanagataṃ karontassa sappi sappiyeva hoti, telādīni telādīniyeva, udakaṃ udakameva. So tattha temitukāmo va temeti, na temitukāmo na temeti. Tasseva ca sā pathavī udakaṃ hoti, sesajanassa pathavīyeva. Tattha manussā pattikāpi gacchanti, yānādīhipi gacchanti, kasikkammādīnipi karontiyeva. Sace panāyaṃ “tesampi udakaṃ hotū”ti icchati, hotiyeva. Paricchinnakālaṃ pana atikkamitvā yaṃ pakatiyā ghaṭaṭaḷākādīsū udakaṃ, taṃ ṭhapetvā avasesaṃ paricchinnatṭhānaṃ pathavīyeva hoti.

Udakepi abhijjamāne gacchatīti ettha yaṃ udakaṃ akkamitvā saṃsīdati, taṃ bhijjamānanti vuccati, viparītaṃ abhijjamānaṃ. Evaṃ gantukāmena pana

pathavīkaṣiṇaṃ samāpajjitvā vuṭṭhāya “ettake ṭhāne udakaṃ pathavī hotū”ti paricchinditvā parikammaṃ katvā vuttanayeneva adhiṭṭhātabbaṃ. Saha adhiṭṭhānā yathāparicchinnatṭhāne udakaṃ pathavīyeva hoti. So tattha gacchati seyyathāpi pathaviyaṃ. Na kevalaṅca gacchati, yaṃ yaṃ iriyāpathaṃ icchati, taṃ taṃ kappeti. Na kevalaṅca pathavimeva karoti, maṇisuvaṇṇapabbatarukkhādīsipi yaṃ yaṃ icchati, taṃ taṃ vuttanayeneva āvajjitvā adhiṭṭhāti, yathādhiṭṭhitameva hoti. Tasseva ca taṃ udakaṃ pathavī hoti, sesajanassa udakameva. Macchakacchapā ca udakakādayo ca yathārucci vicaranti. Sace paṇāyaṃ aññesampi manussānaṃ taṃ pathaviṃ kātuṃ icchati, karotiyeva. Yathāparicchinnakālātikkamena pana udakameva hoti.

Ākāsepi pallaṅkena kamatīti antalikkhe samantato ūrubaddhāsanaena gacchati. **Pakkhī sakuṇoti** pakkhehi yutto sakuṇo, na aparipuṇṇapakkho lūnapakkho vā. Tādiso hi ākāse gantuṃ na sakkoti. Evamākāse gantukāmena pana pathavīkaṣiṇaṃ samāpajjitvā vuṭṭhāya sace nisinno gantumicchati, pallaṅkappamaṇaṃ ṭhānaṃ paricchinditvā parikammaṃ katvā vuttanayeneva adhiṭṭhātabbaṃ. Sace nipanno gantukāmo hoti, mañcappamaṇaṃ, sace padasā gantukāmo hoti, maggappamaṇanti evaṃ yathānurūpaṃ ṭhānaṃ paricchinditvā vuttanayeneva “pathavī hotū”ti adhiṭṭhātabbaṃ. Saha adhiṭṭhānā pathavīyeva hoti. Ākāse gantukāmena ca bhikkhunā dibbacakkhulābhināpi bhavitabbaṃ. Kasmā? Yasmā antarā utusamuṭṭhānā vāpabbatarukkhādayo honti, nāgasupaṇṇādayo vā usūyantā māpentī, tesāṃ dassanatthaṃ. Te pana disvā kiṃ kātābanti? Pādakajjhānaṃ samāpajjitvā vuṭṭhāya “ākāso hotū”ti parikammaṃ katvā adhiṭṭhātabbaṃ. Apica okāse oroḥaṇatthampi iminā dibbacakkhulābhinā bhavitabbaṃ. Ayaṃ hi sace anokāse nhānatitthe vā gāmadvāre vā orohati, mahājanassa pākaṭo hoti, tasmā dibbacakkhunā passitvā anokāsaṃ vajjetvā okāse otaratīti.

Imepi candimasūriye evaṃmahiddhike evaṃmahānubhāveti ettha candimasūriyānaṃ dvācattālīsayojanasahassoparicaraṇena mahiddhikatā, tīsu dīpesu ekakkaṇe ālokakaraṇena mahānubhāvatā veditabbā, evaṃ uparicaraṇa-ālokapharaṇehi vā mahiddhike, teneva mahiddhikattena

mahānubhāve. **Parāmasatī**ti pariggaṇhāti, ekadese vā phusati. **Parimajjati**ti samantato ādāsatalaṃ viya parimajjati. Ayaṃ panassa iddhi abhiññāpādakajjhānavaseneva ijjhati, natthettha kaṣiṇasamāpattiniyamo. Svāyaṃ yadi icchati gantvā parāmasitum, gantvā parāmasati. Sace pana idheva nisinnako vā nipannako vā parāmasitukāmo hoti, “hatthapāse hotū”ti adhiṭṭhāti. Adhiṭṭhānabalena vaṇṭā muttatālaphalaṃ viya āgantvā hatthapāse ṭhite vā parāmasati, hatthaṃ vā vaḍḍhetvā parāmasati. Hatthaṃ vaḍḍhentassa pana kiṃ upādinnakaṃ vaḍḍhati anupādinnakaṃ vāti? Upādinnakaṃ nissāya anupādinnakaṃ vaḍḍhati. Yo evaṃ katvā na kevalaṃ candimasūriye parāmasati, sace icchati, pādakathalikaṃ katvā pāde ṭhapeti, pīṭhaṃ katvā nisīdati, mañcaṃ katvā nipajjati, apassenaphalakaṃ katvā apassayati. Yathā eko, evaṃ aparopi. Anekesupi hi bhikkhusatasahassesu evaṃ karontesu tesaṅca ekamekassa tatheva ijjhati. Candimasūriyānaṅca gamanampi ālokakaraṇampi tatheva hoti. Yathā hi pātisahassesu udakapūresu sabbapātīsu candamaṇḍalāni dissanti, pākatikameva candassa gamanaṃ ālokakaraṇaṅca hoti, tathūpamametaṃ pāṭihāriyaṃ. **Yāva brahmalokāpi kāyena vasaṃ vatteti**ti brahmalokaṃ paricchedaṃ katvā etthantare anekavidhaṃ abhiññāṃ karonto attano kāyena vasaṃ issariyaṃ vatteti. Vitthāro panettha iddhikathāyaṃ āvibhavissatīti.

Iddhividhaññānaniddesavaṇṇanā niṭṭhitā.

51. Sotadhātuvisuddhiññānaniddesavaṇṇanā

103. Sotadhātuvisuddhiññānaniddese **dūrepi saddānanti**-ādi dibbasotaṃ uppādetukāmassa ādikammikassa bhikkhuno upāyasandassanatthaṃ vuttaṃ. Tattha **dūrepi saddānaṃ saddanimittanti** dūre saddānaṃ antare saddaṃ. Saddoyeva hi nimittakaraṇavasena saddanimittaṃ. “Dūre”ti vuttepi pakatisotassa āpāthaṭṭhāneyeva. **oḷārikānanti** thūlānaṃ. **Sukhumānanti** aṇūnaṃ. **Sanhasaṇhānanti** saṇhatopi saṇhānaṃ, atisaṇhānanti attho. Etena paramasukhumā saddā vuttā honti. Imaṃ ñānaṃ uppādetukāmena ādikammikena jhāyinā abhiññāpādakajjhānaṃ samāpajjitvā vuṭṭhāya

parikammasamādhicittena paṭhamataramṃ pakatisotapathe dūre oḷāriko araṇṇe sīhādīnamṃ saddo āvajjitabbo. Vihāre ghaṇḍisaddo¹ bherisaddo saṅkhasaddo sāmaṇeradahaṅgābhikkhūnamṃ sabbathāmena sajjhāyantānamṃ sajjhāyanasaddo pakatikathamṃ kathentānamṃ “kiṃ bhante, kiṃ āvuso”ti-ādisaddo sakuṇasaddo vātasaddo padasaddo pakkuthita-udakassa cicciṭāyanasaddo ātape sussamānatālapaṇṇasaddo kunthakipillikādisaddoti evaṃ sabboḷārikato pabhūti yathākkamena sukhumasukhumasaddā āvajjitabbā.

Evaṃ karontena ca puratthimādīsū dasasū disāsū kamena ekekissā disāya saddanimittamṃ vuttanayena manasi kātabbamṃ. Manasi karontena ca ye saddā pakatisotassa suyyanti, tesu pakatisotamodhāya manodvārikena cittena manasi kātabbamṃ. Tassa te saddā pakaticittassāpi pākaṭā honti, parikammasamādhicittassa pana ativiya pākaṭā honti. Tassevaṃ saddanimittamṃ manasikaroto idāni dibbasotadhātu uppajjissatīti tesu saddesu aññataramṃ ārammaṇamṃ katvā manodvārāvajjanamṃ uppajjati, tasmimṃ niruddhe cattāri pañca vā javanāni javanti. Yesamṃ purimāni tīṇi cattāri vā parikammopacārānulomagotrābhunāmākāni kāmāvacarāni, catutthamṃ pañcamamṃ vā appanācittamṃ rūpāvacaracatutthajjhānikamṃ. Tattha yaṃ tena appanācittena saddhimṃ uppannamṃ ñāṇamṃ, ayaṃ dibbasotadhātu. Tamṃ thāmagatamṃ karontena “etthantare saddamṃ suṇāmī”ti ekaṅgulamattamṃ paricchinditvā vaḍḍhetabbamṃ, tato dvaṅgulacaturaṅgula-aṭṭhaṅgulavidatthiratana-antogabbhapamukhapāsādapariveṇasamṅghārāmagocaragāmajanapadādivasen a yāva cakkavāḷamṃ, tato vā bhīyyopi paricchinditvā paricchinditvā vaḍḍhetabbamṃ. Evaṃ adhigatābhiñño esa pādakajjhānārammaṇena phuṭṭhokāsabbhantaragate sadde puna pādakajjhānamṃ asamāpajjitvāpi abhiññāñāṇena suṇātiyeva. Evaṃ suṇanto ca sacepi yāvabrahmalokā saṅkhabheripaṇavādisaddehi ekakoḷāhalaṃ hoti, pāṭiyekkamṃ vavattāpetukāmatāya sati “ayaṃ saṅkhasaddo, ayaṃ bherisaddo”ti vavattāpetumṃ sakkotiyeva. Abhiññāñāṇena sute sātthake sadde pacchā kāmāvacaracittena atthamṃ jānāti.

1. Gaṇḍisaddo (Sī)

Dibbasotaṃ pakatisotavatoyeva uppajjati, no badhirassa. Pacchā pakatisote vinaṭṭhepi dibbasotaṃ na vinassatīti vadanti.

So dibbāya sotadhātuyāti ettha dibbasadisattā dibbā. Devānaṃ hi sucaritakammābhiniḃbattā pittasemharudhirādīhi apalibuddhā upakkilesavimuttatāya dūrepi ārammaṇasampañcchanasamatthā dibbā pasādasotadhātu hoti. Ayañcāpi imassa bhikkhuno vīriyabhāvanābalanibbattā nāṇasotadhātu tādisāyevāti dibbasadisattā dibbā. Apica dibbavihārasena paṭiladdhattā, attanā ca dibbavihārasannissittāpi dibbā, savanaṭṭhena nijjīvaṭṭhena ca sotadhātu, sotadhātukiccakaraṇena ca sotadhātu viyātipi sotadhātu. Tāya dibbāya sotadhātuyā. **Visuddhāyāti** parisuddhāya nirupakkilesāya. **Atikkantamānusikāyāti** manussūpacāraṃ atikkamitvā saddasavanena mānusikaṃ maṃsasotadhātuṃ atikkantāya vītivattitvā ṭhitāya. **Ubho sadde suṇātīti** dve sadde suṇāti. Katame dve? **Dibbe ca mānuse ca**, devānañca manussānañca saddeti vuttaṃ hoti. Etena padesapariyādānaṃ vedittabbaṃ. **Ye dūre santike cāti** ye saddā dūre paracakkavāḷepi, ye ca santike antamaso sadehasannissitapāṇakasaddāpi, te suṇātīti vuttaṃ hoti. Etena nippadesapariyādānaṃ vedittabanti.

Sotadhātuvisuddhiñāṇaniddesavaṇṇanā niṭṭhitā.

52. Cetopariyañāṇaniddesavaṇṇanā

104. Cetopariyañāṇaniddese **so evaṃ pajānātīti** idāni vattabbaṃ vidhānaṃ upadisati. **Idaṃ rūpaṃ somanassindriyasamuṭṭhitanti**-ādi ādikammikena jhāyinā paṭipajjitabbaṃ vidhānaṃ. Kathaṃ? Etaṃ hi nāṇaṃ uppādetukāmena jhāyinā paṭhamam tāva dibbacakkhuñāṇaṃ uppādetabbaṃ. Etaṃ hi dibbacakkhuvaseṇa ijjhati, taṃ etassa parikkammaṃ. Tasmā tena bhikkhunā ālokaṃ vaḍḍhetvā dibbena cakkhunā parassa hadayarūpaṃ nissāya vattamānassa lohitassa vaṇṇaṃ passitvā passitvā cittaṃ pariyesitabbaṃ. Taṃ hi lohitaṃ kusalasomanasse vattamāne rattaṃ hoti nigrodhapakkavaṇṇaṃ, akusalasomanasse vattamāne tadeva luḷitaṃ hoti, domanasse vattamāne

kāḷakam hoti jambupakkavaṇṇam luḷitam. Kusalūpekkhāya vattamānāya pasannam hoti tilatelavaṇṇam. Akusalūpekkhāya vattamānāya tadeva luḷitam hoti. Tasmā tena “idam rūpam somanassindriyasamuṭṭhitam, idam rūpam domanassindriyasamuṭṭhitam, idam rūpam upekkhindriyasamuṭṭhitam”ti parassa hadayalohitavaṇṇam passitvā passitvā cittaṃ pariyesantena cetopariyañānam thāmagataṃ kātabbam. Evaṃ thāmagate hi tasmim anukkamena sabbampi kāmāvacarādibhedam cittaṃ pajānāti cittaṃ cittaṃ eva saṅkamanto vinā hadayarūpadassanena. Vuttampi cetam Aṭṭhakathāyaṃ— “Āruppe parassa cittaṃ jānitukāmo kassa hadayarūpam passati, kassindriyavikāram oloketi? Na kassaci. Iddhimato visayo esa, yadidam yattha katthaci cittaṃ āvajjanto soḷasappabhedam cittaṃ jānāti. Akatābhinivesassa pana vasena ayam kathā”ti¹.

Parasattānanti attānam ṭhapetvā sesasattānam. **Parapuggalānanti** idampi iminā ekatthameva, veneyyavasena pana desanāvilāsena ca byañjanena nānattam katam. **Cetasā ceto paricca pajānāti**ti attano cittaṃ tesam cittaṃ paricchinditvā sarāgādivasena nānappakāro jānāti. **Sarāgam vāti**-ādīsu vā-saddo samuccayattho. Tattha aṭṭhavidham lobhasahagatacittaṃ **sarāgam** cittaṃ nāma, avasesam catubhūmakakusalābyākatacittaṃ **vītarāgam** nāma. Dve domanassacittāni dve vicikicchā-uddhaccacittānī imāni pana cattāri cittaṃ imasmim duke saṅgham na gacchanti. Keci pana therā tānīpi vītarāgapadena saṅgaṇhanti. Duvidham pana domanassasahagatacittaṃ **sadosam** cittaṃ nāma, sabbampi catubhūmakam kusalābyākatacittaṃ **vītadosam** nāma. Sesāni dasa akusalacittāni imasmim duke saṅgham na gacchanti. Keci pana therā tānīpi vītadosapadena saṅgaṇhanti. **Samoham vītamohanti** ettha pana mohekahetukavasena vicikicchā-uddhaccasahagatadvayameva **samoham**. Mohassa pana sabbākusalesu sambhavato dvādasavidhampi akusalam cittaṃ “samohan”ti veditabbam. Avasesam kusalābyākatacittaṃ **vītamoham**. Thinamiddhānugatacittaṃ pana **samkhittam**, uddhaccānugatacittaṃ **vikkhittam**. Rūpāvacarārūpāvacaram **mahaggatam**, avasesam **amahaggatam**. Sabbampi tebhūmakam **sa-uttaram**,

1. Visuddhi 2. 39 piṭṭhe.

lokuttaram **anuttaram**. Upacārappattam appanāppattañca **samāhitam**, tadubhayamasampattam **asamāhitam**. Tadaṅgavikkhambhanasamuccheda- paṭippassaddhinissaraṇavimuttippattam **vimuttam**, pañcavidhampi etaṃ vimuttimappattam **avimuttanti** veditabbam. Iti cetopariyaññalābhī bhikkhu soḷasappabhedampi cittam pajānāti. Puthujjanā pana ariyānaṃ maggaphalacittam na jānanti, ariyāpi ca heṭṭhimā heṭṭhimā uparimānaṃ uparimānaṃ maggaphalacittam na jānanti, uparimā uparimā pana heṭṭhimānaṃ heṭṭhimānaṃ cittam jānantīti.

Cetopariyaññaniddesavaṇṇanā niṭṭhitā.

53. Pubbenivāsānussatiññāniddesavaṇṇanā

105. Pubbenivāsānussatiññāniddese **evam pajānātīti**-ādi catūsu iddhipādesu paribhāvitacittassa pubbenivāsānussatiññānaṃ uppādetukāmassa taduppādanavidhānadassanattam vuttam. Kamato hi paṭiccasamuppādam passitvā viññānaṃ rāgārasāyatanaphassavedanāsāṅkhātāṃ paccuppannaṃ phalasaṅkhepaṃ passati, tassa paccayaṃ purimabhava kammakilesa- saṅkhātāṃ hetusaṅkhepaṃ passati, tassa paccayaṃ purimabhavyeva phalasaṅkhepaṃ passati, tassa paccayaṃ tatiyabhava hetusaṅkhepaṃ passati. Evam paṭiccasamuppādadassanena jātiparamparaṃ passati. Evam bahūpakāro pubbenivāsānussatiññānaṃ paṭiccasamuppādamanasikāro. Tattha “imasmim satī idam hoti, imassuppādā idam uppajjati”ti idam paṭiccasamuppādaniddesassa uddesavacanaṃ. Evam tesam aññataravacaneneva atthe siddhe dvidhā vacanaṃ kasmāti ce? Atthanānattasabbhāvato. Katham? **Imasmim satīti** imasmim paccaye vijjamāne. Idam sabbapaccayānaṃ sādharmaṇavacanaṃ. **Idam hotīti** idam paccayuppannaṃ bhavati. Idam sabbapaccayuppannānaṃ sādharmaṇavacanaṃ. Iminā sakalena vacanena ahetukavādo paṭisiddho hoti. Ye hi dhammā paccayasambhavā honti, na paccayābhavā, te ahetukā nāma na hontīti. **Imassuppādāti** imassa paccayassa uppādahetu. Idam sabbapaccayānaṃ uppādavantaṭṭāpanavacanaṃ. **Idam uppajjati**ti idam paccayuppannaṃ uppajjati. Idam sabbapaccayuppannānaṃ tato uppajjamānatāṭṭāpanavacanaṃ. Iminā sakalena vacanena sassatāhetukavādo paṭisiddho hoti. Ye hi uppādavanto dhammā, te aniccā. Tasmā satipisāhetukatte aniccathekā ete dhammā na loke nīcassammatapakatipurisādihetukāti vuttam hoti.

Yadidanti niddisitatbatthasandassanaṃ. **Avijjāpaccayā saṅkhārā**ti ettha yaṃ paṭicca phalameti, so paccayo. **Paṭiccā**ti na vinā, apaccakkhitvāti attho. **Etī**ti uppajjati ceva pavattati cāti attho. Apica upakārakaṭṭho paccayaṭṭho, avijjā ca sā paccayo cāti avijjāpaccayo. Tasmā avijjāpaccayā saṅkhārā sambhavanti yojanā. Evaṃ sambhavanti -saddassa sesapadehipi yojanā kātabbā. Sokādīsu ca socanaṃ **soko**. Paridevanaṃ **paridevo**. Dukkhatīti **dukkhaṃ**. Uppādaṭṭhitivasena vā dvedhā khanatīti dukkhaṃ. Dummanassa bhāvo **domanassaṃ**. Bhuso āyāso **upāyāso**. **Sambhavanti**ti nibbattanti. **Evanti** niddiṭṭhanayanidassanaṃ. Tena avijjādīheva kāraṇehi, na issaranimmānādīhīti dasseti. **Etassā**ti yathāvuttassa. **Kevalassā**ti asammissassa, sakalassa vā. **Dukkhaḥkhandhassā**ti dukkhasamūhassa, na sattassa na sukhasubhādīnaṃ. **Samudayoti** nibbatti. **Hotī**ti sambhavati.

Tattha katamā avijjā? Dukkhe aññāṇaṃ dukkhasamudaye aññāṇaṃ dukkhanirodhe aññāṇaṃ dukkhanirodhagāminiyā paṭipadāya aññāṇaṃ pubbante aññāṇaṃ aparante aññāṇaṃ pubbantāparante aññāṇaṃ idappaccayatāpaṭiccasamuppannesu dhammesu aññāṇaṃ. Katame saṅkhārā? Puññābhisaṅkhāro apuññābhisaṅkhāro āneñjābhisaṅkhāro kāyasaṅkhāro vacīsaṅkhāro cittasaṅkhāro. Aṭṭha kāmāvacarakusalacetanā pañca rūpāvacarakusalacetanā puññābhisaṅkhāro, dvādasa akusalacetanā apuññābhisaṅkhāro, catasso arūpāvacarakusalacetanā āneñjābhisaṅkhāro. Kāyasañcetanā kāyasaṅkhāro, vacīsañcetanā vacīsaṅkhāro, manosañcetanā cittasaṅkhāro.

Tattha siyā—kathaṃ panetaṃ jānitabbaṃ “ime saṅkhārā avijjāpaccayā hontī”ti? Avijjābhāve bhāvato. Yassa hi dukkhādīsu avijjāsaṅkhātāṃ aññāṇaṃ appahīnaṃ hoti, so dukkhe tāva pubbantādīsu ca aññāṇena saṃsāradukkhaṃ sukhasaññāya gahetvā tasseva¹ hetubhūte tividhepi saṅkhāre ārabhati. Samudaye aññāṇena dukkhahetubhūtepi taṇhāparikkhāre saṅkhāre sukahetuto maññamāno ārabhati. Nirodhe pana magge ca aññāṇena dukkhassa anirodhabhūtepi gativisehe dukkhanirodhasaññī hutvā nirodhassa ca amaggabhūtesupi yaññāmaratapādīsu

1. Tassa (Syā, Ka, Abhi-Ṭṭha 2. 138 piṭṭhe ca.)

nirodhamaggasaññī hutvā dukkhanirodham patthayamāno
yaññāmaratapādīmukhena tividhepi sañkhāre ārabhati.

Apica so tāya catūsu saccesu appahīnāvijjatāya visesato
jātijarārogamarāññī-anekādīnavavokiṇṇampi puññaphalasañkhātā
dukkham dukkhato ajānanto tassa adhigamāya kāyavacīcittasañkhārabhedam
puññābhisāñkhāram ārabhati devaccharakāmako viya marupapātā.
Sukhasammataṣāpi ca tassa puññaphalassa ante mahāpariḷāhajānikam
vipariṇāmadukkhataṃ appassādatañca apassantopi tappaccayaṃ
vuttappakārameva puññābhisāñkhāram ārabhati salabho viya
dīpasikhābhiniṇṇāpātā, madhubindugiddho viya ca
madhulittasatthadhārālehanam. Kāmūpasevanādīsu ca savipākesu ādīnavam
apassanto sukhasaññāya ceva kilesābhibhūtātāya ca dvārattayappavattampi
apuññābhisāñkhāram ārabhati bālo viya gūthakīḷanam, maritukāmo viya ca
visakhādanam. Āruppavipākesu cāpi sañkhāravipariṇāmadukkhataṃ
anavabujjhamāno sassatādivipallāsena cittasañkhārabhūtā
āneñjābhisāñkhāram ārabhati disāmūlho viya
pisācanagarābhimukhamaggagamanam. Evaṃ yasmā avijjābhāvatova
sañkhārabhāvo, na abhāvato, tasmā jānitabbametam “ime sañkhārā
avijjāpaccayā hontī”ti.

Etthāha—gaṇhāma tāva etaṃ “avijjā sañkhārānam paccayo”ti. Kiṃ
panāyamekāva avijjā sañkhārānam paccayo, udāhu aññepi paccayā santīti?
Kiṃ panettha¹ yadi tāva ekāva, ekakāraṇavādo āpajjati. Atha aññepi santi,
“avijjāpaccayā sañkhārā”ti ekakāraṇaniddeso nupapajjati? Na nupapajjati².
Kasmā? Yasmā—

Ekam na ekato idha, nānekamanekatopi no ekam.

Phalamatthi atthi pana eka-hetuphaladīpane attho.

Bhagavā hi katthaci padhānattā katthaci pākāṭattā katthaci asādhāraṇattā
desanāvīlāsassa ca veneyyānañca anurūpato ekameva hetuñca phalañca
dīpeti. Tasmā ayamidha avijjā vijjamānesupi aññesu
vatthārammaṇasahajātadhammādīsu sañkhārakāraṇesu “assādānupassino

1. Kiñcettha (Abhi-Ṭṭha 2. 139 piṭṭhe)

2. Nūpapajjati (Sī), na uppajjati (Syā)

taṇhā pavaḍḍhati”¹ti ca, “avijjāsamudayā āsavaśamudayo”²ti ca vacanato aññesampi taṇhādīnaṃ saṅkhārahetaṇaṃ hetūti padhānattā, “avidvā bhikkhave avijjāgato puññābhisaṅkhārampi abhisankharoti”³ti pākaṭattā, asādhāraṇattā ca saṅkhārānaṃ hetubhāvena dīpitāti veditabbā. Eteneva ca ekekahetuphaladīpanaparihāravacanena sabbattha ekekahetuphaladīpane payojanaṃ veditabbanti.

Etthāha—evaṃ santēpi ekantāniṭṭhaphalāya sāvajjāya avijjāya kathaṃ puññāneñjābhisaṅkhārapaccayattaṃ yujjati? Na hi nimbabījato ucchu uppajjati. Kathaṃ na yujjissati? Lokasmiṃ hi—

Viruddho cāviruddho ca, sadisāsadiśo tathā.

Dhammānaṃ paccayo siddho, vipākā eva te ca na.

Iti ayaṃ avijjā vipākavasena ekantāniṭṭhaphalā, sabhāvavasena ca sāvajjāpi samānā sabbesampi etesaṃ puññābhisaṅkhārādīnaṃ yathānurūpaṃ ṭhānakiccasabhāvaviruddhāviruddhapaccayavasena sadisāsadisapaccayavasena ca paccayo hotīti veditabbā.

Apica—

Cutūpapāte saṃsāre, saṅkhārānañca lakkhaṇe.

Yo paṭiccasamuppanna-dhammesu ca vimuyhati.

Abhisankharoti so ete, saṅkhāre tividhe yato.

Avijjā paccayo tesāṃ, tividhānaṃ ayaṃ³ tato.

Yathāpi nāma jaccandho, naro⁴ apariṇāyako.

Ekadā yāti maggena, ummaggenāpi ekadā.

Saṃsāre saṃsāraṃ bālo, tathā apariṇāyako.

Karoti ekadā puññaṃ, apuññaṃapi ekadā.

Yadā ca ñatvā so dhammaṃ, saccāni abhisamessati.

Tadā avijjūpasamā, upasanto carissati.

1. Saṃ 1. 311 piṭṭhe.

2. Ma 1. 68 piṭṭhe.

3. Tividhānaṃ sayāṃ (Syā), tividhānampi yaṃ (Abhi-Ṭṭha 2. 141 piṭṭhe)

4. Sāmaṃ (Gaṇṭhipade) Abhi-Ṭṭha 2. 142; Visuddhi 2. 177 piṭṭhesu pana passitabbaṃ.

Saṅkhārapaccayā viññānanti cha viññāṇakāyā cakkhuviññāṇam sotaviññāṇam ghānaviññāṇam jivhāviññāṇam kāyaviññāṇam manoviññāṇam. Tattha cakkhuviññāṇam kusalavipākam akusalavipākanti duvidham. Tathā sotaghānajivhākāyaviññāṇāni. Manoviññāṇam dve vipākamanodhātuyo, tisso ahetukamanoviññāṇadhātuyo, aṭṭha sahetukavipākacittāni, pañca rūpāvacarāni, cattāri arūpāvacarānīti bāvīsatividham. Iti sabbāni bāttimsa lokiyavipākaviññāṇāni.

Tattha siyā—katham panetaṃ jānitabbaṃ “idaṃ vuttappakāraṃ viññāṇam saṅkhārapaccayā hotī”ti? Upacitakammābhāve vipākābhāvato. Vipākam hetam, vipākāñca na upacitakammābhāve uppajjati. Yadi uppajjeyya, sabbesaṃ sabbavipākāni uppajjeyyūṃ, na ca uppajjantīti jānitabbametam “saṅkhārapaccayā idaṃ viññāṇam hotī”ti. Sabbameva hi idaṃ pavattiṭṭhisandhivasena dvedhā pavattati. Tattha dve pañcaviññāṇāni dve manodhātuyo somanassasahagatāhetukamanoviññāṇadhātūti imāni terasa pañcavokārabhave pavattiyāmyeva pavattanti, sesāni ekūnavīsati tīsu bhavesu yathānurūpaṃ pavattiyampi ṭṭhisandhiyampi pavattanti.

Laddhappaccayamiti dhamma-mattametam bhavantaramupeti.

Nāssa tato saṅkanti, na tato hetuṃ vinā hoti.

Iti hetam laddhappaccayam rūpārūpadhammamattam uppajjamānam bhavantaramupetīti vuccati, na satto, na jīvo. Tassa ca nāpi atītabhavato idha saṅkanti atthi, nāpi tato hetuṃ vinā idha pātubhāvo. Ettha ca purimaṃ cavanato cuti, pacchimaṃ bhavantarādīṭṭhisandhānato ṭṭhisandhīti vuccati.

Etthāha—nanu evam asaṅkantipātubhāve sati ye imasmim manussattabhāve khandhā, tesam niruddhattā, phalappaccayassa ca kamma tatha agamanato, aññassa aññato ca tam phalam siyā. Upabhuñjake ca asati kassa tam phalam siyā. Tasmā na sundaramidaṃ vidhānanti. Tatridam vuccati—

“Santāne yaṃ phalam etaṃ, nāññassa na ca aññato.

Bījānam abhisāṅkhāro, etassatthassa sādhamko.

Phalassuppattiyā eva, siddhā bhuñjakasammuti.

Phaluppādena rukkhassa, yathā phalati sammuti”ti.

Yopi vadeyya “evaṃ santepi ete saṅkhārā vijjamānā vā phalassa paccayā siyūṃ avijjamānā vā. Yadi ca vijjamānā, pavattikkhaṇeyeva nesam vipākena bhavitabbaṃ. Athāpi avijjamānā, pavattito pubbe pacchā ca niccam phalāvahā siyūṃ”ti. So evaṃ vattabbo—

“Katattā paccayā ete, na ca niccam phalāvahā.

Pāṭibhogādikaṃ tattha, veditabbaṃ nidassanaṃ”ti.

Viññāṇapaccayā nāmarūpanti idha vedanā saññā saṅkhārakkhandhā nāmaṃ, cattāri ca mahābhūtāni catunnaṅca mahābhūtānaṃ upādāyarūpaṃ rūpaṃ. Abhāvakagabbhaseyyakānaṃ aṇḍajānaṅca paṭisandhikkhaṇe vatthudasakaṃ kāyadasakanti vīsati rūpāni, tayo ca arūpino khandhāti ete tevīsati dhammā viññāṇapaccayā nāmarūpanti veditabbā. Sabhāvakānaṃ bhāvasakānaṃ pakkhipitvā tetiṃsa, opapātikasattesu brahmakāyikādīnaṃ paṭisandhikkhaṇe cakkhusotavatthudasakāni jīvitindriyanavakañcāti ekūnacattālīsa rūpāni, tayo ca arūpino khandhāti ete dvācattālīsa dhammā viññāṇapaccayā nāmarūpaṃ. Kāmabhava pana sesa-opapātikānaṃ saṃsedajānaṃ vā sabhāvakaparipuṇṇāyatanānaṃ paṭisandhikkhaṇe cakkhusotaghānajīvhākāyavatthubhāvasakānīti sattati rūpāni, tayo ca arūpino khandhāti ete tesattati dhammā viññāṇapaccayā nāmarūpaṃ. Esa ukkaṃso. Avakaṃsena pana taṃtaṃdasakavikalānaṃ tassa tassa vasena hāpetvā hāpetvā paṭisandhiyaṃ viññāṇapaccayā nāmarūpasankhā veditabbā. Arūpīnaṃ pana tayova arūpino khandhā, asaññānaṃ rūpato jīvitindriyanavakamevāti. Esa tāva paṭisandhiyaṃ nayo.

Tattha siyā—kathaṃ panetaṃ jānitabbaṃ “paṭisandhināmarūpaṃ viññāṇapaccayā hotī”ti? Suttato yuttito ca. Sutte hi “cittānuparivattino dhammā”ti-ādina¹ nayena bahudhā vedanādīnaṃ viññāṇapaccayatā siddhā. Yuttito pana—

Cittajena hi rūpena, idha diṭṭhena sijjhati.

Adiṭṭhassāpi rūpassa, viññāṇaṃ paccayo iti.

1. Abhi 1. 10 piṭṭhādīsu.

Nāmarūpapaccayā saḷāyatananti nāmaṃ vuttameva. Idha pana rūpaṃ niyamato cattāri bhūtāni cha vatthūni jīvitindriyanti ekādasavidhaṃ. Saḷāyatanam cakkhāyatanam sotāyatanam ghāṇāyatanam jivhāyatanam kāyāyatanam manāyatanam.

Tattha siyā—kathaṃ panetaṃ jānitabbaṃ “nāmarūpaṃ saḷāyatanassa paccayo”ti? Nāmarūpabhāve bhāvato. Tassa tassa hi nāmassa rūpassa ca bhāve taṃ taṃ āyatanam hoti, na aññāthāti.

Saḷāyatanapaccayā phassoti—

Chaḷeva phassā saṅkhepā, cakkhusamphassa-ādayo.
Viññānamiva bāttimsa, vitthārena bhavanti te.

Phassapaccayā vedanāti—

Dvārato vedanā vuttā, cakkhusamphassajādikā.
Chaḷeva tā pabhedena, idha bāttimsa vedanā.

Vedanāpaccayā taṇhāti—

Rūpatañhādibhedena, cha taṇhā idha dīpitā.
Ekekā tividhā tattha, pavattākārato matā.

Dukkhī sukhaṃ patthayati, sukhī bhiyyopi icchati.
Upekkhā pana santattā, sukhamicceva bhāsītā.

Tañhāya paccayā tasmā, honti tissopi vedanā.
Vedanāpaccayā taṇhā, iti vuttā Mahesinā.

Tañhāpaccayā upādānanti cattāri upādānāni kāmupādānaṃ diṭṭhupādānaṃ sīlabbatupādānaṃ attavādupādānaṃ. **Upādānapaccayā bhavoti** idha kammabhavo adhippeto. Upapattibhavo pana paduddhāravasena vutto. **Bhavapaccayā jāṭīti** kammabhavapaccayā paṭisandhikhandhānaṃ pātubhāvo.

Tattha siyā—kataṃ panetaṃ jānitabbaṃ “bhavo jāṭiyā paccayo”ti ce? Bāhirapaccayasamattepi hīnapañītādivisesadassanato. Bāhirānaṃ hi janakajananisukkasoṇitāhārādīnaṃ paccayānaṃ samattepi sattānaṃ yamakānampi sataṃ hīnapañītatādiviseso dissati. So ca na ahetuko

sabbadā ca sabbesañca abhāvato, na kammabhavato aññahetuko tadabhinibbattakasattānaṃ ajjhattasantāne aññassa kāraṇassa abhāvatoṭi kammabhavahetukoyeva. Kammaṃ hi sattānaṃ hīnappaṇītatādivisesassa hetu. Tenāha Bhagavā “kammaṃ satte vibhajati, yadidaṃ hīnappaṇītatāyā”¹.

Jātipaccayā jarāmaraṇanti-ādīsu yasmā asati jātiyā jarāmaraṇaṃ nāma sokādayo vā dhammā na honti, jātiyā pana sati jarāmaraṇañceva jarāmaraṇasaṅkhātadukkhadhammaphuṭṭhassa ca bālassa jarāmaraṇābhisambandhā vā tena tena dukkhadhammena phuṭṭhassa anabhisambandhā vā sokādayo ca dhammā honti, tasmā ayaṃ jāti jarāmaraṇassa ceva sokādīnañca paccayo hotīti veditabbā.

So tathābhāvitena cittenāti-ādīsu **pubbenivāsānussatiñāyāti** etassa ñāṇassa adhigamāya, pattiyāti vuttaṃ hoti. **Anekavihitanti** anekavidhaṃ nānappakāraṃ, anekehi vā pakārehi pavattitaṃ, saṃvaṇṇitanti attho. **Pubbenivāsanti** samanantarātītaṃ bhavaṃ ādiṃ katvā tattha tattha nivutthasantānaṃ. **Anussaratīti** khandhapaṭipāṭivasena cutipaṭisandhivasena vā anugantvā anugantvā sarati. Imaṃ hi pubbenivāsaṃ cha janā anussaranti titthiyā pakatisāvaka mahāsāvaka aggasāvaka Paccekabuddhā Buddhāti. Tattha **titthiyā** cattālīsaṃyeva kappe anussaranti, na tato paraṃ. Kasmā? Dubbalapaññattā. Tesāṃ hi nāmarūpaparicchedavirahitattā dubbalā paññā hoti. **Pakatisāvaka** kappasatampi kappasahassampi anussarantiyeva balavapaññattā. Asīti **mahāsāvaka** satahassakappe anussaranti. Dve **aggasāvaka** ekamaṅkheyyaṃ kappasatasahassañca. **Paccekabuddhā** dve asaṅkheyyāni satahassañca. Ettako hi tesāṃ abhinīhāro. **Buddhānaṃ** pana paricchedo nāma natthi. Titthiyā ca khandhapaṭipāṭimeva saranti, paṭipāṭiṃ muñcivā cutipaṭisandhivasena sarituṃ na sakkonti. Yathā andhā yaṭṭhiṃ amuñcivāva gacchanti, evaṃ te khandhapaṭipāṭiṃ amuñcivāva saranti. Pakatisāvaka khandhapaṭipāṭiyāpi anussaranti, cutipaṭisandhivasenāpi saṅkamanti, tathā asīti mahāsāvaka. Dvinnaṃ pana aggasāvakaṇaṃ khandhapaṭipāṭikiccaṃ natthi. Ekassa attabhāvassa

1. Ma 3. 244 piṭṭhe.

cutim̄ disvā paṭisandhim̄ passanti, puna aparassa cutim̄ disvā paṭisandhinti evam̄ cutipaṭisandhivaseneva saṅkamantā gacchanti, tathāpaccekabuddhā. Buddhānam̄ pana neva khandhapaṭipāṭikiccam̄, na cutipaṭisandhivasena saṅkamanakiccam̄ atthi. Tesam̄ hi anekāsu kappakoṭisu heṭṭhā vā upari vā yam̄ yam̄ ṭhānam̄ icchanti, tam̄ tam̄ pākaṭameva hoti. Tasmā anekāpi kappakoṭiyo saṅkhipitvā yam̄ yam̄ icchanti, tatha tattheva okkamantā sīhokkantasavasena gacchanti. Evam̄ gacchantānañca nesam̄ nāṇam̄ antarantarāsu jāṭisu asajjamānam̄ icchiticchitaṭṭhānameva gaṇhāti.

Imesu pana chasu pubbenivāsam̄ anussarantesu titthiyānam̄ pubbenivāsadassanam̄ khajjopanakappabhāsadisam̄ hutvā upaṭṭhāti, pakatisāvakānam̄ dīpappabhāsadisam̄, mahāsāvakānam̄ ukkāpabhāsadisam̄, aggasāvakānam̄ osadhitārakāpabhāsadisam̄, Paccekabuddhānam̄ candappabhāsadisam̄. Buddhānam̄ rasmisahassapaṭimaṇḍitasaradasūriyamaṇḍalasadisam̄ hutvā upaṭṭhāti. Titthiyānam̄ pubbenivāsānussaraṇam̄ andhānam̄ yaṭṭhikoṭigamanam̄ viya hoti. Pakatisāvakānam̄ daṇḍakasetugamanam̄ viya, mahāsāvakānam̄ jaṅghasetugamanam̄ viya, aggasāvakānam̄ sakaṭasetugamanam̄ viya, Paccekabuddhānam̄ jaṅghamaggagamanam̄ viya, Buddhānam̄ mahāsakaṭamaggagamanam̄ viya hoti. Imasmim̄ pana adhikāre sāvakānam̄ pubbenivāsānussaraṇam̄ adhippetam̄.

Tasmā evam̄ anussaritukāmena ādikammikena bhikkhunā pacchābhattam̄ piṇḍapāṭapaṭikkantena rahogatena paṭisallīnena paṭipāṭiyā cattāri jhānāni samāpajjitvā abhiññāpāḍakajjhānato vuṭṭhāya vuttanayena paṭiccasamuppādam̄ paccavekkhitvā sabbapacchimā nisajjā āvajjitabbā. Tato āsanapaññāpanam̄ senāsanappavesanam̄ pattacīvarapaṭisāmanam̄ bhojanakālo gāmato āgamanakālo gāme piṇḍāya caritakālo gāmam̄ piṇḍāya pavitṭhakālo vihārato nikkhamanakālo cetiyabodhivandanakālo pattadhovanakālo pattapaṭiggahaṇakālo pattapaṭiggahaṇato yāva mukhadhovanā katakiccam̄ paccūsakāle katakiccam̄ majjhimayāme paṭhamayāme katakiccanti evam̄ paṭilomakkamena sakalam̄ rattindivam̄ katakiccam̄ āvajjitabbam̄. Ettakam̄ pana pakaticittassapi pākaṭam̄ hoti, parikammasamādhicittassa pana atipākaṭameva. Sace panettha kiñci na pākaṭam̄ hoti, puna pāḍakajjhānam̄ samāpajjitvā vuṭṭhāya āvajjitabbam̄. Ettakena dīpe jalite viya pākaṭam̄

hoti. Evaṃ paṭilomakkameneva dutiyadivasepi tatiyacatutthapañcamadivasesupi dasāhepi addhamāsepi māsepi samvaccharepi katakiccaṃ āvajjitabbaṃ. Eteneva upāyena dasa vassāni vīsati vassānīti yāva imasmim bhava attano paṭisandhi, tāva āvajjantena purimabhava cutikkhaṇe pavattaṃ nāmarūpaṃ āvajjitabbaṃ. Pahoti hi paṇḍito bhikkhu paṭhamavāreneva paṭisandhim ugghāṭetvā cutikkhaṇe nāmarūpaṃ ārammaṇaṃ kātum. Yasmā pana purimabhava nāmarūpaṃ asesam niruddham, idha aññaṃ uppannaṃ, tasmā taṃ ṭhānaṃ āhandarikaṃ andhatamamiva hoti sududdasaṃ duppaññaṃ. Tenāpi “na sakkomahaṃ paṭisandhim ugghāṭetvā cutikkhaṇe nāmarūpārammaṇaṃ kātun”ti dhuranikkhepo na kātabbo. Tadeva pana pādakajjhānaṃ punappunaṃ samāpajjitvā vuṭṭhāya vuṭṭhāya taṃ ṭhānaṃ āvajjitabbaṃ.

Evaṃ karonto hi seyyathāpi nāma balavā puriso kūṭāgārakaṇṇikatthāya mahārukkhaṃ chindanto sākḥāpalāsacchedanamatteneva pharasudhārāya vipannāya mahārukkhaṃ chinditum asakkontopi dhuranikkhepaṃ akatvāva kammārasālam gantvā tikhiṇaṃ pharasum kārapetvā puna āgantvā chindeyya, puna vipannāya ca punapi tatheva kāretvā chindeyya, so evaṃ chindanto chinnassa chinnassa puna chettabbābhāvato achinnassa ca chedanato nacirasseva mahārukkhaṃ pāteyya, evameva pādakajjhānā vuṭṭhāya pubbe āvajjitaṃ anāvajjitvā paṭisandhimeva āvajjanto taṃ nacirasseva paṭisandhim ugghāṭetvā cutikkhaṇe nāmarūpaṃ ārammaṇaṃ kareyyāti. Tattha pacchimanisajjato pabhuti yāva paṭisandhito ārammaṇaṃ katvā pavattaṃ ñāṇaṃ pubbenivāsaññaṇaṃ nāma na hoti, taṃ pana parikammasamādhiññaṇaṃ nāma hoti. “Atītaṃsaññaṇaṃ”tipetaṃ eke vadanti. Taṃ atītaṃsaññaṇassa rūpāvacarattā rūpāvacaraṃ sandhāya vacanaṃ na yujjati. Yadā panassa bhikkhuno paṭisandhim atikkamma cutikkhaṇe pavattaṃ nāmarūpaṃ ārammaṇaṃ katvā manodvārāvajjanaṃ uppajjitvā pubbe vuttanayena appanācittaṃ uppajjati, tadāssa tena cittaṃ sampayuttaṃ ñāṇaṃ pubbenivāsānussatiññaṇaṃ nāma. Tena ñāṇena sampayuttāya satiyā pubbenivāsaṃ anussarati.

Tattha **seyyathidanti** āradhappakāradassanathe nipāto. Teneva yvāyaṃ pubbenivāso āradhho, tassa pakārapabbhaṃ dassento **ekampi jātinti**-ādimāha. Tattha **ekampi jātinti** ekampi paṭisandhimulāṃ

cutipariyosānaṃ ekabhavapariyāpannaṃ khandhasantānaṃ. Esa nayo **dvepi jātiyoti**-ādīsu. **Anekepi saṃvaṭṭakappeti**-ādīsu pana parihāyamāno kappo saṃvaṭṭakappo tadā sabbesaṃ brahmaloke sannipatanato. Vaḍḍhamāno kappo vivaṭṭakappo tadā brahmalokato sattānaṃ vivaṭṭanato. Tattha saṃvaṭṭena saṃvaṭṭaṭṭhāyī gahito hoti taṃmūlakattā. Vivaṭṭena ca vivaṭṭaṭṭhāyī. Evaṃ hi sati “cattārimāni bhikkhave kappassa asaṅkheyyāni. Katamāni cattāri, yadā bhikkhave kappo saṃvaṭṭati, taṃ na sukaraṃ saṅkhātum. Yadā bhikkhave kappo saṃvaṭṭo tiṭṭhati -pa-. Yadā bhikkhave kappo vivaṭṭati -pa-. Yadā bhikkhave kappo vivaṭṭo tiṭṭhati, taṃ na sukaraṃ saṅkhātun”¹ti¹ vuttāni cattāri asaṅkheyyāni pariggahitāni honti.

Tattha tayo saṃvaṭṭā tejosamvaṭṭo āposamvaṭṭo vāyosamvaṭṭoti. Tisso saṃvaṭṭasīmā Ābhassarā Subhakiṇhā Vehapphalāti. Yadā kappo tejena saṃvaṭṭati, Ābhassarato heṭṭhā agginā ḍayhati. Yadā āpena saṃvaṭṭati, Subhakiṇhato heṭṭhā udakena vilīyati. Yadā vāyunā saṃvaṭṭati, Vehapphalato heṭṭhā vātena viddhamsīyati. Vitthārato pana sadāpi ekaṃ Buddhakhettaṃ vinassati. Buddhakhettaṃ nāma tividhaṃ hoti jātikhettaṃ āṇākkhettaṃ visayakkhettaṃca. Tattha **jātikhettaṃ** dasahassacakkavāḷapariyantaṃ hoti, yaṃ Tathāgatassa paṭisandhigahaṇādīsu kampaṭi. **Āṇākkhettaṃ** koṭisatasahassacakkavāḷapariyantaṃ, yattha Ratanaparittaṃ Khandhaparittaṃ Dhajjagaparittaṃ Ātānāṭiyaparittaṃ Moraparittanti imesaṃ parittānaṃ ānubhāvo vattati. **Visayakkhettaṃ** anantamaparimāṇaṃ, yaṃ “yāvata vā pana ākaṅkheyyā”²ti² vuttam. Tattha yaṃ yaṃ Tathāgato ākaṅkhati, taṃ taṃ jānāti. Evametesu tīsu Buddhakhettesu ekaṃ āṇākkhettaṃ vinassati, tasmim̐ pana vinassante jātikhettaṃ vinaṭṭhameva hoti, vinassantaṃca ekatova vinassati, saṅṭhahantaṃca ekatova saṅṭhahati.

Tassevaṃ vināso ca saṅṭhahanaṃca veditabbaṃ—yasmim̐ samaye kappo agginā nassati, āditova kappavināsakamahāmegho vuṭṭhahitvā koṭisatasahassacakkavāḷe ekaṃ mahāvassaṃ vassati. Manussā tuṭṭhā sabbabījāni nīharitvā vapanti. Sassesu pana gokhāyitakamattesu jātesu

1. Am̐ 1. 460 piṭṭhe.

2. Am̐ 1. 229 piṭṭhe.

gadrabharavaṃ ravanto ekabindumattampi na vassati, tadā pacchinnāṃ pacchinnameva vassaṃ hoti. Vassūpajīvino sattā kamena brahmaloke nibbattanti, pupphaphalūpajīviniyo¹ ca devatā. Evaṃ dīghe addhāne vītivatte tattha tattha udakaṃ parikkhayaṃ gacchati, athānukkamena macchakacchapāpi kālaṃ katvā brahmaloke nibbattanti, nerayikasattāpi. Tattha “nerayikā sattamasūriyapātubhāve vinassanti”ti eke. Jhānaṃ vinā natthi brahmaloke nibbatti, etesañca keci dubbhikkhapīḷitā, keci abhabbā jhānādhiḡamāya, te kathaṃ tattha nibbattantīti? Devaloke paṭiladdhajjhānavasena. Tadā hi “vassasatasahassassa accayena kappavuṭṭhānaṃ bhavissati”ti lokabyūhā nāma kāmāvacaradevā muttasirā vikiṇṇakesā rudamukhā assūni hatthehi puñchamānā rattavatthanivatthā ativiya virūpavesadhārino hutvā manussapathe vicarantā evaṃ ārocenti “mārisā mārisā ito vassasatasahassassa accayena kappavuṭṭhānaṃ bhavissati, ayaṃ loko vinassissati, mahāsamuddopi ussussissati, ayañca mahāpathavī Sineru ca pabbatarājā uddayhissanti vinassissanti, yāva brahmalokā lokavināso bhavissati, mettaṃ mārisā bhāvetha, karuṇaṃ, muditaṃ, upekkhaṃ mārisā bhāvetha, mātaraṃ upaṭṭhahatha, pītaraṃ upaṭṭhahatha, kule jeṭṭhāpacāyino hothā”ti. Tesāṃ vacanaṃ sutvā yebhuyyena manussā ca bhumma devā ca saṃvegajātā aññaamaññaṃ muducittā hutvā mettādīni puññaṇi karitvā devaloke nibbattanti. Tattha dibbasudhābhojanaṃ bhuñjitvā vāyokasiṇe parikkammaṃ katvā jhānaṃ paṭilabhanti. Tadaññe pana aparapariyavedanīyena kamma devaloke nibbattanti. Aparapariyavedanīyakammarahito hi saṃsāre saṃsaranto nāma satto natthi. Tepi tattha tatheva jhānaṃ paṭilabhanti. Evaṃ devaloke paṭiladdhajjhānavasena sabbepi brahmaloke nibbattantīti.

Vassūpacchedato pana uddhaṃ dīghassa addhuno accayena dutiyo sūriyo pātubhavati, tasmīṃ pātubhūte neva rattiparicchedo, na divāparicchedo paññāyati. Eko sūriyo udeti, eko atthaṃ gacchati, avicchinna sūriyasantāpova loko hoti. Yathā ca pakatisūriye

1. Puññaphalūpajīviniyo (Sī, Syā), Gaṇṭhipade pana passitabbaṃ.

Suriyadevaputto hoti, evaṃ kappavināsakasūriye natthi. Tattha pakatisūriye vattamāne ākāse valāhakāpi dhūmasikhāpi caranti. Kappavināsakasūriye vattamāne vigatadhūmavalāhakaṃ ādāsamaṇḍalaṃ viya nimmalaṃ nabhaṃ hoti. Ṭhapetvā pañca mahānadiyo sesakunnadī-ādīsu udakaṃ sussati.

Tatopi dīghassa addhuno accayena tatiyo sūriyo pātubhavati, yassa pātubhāvā mahānadiyopi sussanti.

Tatopi dīghassa addhuno accayena catuttho sūriyo pātubhavati, yassa pātubhāvā Himavati mahānadīnaṃ pabhavā “Sihapapātano Hamśapātano Kaṇṇamuṇḍako Rathakāradaho Anotattadaho Chaddantadaho Kuṇḍaladaho”ti ime satta mahāsarā sussanti.

Tatopi dīghassa addhuno accayena pañcama sūriyo pātubhavati, yassa pātubhāvā anupubbena mahāsamudde aṅgulipabbatemanamattampi udakaṃ na saṅṭhāti.

Tatopi dīghassa addhuno accayena chaṭṭho sūriyo pātubhavati, yassa pātubhāvā sakalacakkavāḷaṃ ekadhūmaṃ hoti pariyādinnaśinehaṃ dhūmena. Yathā cidaṃ, evaṃ koṭīśatasahassacakkavāḷānīpi.

Tatopi dīghassa addhuno accayena sattamo sūriyo pātubhavati, yassa pātubhāvā sakalacakkavāḷaṃ ekajālaṃ hoti saddhim koṭīśatasahassacakkavāḷehi. Yojanasatikādibhedāni Sinerukūṭānīpi palujjitvā ākāseyeva antaradhāyanti. Sā aggijālā uṭṭhahitvā Cātumahārājike gaṇhāti. Tattha kanakavimānaratanavimānamaṇivimānāni jhāpetvā Tāvatiṃsabhavanaṃ gaṇhāti. Eteneva upāyena yāva paṭhamajjhānabhūmiṃ gaṇhāti. Tattha tayopi brahmaloke jhāpetvā Ābhassare āhacca tiṭṭhati. Sā yāva aṇumattampi saṅkhāragataṃ atthi, tāva na nibbāyati. Sabbasaṅkhāraparikkhayā pana sappitelajhāpanaggisikhā viya chārikampi anavasesetvā nibbāyati. Heṭṭhā-ākāsena saha upari-ākāso eko hoti mahandhakāro.

Atha dīghassa addhuno accayena mahāmegho uṭṭhahitvā paṭhamaṃ sukhumaṃ sukhumaṃ vassati. Anupubbena kumudanāḷayaṭṭhimusalatālakkhandhādippamāṇāhi

dhārāhi vassanto koṭisatasahassacakkavāḷesu sabbaṃ daḍḍhaṭṭhānaṃ pūretvā antaradhāyati. Taṃ udakaṃ heṭṭhā ca tiriyañca vāto samuṭṭhahitvā ghaṇaṃ karoti parivaṭṭamaṃ paduminipatthe udakabindusadisam. Kathaṃ tāva mahantaṃ udakarāsiṃ ghaṇaṃ karotīti ce? Vivarasampadānato. Taṃ hissa tahiṃ tahiṃ vivaraṃ deti. Taṃ evaṃ vātena sampiṇḍiyamānaṃ ghaṇaṃ kariyamānaṃ parikkhayamānaṃ anupubbena heṭṭhā otarati. Otiṇṇe otiṇṇe uduke brahmalokaṭṭhāne brahmalokā, upari catukāmāvacaradevalokaṭṭhāne ca devalokā pātubhavanti. Purimapathaviṭṭhānaṃ otiṇṇe pana balavavātā uppajjanti. Te taṃ pihitadvāre dhamakaraṇe ṭhita-udakamiva nirussāsam¹ katvā rumbhanti. Madhurodakaṃ parikkhayaṃ gacchamānaṃ upari rasapathaviṃ samuṭṭhāpeti. Sā vaṇṇasampannā ceva hoti gandharasasampannā ca nirudakapāyāsassa upari paṭalaṃ viya. Tadā ca Ābhassarabrahmaloke paṭhamatarābhiniḍḍattā sattā āyukkhayā vā puññakkhayā vā tato cavitvā idhūpapajjanti. Te honti sayampabhā antalikkhacarā. Te **Aggaññasutte**² vuttanayena taṃ rasapathaviṃ sāyitvā taṇhābhibhūtā āluppakāraṃ paribhuñjituṃ upakkamanti.

Atha tesam sayampabhā antaradhāyati, andhakāro hoti. Te andhakāraṃ disvā bhāyanti. Tato nesaṃ bhayaṃ nāsetvā sūrabhāvaṃ janayantaṃ paripuṇṇapaññāsayaṃjanam sūriyamaṇḍalaṃ pātubhavati. Te taṃ disvā “ālokaṃ paṭilabhimhā”ti haṭṭhatuṭṭhā hutvā “amhākaṃ bhītānaṃ bhayaṃ nāsetvā sūrabhāvaṃ janayanto uṭṭhito, tasmā sūriyo hotū”ti sūriyotvevassa nāmaṃ karonti. Atha sūriye divasaṃ ālokaṃ katvā atthaṅgate “yampi ālokaṃ labhimha, sopi no naṭṭho”ti puna bhītā honti, tesam evaṃ hoti “sādhu vatassa sace aññaṃ ālokaṃ labheyyāma”ti. Tesam cittaṃ ñatvā viya ekūnapaññāsayaṃjanam candamaṇḍalaṃ pātubhavati. Te taṃ disvā bhiyyoso mattāya haṭṭhatuṭṭhā hutvā “amhākaṃ chandaṃ ñatvā viya uṭṭhito, tasmā cando hotū”ti candotvevassa nāmaṃ karonti.

Evaṃ candimasūriyesu pātubhūtesu nakkhattāni tāraṅkarūpani pātubhavanti. Tato pabhuti rattindivā paññāyanti anukkamena ca māśaddhamāsa-utusaṃvaccharā. Candimasūriyānaṃ pana pātubhūtaḍḍavaseyeva Sinerucakkavāḷahimavantapabbatā

1. Nirassāsam (Syā, Visuddhi 2. 47 piṭṭhe ca)

2. Dī 3. 70 piṭṭhe.

pātubhavanti. Te ca kho apubbaṃ acarimaṃ phagguṇapuṇṇamadivaseyeva pātubhavanti. Kathaṃ? Yathā nāma kaṅgubhatte paccamāne ekappahārenea pubbuḷakā¹ uṭṭhahanti, eke padesā thūpathūpā honti eke ninnaninnā eke samasamā, evamevaṃ thūpathūpaṭṭhāne pabbatā honti ninnaninnaṭṭhāne samuddā samasamaṭṭhāne dīpāti.

Atha tesāṃ sattānaṃ rasapathaviṃ paribhuñjantānaṃ kamena ekacce vaṇṇavanto, ekacce dubbaṇṇā honti. Tattha vaṇṇavanto dubbaṇṇe atimaññanti. Tesāṃ atimānapaccayā sā rasapathavī antaradhāyati, bhūmipappaṭako pātubhavati. Atha tesāṃ teneva nayena sopi antaradhāyati, padālatā² pātubhavati. Teneva nayena sāpi antaradhāyati, akaṭṭhapāko sāli pātubhavati akaṇo ahuso suddho sugandho taṇḍulapphalo. Tato nesaṃ bhājanāni uppajjanti. Te sāliṃ bhājane ṭhapetvā pāsāṇapiṭṭhiyaṃ ṭhapenti. Sayameva jālāsikhā uṭṭhahitvā taṃ pacati. So hoti odano sumanaḷatipupphasadiso. Na tassa sūpena vā byañjanena vā karaṇīyaṃ atthi, yaṃyaṃrasaṃ bhuñjitukāmā honti, taṃtaṃrassova hoti. Tesāṃ taṃ oḷārikaṃ āhāraṃ āharayataṃ tato pabhuti muttakarīsaṃ sañjāyati. Atha nesaṃ tassa nikkhamanattāya vaṇamukhāni pabhijjanti. Purisassa purisabhāvo, itthiyā itthibhāvo pātubhavati. Tatra sudam itthī purisaṃ, puriso ca itthiṃ ativelaṃ upanijjhāyati. Tesāṃ ativelaṃ upanijjhāyanapaccayā kāmapariḷāho uppajjati. Tato methunaṃ dhammaṃ paṭisevanti. Te asaddhammapaṭisevanapaccayā viññūhi garaḥiyamānā viheṭṭhiyamānā tassa asaddhammassa paṭicchādanahetu agārāni karonti. Te agāraṃ ajjhāvasamānā anukkamena aññatarassa alasaḷatīkassa sattassa diṭṭhānugatiṃ āpajjantā sannidhiṃ karonti. Tato pabhuti kaṇopi thusopi taṇḍulaṃ pariyonandhati, lāyitaṭṭhānampi na paṭivirūhati, te sannipatitvā anutthunanti “pāpakā vata bho dhammā sattesu pātubhūtā, mayaṃ hi pubbe manomayā ahumhā”ti **Aggaññasutte**³ vuttanayena vitthāretabbaṃ. Tato mariyādaṃ ṭhapenti.

Atha aññataro satto aññassa bhāgaṃ adinnaṃ ādiyati. Taṃ dvikkhattuṃ paribhāsivā tatiyavāre pāniledḍḍudaṇḍehi paharanti. Te evaṃ

1. Pubbulakā (Sī)

2. Badālatā (Sī)

3. Dī 3. 75 piṭṭhe.

adinnādānagarahamusāvādaṇḍādānesu uppannesu sannipatitvā cintayanti “yaṃnūna mayāṃ ekaṃ sattaṃ sammanneyyāma, yo no sammā khīyitabbaṃ khīyeyya, garahitabbaṃ garaheyya, pabbājetabbaṃ pabbājeyya. Mayāṃ panassa sālīnaṃ bhāgaṃ anupadassamā”ti. Evaṃ katasanniṭṭhānesu pana sattesu imasmim tāva kappe ayameva Bhagavā bodhisattabhūto tena samayena tesu sattesu abhirūpataro ca dassanīyataro ca mahesakkhataro ca buddhisampanno paṭibalo niggahapaggahaṃ kātuṃ. Te taṃ upasaṅkamitvā yācitvā sammanniṃsu. So “tena mahājanena sammatoti **mahāsammato**, khettānaṃ adhipatīti **khattiyo**, dhammena samena pare rañjetīti **rājā**”ti tīhi nāmehi paññāyittha. Yaṃ hi loke acchariyaṭṭhānaṃ, bodhisattova tattha ādipurisoti. Evaṃ bodhisattaṃ ādiṃ katvā khattiyamaṇḍale saṅṭhite anupubbena brahmaṇādayopi vaṇṇā saṅṭhahiṃsu. Tattha kappavināsakamahāmeghato yāva jālūpacchedo, idamekamasāṅkheyyaṃ **saṃvaṭṭoti** vuccati. Kappavināsakajālūpacchedato yāva koṭisatasahassacakkavāḷaparipūrako sampattimahāmegho, idaṃ dutiyamasāṅkheyyaṃ **saṃvaṭṭatṭhāyīti** vuccati. Sampattimahāmeghato yāva candimasūriyapātubhāvo, idaṃ tatiyamasāṅkheyyaṃ **vivatṭoti** vuccati. Candimasūriyapātubhāvato yāva puna kappavināsakamahāmegho, idaṃ catutthamasāṅkheyyaṃ **vivatṭatṭhāyīti** vuccati. Imāni cattāri asaṅkheyyāni eko mahākappo hoti. Evaṃ tāva agginā vināso ca saṅṭhahanañca veditabbaṃ.

Yasmim pana samaye kappo udakena nassati, āditova kappavināsakamahāmegho uṭṭhahitvāti pubbe vuttanayeneva vitthāretabbaṃ. Ayaṃ pana viseso—yathā tattha dutiyo sūriyo, evamidha kappavināsako khārūdakamahāmegho uṭṭhāti. So ādito sukhumāṃ sukhumāṃ vassanto anukkamena mahādhārāhi koṭisatasahassacakkavāḷānaṃ¹ pūrento vassati. Khārūdakena phuṭṭhaphuṭṭhā pathavīpabbatādayo vilīyanti. Udaṅkaṃ samantato vātehi dhārīyati. Pathavito yāva dutiyajjhānabhūmim udakaṃ gaṇhāti, tattha tayopi brahmaloke vilīyāpetvā Subhakiṇhe āhacca tiṭṭhati. Taṃ yāva aṇumattampi saṅkhāragataṃ atthi, tāva na vūpasammati.

1. ...cakkavāḷāṃ (Sī)

Udakānugataṃ pana sabbasaṅkhāragataṃ abhibhavitvā sahasā vūpasammati, antaradhānaṃ gacchati. Heṭṭhā-ākāseṇa saha upari-ākāso eko hoti mahandhakāroti sabbaṃ vuttasadisam. Kevalaṃ panidha Ābhassarabrahmalokaṃ ādiṃ katvā loko pātubhavati. Subhakiṇḥato ca cavitvā Ābhassaṛaṭṭhānādīsu sattā nibbattanti. Tattha kappavināsakamahāmeghato yāva kappavināsakakhārūdakūpacchedo, idamekaṃ asaṅkheyyaṃ. Udakūpacchedato yāva sampattimahāmegho, idaṃ dutiyamasāṅkheyyaṃ. Sampattimahāmeghato -pa-. Imāni cattāri asaṅkheyyāni eko mahākappo hoti. Evaṃ udakena vināso ca saṅṭhahanaṇca veditabbaṃ.

Yasmiṃ pana samaye kappo vātena vinassati, āditova kappavināsakamahāmegho vuṭṭhahitvāti pubbe vuttanayeneva vitthāretabbaṃ. Ayaṃ pana viseso—yathā tattha dutiyasūriyo, evamidha kappavināsanattham vāto samuṭṭhāti. So paṭhamam thūlarajaṃ uṭṭhāpeti, tato saṅharajaṃ sukhumavālikaṃ thūlavālikaṃ sakkharapāsāṇādayoti yāva kūṭāgāramatte pāsāṇe visamaṭṭhāne ṭhitamahārukkhe ca uṭṭhāpeti. Te pathavito nabhamuggatā na puna patanti, tattheva cuṇṇavicuṇṇā hutvā abhāvaṃ gacchanti. Athānukkamena heṭṭhāmahāpathaviyā vāto samuṭṭhahitvā pathaviṃ parivattetvā uddham mūlaṃ katvā ākāse khipati. Yojanasatappamaṇā pathavippadesā dviyojanatiyojanacatuyojanapañcayojanasatappamaṇāpi bhijjitvā vātavegukkhittā ākāseyeva cuṇṇavicuṇṇā hutvā abhāvaṃ gacchanti. Cakkavāḷapabbatampi Sinerupabbatampi vāto ukkhipitvā ākāse khipati. Te aññaamaññaṃ abhiantvā cuṇṇavicuṇṇā hutvā vinassanti. Eteneva upāyena bhūmaṭṭhakavimānāni ca ākāsaṭṭhakavimānāni ca vināsento cha kāmvācaradevaloke vināsetvā koṭisatasahassacakkavāḷāni vināseti. Tattha cakkavāḷā cakkavāḷehi, Himavantā Himavantehi, Sinerū Sinerūhi aññaamaññaṃ samāgantvā¹ cuṇṇavicuṇṇā hutvā vinassanti. Pathavito yāva tatiyajjhānabhūmiṃ vāto gaṇhāti, tattha tayo brahmaloke vināsetvā Vehapphale āhacca tiṭṭhati. Evaṃ sabbasaṅkhāragataṃ vināsetvā sayampi vinassati. Heṭṭhā-ākāseṇa saha upari-ākāso eko hoti mahandhakāroti sabbaṃ vuttasadisam. Idha

1. Samāhatā (Sī, Syā)

pana Subhakiṇhabrahmalokaṃ ādiṃ katvā loko pātubhavati. Vehapphalato ca cavitvā Subhakiṇhaṭṭhānādīsu sattā nibbattanti. Tattha kappavināsakamahāmeghato yāva kappavināsakavātūpacchedo, idamekaṃ asaṅkheyyaṃ. Vātūpacchedato yāva sampattimahāmegho, idaṃ dutiyamaṅkheyyaṃ -pa-. Imāni cattāri asaṅkheyyāni eko mahākappo hoti. Evaṃ vātena vināso ca saṅghahanañca veditabbaṃ.

Kim kāraṇā evaṃ loko vinassati? Akusalamūlakāraṇā. Akusalamūlesu hi ussannesu evaṃ loko vinassati. So ca kho rāge ussannatare agginā vinassati, dose ussannatare udakena vinassati. Keci pana “dose ussannatare agginā, rāge udakenā”ti vadanti. Mohe ussannatare vātena vinassati. Evaṃ vinassantopi ca nirantameva satta vāre agginā nassati, aṭṭhame vāre udakena. Puna satta vāre agginā, aṭṭhame vāre udakenāti evaṃ aṭṭhame aṭṭhame vāre vinassanto sattakkhattuṃ udakena vinassitvā puna satta vāre agginā nassati. Ettāvata tesaṭṭhi kappā atītā honti. Etthantare udakena nassanavāraṃ sampattampi paṭibāhitvā laddhokāso vāto paripuṇṇacatusaṭṭhikappāyuke Subhakiṇhe viddhamśento lokaṃ vināseti.

Pubbenivāsaṃ anussarantopi ca kappānussaraṇako bhikkhu etesu kappesu anekepi saṃvaṭṭakappe anekepi vivaṭṭakappe anekepi saṃvaṭṭavivaṭṭakappe anussarati. **Saṃvaṭṭakappe vivaṭṭakappeti** ca kappassa aḍḍhaṃ gahetvā vuttaṃ. **Saṃvaṭṭavivaṭṭakappeti** sakalakappaṃ gahetvā vuttaṃ. Kathaṃ anussaratīti ce? **Amutrāsinti**-ādinā nayena. Tattha **amutrāsinti** amumhi saṃvaṭṭakappe ahaṃ amumhi bhava vā yoniyā vā gatiyā vā viññāṇaṭṭhitiyā vā sattāvāse vā sattanikāye vā āsiṃ. **Evaṃnāmoti** Tisso vā Phusso vā. **Evaṃgottoti** Kaccāno vā Kassapo vā. Idamassa atītabhave attano nāmagottānussaraṇavasena vuttaṃ. Sace pana tasmīṃ kāle attano vaṇṇasampattiṃ vā lūkhapaṇītajīvikabhāvaṃ vā sukhadukkhahulataṃ vā appāyukadīghāyukabhāvaṃ vā anussaritukāmo, hoti tampi anussaratiyeva. Tenāha “evaṃvaṇṇo -pa- evaṃyupariyanto”ti. Tattha **evaṃvaṇṇoti** odāto vā sāmo vā. **Evaṃāhāroti** sālīmaṃsodanāhāro vā pavattaphalabhojano vā. **Evaṃsukhadukkhappaṭisaṃvedīti**

anekappakārena kāyikacetasikānaṃ sāmisanirāmisādippabhedānaṃ vā sukhadukkhānaṃ paṭisaṃvedī. **Evamāyupariyantoti** evaṃ vassasataparimāṇāyupariyanto vā caturāsītikappasatasahassāyupariyanto vā.

So tato cuto amutra udapādinti so ahaṃ tato bhavato yonito gatito viññāṇaṭṭhitito sattāvāsato sattanikāyato vā cuto puna amukasmim nāma bhave yoniyā gatiyā viññāṇaṭṭhitiyā sattāvāse sattanikāye vā udapādiṃ. **Tatrāpāsinti** atha tatrāpi bhave yoniyā gatiyā viññāṇaṭṭhitiyā sattāvāse sattanikāye vā puna ahoṣim. **Evamānāmoti**-ādi vuttanayameva. Apica yasmā **amutrāsinti** idaṃ anupubbena ārohaṇassa yāvaticchakam¹ anussaraṇaṃ, **so tato cutoti** paṭinivattantassa paccavekkhaṇaṃ, tasmā **idhūpapannoti** imissā idhūpapattiyā anantaramevassa upapattiṭṭhānaṃ sandhāya **amutra udapādinti** idaṃ vuttanti veditabbaṃ. **Tatrāpāsinti** evamādi panassa tatra imissā upapattiyā anantare upapattiṭṭhāne nāmagottādīnaṃ anussaraṇadassanattamaṃ vuttaṃ. **So tato cuto idhūpapannoti** svāhaṃ tato anantarūpapattiṭṭhānato cuto idha amukasmim nāma khattiyakule vā brahmaṇakule vā nibbattoti. **Itīti** evaṃ. **Sākāraṃ sa-uddesanti** nāmagottavasena sa-uddesaṃ, vaṇṇādivasena sākāraṃ. Nāmagottena hi satto Tisso Phusso Kassapoti uddisīyati, vaṇṇādīhi sāmo odātoti nānattato paññāyati. Tasmā nāmagottaṃ uddeso, itare ākārāti.

Pubbenivāsānussatiññāṇaniddesavaṇṇanā niṭṭhitā.

54. Dibbacakkhuññāṇaniddesavaṇṇanā

106. Dibbacakkhuññāṇaniddese **ālokasaññaṃ manasi karotīti** divā vā rattim vā sūriyajoticandamaṇi-ālokaṃ ālokoti manasi karoti. Evam manasikaronto ca ālokoti saññaṃ manasi pavattanato “ālokasaññaṃ manasi karotī”ti vuccati. **Divāsaññaṃ adhiṭṭhātīti** evaṃ ālokasaññaṃ manasikarivā divāti saññaṃ ṭhapeti.

1. Yāvadicchakam (Visuddhi 2. 53; Vi-Ṭṭha 1. 129 piṭṭhesu.)

Yathā divā tathā rattinti yathā divā āloko diṭṭho, tatheva rattimpi manasi karoti. **Yathā rattim tathā divāti** yathā rattim āloko diṭṭho, tatheva divāpi manasi karoti. **Iti vivaṭena cetasāti** evaṃ apihitena cittena.

Apariyonaddhenāti samantato anaddhena.

Sappabhāsaṃ cittaṃ bhāvetīti sa-obhāsaṃ cittaṃ vaḍḍheti. Etena dibbacakkhussa parikkammālokārammaṇaṃ cittaṃ kathitaṃ.

Ālokakasiṇārammaṇaṃ catutthajjhānameva vā sandhāya vuttaṃ. Tassevaṃ bhāvayato obhāsajātaṃ cittaṃ hoti vigatandhakārāvaraṇaṃ. Tena hi dibbacakkhuṃ uppādetukāmena ādikammikena kulaputtana imissāyeva Pāḷiyā anusārena kasiṇārammaṇaṃ abhiññāpādakajjhānaṃ sabbākārena abhinīhārakkhamaṃ katvā “tejokasiṇaṃ odātakasiṇaṃ ālokakasiṇaṃ”ti imesu tīsu kasiṇesu aññataraṃ āsannaṃ kātappaṃ, upacārājjhānagocaraṃ katvā vaḍḍhetvā ṭhapetappaṃ, na tattha appanā uppādetabbāti adhippāyo. Sace hi uppādeti, pādakajjhānanissayaṃ hoti, na parikkammaṇissayaṃ. Imesu ca pana tīsu ālokakasiṇānyeva seṭṭhataraṃ, tadanulomena pana itaraṃ kasiṇadvayampi vuttaṃ. Tasmā ālokakasiṇaṃ itaresaṃ vā aññataraṃ ārammaṇaṃ katvā cattāri jhānāni uppādetvā puna upacārabhūmiyaṃyeva ṭhatvā kasiṇaṃ vaḍḍhetappaṃ. Vaḍḍhitavaḍḍhitatṭhānassa antoyeva rūpagataṃ passitappaṃ. Rūpagataṃ passato panassa tena byāpārena parikkammacittena ālokapharaṇaṃ akubbato parikkammaṇassa vāro atikkamati, tato āloko antaradhāyati, tasmim̐ antarahite rūpagatampi na dissati. Athānena punappunaṃ pādakajjhānameva pavisitvā tato vuṭṭhāya āloko pharitaḅbo. Evaṃ anukkamena āloko thāmagato hotīti. “Ettha āloko hotū”ti yatthakaṃ ṭhānaṃ paricchindati, tattha āloko tiṭṭhatiyeva. Divasampi nisīditvā passato rūpadassanaṃ¹ hoti. Tattha yadā tassa bhikkhuno maṃsacakkhussa anāpāthagataṃ antokucchigataṃ hadayavatthunissitaṃ heṭṭhāpathavītanissitaṃ tirokuṭṭapabbatapākāragataṃ paracakkavāḷagatanti idaṃ rūpaṃ ñāṇacakkhussa āpāthaṃ āgacchati, maṃsacakkhunā dissamānaṃ viya hoti, tadā dibbacakkhu uppannaṃ hoti. Tadeva cettha rūpadassanasamatthaṃ, na pubbabhāgacittāni.

1. Rūpadassanaṃ viya (Syā), rūpadassanaṃpissa (Ka)

Tatrāyaṃ dibbacakkhuno uppattikkamo—vuttappakārametaṃ rūpamārammaṇaṃ katvā manodvārāvajjane uppajjitvā niruddhe tadeva rūpamārammaṇaṃ katvā cattāri pañca vā javanāni uppajjantīti pubbe vuttanayeneva veditabbaṃ. Idaṃ pana ñāṇaṃ “sattānaṃ cutūpapāte ñāṇaṃ”tipi “dibbacakkhuñāṇaṃ”tipi vuccati. Taṃ panetaṃ puthujjanassa paripantho hoti. So hi “yattha yattha āloko hotū”ti adhiṭṭhāti, taṃ taṃ pathavīsamuddapabbate vinivijjhivāpi ekālokaṃ hoti. Athassa tattha bhayānakāni yakkharakkhasādirūpāni passato bhayaṃ uppajjati. Tena cittavikkhepaṃ patvā jhānavibbhantako hoti. Tasmā rūpadassane appamattena bhavitabbaṃ.

Sattānaṃ cutūpapātañāyati sattānaṃ cutiyā ca upapāte ca ñāyāya. Yena ñāṇena sattānaṃ cuti ca upapāto ca ñāyati, tadatthaṃ dibbacakkhuñāṇatthanti vuttaṃ hoti. **Dibbena cakkhunāti** vuttatthameve. **Visuddhenāti** cutūpapātadassanena diṭṭhivisuddhihetuttā visuddhaṃ. Yo hi cutimattameva passati, na upapātaṃ, so ucchedadiṭṭhiṃ gaṇhāti. Yo upapātameva passati, na cutim, so navasattapātubhāvadiṭṭhiṃ gaṇhāti. Yo pana tadubhayaṃ passati, so yasmā duvidhampi taṃ diṭṭhigatamativattati, tasmāssa taṃ dassanaṃ diṭṭhivisuddhihetu hoti. Ubhayañcetaṃ Buddhaputtā passanti. Tena vuttaṃ “cutūpapātadassanena diṭṭhivisuddhihetuttā visuddhan”ti. Manussūpacāraṃ atikkamitvā rūpadassanena **atikkantamānusakaṃ**, mānusakaṃ vā māmsacakkhum atikkantattā atikkantamānusakaṃ. Tena dibbena cakkhunā visuddhena atikkantamānusakena.

Satte passatīti manussānaṃ māmsacakkhunā viya satte oloketi. **Cavamāne upapajjamāneti** ettha cutikkhaṇe upapattikkhaṇe vā dibbacakkhunā daṭṭhum na sakkā, ye pana āsannacutikā idāni cavissanti, te **cavamānā**. Ye ca gahitapaṭisandhikā sampatinibbattā vā¹, te **upapajjamānāti** adhippetā. Te evarūpe cavamāne ca upapajjamāne ca passatīti dasseti. **Hīneti** mohanissandayuttattā hīnānaṃ jātikulabhogādīnaṃ vasena hīlite ohīlite oññāte avaññāte. **Pañīteti** amohanissandayuttattā tabbiparīte. **Suvaṇṇeti** adosanissandayuttattā iṭṭhakantamanāpavaṇṇayutte. **Dubbaṇṇeti** dosanissandayuttattā aniṭṭhākantamanāpavaṇṇayutte,

1. Sampatinibbattā (Sī), sampatinibbattāva (Visuddhi 2. 54 piṭṭhe)

anabhirūpe virūpetipi attho. **Sugateti** sugatigate, alobhanissandayuttattā vā aḍḍhe mahaddhane. **Duggateti** duggatigate, lobhanissandayuttattā vā dalidde appannapāne. **Yathākammūpageti** yaṃ yaṃ kammaṃ upacitaṃ, tena tena upagate. Tattha purimehi “cavamāne”ti-ādīhi dibbacakkhukiccaṃ vuttaṃ, iminā pana padena yathākammūpagaññakiccaṃ.

Tassa ca ñāṇassa ayamuppattikkamo—idha bhikkhu heṭṭhānirayābhimukhaṃ ālokaṃ vaḍḍhetvā nerayike satte passati mahādukkhamanubhavamāne, taṃ dassanaṃ dibbacakkhukiccameva. So evaṃ manasi karoti “kiṃnu kho kammaṃ katvā ime sattā etaṃ dukkhamanubhavatī”ti. Athassa “idaṃ nāma katvā”ti taṃkammārammaṇaṃ ñāṇamuppajjati. Tathā uparidevalokābhimukhaṃ ālokaṃ vaḍḍhetvā Nandanavanamissakavanaphārusakavanādīsu satte passati mahāsampattiṃ anubhavamāne, tampi dassanaṃ dibbacakkhukiccameva. So evaṃ manasi karoti “kiṃ nu kho kammaṃ katvā ime sattā etaṃ sampattiṃ anubhavatī”ti. Athassa “idaṃ nāma katvā”ti taṃkammārammaṇaṃ ñāṇamuppajjati. Idaṃ yathākammūpagaññanaṃ nāma. Imassa visuṃ parikkammaṃ nāma natthi. Yathā cimassa, evaṃ anāgataṃsaññāssāpi. Dibbacakkhupādakāneva hi imāni dibbacakkhunā saheva ijjhanti.

Ime vata bhontoti-ādīsu **imeti** dibbacakkhunā diṭṭhānaṃ nidassanavacanaṃ. **Vatāti** anulomavacanatthe nipāto. **Bhontoti** bhavanto. Duṭṭhucaritaṃ, duṭṭhaṃ vā caritaṃ kilesapūtikattāti duccharitaṃ, kāyena duccharitaṃ, kāyato vā uppannaṃ duccharitanti **kāyaduccharitaṃ**. Itaresupi eseva nayo. **Samannāgatāti** samaṅgībhūtā. **Ariyānaṃ upavādakāti** Buddhapaccekabuddhasāvakaṇaṃ ariyānaṃ antamaso gihisotāpannānampi anattakāmā hutvā antimavatthunā vā guṇaparidhamāsanena vā upavādakā, akkosakā garahakāti vuttaṃ hoti. Tattha “natthi imesaṃ samaṇadhammo, assamaṇā ete”ti vadanto antimavatthunā upavadati, “natthi imesaṃ jhānaṃ vā vimokkho vā maggo vā phalaṃ vā”ti-ādīni vadanto guṇaparidhamāsanena upavadatīti veditabbo. So ca jānaṃ vā upavadeyya ajānaṃ vā, ubhayathāpi ariyūpavādova hoti. Bhāriyaṃ kammaṃ ānantariyasadisaraṃ saggāvaraṇaṃ maggāvaraṇaṃca, satekicchaṃ pana hoti. Tasmā yo ariyaṃ upavadati, tena gantvā sace attanā vuḍḍhataro hoti, ukkuṭikaṃ nisīditvā “ahaṃ

āyasmantaṃ idañcidañca avacaṃ, taṃ me khamāhī”ti khamāpetabbo. Sace navakataro hoti, vanditvā ukkuṭikaṃ nisīditvā añjalim paggahetvā “ahaṃ bhante tumhe idañcidañca avacaṃ, taṃ me khamathā”ti khamāpetabbo. Sace disāpakkanto hoti, sayam vā gantvā saddhivihārikādike vā pesetvā khamāpetabbo. Sace nāpi gantuṃ na pesetuṃ sakkā hoti, ye tasmiṃ vihāre bhikkhū vasanti, tesam santikaṃ gantvā sace navakatarā honti, ukkuṭikaṃ nisīditvā, sace vuḍḍhatarā, vuḍḍhe vuttanayeneva paṭipajjitvā “ahaṃ bhante asukaṃ nāma āyasmantaṃ idañcidañca avacaṃ, khamatu me so āyasmā”ti vatvā khamāpetabbo. Sammukhā akkhamantepi etadeva kātappaṃ. Sace ekacārikabhikkhu hoti, neva tassa vasanaṭṭhānaṃ, na gataṭṭhānaṃ paññāyati, ekassa paṇḍitassa bhikkhuno santikaṃ gantvā “ahaṃ bhante asukaṃ nāma āyasmantaṃ idañcidañca avacaṃ, taṃ me anussarato vippaṭisāro hoti, kiṃ karomi”ti vattappaṃ. So vakkhati “tumhe mā cintayittha, thero tumhākaṃ khamati, cittaṃ vūpasamethā”ti. Tenāpi ariyassa gatadisābhimukhena añjalim paggahetvā “khamathā”ti vattappaṃ. Yadi so parinibbuto hoti, parinibbutamañcaṭṭhānaṃ gantvā yāva sivathikaṃ gantvāpi khamāpetappaṃ. Evaṃ kate neva saggāvaraṇaṃ, na maggāvaraṇaṃ hoti, pākaticameva hotīti.

Micchādiṭṭhikāti viparītadassanā. **Micchādiṭṭhikammasamādānā**ti micchādiṭṭhivasena sammādinnanānāvidhakammā, ye ca micchādiṭṭhimūlakesu kāyakammādīsu aññepi samādapenti. Ettha ca vacīduccaritaggahaṇeneva ariyūpavāde, manoduccaritaggahaṇena ca micchādiṭṭhiyā saṅgahitāyapi imesaṃ dvinnaṃ puna vacanaṃ mahāsāvajjabhāvadassanatthanti veditappaṃ. Mahāsāvajjo hi ariyūpavādo ānantariyasadisattā. Vuttampi cetam “seyyathāpi Sāriputta bhikkhu sīlasampanno samādhisampanno paññāsampanno diṭṭheva dhamme aññaṃ ārādheyya, evaṃsampaḍamidaṃ Sāriputta vadāmi taṃ vācaṃ appahāya taṃ cittaṃ appahāya taṃ diṭṭhim appaṭinissajjitvā yathābhattaṃ nikkhitto, evaṃ niraye”ti¹. Micchādiṭṭhito ca mahāsāvajjatarāṃ nāma aññaṃ natthi. Yathāha “nāhaṃ bhikkhave aññaṃ ekadhammampi samanupassāmi, yaṃ evaṃ mahāsāvajjaṃ, yathayidaṃ bhikkhave micchādiṭṭhi, micchādiṭṭhiparamāni bhikkhave vajjānī”ti².

1. Ma 1. 102 piṭṭhe.

2. Am 1. 35 piṭṭhe.

Kāyassa bhedati upādinnakkhandhapariccāgā. **Paraṃ maraṇā**ti tadanantaraṃ abhinibbattikkhandhaggahaṇe¹. Atha vā **kāyassa bheda**ti jīvitindriyassupacchedā. **Paraṃ maraṇā**ti cuticittato uddhaṃ. **Apāyanti**-evamādi sabbaṃ nirayavevacanameva. Nirayo hi saggamokkhaḥetubhūtā puññasammaṭṭhā ayā apetattā, sukhānaṃ vā āyassa abhāvā apāyo. Dukkassa gati paṭisaraṇanti **duggati**, dosabahulatāya vā duṭṭhena kammaṇā nibbattā gati duggati. Vivasā nipatanti tattha dukkaṭṭakārinoti **vinipāto**, vinassantā vā ettha patanti sambhijjamānaṅgapaccaṅgātipi vinipāto. Natthi ettha assādasāññito ayoti **nirayo**.

Atha vā apāyaggahaṇena tiracchānayaṇiṃ dīpeti. Tiracchānayaṇi hi apāyo sugatito apetattā, na duggati mahesakkhānaṃ nāgarājādīnaṃ sambhavato. Duggatiggahaṇena pettivisayaṃ. So hi apāyo ceva duggati ca sugatito apetattā dukkhassa ca gatibhūtattā, na tu vinipāto asurasadisaṃ avinipatitattā². Vinipātaggahaṇena asurakāyaṃ. So hi yathāvuttena atthena apāyo ceva duggati ca sabbasamussayehi ca vinipatitattā vinipātoti vuccati. Nirayaggahaṇena Avīci-ādimaṇḍalānaṃ nirayamevāti. **Upapannā**ti upagatā, tattha abhinibbattāti adhippāyo. Vuttavipariyāyena sukkapakkho veditaḥho.

Ayaṃ pana viseso—tattha sugatiggahaṇena manussagatipi saṅgayhati, saggaggahaṇena devagatiyeva. Tattha sukhānaṃ gatiṃ **sugati**. Rūpādīhi visayehi suṭṭhu aggoti **saggo**. So sabbopi lujjanapalujjanaṭṭhena **lokoti** ayaṃ vacanatto. Iti “dibbena cakkhunā”ti-ādi sabbaṃ nigamanavacanānaṃ. Evaṃ dibbena cakkhunā passatīti ayamettha saṅkhepatthoti. Dibbacakkhuññānaṃ iddesavaṇṇanā niṭṭhitā.

Imesu pañcasu ñāṇesu **iddhividhaññānaṃ** parittamahaggata-atītānāgatapaccuppanna-ajjhatabhiddhārammaṇavasena sattu ārammaṇesu pavattati. **Sotadhātuvisuddhiññānaṃ** parittapaccuppanna-ajjhatabhiddhārammaṇavasena catūsu ārammaṇesu pavattati. **Cetopariyaññānaṃ** parittamahaggata-appamāṇamagga-atītānāgatapaccuppannabahiddhārammaṇavasena aṭṭhasu ārammaṇesu pavattati.

1. Abhinibbattikkhandhakkhaṇe (Si)

2. Avinipātattā (Ka)

Pubbenivāsānussatiññānam Parittamahaggata-appamāṇamagga-aṭīta-ajjhatabhiddhānavattabbārammaṇavasena aṭṭhasu ārammaṇesu pavattati. **Dibbacakkhuññānam** parittapaccuppanna-ajjhatabhiddhārammaṇavasena catūsu ārammaṇesu pavattati. **Yathākammūpagaññānam** parittamahaggata-aṭīta-ajjhatabhiddhārammaṇavasena pañcasu ārammaṇesu pavattati. **Anāgataṃsaññānam** parittamahaggata-appamāṇamagga-anāgata-ajjhatabhiddhānavattabbārammaṇavasena aṭṭhasu ārammaṇesu pavattatīti.

Pañcañānapakiṇṇakaṃ niṭṭhitam.

55. Āsavakkhayaññānaniddesavaṇṇanā

107. Āsavakkhayaññānaniddese **anaññātaññassāmīndriyādīni** vuttatthāni. **Kati ṭhānāni gacchatīti** ekekassa uppattiṭṭhānaniyamanattham pucchā. **Ekam ṭhānam gacchatīti** ekasmim ṭhāne uppajjati vuttam hoti. Uppatti-okāsaṭṭhānam hi tiṭṭhati etthāti ṭhānanti vuccati. **Cha ṭhānānti** cha maggaphalakkhaṇe. Indriyānam anaññātaññassāmīndriyādīsu tīsu ekekameva adhikam hotīti dassanattham **saddhindriyam** **adhimokkharivāram hotīti**-ādī vuttam. Yathā “saddhindriyassa adhimokkhaṭṭho”¹ ti-ādīsu¹ adhimokkhādayo saddhindriyādīnam kiccavasena vuttā, evamidhāpi “adhimokkharivāram hoti”² ti saddhindriyam adhimokkhatthena parivāram hotīti vuttam hoti. Esa nayo sesesupi. **Parivāranti** ca liṅgavipallāso kato. **Paññindriyanti** anaññātaññassāmīndriyameva pajānanasabhāvadassanattham visum katvā vuttam. Abhidhammepi² hi paññāya kiccavisesadassanattham maggakkhaṇe ca phalakkhaṇe ca ekāva paññā aṭṭhadhā vibhattā. **Abhisandanaparivāranti** nhāniyacunṇānam udakam viya cittacetāsikānam sinehanakiccena parivāram hoti. Idam somanassasampayuttamaggavaseneva vuttam. Upekkhāsampayuttamagge pana somanassindriyaṭṭhāne upekkhindriyam daṭṭhabbāram. Tam pana sampayuttānam nāti-upabrūhanaparivāranti gahetabbāram. **Pavattasantatādhipateyyaparivāranti** pavattā santati pavattasantati, vattamānasantānantī attho. Adhipatibhāvo ādhipateyyam, pavattasantatiyā ādhipateyyam pavattasantatādhipateyyam. Vattamānajīvitindriyassa uparipavattiyā ca paccayattā pubbāparavasena pavattasantatiyā adhipatibhāvena anaññātaññassāmīndriyassa parivāram hoti.

1. Khu 9. 17 piṭṭhe.

2. Abhi 2. 128 piṭṭhe.

Sotāpattimaggaṭṭhakathā jātā dhammā-ādi sabbesaṃ maggasampayuttakānaṃ vaṇṇabhaṇanattaṃ vuttaṃ. Tattha **maggaṭṭhakathā jātā**ti maggasamuṭṭhitā eva, na aññe. Yasmā pana maggasamuṭṭhitampi rūpaṃ kusalādināmaṃ na labhati, tasmā taṃ apanento **ṭhapetvā cittasamuṭṭhānaṃ rūpanti** āha. Sabbeva hi te dhammā kucchitānaṃ salanādihi atthehi **kusalā**. Te ārammaṇaṃ katvā pavattamānā natthi etesaṃ āsavāti **anāsavā**. Vaṭṭamūlaṃ chindantā nibbānaṃ ārammaṇaṃ katvā vaṭṭato niyyantīti **niyyānikā**. Kusalākusalasaṅkhātā cayā apettā apacayasāṅkhātā nibbānaṃ ārammaṇaṃ katvā pavattanato apacayaṃ gacchantīti **apacayagāmino**, pavattaṃ apacinantā viddhaṃsentā gacchantītipi apacayagāmino. Loke apariyāpanabhāvena lokato uttarā uttiṇṇāti **lokuttarā**. Nibbānaṃ ārammaṇaṃ etesanti **nibbānārammaṇā**.

Imāni aṭṭhindriyānī-ādi pubbe vuttaparivārahāvassa ca tena sahaṅgādibhāvassa ca ādivutta-ākārānaṃca dīpanattaṃ vuttaṃ. Tattha **aṭṭhindriyānī**ti pubbe vuttanayena paññindriyena saha aṭṭha. **Sahajātaparivārā**ti aṭṭhasu ekekena saha itare itare satta sahaṅgātā hutvā tassa sahaṅgātaparivārā honti. Tatheva aññaṃ aññassa aññaṃ aññassāti evaṃ **aññaṃaññaṃaparivārā** honti. Tatheva aññaṃaññaṃ **nissayaparivārā sampayuttaparivārā** ca honti. **Sahaṅgātā**ti tena anaññaṃaññaṃānānāssāmītindriyena saha ekuppādādibhāvaṃ gatā. **Sahajātā**ti teneva saha jātā. **Saṃsatṭhā**ti teneva saha missitā. **Sampayuttā**ti teneva samaṃ ekuppādādipakārehi yuttā. **Tevā**ti te eva aṭṭha indriyadhammā. **Tassā**ti anaññaṃaññaṃānānāssāmītindriyassa. **Ākārā**ti parivārakoṭṭhāsā.

Phalakkathā jātā dhammā sabbeva abyākatā hontīti rūpassapi abyākatattā cittasamuṭṭhānarūpena saha vuttā. Maggasseva kusallā niyyānikattā apacayagāmittā ca phalakkathā “kusalā”ti ca “niyyānikā”ti ca “apacayagāmino”ti ca na vuttaṃ. **Itī**-ādi vuttapakāranigamaṃ. Tattha **aṭṭhaṭṭhakānī**ti aṭṭhasu maggaphalesu ekekassa aṭṭhakassa vasena aṭṭha indriya-aṭṭhakāni. **Catusaṭṭhi** hontīti catusaṭṭhi ākārā honti. **Āsavā**-ādi heṭṭhā vuttatthameva. Idha

arahattamaggavajjheyeva āsave avatvā sesamaggattayavajjhānampi vacanaṃ āsavakkhayavacanasāmaññamattena vuttanti veditabbaṃ.

Arahattamaggañānameva hi keci āsave asetvā āsavānaṃ khepanato “khaye ñāṇaṃ”ti vuccati. Tasmāyeva ca arahāyeva khīṇāsavoti vuccatīti.

Āsavakkhayañāṇaniddesavaṇṇanā niṭṭhitā.

56-63. Saccañāṇacatukkadvayaniddesavaṇṇanā

108-109. Saccañāṇacatukkadvayaniddese **dukkhassa pīlanatṭhoti**-ādīni vuttatthāneva. **Maggasamaṅgissa ñāṇaṃ dukkhepetarṃ ñāṇanti**-ādi anantaracatukke viya ekābhisamayavasena vuttaṃ. Duvidhaṃ hi saccañāṇaṃ lokiyaṃ lokuttarañca. Lokikaṃ duvidhaṃ anubodhañāṇaṃ paccavekkhaṇaṇāñca. **Anubodhañāṇaṃ** ādikammikassa anussavādivasena nirodhe magge ca pavattati, dukkhe samudaye ca ārammaṇakaraṇavasena. **Paccavekkhaṇaṇāṇaṃ** paṭividdhasaccassa catūsupi saccesu ārammaṇakaraṇavasena. Lokuttaraṃ paṭivedhañāṇaṃ nirodhamārammaṇaṃ katvā kiccatto cattāri saccāni paṭivijjhati. Yathāha “yo bhikkhave dukkhaṃ passati, dukkhasamudayampi so passati, dukkhanirodhampi passati, dukkhanirodhagāminiṃ paṭipadampi passati”¹ti¹ sabbaṃ vattabbaṃ. Idhāpi iminā vārena idameva vuttaṃ. Taṃ pana lokuttarampi “dukkhe ñāṇaṃ”ti-ādīni nāmāni labhatīti dassanatthaṃ vuttaṃ. Idha pana lokikañāṇameva adhippetarṃ. Tasmāyeva ca **tattha katamaṃ dukkhe ñāṇanti**-ādimāha.

Tattha **dukkhaṃ ārabbhāti** dukkhasaccaṃ ālambitvā, ārammaṇaṃ katvāti attho. **Paññāti**-ādīsu tassa tassa atthassa pākaṭakaraṇasaṅkhātena paññāpanatṭhena **paññā**, tena tena vā aniccādīnā pakārena dhamme jānātītipi paññā. Idamassā sabhāvapadaṃ. Pajānanākāro **pajānanā**. Aniccādīni vicinātīti **vicayo**. **Pavicayoti** upasaggena padaṃ vaḍḍhitāṃ, pakārena vicayoti attho. Catusaccadhammaṃ vicinātīti **dhammavicayo**. Aniccādīnaṃ sammā lakkhaṇavasena **sallakkhaṇā**. Sā eva upasagganānattena

1. Saṃ 3. 382 piṭṭhe.

upalakkhaṇā paccupalakkhaṇāti vuttā. Bhusaṃ lakkhaṇā te te aniccādidhamme paṭicca upalakkhaṇāti attho. Paṇḍitabhāvo **paṇḍiccarā**. Kusalabhāvo **kosallarā**. Nipuṇabhāvo **nepuṇṇārā**. Aniccādīnaṃ vibhāvanavasena¹ **vebhabyā**. Aniccādīnaṃ cintanakavasena **cintā**, yassa uppajjati, taṃ aniccādīni cintāpetītipi cintā. Aniccādīni upaparikkhatīti **upaparikkhā**. **Bhūrī**ti pathavī. Ayampi saṇhaṭṭhena vitthataṭṭhena ca bhūrī viyāti bhūrī. Atha vā paññāyeva bhūte atthe ramatīti bhūrīti vuccati. Asani viya siluccaye kilese medhati himsatīti **medhā**, khippaṃ gahaṇadhāraṇaṭṭhena vā medhā. Yassa uppajjati, taṃ attahitapaṭipattiyā² sampayuttadhamme ca yāthāvalakkhaṇapaṭivedhe parinetīti³ **pariṇāyikā**. Dhamme aniccādivasena vividhā passatīti **vipassanā**. Sammā pakārehi aniccādīni jānātīti sampajāno, tassa bhāvo **sampajāṇṇārā**. Uppathapaṭipanne sindhave vīthi-āropanattham patodo viya uppathe dhāvanakam kūṭacittam vīthi-āropanattham vijjhatīti patodo viya **patodo**.

Dassanalakkhaṇe indaṭṭham karotīti indriyam, paññāsankhāram indriyam **paññindriyam**. Kim vuttam hoti? Nayidaṃ “purisassa indriyam purisindriyam”ti-ādi viya paññāya indriyam paññindriyam, atha kho paññā eva indriyam paññindriyanti vuttam hoti. Avijjāya na kampaṭīti **paññābalarā**. Kilesacchedanaṭṭhena paññāva sattham **paññāsattham**. Accuggataṭṭhena paññāva pāsādo **paññāpāsādo**. Ālokanatṭhena paññāva āloko **paññā-āloko**. Obhāsanatṭhena paññāva obhāso **paññā-obhāso**. Pajjotanaṭṭhena paññāva pajjoto **paññāpajjoto**. Paññavato hi ekapallaṅkena nisinnassa dasasahasilokadhātu ekālokā ekobhāsā ekapajjotā hoti. Tenetaṃ vuttam. Imesu pana tisu padesu ekapadenāpi etasmim atthe siddhe yāni panetāni Bhagavatā “cattārome bhikkhave ālokā. Katame cattāro, candāloko sūriyāloko aggāloko paññāloko. Ime kho bhikkhave cattāro ālokā. Etadaggaṃ bhikkhave imesaṃ catunnaṃ ālokānaṃ yadidaṃ paññāloko”.
Tathā

1. Vibhāvanabhāvavasena (Gaṇṭhipade)

2. Sattahitapaṭipattiyam (Sī, Syā, Ka) Abhi-Ṭṭha 1. 192 piṭṭhe pana passitabbam.

3. Pariṇāmetīti (Sabbattha) Abhi-Ṭṭha 1. 192 piṭṭhe pana passitabbam.

“cattārome bhikkhave obhāsā. Cattārome bhikkhave pajjotā”¹ti sattānaṃ ajjhāsayavasena suttāni desitāni. Tadanurūpeneva idhāpi therena desanā katā. Attho hi anekehi ākārehi vibhajjamāno suvibhatto hoti, aññathā ca añño bujjhati, aññathā aññoti. Ratikaraṇaṭṭhena pana ratidāyakaṭṭhena ratijanakaṭṭhena cittikataṭṭhena dullabhapātubhāvaṭṭhena atulaṭṭhena anomasattaparibhogatṭhena ca paññāva ratanaṃ **paññāratanaṃ**.

Na tena sattā muyhanti, sayam vā ārammaṇe na muyhatīti **amoho**. **Dhammavicayapadaṃ** vuttatthameva. Kasmā panetaṃ puna vuttanti? Amohassa mohapaṭipakkhabhāvadīpanatthaṃ. Tenetaṃ dīpeti “yvāyaṃ amoho, so na kevalaṃ mohato añño dhammo, mohassa pana paṭipakkho dhammavicayasaṅkhāto amoho nāma idha adhippeto”ti. **Sammādiṭṭhīti** yāthāvaniyyānikakusaladiṭṭhi. “Tattha katamaṃ dukkhasamudaye ñāṇaṃ, tattha katamaṃ dukkhanirodhe ñāṇaṃ, tattha katamaṃ dukkhanirodhagāminiyā paṭipadāya ñāṇaṃ”ti pucchāvacaṇāni saṅkhepavasena vuttānīti.

Saccañāṇacatukkadvayaniddesavaṇṇanā niṭṭhitā.

64-67. **Suddhikapaṭisambhidāñāṇaniddesavaṇṇanā**

110. Suddhikapaṭisambhidāñāṇaniddese imesaṃ ñāṇānaṃ pabhedābhāvatoyeva heṭṭhā viya pabhedam adassetvāyeva **atthesu ñāṇaṃ atthapaṭisambhidāti**-ādi vuttaṃ. paññāpabhedābhāvepi attanā paṭividdhacatusaccadhammamattavasena nānattasabbhāvato **atthanānatte paññā atthapaṭisambhide ñāṇanti**-ādi vuttaṃ. Tattha **nānatteti** atthādīnaṃ anekabhāve. **Vavatthāneti** atthādīnaṃ nicchayane. **Sallakkhaṇeti** atthādīnaṃ sammādassane. **Upalakkhaṇeti** atthādīnaṃ bhusaṃdassane. **Pabhedeti** atthādīnaṃ nānābhede. **Pabhāvaneti** atthādīnaṃ pākaṭikaraṇena uppādane. **Jotāneti** atthādīnaṃ dīpane. **Virocaneti** atthādīnaṃ vividhā dīpane. **Pakāsaneti** atthādīnaṃ

1. Am 1. 456, 457 piṭṭhesu.

pabhāsane. “Nānatte”ti mūlapadaṃ katvā sabbasādhāraṇavasena vuttaṃ.
 “Vavatthāne”ti sotāpannessa vasena, “sallakkaṇe upalakkhaṇe”ti
 sakadāgāmiṣṣa vasena, “pabhede pabhāvane”ti anāgāmiṣṣa vasena, “jotane
 virocane pakāsane”ti arahato vasena vuttanti evampettha yojanā kātabbāti.

Suddhikaṭṭhisambhidāñāṇaniddesavaṇṇanā niṭṭhitā.

Iti Saddhammappakāsiniyā

Paṭisambhidāmaggaṭṭhakathāya paṭhamo bhāgo.

Paṭisambhidāmaggaṭṭhakathāya paṭhamabhāge

Saṃvaṇṇitapadānaṃ anukkamaṇikā

Padānukkamo	Piṭṭhāṅkā	Padānukkamo	Piṭṭhāṅkā
[A]		[A]	
Akaniṭṭhe	270	Aṭṭhahākārehi	245
Akantā	144	Aṭṭhikaṃ	219
Akampiyatṭho	89, 90	Aṭṭhindriyāni	341
Akuppā cetovimutti	125	Aṭṭhimiñjā	76
Akusalakammapathā	273	Aṭṭhī	76
Akusalānaṃ dhammānaṃ	155	Aṇusahagatā	257
Akhaṇḍāni	201	Atikkantamānusakaṃ	336
Agamanīyatṭhānaṃ	204	Atikkantamānusikāya	314
Aguṇatejaṃ	293	Atittatā	251
Aggasāvaka	323	Atimāno	293
Ajjhattaṃ	171, 228	Atītānāgatapaccuppannānaṃ	18
Ajjhatta	31	Attaniyena	302
Ajjhattavavatthāne	30	Attasammāpaṇidhi	272
Ajjhattikāni āyatanāni	103	Attā	40, 41
Ajjhupekkhanaṭṭho	89	Atthaṅgamā	177
Ajjhupekkhitvā	278	Atthacariyā	271
Ajjhosānaṃ	112	Atthapaṭisambhidā	3
Aññamaññaṃ nātivattanti	122	Atthasandassane	42
Aññamaññaṃ parivārā	341	Attho	3
Aññāṇacariyā	265, 267	Addhānaṃ	222
Aññātāvindriyaṃ	81	Adinnaṃ	204
Aññāti	226	Adinnādānaṃ	204
Aññāte	267	Adukkhamasukhaṃ	74, 179
Aññindriyaṃ	81	Adukkhamasukhasahagatā	130
Aṭṭhaṅgiko	118, 149	Addhuvaṃ	263
Aṭṭhaṭṭhakāni	341	Advayaṃ	120

Padānukkamo	Piṭṭhāṅkā	Padānukkamo	Piṭṭhāṅkā
[A]		[A]	
Adhammatejaṃ	294	Anāgāmiṃmaggo	99
Adhigamo	6, 7	Anāvilatṭhena	220
Adhicittaṃ	212	Anāvilatṭho	88
Adhiṭṭhāti	285, 301	Anāsavatṭho	88
Adhiṭṭhānatṭho	93	Anāsavā	341
Adhiṭṭhānavasena	47	Aniccaṃ	233
Adhiṭṭhāne paññā	45	Aniccaṃ khayatṭhena	131
Adhipaññā	212	Aniccato	250
Adhipaññādhammavipassanā	97	Aniccā	58
Adhipaññā vipassanā	241	Aniccānupassanā	86, 96
Adhipatattā paññā	45	Aniccānupassī	281
Adhimuttatā	282	Aniñjanaṭṭhena	220
Adhimuttattā	278	Aniñjanaṭṭho	88
Adhimokkhatṭho	89, 95	Aniṭṭhaṅgatāya	267
Adhimokkho	292	Aniṭṭhā	144
Adhisīlam	212	Animittatṭho	88
Adhisīlasikkhā	212	Animittavihārasamāpatti	278
Anaññathatā	227	Animittānupassanā	97
Anativattanaṭṭho	88, 89	Animittā samāpatti	278
Anattatṭhena	296	Animitte	278
Anattatṭho	96	Animitto samādhi	218
Anattato	250	Animitto vihāro	278, 281
Anattā	58	Anuṭṭhitatṭho	93
Anattā asāraṅkatṭhena	131	Anuttaram	316
Anattānupassanā	86	Anuttariyāni	65
Anatthakāmā	144	Anupaṭṭhānatā	38
Anavajjāni	266	Anuparivattanti	106
Anavaseso	279	Anupasampannānam	187
Anāgatamsaññānam	340	Anupassanaṭṭhena	250
Anāgāmiṃphalam	99	Anupassanaṭṭho	89

Padānukkamo	Piṭṭhaṅkā	Padānukkamo	Piṭṭhaṅkā
[A]		[A]	
Anupassati	239	Apāyaṁ	339
Anupassanā	234	Apāyagamaṇiyo	279
Anupassanāsu	241	Api	145
Anupādisesāya	290	Apuññatejaṁ	294
Anupubbanirodhā	128	Apubbaṁ acarimaṁ	39
Anupubbavihārā	70	Appaṭisaṅkhaṁ	124
Anuppannā	156	Appaṇihitaṁ	255
Anuppannānaṁ	155, 294	Appaṇihitaṭṭho	88
Anuppādāya	155, 294	Appaṇihitānupassanā	97
Anuppāde	100	Appaṇihite	278
Anuppādo	243	Appaṇihito samādhi	218
Anubujjhanatṭho	94	Appaṇihito vihāro	282
Anubodhañāṇaṁ	342	Appattassa pattiya	301
Anusayā	257, 266	Appamaññāyo	271
Anusahagate	125	Appamāṇaṁ	120
Anussatiṭṭhānāni	118	Appamāṇabhā	105
Anussarati	323	Appiyasampayogo	137
Anekavihitaṁ	307, 323	Aphāsukāmā	144, 145
Antaṁ	77	Abyākatā	250
Antaṅgaṁ	77	Abyāpādasāṅkappo	153
Antaradhānaṁ	141	Abhi	245
Antavantato	263	Abhijānanaṭṭhena	296
Anto karitvā	269	Abhijānanaṭṭho	96
Antosoko	143	Abhijjamāne	310
Apacayagāmino	341	Abhijjhā	206
Aparāmaṭṭhā	187	Abhijjhādomanassaṁ	163
Apariyantasikkhāpadānaṁ	188	Abhiññā	126
Apariyantā	187	Abhiññatā	276
Apariyāpannā	121, 269	Abhiññāpaññā	33
Apariyonaddhena	335	Abhiññāya	201

Padānukkamo	Piṭṭhaṅkā	Padānukkamo	Piṭṭhaṅkā
[A]		[A]	
Abhiññāya nātaṭṭho	92	Amalaṭṭho	94
Abhiññeyyam	101	Amahaggatam	315
Abhiññeyyā	57, 100	Amutrāsīm	333
Abhinandati	246	Amoho	344
Abhinibbatti	139	Ayam	39
Abhiniropanā	265	Ayam vuccati jāti	140
Abhiniropitattā	265	Aya	51
Abhinivesam	124, 278	Ayameva	149
Abhininnāmeti	307	Ayaso	106
Abhinīharati	307	Ayogakkhemakāmā	144
Abhinīhārakusalatā	216	Araṇavihāre	36
Abhinīhāraṭṭho	93	Arahattaphalam	99
Abhinīhāro	245, 250	Arahattamaggo	99
Abhippamodayam	281	Arahantānam	197
Abhibhāyatanāni	68	Ariyasaccam	58
Abhibhuyyati	253	Ariyasāvako	155
Abhilāpe	4	Ariyavaṁsā	271
Abhisankhārā	293	Ariyānam	337
Abhisandanaṭṭho	92	Ariyāni	58
Abhisandanaparivāram	340	Ariyo	118, 149
Abhisamayañānam	153	Arūpadhātu	82
Abhisamayaṭṭhena	296	Arūparāgā	257
Abhisamayaṭṭho	96	Arūpasamāpattiyo	271
Abhisambujjhati	227	Arūpāvacarā	121, 269
Abhisameti	227	Arūpāvacaro	218
Amaccā	145	Alaṅkāraya	211
Amataṭṭho	95	Alābho	106
Amatogadham	101	Avariyaṅi	53
Amatogadham nibbānam	115	Avikkhepaṭṭhena	219, 262
Amanāpā	144		

Padānukkamo	Piṭṭhaṅkā
[A]	
Avikkhepaṭṭho	88, 95
Avikkhepaparisuddhattā	34
Avikkhepapārisuddhi	212
Avikkhepavasena	280
Avikkhepo	96, 214, 279, 292
Avijjā	84, 109
Avijjāya	89, 257
Avijjāya ca	283
Avijjāsavo	279
Avijjāsahagatakilese ca	283
Avitakkam avicāram	172
Avitakka-avicāro	213
Avitakkavicāramatto	213
Avitakkasahagatā	130
Avitathatā	227
Aviditaṭṭhena	251
Avipariṇāmadhammena	302
Avippaṭṭisāravattukāni	200
Avippaṭṭisārāya	210
Avimuttam	316
Avisāraṭṭho	88
Avihimsāsāṅkappo	153
Avīcinirayam	269
Avītikkamaṭṭhena sīlam	203
Avītikkamo sīlam	202
Avuṭṭhitam	255
Asaṅkhataṭṭho	92, 95
Asaṅkhatā ca dhātu	270
Asajjamāno	309
Asaññasattā	105

Padānukkamo	Piṭṭhaṅkā
[A]	
Asaññābhavo	82
Asati jātiyā	234
Asamapekkhanasmim	267
Asamādhisaṁvattanikāni	200
Asamāhitam	316
Asammosāya	155, 295
Asallīnatta...	40
Asassatam	263
Asātam	144
Asārakaṭṭhena	229
Asekkham sammāñāṇam	129
Asekkhā dhammā	128
Asesavirāganirodho	148
Asmimāno	108
Assaddhiyam	89
Assu	77
Ahitakāmā	144
[Ā]	
Ākāra	341
Ākārehi	226
Ākāsakasiṇam	75, 120
Ākāsaṅcāyatana-	
samāpatti	83
Ākāse	310
Ākāsepi	311
Ākāso	75
Ākiṅcaññāyatanaṁ	83
Āgamo	7

Padānukkamo	Piṭṭhaṅkā	Padānukkamo	Piṭṭhaṅkā
	[Ā]		[Ā]
Ācikkhati	227	Ārammaṇaṃ	19
Āṇākkhettaṃ	326	Ārammaṇaṇca	241
Ātāpī	162	Ārammaṇaṭṭho	88, 93
Ādānaṃ	124, 240	Ārammaṇato	207
Ādīnavānupassanā	97	Ārammaṇaṃ paṭisaṅkhā	19
Ādīnave	20	Ārammaṇāni	271
Ādevo	143	Āruppaṃ	113
Ādhipateyyaṭṭhena	101	Ālayābhīnivesaṃ	124
Ādhipateyyaṭṭho	96	Ālokapharaṇatā	117
Ānantarīkasamādhimhi nāṇaṃ	35	Ālokasaññāṃ	334
Ānāpānassati	280	Ālokasaññā	96
Āpo	75	Āvajjanakiriya-	
Ābhassarā	105	byākata	265, 266
Āyatanāṃ	84	Āvajjanaṭṭho	92
Āyatanāṭṭho	92	Āvajjanāya	285
Āyatanānaṃ	140	Āvajjitvā	278
Āyatanāni	68	Āvibhāvaṃ	309
Āyavaṃ	301	Āsayānusaye	53
Āyāsītattaṃ	144	Āsavasamucchede	34
Āyāso	144	Āsavā	341
Āyuno saṃhāni	140	Āsavānaṃ khaye nāṇaṃ	50
Āyūhanaṃ	124	Āsevatī	123
Āyūhanaṭṭhiti	222	Āsevanaṭṭhena	123
Āyūhanaṭṭho	95	Āsevanaṭṭho	93
Āyūhanā	87, 242	Āsevanābhāvanā	122
Āyūhanā saṅkhārā	223	Āsevanāya	211
Āyo	161	Āhāraṭṭhitikā	59
Ārakkhādhikaraṇaṃ	112	Āhārasamudayā	235
Ārakkho	112	Āhārā	102
Ārambha	41		

Padānukkamo	Piṭṭhaṅkā	Padānukkamo	Piṭṭhaṅkā
[I]		[U]	
Icchā uppajjati	145	U	51
Ijjhanaṭṭhe paññā	47	Ujjotanānujjotana-	
Ijjhanaṭṭho	91, 95	paṭijjotanasañjotanaṭṭho	94
Ijjhanti	47	Uttariṭṭhāyā	251
Iti	220	Uttariṭṭhāyā	89
Iti	243, 279, 334, 341	Uttariṭṭhāyā	250
Iti kho	227	Uttānīkaroti	227
Itime	225	Udakepi	310
Itthindriyaṁ	80	Udayo	234
Idappaccayā	227	Udariyaṁ	77
Idampi	145	Uddhaṁ	120
Iddhipādaṁ	304	Uddhaccaṁ	266, 283
Iddhipādā	271	Uddhaccasahagatakilese ca	283
Iddhipādo	91	Uddhaccā	257
Iddhividham	307	Uddhacce	89
Iddhividhaññaṁ	339	Uddhacce ca	283
Iddhividhaññāyā	307	Uddhumātakaṁ	218
Iddhividhe ññaṁ	47	Uddhumātakasaññāvasena	219
Idha	144, 155, 199	Upakkilesā	260
Idhaṭṭhassa	273	Upagamaṁ upādānaṁ	223
Idha paṭisandhiyā paccayā	224	Upaṭṭhāti	291
Idha bhikkhu	155, 304	Upaṭṭhānaṁ	292
Idhupapattibhavaṁ	224	Upaṭṭhānaṭṭho	89, 95
Idhūpapanno	334	Upanāho	292
Indriyaparopariyattaññaṁ	53	Upapajjamānā	336
Indriyānaṁ	48	Upapatti	87, 242
Indriyānaṁ ekarasaṭṭhena	123	Upapannassa	270
Imasmim	316	Upapannā	339
Imassuppādā	316	Upaparikkhā	343
Issā	292	Uparito	269

Padānukkamo	Piṭṭhaṅkā	Padānukkamo	Piṭṭhaṅkā
[U]		[U]	
Upalakkhaṇe	344	Uppanno	263
Upavādakā	337	Ubbegā pīti	169
Upavicāraṭṭho	92	Ummujjam	310
Upasamaṭṭho	90	[E]	
Upasampajja	170	Ekam ṭhānam gacchati	340
Upasamānussati	280	Ekaggaṭṭhena	219
Upasamāya	201	Ekaggaṭṭho	88
Upādānam	84	Ekaggaṭṭhā	213, 279
Upādānakkhandhā	102, 138	Ekacce ca devā	104
Upādānapaccayā	322	Ekacco	199
Upādāniyo	102	Ekattaṃ	293, 297
Upāyāsittattam	144	Ekattakāyā	105
Upāyāso	87, 137, 144, 243, 317	Ekattasaññino	105
Upekkhako ca viharati	173	Ekatte	93
Upekkhā	83, 90	Ekantanibbidāya	211
Upekkhāsatipārisuddhim	179	Ekarasaṭṭhe ñāṇam	33
Upekkhāsukhasahagatā	130	Ekarasaṭṭho	88
Upekkhindriyam	80	Ekarasā	276
Uppajjati	146, 260	Ekarasā honti	125
Uppajjamānā	147	Ekavavatthanā	241
Uppādānam	252	Ekavavatthānatā	47
Uppādaṭṭhiti	221	Ekavokārabhavo	82
Uppādāya	155, 295	Ekasaṅgahatā	42
Uppādā vā anuppādā vā	227	Ekasaṅgahitā	296
Uppādo	87, 242	Ekarasābhāvanā	122
Uppannaṃ	263	Ekodaṭṭho	92
Uppannā	158	Ekodi	92, 171
Uppannānam	155, 294-5	Ekodibhāvaṃ	171
		Ekopi hutvā	307

Padānukkamo	Piṭṭhaṅkā	Padānukkamo	Piṭṭhaṅkā
[E]		[Ka]	
Eko samādhi	213	Katihākārehi	245
Etassa	317	Kamati	311
Eti	317	Kampati	241, 283
Ettha pariyāpannā	270	Kammaniyam	306
Etthāvacarā	269	Kammapathe	273
Evam	317	Kammāsāni	200
Evamgotto	333	Karīsam	77
Evamnāmo	333	Kalaho	112
Evamvaṇṇo	333	Kallatā	215
Evamsukhadukkhappaṭi-		Kallatākusalatā	215
samvedī	333	Kasiṇam	75
Evamāyupariyanto	334	Kasiṇāyatanāni	119
Evamāhāro	333	Kaḷavarassa nikkhepo	141
Evarūpāni	200	Kāmacchandaṃ	301
Esanābhāvanā	122	Kāmacchandato	301
[O]		Kāmacchando	295
Okkanti	139, 224	Kāmacchando nānattaṃ	301
Okkantikā pīti	169	Kāmataṇhā	146
Okkamitvā	307	Kāmadhātu	82
Oghā	110	Kāmarāgasaññojanā	257
Oparāni	53	Kāmāvacarā	268
Obhāsavasena	49	Kāmāsavo	279
Oḷārikaṃ	228	Kāmesu	204
Oḷārikā	257	Kāyagatāsati	116, 280
Oḷārikānaṃ	312	Kāyaduccaritaṃ	337
Oḷārike	125	Kāyampi	46, 306
[Ka]		Kāyavasena	307
Kaṅkhāvitarāṇavisuddhi	119	Kāyasaṅkhāraṃ	281
Katamaṃ	131	Kāyasaṅkhārā	284
Katidhammasamodhānaṃ	201		

Padānukkamo	Piṭṭhaṅkā	Padānukkamo	Piṭṭhaṅkā
[Ka]		[Kha]	
Kāyasamphassajaṃ	144	Khaṃ	51
Kāyassa bheda	339	Khaṇavasena	228
Kāyānupassī	161	Khaṇikamarāṇaṃ	136
Kāyikaṃ	144	Khaṇikā pīti	169
Kāyindriyaṃ	80	Khaṇḍāni	200
Kāye	161, 190, 307	Khaṇḍiccam	140
Kāye kāyānupassī	162	Khattiyo	331
Kāyo	74, 274	Khantiṇāṇaṃ	43
Kāraṇaṃ	199	Khandhaṭṭho	92
Kālakiriya	141	Khandhānaṃ	139
Kāle	123	Khandhānaṃ bhedo	141
Kimsamuṭṭhānaṃ	201	Khandhe ca	283
Kim so vītikkamissati	201	Khandhehi	256
Kiriyaṃ	273	Khayagāmiṃmaggo	113
Kilissati	250	Khayadhammaṃ	233
Kilesāmiṃsaṃ	254	Khayānupassanā	96
Kileso	292	Khīṇāsavabalāni	127
Kilomakaṃ	76	Khīṇāsavānaṃ	190
Kuṭṭo	309	Khīyanti	279
Kusala	120, 189	Khemaṃ	88
Kusalakammaṭṭhā	273	Khemanti	243
Kusaladhamme	189	Kheḷo	78
Kusalā	250, 341	[Ga]	
Kevalassa	317	Gataṭṭho	93
Kesā	76	Gati	87, 242
Koṭṭhāsato	207	Gato	196
Kodho	292	Gandhā	74
Kosajje	89	Garusannissayo	7
Kosallaṃ	343	Guṇatejo	293

Padānukkamo	Piṭṭhaṅkā	Padānukkamo	Piṭṭhaṅkā
[Ga]		[Ca]	
Gocarakusalatā	216	Cariyāvavatthāne	31
Gocaraṭṭho	88, 89, 93	Calati	283
Gocaranānatte	31	Cavanatā	141
Gocaro	292	Cavamānā	336
Gotrabhū	248	Cāgānussati	214, 280
[Gha]		Cāgo	148
Ghanasaññaṃ	124	Cittaṃ	239
Ghānaṃ	74	Cittaṃ paggaṇhāti	155
Ghānindriyaṃ	80	Cittaṭṭho	92, 95
[Ca]		Cittampi	46, 306
Ca	35	Cittampi na uppādeti	201
Cakkāni	272	Cittavasena	307
Cakkhāyatanam	79	Cittavivaṭṭe ñāṇam	45
Cakkhusamphasso	74	Cittavivaṭṭo	303
Cakkhu	74	Cittavisuddhi	99
Cakkhudhātu	79	Cittasaṅkhārappaṭisaṃvedī	281
Cakkhundriyaṃ	80	Cittasaṅkhārā	284
Cakkhupavattam	291	Cittānantariyaṭṭho	92
Cakkhuvīññāṇam	74, 265	Cintā	343
Catasso	3	Cuti	141
Catuttham	179	Cutūpapātaññāya	336
Catuttham jhānam	83	Cetanā bhavo	224
Catudhammavavatthāne	31	Cetanā sīlam	201
Catuvokārabhavo	82	Cetayato	301
Catusaṅkhepe	225	Cetayanto	303
Catusaṭṭhi	341	Cetasikaṃ	144, 201
Cattāri ariyasaccāni	63	Cetasikā	270
Caraṇatejo	293	Ceto	45
Cariyaṭṭho	93	Cetopariyaññāṇam	49, 339
		Cetopharaṇatā	117

Padānukkamo	Piṭṭhaṅkā	Padānukkamo	Piṭṭhaṅkā
[Ca]		[Ja]	
Cetovimutti	125	Jīraṇatā	140
Cetovivaṭṭe ñāṇaṃ	45	Jīvikamaṃ kappeti	155
Cetovivaṭṭo	303	Jīvitindriyaṃ	80
Cetosamphassaṃ	144	Jīvite	190
[Cha]		Juṇhe	123
Chandaṃ janeti	155	Jotanaṭṭho	94
Chandaṭṭho	95	Jotane	344
Chandanānattaṃ	275	[Jha]	
Chandapaccayāpi	300	Jhātattā	221
Chandarāganīrodho	85	Jhānaṃ	82, 170
Chandarāgo	112	Jhānāni	271
Chandavūpasamapaccayā	300	Jhāpeti	221
Chando	100, 112	Jhāyati	220
Chiddāni	200	[Ña]	
Chinnaṇaṭṭumānupassane	27	Ñāṇaṃ	96, 100
[Ja]		Ñāṇacakkhu	73
Jarā	84, 87, 140, 243	Ñāṇacariyā	265
Jarāmaṇaṃ	323	Ñāṇacariyāhi	38
Jarāmaṇassa	222	Ñāṇavinicchayo	112
Jātānaṃ	123	Ñāṇavivaṭṭe ñāṇaṃ	46
Jāti	84, 87, 139, 243	Ñāṇavivaṭṭo	303
Jātikkhattaṃ	326	Ñāṇesu ñāṇaṃ	6
Jātidhammānaṃ	145	Ñātaṭṭhe ñāṇaṃ	33
Jātipaccayā	323	Ñātaṭṭhena	296
Jānato	302	Ñātaṭṭho	96
Jānāti	226	Ñātā	276
Jivhā	74	Ñātibyasaṇa	143
Jivhindriyaṃ	80	Ñātī	145
		Ñāte	268

Padānukkamo	Piṭṭhaṅkā	Padānukkamo	Piṭṭhaṅkā
[Tha]		[Ta]	
Ṭhānāni	340	Tathaṭṭho	91, 96
Ṭhitaṭṭho	88	Tathatā	227
Ṭhitāva sā dhātu	227	Tathalakkhaṇaṃ	192
Ṭhiti	59	Tathāgatasāvakaṇaṃ	190
Ṭhitikusalatā	214	Tathāgatānaṃ	190
Ṭhitibhāgiyā	57	Tathābhāvitena	307
Ṭhitiyā	155, 295	Tadanudhammatā	130
[Ta]		Tadaṅgappahānaṃ	115
Taṃ	227	Tadajjupekkhitvā	249
Taṃ ārammaṇaṃ paṭisaṅkhā	239	Tadupagavīriyavāhanaṭṭhena	123
Taṃñātaṭṭhena ñāṇaṃ	101	Taduttaraṭṭhena	101
Taṃ taṃ khamati	298	Tappaccayā	300
Taṃpayogappaṭippassaddhattā	260	Tampi dukkhaṃ	138
Taṃvimutti ñātaṭṭhena	261	Tayo addhe	225
Taco	76	Tayo ca	37
Taṇhaṃ paṭicca	111	Taraṇaṭṭho	88
Taṇhā	75, 84, 109	Tassa	234, 341
Taṇhākāyā	110	Tiṇṇaṃ cittānaṃ	48
Taṇhāpaccayā	322	Tittattā	251
Taṇhāmūlakā	111	Tiriyaṃ	120
Taṇhāvinicchayo	112	Tirokuṭṭaṃ	309
Tatiyaṃ	177	Tirobhāvaṃ	309
Tatiyaṃ jhānaṃ	83	Tisso dhātuyo	62
Tatra	4	Tīraṇaṭṭhe ñāṇaṃ	33
Tatra tatrābhinandinī	146	Tīritā	276
Tatrāpāsīṃ	334	Tīritā ca	108
Tatrūpapannassa	274	Tuvaṃtuviaṃ	112
Tathaṭṭhena	261, 296	Tejo	75
Tathaṭṭhe paññā	46, 303	Teva	341

Padānukkamo	Piṭṭhaṅkā	Padānukkamo	Piṭṭhaṅkā
[Da]		[Na]	
Domanassindriyaṃ	80	Nakhā	76
Doso	266, 292	Nandiṃ	124, 240
Dvīhi balehi	37	Nandirāgasahagatā	146
Dve dhātuyo	62	Navadhammavavatthāne	32
[Dha]		Navahi	38
Dhamma	17	Nānattaṃ	293, 297
Dhammakkhandaḥ	126	Nānattakāyā	104
Dhammacakkhu	73	Nānattakāyā ekatta-	
Dhammaṭṭhitiññaṃ	17	saññino	104
Dhammaṭṭhena	296	Nānattasaññaṃ	124
Dhammaṭṭho	96	Nānattasaññino	104
Dhammatejo	293	Nānatte	344
Dhammato	207	Nānattekattaṃ	293
Dhammadhātu	79	Nānattekattakammavipphāra-	
Dhammaniruttābhilāpe ñāṇaṃ	4	vasena	49
Dhammapaṭisambhidā	3	Nānattekattakovido	259
Dhammapadāni	272	Nānattekattapaṭivedhe	42
Dhammavavatthānaṃ	96	Nānattekattarūpanimittānaṃ	49
Dhammavicayo	342	Nānattekattaviññāṇacariyā	48
Dhammā	75, 264	Nānattekattasaddanimittānaṃ	48
Dhammānussati	214, 280	Nānatte paññā	45
Dhammesu	267	Nānādiṭṭhīsu	241, 253
Dhammo	3, 130	Nānādiṭṭhīsu na kampati	244
Dhātu	79	Nānādhammappakāsanatā	42
Dhātuṭṭhena	296	Nānādhammā	295
Dhātuṭṭho	92, 96	Nānābaddha-avikopanaṃ	287
Dhuvasaññaṃ	124	Nānusayā	266
Dhuvēna	302	Nāmaṃ	84, 102
		Nāmarūpaṃ	321
		Nāmarūpapaccayā	322
		Nhārū	76

Padānukkamo	Piṭṭhaṅkā	Padānukkamo	Piṭṭhaṅkā
[Na]		[Na]	
Ni	51	Nirāmisam	88, 254
Nikanti taṇhā	223	Niruttipaṭisambhidā	3
Nikkilesaṭṭhena	266	Nirodhacariyaṭṭho	95
Niggahaṭṭho	89	Nirodhaṭṭho	95
Niccasaññaṃ	124	Nirodhadhammaṃ	233
Niccena	302	Nirodhasamāpatti	38
Nijjaravatthūni	71	Nirodhasamāpattiyā	38
Nidānaṭṭho	95	Nirodhānupassanā	86
Niddasavatthūni	68	Nirodhānupassī	281
Nindā	106	Nirodhāya	201
Nibbatti	87	Nirodhe	38
Nibbattilakkhaṇaṃ	234-5	Nirodheti	291
Nibbānaṃ	88, 101, 274	Nirodho	113
Nibbānadhātuyā	290	Nirodho nibbānaṃ	115
Nibbānāya	201	Nivattanaṭṭho	88
Nibbānārammaṇā	341	Nivisati	146
Nibbidānupassanā	86	Nivutthā	49
Nibbidāya	201	Nissaraṇaṃ	113
Nibbidāsahagatā	130	Nissaraṇaṭṭho	93, 95
Nibbindati	275	Nī	245
Nibbedhabhāgiyaṃ samādhim	115	Nīvaraṇānaṃ	114
Nibbedhabhāgiyā	57	Nīvaraṇāni	110
Nimittaṃ	124, 242, 278	Nīvaraṇe	283
Nimittaṭṭhiti	222	Nīvaraṇe paṭisaṅkhā	251
Nimujjaṃ	310	Nekkhammaṃ	96, 113, 295
Nimmaḷaṭṭho	94	Nekkhammaṃ ekattaṃ	301
Niyyānaṭṭho	89, 90, 93, 96	Nekkhammavasena	301
Niyyānikā	341	Nekkhammasaṅkappo	153
Nirayo	339	Nekkhammekattaṃ	301

Padānukkamo	Piṭṭhaṅkā
[Na]	
Nepuññaṃ	343
Nevasaññānāsaññābhavo	82
Nevasaññānāsaññāyatanam	83
[Pa]	
Pakatiparisuddhamidaṃ	266
Pakatisāvaka	323
Pakāsanatā	42
Pakāsane	344
Pakāseti	295
Pakkhandanaṭṭho	93
Pakkhīsakuṇo	311
Paggahaṭṭhe	41
Paggahaṭṭho	89, 95
Paggaho	292
Paccayaṭṭhiti	222
Paccayaṭṭho	93
Paccayanirodhaṭṭhena	236
Paccayapariggahe paññā	17
Paccayappavattānaṃ	49
Paccayasamudayaṭṭhena	235
Paccayo	199, 223
Paccavekkhaṇaññaṃ	342
Paccavekkhaṇanimittaṃ	117
Paccavekkhaṇe ññaṃ	28
Paccavekkhati	285
Paccuppannaṃ	19
Paccekabuddhā	323
Paccekabuddhānaṃ	190
Pacchā ññaṃ	279

Padānukkamo	Piṭṭhaṅkā
[Pa]	
Pacchābhattaṃ	123
Pajahanto	295, 301
Pajahāti	114
Pajānanaṭṭhena paññā	101
Pajānanaṭṭho	92
Pajānanā	342
Pañca	138
Pañcakkhandhā	291, 295
Pañca lakkhaṇāni	235
Pañcavokārabhavo	82
Paññā	12, 101, 119, 342
Paññā-āloko	343
Paññā-obhāso	343
Paññātejo	293
Paññāpajjoto	343
Paññāpāsādo	343
Paññāpeti	227
Paññābalaṃ	343
Paññāya ca vivaṭṭanā	240
Paññāratanaṃ	344
Paññāsattaṃ	343
Paññindriyaṃ	81, 340, 343
Paṭighasaññaṃ	123
Paṭighasaññojana	257
Paṭicca	17, 317
Paṭiccasamuppannaṃ	113, 233
Paṭiccasamuppannā dhammā	226
Paṭiccasamuppādo	226
Paṭinissaggānupassanā	86
Paṭinissaggānupassī	281

Padānukkamo	Piṭṭhāṅkā
[Pa]	
Paṭipadā	271
Paṭippassaddhaṭṭhena	100
Paṭippassaddhaṭṭho	91
Paṭippassaddhi	187
Paṭippassaddhippahānam	113
Paṭippassaddhiyā	38
Paṭibujjanaṭṭho	94
Paṭibhānapaṭisambhidā	3
Paṭilābhabhāvanā	122
Paṭilābhatthāya	284
Paṭilābho	140
Paṭivijjhati	226
Paṭivīditā	277
Paṭivedhaṭṭhena	100, 296
Paṭivedhaṭṭhena vijjā	99, 262
Paṭivedhaṭṭho	96
Paṭisaṅkhā	19, 240
Paṭisaṅkhānupassanā	97
Paṭisaṅkhāya	246
Paṭisandhi	87, 242
Paṭisambhidā	3
Paṭisambhidānam maggo	2
Paṭhamam	170
Paṭhamam jhānam	82, 282
Paṭhamam samatho	279
Paṭhamābhiniḅattā	104
Paṭṭhapeti	227
Paṇidhim	124, 278
Paṇihitam	254

Padānukkamo	Piṭṭhāṅkā
[Pa]	
Paṇītaṭṭho	88
Paṇītā	122
Paṇītādhimuttatā	35
Paṇīte	336
Paṇīto	35, 217
Paṇḍiccam	343
Patāpanaṭṭho	94
Patiṭṭhāpakatṭho	89
Patirūpadesavāso	272
Patodo	343
Pathavī	75
Pathavīkasiṇavasena	280
Padahati	155
Padahanaṭṭho	91
Padesavihāre ñāṇam	44
Padhānaṭṭho	95
Papphāsam	76
Pabbato	309
Pabhāvane	344
Pabhede	344
Pamāde	89
Pamādo	293
Pamukhaṭṭhena	100
Pamuditassa	274
Payogappaṭippassaddhipaññā	27
Payogānam	91
Payogo	27
Param maraṇā	339
Paranimmitavasavattī deve	269
Parapuggalānam	315

Padānukkamo	Piṭṭhaṅkā	Padānukkamo	Piṭṭhaṅkā
[Pa]		[Pa]	
Parasattānaṁ	315	Parittasubha Appamāṇasubha-	
Parāmaṭṭhāni	200	subhakiṇhā	105
Parāmaṭṭhāya	267	Parittābhā	105
Parāmasati	312	Paridameti	306
Parāmāso	292	Paridevo	87, 136, 143, 243
Parikkhārāya	211	Parinibbāne	38
Pariggahaṭṭhena	219	Paripakkattā	224
Pariggahaṭṭho	88, 90	Paripāko	140
Pariggaho	112	Paripucchā	6, 7
Paricitaṭṭho	93	Paripūrakārīnaṁ	189
Pariccattajīvitānaṁ	190	Paripūraṭṭhena	219
Pariccattā	276	Paripūraṭṭho	88
Pariccāgaṭṭhe ñāṇaṁ	33	Paribhāveti	306
Pariccāgaṭṭhena vimutti	100, 262	Parimajjati	312
Pariccāgaṭṭho	88	Pariyatti	6
Pariccitā	255	Pariyantam karitvā	269
Parijānanaṭṭhena	296	Pariyantapārisuddhisīlam	187
Parijānanaṭṭho	96	Pariyantasikkhāpadānaṁ	188
Parijānanto	302	Pariyādānaṁ	39
Parijjhāyanā	143	Pariyādiyati	290-1
Pariññaṭṭhe	50	Pariyāyadukkham	133
Pariññātā	276	Pariyesanā	111
Pariññātā ceva	108	Pariyesanānānattam	276
Pariññāpaññā	33	Pariyogahati	298
Pariññāpaṭivedham	114	Pariyogāhaṇe ñāṇaṁ	43
Pariññāpaṭivedhaṭṭho	85	Pariyogāhaṇe paññā	48
Pariññāya tīraṇaṭṭho	92	Pariyodātena	307
Pariññeyyā	57	Pariyosānaṭṭhena	101
Pariṇāmeti	307	Parivāram	340
Pariṇāyikā	343	Parivāraṭṭhena	219

Padānukkamo	Piṭṭhaṅkā	Padānukkamo	Piṭṭhaṅkā
	[Pa]		[Pa]
Parivāraṭṭho	88	Passambhayam	281
Parivārāya	211	Pahātabbam	115
Parisuddhena	307	Pahānam	210
Pariḷahanānattam	276	Pahānaṭṭhe	50
Palāpo	143	Pahānaṭṭho	88
Palibodhaṭṭhiti	222	Pahānassa pariccāgaṭṭho	92
Palibodhaṭṭho	95	Pahānāya	155, 294
Palibodhasāsam	291	Pahāne paññā	33
Pallaṅkena	311	Pahitatta...	40
Pavattam	87, 242, 278, 290	Pahīnattā	251
Pavattaṭṭhiti	221	Pahīnā	276
Pavattapariyādāne	38	Palāso	292
Pavattasantatādhipateyya- parivāram	340	Pākāro	309
Pavicayaṭṭho	90	Pāṇātipātam saṁvaraṭṭhena sīlam	203
Pavicayo	342	Pāṇātipāto	203
Pasamsā	106	Pāṇo	203
Pasādacakkhu	73	Pātimokkhasaṁvaro	202
Pasādavasena	48	Pātubhāvo	139
Pasādo āyatanam	224	Pādaṭṭho	95
Pasīdanaṭṭho	93	Pādo	91
Passati	226, 275	Pāpakānam	155, 294
Passato	302	Pāmojjam	96
Passaddhakāyo	275	Pāmojjavatthukāni	200
Passaddhi	90	Pāmojjāya	210
Passaddhiyā	211	Pāripūriyā	155, 211
Passaddhivatthukāni	200	Pārisuddhipadhāniyaṅgam	119
Passanaṭṭho	93	Pāliccam	140
Passane paññā	28	Pitā	145
Passambhati	274	Pittam	77

Padānukkamo	Piṭṭhaṅkā	Padānukkamo	Piṭṭhaṅkā
[Pa]		[Pa]	
Piyavippayogo	137	Purekatassa	224
Pisuṇā vācā	205	Purebhattaṃ	123
Pihakaṃ	76	Puḷavakaṃ	219
Pīti	90, 274	Peyyavajjaṃ	271
Pītipaṭisaṃvedī	281	Ponobhavikā	146
Pītipharaṇatā	117	[Pha]	
Pītimaṇassa	274	Pharaṇaṭṭho	90
Pītiyā	211	Pharaṇā pīti	169
Pītiyā ca virāgā	172	Pharusā vācā	205
Pītivatthukāni	200	Phalānaṃ sacchikiriyaṭṭho	91
Pītisukhaṃ	169, 172	Phale ñāṇaṃ	27
Pītisukhasahagatā	130	Phassanaṭṭhe ñāṇaṃ	33
Pīḷanaṭṭhā	302	Phassanaṭṭho	92, 96
Pīḷanaṭṭho	95	Phassanānattaṃ paṭicca	275
Puññatejo	293	Phassitā	129, 276
Puthujjanakalyāṇakānaṃ	188	Phasso	84, 100, 101
Puthujjanassa	245	Phuṭṭhattā paññā	43
Puthujjano	245	Phuṭṭhassa	143
Puthunānattatejapariyādāne	40	Phuṭṭho	224
Pubbaṇhasamayaṃ	123	Phusati	298
Pubbayogo	6, 7	Phusanaṭṭhena	296
Pubbe ca katapuññatā	272	Phussa phussa vayaṃ passati	278
Pubbenivāsaṃ	323	[Ba]	
Pubbenivāsānussati	49	Bahiddhā	24, 31, 228
Pubbenivāsānussatiñāṇaṃ	49	Bahudhā	307
Pubbeva	177	Bahulīkammaṭṭho	94
Pubbo	77	Bāhusaccaṃ	7
Purimakammabhavasmim	223-4	Bujjhati	118
Purimepi yāme	123	Bujjhanaṭṭho	94
Purisindriyaṃ	80		

Padānukkamo	Piṭṭhaṅkā
[Ba]	
Buddhacakkhu	73
Buddhānussati	214, 280
Bojjhaṅgā	118
Boṭṭhabbā	74
Byañjananiruttābhilāpā	277
Byādhi	87
Byāpādo	206
Brahmakāyikā	104
Brahmalokaṃ	270
[Bha]	
Bhaginī	145
Bhaṅgañca anupassati	241
Bhaṅgānupassane	19
Bhayaṃ	88, 243
Bhayaṭṭhena	229
Bhayatupaṭṭhāne	20
Bhavagāmikammā	293
Bhavataṅhā	109, 146
Bhavapaccayā	322
Bhavarāgānusayā	257
Bhavāsavo	279
Bhavo	84
Bhātā	145
Bhāvanaṭṭhe	50
Bhāvanaṭṭho	94
Bhāvanā	120, 259
Bhāvanāpaññā	33
Bhāvanāya	155, 211, 295
Bhāvitā	276

Padānukkamo	Piṭṭhaṅkā
[Bha]	
Bhāveti	122, 305
Bhāvetabbā	57
Bhikkhu	123
Bhiyyobhāvāya	155, 295
Bhujissāni	200
Bhūtaṃ	113
Bhūmaṭṭho	93
Bhūmi	31, 158
Bhūmiyo	268
Bhūrī	343
Bhedo	141
Bhogabyasanam	143
Bhonto	337
[Ma]	
Maṃsaṃ	76
Maṃsacakkhu	73
Makkho	292
Maggakkhaṇe jātā	341
Maggasetam phalam	260
Maggā	270
Maggāmaggañāṇadassana- visuddhi	119
Magge ñāṇam	25
Maccu maraṇam	141
Macchariyam	112, 293
Majjhanhikasamayam	123
Majjhā	122
Majjho	217
Matthalungam	78
Mado	293

Padānukkamo	Piṭṭhaṅkā	Padānukkamo	Piṭṭhaṅkā
[Ma]		[Ma]	
Manasikāro	100	Micchāvāyāmo	111
Manindriyaṁ	80	Micchāvimutti	112, 300
Manussā	104	Micchāsaṅkappā vuṭṭhāti	256
Mano	74, 263	Micchāsaṅkappo	111
Manodhātu	79	Micchāsamādhi	111
Manoviññāṇaṁ	75	Mittasampatti	7
Manoviññāṇadhātu	79	Mittā	145
Manosamphasso	75	Muccanaṭṭho	93
Maraṇaṁ	84, 87	Muñcitukamyatā	22
Maraṇassati	280	Muttaṁ	78
Mahaggataṁ	315	Muttaṭṭhena	99
Mahākaruṇāsamāpattiyā	54	Muditā	83
Mahāsammato	331	Muduma	306
Mahāsāvaka	323	Musā	205
Mātā	145	Mūlaṭṭhena	100
Mānā	257	Mūlaṭṭho	95
Māno	266, 293	Mūlato	208
Māyā	293	Mettācetovimutti	83
Micchattā	111	Medo	77
Micchā-ājīvaṁ pahāya	155	Medhā	343
Micchā-ājīvo	111	Moho	266, 292
Micchākammanto	111	Moho avijjā	223
Micchācāro	204		
Micchāñāṇaṁ	112, 300	[Ya]	
Micchādiṭṭhi	111, 207	Yaṁ kiñci	227
Micchādiṭṭhikammasamādānā	338	Yaṁ dūre santike	228
Micchādiṭṭhikā	338	Yaṁ yaṁ viditaṁ	298
Micchādiṭṭhipaccayā	298	Yakanāṁ	76
Micchādiṭṭhivūpasamapaccayā	299	Yatthicchakam	285
Micchāvācā	111	Yathākammūpage	337

Padānukkamo	Piṭṭhaṅkā
-------------	-----------

[Ya]

Yathā divā tathā rattim	335
Yathābhūtaṃ pajānāti	275
Yathābhūtañāṇadassanaṃ	97
Yathā rattim tathā divā	335
Yathābhūtañāṇadassana- vatthukāni	201
Yadicchakaṃ	285
Yadidaṃ	317
Yamakapāṭihīre	54
Yampicchaṃ na labhati	138
Yaso	106, 199
Ya'ssa	144
Yānikataṭṭho	93
Yāyaṃ taṇhā	146
Yāvaticchakaṃ	285
Yuganaddhaṭṭho	88
Yuganaddhā vattare	258
Ye dūre	314
Yo tatha	212
Yo tassāyeva taṇhāya	147

[Ra]

Rasā	74
Rāgaṃ	124, 240
Rāgasampayuttāni	267
Rāgassa javanattāya	266
Rāgassa javanā	266
Rāgo	112, 266, 292
Ruppanaṭṭhena	102
Rūpaṃ	75, 84, 102, 227

Padānukkamo	Piṭṭhaṅkā
-------------	-----------

[Ra]

Rūpaṃ passanto bhāveti	125
Rūpadhātu	82
Rūparāgā	257
Rūpasaññaṃ	123
Rūpasaññā	75
Rūpasamudayo	235
Rūpasahagatā	131
Rūpā	74
Rūpāvacaṛā	120, 269
Rūpāvacarō	217
Rūpupādānakkhandho	146
Rogabyasanaṃ	143
Rodha	51

[La]

Lasikā	78
Lahusaññañca	47, 307
Lābhanānattaṃ	276
Lābhapariyantam	199
Lābhahetu	199
Lābhim	129
Lābho	106
Lālappanā	143
Lālappitattam	143
Lālappo	143
Lokadhammā	106
Lokāmisam	254
Lokiyā	120
Lokiyo	213

Padānukkamo	Piṭṭhaṅkā	Padānukkamo	Piṭṭhaṅkā
	[La]		[Va]
Lokuttarā	120, 341	Vikkhittham	315
Lokuttaro	213	Vikkhittakam	219
Loke	163	Vikkhepagatassa	267
Loko	339	Vikkhepo	292
Lomā	76	Viggaho	112
Lohitaṁ	77	Vicayo	342
Lohitakam	219	Vicāro	75, 92, 168
	[Va]	Vicikicchā	260, 266
Vakkam	76	Vicchiddakam	218
Vacīsankhārā	283	Vijānanattho	92, 265
Vatthukataṭṭho	93	Vijānanatthāya	265
Vatthuṭṭho	93	Vijānanto	303
Vatthunānatte	31	Vijjā	126
Vayadhammaṁ	233	Viññāṇam	75, 84, 102
Vayalakkhaṇavipassanā	241	Viññāṇakasiṇam	75, 120
Vayānupassanā	97	Viññāṇacariyā	264, 266
Vayo	234	Viññāṇañcāyatanam	83
Vayokhandhe	123	Viññāṇaṭṭhitiyo	103
Valittacatā	140	Viññāṇapaccayā	321
Vavatthānaññāṇam	153	Viññāte carati	266
Vavatthāne	18, 344	Viññuppasatthāni	200
Vasā	78	Vitakkapaccayā	300
Vasibhāvata	38, 50	Vitakkavicārānaṁ vūpasamā	171
Vācā	143	Vitakkavipphāravasena	47
Vādo	205	Vitakkavūpasamapaccayā	300
Vāyamati	155	Vitakkasahagatā	130
Vāyo	75	Vitakko	75, 91, 168
Vikkhambhanappahānaṁ	114	Viditaṭṭhena	251
Vikkhāyitakam	219	Viditattā	43
		Vinipātikā	104

Padānukkamo	Piṭṭhaṅkā	Padānukkamo	Piṭṭhaṅkā
[Va]		[Va]	
Vinipāto	339	Vimuttiraso	125
Vinibandhanaṃ	292	Vimokkhacariyaṃ	259
Vinibandhassa	267	Vimokkhavivaṭṭe ñāṇaṃ	46
Vinīlakam	218	Vimokkhā	128
Vineyya	163	Vimocayaṃ	281
Vipariṇāmaṭṭho	95	Vimokkho	99, 262, 292
Vipariṇāmadhammaṃ	263	Virajjati	275
Vipariṇāmalakkhaṇaṃ	236	Virati	208
Vipariṇāmanupassanā	97	Virāgacariyaṭṭho	95
Vipariṇāmanupassane	19	Virāgaṭṭho	95
Vipassati	246	Virāgadhammaṃ	233
Vipassanā	19, 116, 241, 343	Virāgānupassanā	86
Vipassanābalaṃ	283	Virāgānupassī	281
Vipassanāsu	241	Virāgāya	201
Vippalāpo	143	Virāgūpasamhitā	130
Vipākam	273	Virocanaṭṭho	94
Vipākamanodhātu	265	Virocane	344
Vipphāratā	48	Vivaṭṭakappe	333
Vipubbakaṃ	218	Vivaṭṭaṭṭhāyī	331
Vibhajati	227	Vivaṭṭanaṭṭho	93
Vibhavataṇhā	146	Vivaṭṭanānupassanā	97
Vimalaṭṭho	94	Vivaṭṭo	331
Vimuccati	275	Vivarati	227
Vimuttaṃ	316	Vivādo	112
Vimuttaṭṭhena	220, 262	Vivicca akusalehi dhammehi	167
Vimuttaṭṭho	88, 95	Vivicceva kāmehi	166
Vimuttāyatanāni	63	Vivekacariyaṭṭho	94
Vimutti	27, 101, 119, 126, 262	Vivekajaṃ	169
Vimutticariyaṭṭho	95	Vivekaṭṭho	94, 95
Vimuttiñāṇaṃ	27	Visaññuttaṃ	255

Padānukkamo	Piṭṭhaṅkā	Padānukkamo	Piṭṭhaṅkā
[Va]		[Va]	
Visamaṁ nappaṭipajjati	220	Vīriyindriyaṁ	81
Visamaṁ nādiyati	220	Vīsatiyā	226
Visamaṁ nesati	220	Vuṭṭhahitvā	262
Visayakkhettaṁ	326	Vuṭṭhānakusalatā	215
Visujjhati	297	Vuṭṭhānaṭṭho	88, 92
Visuddhaṁ	297	Vuṭṭhānavivaṭṭane	24-5
Visuddhānaṁ	89	Vedanā	75, 84
Visuddhāya	314	Vedanāto	207
Visuddhena	336	Vedanānānattaṁ	275
Visesabhāgiyā	57	Vedanāpaccayā	322
Visesādhigamaṭṭho	89	Vedayitaṁ	74
Viharati	162, 170	Vedayitaṁ vedanā	224
Vihāranānatte	34	Vedhati	283
Vihāraṭṭhe	34, 278	Vepullāya	155, 295
Vihārasamāpattaṭṭhe	278	Vebhabyā	343
Vihārasamāpattaṭṭhena	251	Vehapphalā	105
Vihārasamāpattinānatte	34	Vodānaṭṭho	90
Vihārādhigamo	35	Vosaggacariyaṭṭho	95
Vihāro	34	Vosaggaṭṭho	95
Vītadosaṁ	315	Vosagge paññā	46, 302
Vītamohaṁ	315	Vosajjati	302
Vītarāgaṁ	315	Vosajjanto	303
Vītarāgassa	246, 253	[Sa]	
Vītikkamati	200	Saṁ	51
Vītikkamāya	201	Saṁkhittaṁ	315
Vīmaṁsaṭṭho	95	Saṁghapaṭimānaṁ	288
Vīriyaṁ ārabhati	155	Saṁghānussati	214, 280
Vīriyaṁ vāheti	125	Saṁvattakappe	326, 333
Vīriyaṭṭho	95	Saṁvattatṭhāyī	331
Vīriyārambhe	41		

Padānukkamo	Piṭṭhaṅkā	Padānukkamo	Piṭṭhaṅkā
[Sa]		[Sa]	
Samvattavivaṭṭakappe	333	Sacca	59
Samvaṭṭo	331	Saccaṭṭhena	296
Samvaraṭṭhena	262	Saccaṭṭho	96
Samvaraṭṭho	212	Saccavivaṭṭe ñāṇaṃ	46
Samvarapārisuddhi	212	Saccavivaṭṭo	303
Samvarasamodhānaṃ sīlaṃ	203	Saccānaṃ	91
Samvaritvā	16	Saccāni	58
Samvare paññā	14	Saccābhisamayaṭṭho	89
Samvaro sīlaṃ	202	Sacchikatā	129, 276
Samsaṭṭhā	341	Sacchikaroti	129
Sa-uttaraṃ	315	Sacchikātabbā	57
Sa-uddesaṃ	334	Sacchikiriyaṭṭhe	50
Sa-uddhaccā	267	Sacchikiriyaṭṭhena	296
Sakadāgāmiṭṭhalaṃ	99	Sacchikiriyaṭṭho	96
Sakadāgāmiṭṭhagga	99	Sacchikiriyaṭṭhapaññā	33
Sakkāyadiṭṭhi	260	Sañjāti	139
Saggo	339	Sañjānanaṭṭho	92
Saṅkappanānattaṃ	275	Sañjānanto	303
Saṅkhataṃ	113, 233	Sañcetanā	75
Saṅkhataṭṭho	92, 95	Saññā	75
Saṅkhārasīsaṃ	292	Saññānānattaṃ	275
Saṅkhārā	57, 75, 84	Saññābhavo	82
Saṅkhārānaṃ	38	Saññāmanasikārā	130
Saṅkhārupekkhaṃ	246	Saññāvivaṭṭe ñāṇaṃ	45
Saṅkhārupekkhāya	245	Saññāvivaṭṭo	303
Saṅkhārupekkhāsu	22, 251	Saññāvedayitanirodhaṃ	284
Saṅkhittena	138	Saññuttaṃ	255
Saṅkhipitvā	18	Saññogaṭṭhiti	222
Saṅgati	145	Saññogaṭṭho	95
Saṅgahavatthūni	271	Saññogaṭṭhinivesaṃ	124

Padānukkamo	Piṭṭhaṅkā	Padānukkamo	Piṭṭhaṅkā
[Sa]		[Sa]	
Saṅhasaṅghānaṁ	312	Santo	35
Sati	101, 130	Sandasseti	295
Satindriyaṁ	81	Sandassetuṁ	277
Satipaṭṭhānaṁ	91	Sapariyuṭṭhānehi	260
Satipaṭṭhānā	117, 261, 270	Sappabhāsaṁ	335
Satimā	163	Sappurisāvassayo	272
Satisambojjhaṅgo	90	Sabalāni	200
Sato	175	Sabbakāyapaṭisaṁvedī	281
Sattanikāye	139	Sabbakilese	125
Sattānaṁ	53	Sabbaññutaññānaṁ	54
Sattānusayā	111	Sabbadhammānaṁ	38, 42
Sattāvāsā	106	Sabbanimittānaṁ	248
Satthādānaṁ	112	Sabbanimittehi	256
Satthupakkosanaṁ	288	Sabbe dhammā	58
Sadiṭṭhi	267	Samam	291
Sadosaṁ	315	Samam ādiyati	220
Sadosā	267	Samam esati	220
Saddanimittaṁ	312	Samam paṭipajjati	220
Saddānaṁ	312	Samatṭho	94
Saddo	48	Samathabalaṁ	283
Saddhābalaṁ	89	Samathavasena	251
Saddhindriyaṁ	81	Samatho	116
Santaṭṭho	88	Samantacakkhu	73
Santāpaṭṭho	95	Samannāgataṁ	304
Santāpanaṭṭho	94	Samannāgatassa	143
Santike	314	Samannāgatā	337
Santiṭṭhati	130	Samannāgatattā	37
Santiṭṭhanaṭṭho	93	Samayavasena	228
Santiṭṭhanā	22, 251	Samasīsaṭṭhe ñāṇaṁ	38
Santipade	243	Samāgamo	145

Padānukkamo	Piṭṭhāṅkā	Padānukkamo	Piṭṭhāṅkā
[Sa]		[Sa]	
Samādahaṃ	281	Sambhavanti	317
Samādahane paññā	16	Sammappadhānaṃ	91
Samādānaṭṭho	89	Sammappadhānā	262, 270
Samādānavirati	208	Sammasanaññaṇaṃ	153
Samādhi	100, 116, 279	Sammasane ññaṇaṃ	18
Samādhi kusalatā	214	Sammā	38
Samādhi cariyāhi	284	Sammā-ājīvena	155
Samādhi jaṃ	172	Sammā-ājīvo	90, 149
Samādhi ndriyaṃ	81	Sammākammanto	90, 149
Samādhi yati	275	Sammāññaṇaṃ	300
Samādhi vatthukāni	200	Sammādiṭṭhi	149, 344
Samādhi ssa vasena	279	Sammādiṭṭhipaccayāpi	299
Samānattatā	272	Sammādiṭṭhiyā	90
Samānabhāgā	258	Sammā passati	213
Samānā	267	Sammāvācā	90, 149
Samāpajjati	278, 285	Sammāvāyāmo	90, 149
Samāpattaṭṭhe	278	Sammāvimutti	300
Samāpatti	34	Sammāsaṅkappo	90, 149
Samāpattikusalatā	214	Sammāsati	90, 149
Samāpattinānatte	34	Sammāsamādhi	90, 149
Samāpannassa	270	Sammā samucchindati	291
Samāhitam	316	Sammā samucchinnā honti	260
Samāhitena cittena	275	Sammāsambuddhānaṃ	198
Sampajaññaṃ	343	Samucchedaṭṭhena	262
Sampajānassa	38	Samucchedaṭṭhena khaye	
Sampajāno	163, 175, 290	ññaṇaṃ	100
Sampattavirati	208	Samucchedappahānaṃ	113, 115
Sampayuttā	341	Samucchedamaṇaṇaṃ	136
Sampasādanaṃ	171	Samucchedavirati	208
Samphappalāpo	205	Samucchede	38
		Samuṭṭhānaṭṭhena	100

Padānukkamo	Piṭṭhaṅkā	Padānukkamo	Piṭṭhaṅkā
[Sa]		[Sa]	
Samuṭṭhānaṭṭho	90	Sahagata	116
Samudayaṃ	124, 240	Sahagatā	341
Samudayaṭṭhiti	222	Sahajātaparivārā	341
Samudayanirodho	85	Sahajātā	341
Samudayo	262, 317	Saḷāyatanam	322
Samudāgatā	262	Saḷāyatanapaccayā	322
Samudāgate	28	Sākāram	334
Samudācaranti	130	Sāṭheyyam	293
Samo	221	Sātasahagatā	116
Samodahati	306	Sānusayā	267
Samodahane paññā	44	Sāmaññaphalāni	126, 274
Samodhānam	145	Sāmisam	88
Samodhānaṭṭho	93	Sāmisañca	254
Samosaraṇaṭṭhena	100	Sāyanhasamayaṃ	123
Samohaṃ	315	Sāraṭṭhena	101
Samohā	267	Sārambho	293
Sambodhāya	201	Sārādānābhinivesam	124
Sambujjanaṭṭho	94	Sālohitā	145
Sammutimaraṇam	136	Sāvakasādhāraṇāni	55
Sammohābhinivesam	124	Sāsavo	101
Sarāgam	315	Sikkhā	89
Sarāgā	267	Singhāṇikā	78
Sallakkhaṇā	342	Silabbataparāmāso	260
Sallakkhaṇe	344	Silabyasanam	143
Sallekhaṭṭhe ñāṇam	40, 294	Silamaye ñāṇam	15
Savanaṃ	6	Silavisuddhi	99
Savicikicchā	267	Silāni	187, 200
Savitakkasavicāro	213	Silānussati	214, 280
Sasambhāracakkhu	73	Sīsam	291
Sassatena	302	Sukkāni	266

Padānukkamo	Piṭṭhaṅkā
[Sa]	
Sukham	74, 88, 106
Sukham vedeti	275
Sukhapharaṇatā	117
Sukhavatthukāni	200
Sukhasaññaṅca	47, 307
Sukhindriyaṃ	80
Sukhudrayāni	266
Sukhumāṃ	228
Sukhumānaṃ	312
Sukho	221
Sugati	339
Sugate	337
Suññataṭṭho	88
Suññatānupassanā	97
Suññate	278, 282
Suññate paññā	46
Suññato	278
Suññato ca upaṭṭhānaṃ	241
Suññato vihāro	281
Suññato samādhi	218
Suṇāti	314
Suta	13
Sutamayaññaṇaṃ	153
Sutamaye ññaṇaṃ	13
Sutvāna	14
Suddhāvāsā	105
Subhakiṇhā	105
Suvaṇṇe	336
Suviditā	251
Suvimuttaṃ	261

Padānukkamo	Piṭṭhaṅkā
[Sa]	
Suvimuttaṭṭho	94
Susamāradhaṭṭho	93
Susamuggataṭṭho	94
Sekkhapariyante	189
Sekkhassa	246
Sekkhānaṃ	190
Sedo	77
Semhaṃ	77
Seyyathāpi	104
Seyyathidaṃ	146
So	306-7
Sokasallaṃ	143
Soko	87, 136, 143, 243
Socanā	143
Sotaṃ	74
Sota	12
Sotadhātuvisuddhiññaṇaṃ	48
Sotāpatti phalasamāpatti	99
Sotāpattimaggo	99
Sotāvadhānaṃ	56
Sotindriyaṃ	80
Somanassadomanassānaṃ	177
Somanassāya	211
Somanassindriyaṃ	80
Soḷasahi	38
[Ha]	
Hatavikkhittakaṃ	219
Hadayaṃ	76
Hānabhāgiyā	57

Padānukkamo	Piṭṭhaṅkā	Padānukkamo	Piṭṭhaṅkā
[Ha]		[Ha]	
Hito	221	Hetṭhato	269
Hīnaṃ vā paṇītaṃ vā	228	Hetu	223
Hīnā	122	Hetuṭṭhiti	222
Hīne	336	Hetuṭṭho	89, 90, 93, 96
Hīno	217	Hetuṭṭhena	262

Paṭisambhidāmaggaṭṭhakathāya paṭhamabhāge

Lakkhitabbānaṃ anukkamaṇikā

Padānukkamo	Piṭṭhāṅkā	Padānukkamo	Piṭṭhāṅkā
[A]		[A]	
Akusalakammappaṭṭhā dasa	272	Anubujjhanaṭṭho	94
Akusalakammappaṭṭha- vinicchaya	207	Anumatipucchā	56
Ajjhattikāni āyatanāni cha	103	Anulomañāṇaṃ	24
Atītaṃ catubbidhaṃ	227, 230	Anusayā satta	111
Attacariyā	271	Anussatiṭṭhānāni cha	118
Atta, attaniya	302	Anussatānuttariyaṃ	65, 67
Attavādupaḍānaṃ	103	Andhaputhujjana	189, 245
Attasammāpaṇidhi	272	Apariyantasikkhāpada	188
Atthapaṭisambhidā	2, 3	Apāya, duggatīnaṃ visesatā	339
Adiṭṭhajotanāpucchā	56	Appamaññāyo catasso	271
Adinnādānassa pañca sambhārā	204	Abyāpādo dhammapadaṃ	272
Adukkhamasukhā vedanā	102	Abhijjhāya dve sambhārā	206
Addhā (3)	227-8	Abhiññā cha	126-7
Adhimokkhaṭṭhena saddhindriyanti-ādāni tettiṃsa	99	Abhiññāñāṇaṃ kamo	46
Anattānupassanā	86	Abhiññāñāṇassa ārammaṇāni	339
Anabhijjhā dhammapadaṃ	272	Abhibhāyatanāni aṭṭha	68-69
Anāgataṃ catubbidhaṃ	227, 230	Abhisamayañāṇaṃ	153
Anāvaraṇaṇāṇaṃ	53, 55	Amataṃ padaṃ	259
Aniccādīnaṃ kāraṇāni	229, 250	Ayaso	106
Aniccānupassanā	86	Araṇavihāro	282
Aniccānupassanādayo satta	86	Āriyavaṃsā cattāro	271
Anuttariyāni cha	65	Ariyasaccāni cattāri	63, 183
Anupādiseso	290	Ariyūpavādatikicchā	337-8
Anupubbanirodhā nava	128	Arūpadhātu	62
Anupubbavīhārā nava	70-71		

Padānukkamo	Piṭṭhaṅkā
[A]	
Arūpasamāpattiyo	
catasso	271
Alābho	106
Avijjādīni dvādasa	84
Avijjāya koṭi na	
paññāyati	34
Avijjāya dve pariyāyā	109
Avijjāgho	110
Avīcijarā	140-1
Asaṅkhatā ca dhātu	62
Asaññasattā	107
Asallīnattapahitattapaggahaṭṭhā-	
naṃ visesatā	40-1
Asādhāraṇañāṇāni cha	52
Asekkhā dhammā dasa	128-129
[Ā]	
Ākāsañācā-	
yatanūpagā	103, 107
Ākiñcaññāyatanūpagā	104, 107
Ājīvapārisuddhisamvaro	15
Ānantariyasadisam kammaṃ	337-8
Āyatanāni dvādasa	107
Āradhaviṇṇasaka	238
Ārammaṇato	207, 209
Ārammaṇāni cattāri	271
Ārammaṇūpanijjhānaṃ	170, 258
Ālokā cattāro	343
Āvajjanādīni pañcadasa	92
Āsayānusaye ñāṇaṃ	53
Āhārā cattāro	102

Padānukkamo	Piṭṭhaṅkā
[I]	
Itthiyo vīsati	204
Iddhipādā cattāro	271
Iddhipādāni aṭṭha	91
Iddhividhassa anekavihita-	
bhāvo	307
Indriyaparopariyattañāṇaṃ	53
Indriyādīni dasa	90
Iriyāpathacakkam	272
Iriyāpathasamasīsī	39
[U]	
Upādānakkhandhā pañca	102-3
Upādānāni cattāri	103
Upekkhā dasavidhā	173, 175
Upattikkamo	30
Uppannaṃ catubbidham	158
Uppādādīni pañcadasa	86-87
Ubbegā pīti	169
[E]	
Ekaṭṭham duvidham	124, 255
Ekattakāyā	
ekattasaññino	103, 107
Ekattakāyā	
nānattasaññino	103, 107
Ekattādinaya	237
Ekattādīni dvācattālīsa	93
Ekekamaggassa tīṇi	
kiccāni	149-150

Padānukkamo	Piṭṭhaṅkā
[O]	
Okāsakatuppannaṁ	158
Okkantikā pīti	169
Oghā cattāro	110
Obhāsā cattāro	344
[Ka]	
Kathetukamyatāpucchā	56
Kappassa asaṅkhyeyyāni cattāri	326, 331
Kappassa vināsa, saṅṭhahanāni	326
Kabaḷikāro āhāro	102
Kamasabbaññū	54
Kamo pañcavidho	30
Kalyāṇaputhujjano	189, 245
Kasiṇāyatanāni dasa	119
Kāmetaṇhā	109
Kāmadhātu	62
Kāmadhātu-ādīni dvādasa	82
Kāmupādānaṁ	103
Kāmesu micchācārassa cattāro sambhārā	204
Kāmo duvidho	268
Kāmogho	110
Kāyānupassanā	165-6
Kāyānupassanā- satipaṭṭhānaṁ	161-3
Kāyānupassī	165
Kiriyāsaṅgaho	43
Kilesakāma	167, 268
Kilesappabheda	292-3

Padānukkamo	Piṭṭhaṅkā
[Ka]	
Kusalakammaphā dasa	173
Kusalakammaphavini- cchaya	208-9
Kusalākusalesu paṭṭhānanayo	299
Kesādīni dvattimsa	75-78
Koṭṭhāsato	207, 209
[Kha]	
Khaṇa (3)	227-8
Khaṇikā pīti	169
Khantisamvaro	14, 202
Khīṇāsavabalāni satta	127
Khuddikā pīti	169
[Ga]	
Gaṇanasaṅgaho	43
Gabbhokkantimūlakādibhedanā dukkhaṁ	133
Gotrabhūnaṁ ārammaṇāni	254
[Ca]	
Cakkaṁ pañcavidhaṁ	272
Cakkāni cattāri	272
Cakkhāyatanādīni dvādasa	78
Cakkhu duvidhaṁ	73
Cakkhudhātādīni aṭṭhārasa	79
Cakkhundriyādīni bāvīsati	80-1
Cittaṭṭhādīni pañcadasa	92
Cittaparidamanākārā cuddasa	306
Cittassa dukādīni	315

Padānukkamo	Piṭṭhāṅkā
[Ca]	
Cittassa nibbānaninnam	166
Cittānupassanā	166
Cittānupassanā satipaṭṭhānā	165
Cīvarasantoso	271
Cuti	320
[Cha]	
Chanda, rāgānaṃ viśesatā	112
Chando mūlaṭṭhenāti-ādīni nava	100
Chaḷaṅgupekkhā	173
[Ja]	
Jarā duvidhā	135
Jarāya pākaṭṭibhūtata	140
Jātiśaṅgaho	42
Jānāti-ādīnaṃ viśesatā	226
Jīvitasamaśīsī	39
[Jha]	
Jhānaṃ duvidham	170, 258
Jhānaṅgapaccanīkāni	168
Jhānāni cattāri	271
Jhānā parihāyanakāraṇāni	130
Jhānupekkhā	173-4
[Ña]	
Ñāṇaṃ (Micchā, sammā)	300
Ñāṇacakkhu	73
Ñāṇasaṃvaro	14, 202
Ñāṇassa lakkhaṇarasādīni	13

Padānukkamo	Piṭṭhāṅkā
[Ña]	
Ñāṇena saccavavatthānaṃ	238-9
Ñātapariññā	32
Ñātasabbaññū	54
Ñātibyasanaṃ	142
Ñātiśālohitānaṃ viśesatā	145
[Ta]	
Taṇhākāyā cha	110
Taṇhā tisso	109
Taṇhāmūlakā nava	111
Tatramajjhātupekkhā	173-4
Tathaṭṭhādīni dvādasa	96
Tīraṇapariññā	32
Tejapabheda	293-4
[Da]	
Dassanānuttariyaṃ	65
Dāna	271
Dārucakkaṃ	272
Diṭṭhasaṃsandanāpucchā	56
Diṭṭhibyasaṇaṃ	143
Diṭṭhupādānaṃ	103
Diṭṭhogho	110
Dibbacakkhu	73
Dibbasotaṃ pakatisota- vatoyeva	314
Dīghaṃ assāsavasena	281
Dukkhaṃ	106
Dukkhaṃ ariyasaccaṃ	63
Dukkhanirodhaṃ ariyasaccaṃ	63

Padānukkamo	Piṭṭhaṅkā
[Da]	
Dukkhanirodhagāminī paṭipadā ariyasaccaṁ	63
Dukkhasamudayaṁ ariyasaccaṁ	63
Dukkhasa ādimajjha- pariyosānaṁ	138
Dukkhasa pīḷanaṭṭhoti-ādīni soḷasa	95
Dukkhadīni aṭṭhasatāni	84
Dukkhaṇi anekāni	132
Dukkhanupassanā	86
Dukkha vedanā	102
Desanakkamo	30
Desanā catubbidhā	61
Dvādasaṅgehi vīsatakārā	225-6
[Dha]	
Dhammakkhandhā pañca	126
Dhammacakkaṁ	272
Dhammacakkhu	73
Dhammato	207, 209
Dhammapaṭisambhidā	2, 3
Dhammapadāni cattāri	272
Dhammā cha	110
Dhammādhiṭṭhānā dhammadesanā	61
Dhammādhiṭṭhānā puggaladesanā	61
Dhammānupassanā	166
Dhammānupassanā sati- paṭṭhānā	165-6
Dhammānupassī	166
Dhātuyo dve, tisso	62

Padānukkamo	Piṭṭhaṅkā
[Na]	
Nānattakāyā ekattasaññino	103
Nānattakāyā nānattasaññino	103, 107
Nānattasaññaṁ catucattālīsavidhaṁ	124
Nānattekatta	293
Nāmaṁ catubbidhaṁ	277
Nāmarūpanaṁ tathalakkhaṇādīni	192
Nijjaravatthūni dasa	71
Niddasavatthūni satta	68
Nindā	106
Nibbānadhātu duvidhā	190
Nibbidānupassanā	86
Nibbidānupassanāññāṇaṁ	21, 22
Niruttipaṭisambhidā, tāya saddārammaṇatā	2, 3 5
Nirodhasamāpatti	286
Nirodhānupassanā	86
Nīvaraṇāni pañca	110
Nekkhammādīnaṁ āni- saṁsaparamparā	209, 213
Nekkhammādīni satta	96
Neyyapathā pañca	54
Nevasaññānā- saññāyatanūpagā	107
[Pa]	
Pakati, kappavināsaka- sūriyānaṁ viresetā	327
Paccayapaṭisevanāsaṁvaro	14

Padānukkamo	Piṭṭhāṅkā
[Pa]	
Paccupaṭṭhānam	14
Paccuppannam catubbidham	227
Pajjotā cattāro	344
Paññākkhandho	126
Paññācakkhu pañcavidham	73
Paṭiccasamuppādassa lakkhaṇarasādīni	226
Paṭicchannajarā	140
Paṭinissaggānupassanā	86
Paṭipattikkamo	30
Paṭipadā catasso	271
Paṭibujjhanaṭṭho	94
Paṭibhānapaṭisambhidā	2, 3
Paṭisandhi	320
Paṭisandhikkhaṇe nāmarūpāni	321
Paṭisambhidapaccayā	7
Paṭisambhidā catasso	2, 271
dvīsu ṭhānesu pabhedaṃ gacchanti	6
pañcahi ākārehi	
visadā honti	6
Paṭisambhidānam desanakkamo	33
Paṭisambhidāpatto	5
Paṭisambhidāmaggaṭṭā	2
Paṭhamajjhānādīni dvādasa	82
Patāpanaṭṭhādīni aṭṭhārasa	94
Patirūpadesavāso	272
Pathavīkasiṇādīni dasa	75
Pathavīdhātādīni cha	75
Padaṭṭhānam	14

Padānukkamo	Piṭṭhāṅkā
[Pa]	
Padeso nānāvidho	44
Pariggahaṭṭhāni ekatimsa	88
Pariññā tisso	32
Pariyantā dve	188
Pasāmsā	106
Pasādacakkhu	73
Pahānakkamo	30
Pahānapariññā	32
Pahānāni pañca	113, 115
Pahānekaṭṭham	124, 255
Pākaṭajarā	140-1
Pāṇātipātassa pañca sambhārā	204
Pātimokkhasaṃvaro	14, 202
Pāmojjādīnam paramparakāraṇāni	274
Pāricariyānuttariyam	65, 67
Pārisuddhipadhāniyaṅgāni nava	119
Pārisuddhupekkhā	173-4
Piṭṭakāni tīṇi	8
Piṇḍapātasantoso	271
Pisuṇavācāya cattāro sambhārā	205
Pīti pañcavidhā	169
Pītisukhānam visesatā	170
Puggalādhiṭṭhānā dhammadesanā	61
Puggalādhiṭṭhānā puggaladesanā	61
Pucchā pañcavidhā	56
Puthujjanā dve	189, 245
Pubbakiccaṃ catubbidham	287-9

Padānukkamo	Piṭṭhaṅkā
[Pa]	
Pubbe ca katapuññatā	272
Pubbenivāsaṁ cha janā anussaranti	323
Peyyavajja	271
[Pha]	
Pharaṇā pīti	169
Pharusā vācāya tayo sambhārā	206
Phalakkhaṇe vīriyassa sammappadhānāti vattabbatā	262
Phalañāṇassa eka, dvi, bahukkhattum	260
Phalasaṁpajjanakkamo	247
Phassāhāro	102
[Ba]	
Bala, cariyānaṁ nānattaṁ	284
Bujjhaṇaṭṭhānādīni cattāri	94
Bujjhaṇaṭṭho	94
Buddhakhettaṁ	326
Buddhacakkhu	73
Bojjhaṅgupekkhā	173
Byasaṇāni pañca	142
Byāpādassa dve sambhārā	206
Brahmavihārupekkhā	173
[Bha]	
Bhaṅgānupassanāñāṇassa ānisamsā aṭṭha	242
Bhavataṇhā	109
Bhavogho	110

Padānukkamo	Piṭṭhaṅkā
[Bha]	
Bhāvanā dve	120
Bhāvanārāmatā	271
Bhūtāpagatuppanna	158
Bhūmikkamo	30
Bhūmiladdhuppanna	158, 160
Bhogabyasaṇaṁ	143
[Ma]	
Māmsacakkhu duvidhaṁ	73
Maggakiccāni cattāri	114, 152, 297
Maggaṅgānaṁ kamo	150-1
Maggaṅgāni aṭṭha	181
Maggaṅgāni tīhi khandhehi saṅgahitāni	186
Mata, samāpannapuggalānaṁ visesatā	289, 290
Manosañcetanāhāro	102
Maraṇaṁ duvidhaṁ	135
Mahākaruṇāsamāpattiyā ñāṇaṁ	54
Mahānikāyā pañca	8
Mahāvīpassanā aṭṭhārasa	96
Mahāsāvajjataradhamma	338
Māgadhikāya bhāsantā puggalā	5
Māgadhikā mūlabhāsā	5
Mātāpitādiviggaha	145
Micchattā aṭṭha	111
Micchādiṭṭhiyā dve sambhārā	207
Musāvādassa cattāro sambhārā	205
Mūlato	208

Padānukkamo	Piṭṭhāṅkā	Padānukkamo	Piṭṭhāṅkā
[Ya]		[Va]	
Yamakapāṭihīraṃ	54	Vasiyo pañca	284-6
Yaso	106	Vicikicchā, sīlabbata-	
Yuganaddhā		parāmāsānaṃ visesatā	260
samathavipassanā	18, 258	Vijjā tisso	126
[Ra]		Viññāṇaṅcāyatanūpagā	103, 107
Ratanacakkaṃ	272	Viññāṇaṭṭhitiyo satta	103
Raso	14	Viññāṇāhāro	102
Rūpadhātu	62	Viññāṇupādānakkhandho	103
Rūpā, rūpakkhandhesu		Vitakkavicārānaṃ	
vipariṇāmassa visesatā	236	visesatā	168-9
Rūpupādānakkhandho	103	Vitakkassa	
Rogabyasanaṃ	143	lakkhaṇarasādīni	47, 48
Rogasamasī	39	Vitakkādīni pañca	91
[La]		Vipassanā tividhā	287
Lakkhaṇaṃ	14	Vipassanāyeva	
Lakkhaṇattika	131	vihāritukāmatā	248, 252
Lakkhaṇādīni cattāri	14	Vipassanupekkhā	173-4
Lakkhaṇūpanijjhānaṃ	170, 258	Vibhavataṇhā	109
Lābhānuttariyaṃ	65-	Vimaticchedanāpucchā	56
Lābho	106	Vimuttāyatanāni pañca	63-4
Lokadhammā aṭṭha	106	Vimuttikkhandho	126
Lokikaṃ ṇāṇaṃ duvidhaṃ	342	Vimuttiñāṇadassanakkhandho	126
Lokiya, lokuttarānaṃ		Vimokkhā aṭṭha	128
jhānatā	258	Vimokkhānaṃ nānattekattaṃ	259
[Va]		Virati tividhā	208
Vattamānuppanna	158	Virāgānupassanā	86
Vatthukāmo	167, 268	Visesādhigamānaṃ	
Vayā tayo	123	pubbanimittāni	191
Vavatthānañāṇaṃ	153	Vīriyaṃvarō	14, 202
		Vīriyassa lakkhaṇarasādīni	41
		Vīriyupekkhā	173-4
		Vedanā tisso	102

Padānukkamo Piṭṭhaṅkā

[Va]

Vedanāto	207-
Vedanānupassanā	166
Vedanānupassanā patipaṭṭhānā	164
Vedanupādānakkhandho	103
Vedanupekkhā	173-

[Sa]

Saṃvaraṭṭhenāti-ādīni aṭṭha	99
Saṃvaro pañcavidho	14, 202
Saṃsāracakka	197
Sa-upādiseso	291
Sakimsabbaññū	54
Saṅkhatā ca dhātu	62
Saṅkhārā (kāya, vacī, citta)	283-4
Saṅkhārā nānāvidhā	57, 317-
Saṅkhārupādānakkhandho	103
Saṅkhārupekkhā	173-4
Saṅkhārupekkhā pannarasa	252
Saṅgahavatthūni cattāri	271
Saṅgaho catubbidho	32
Saccañāṇaṃ duvidhaṃ	342
Saccānaṃ kamo	50, 183-4
Sacchikātabba	129
Saccesu ñāṇaṃ catubbidhaṃ	153
Sañjātisaṅgaho	43
Saññāya lakkhaṇarasādīni	45
Saññupādānakkhandho	103
Satatasabbaññū	54
Satipaṭṭhānā	261
Satipaṭṭhānā cattāro	117, 270

Padānukkamo Piṭṭhaṅkā

[Sa]

Satisaṃvaro	14, 202
Satisambojjhaṅgādīni satta	89
Sattāvāsā nava	106-7
Sattisabbaññū	54
Saddhābalādīni pañca	89
Saddhindriyādīni pañca	89
Santati (3)	227-8
Sappurisāvassayo	272
Sabbaññutaññāṇaṃ	54
Sabbaññū pañcavidho	54
Sabbepi ariyā attano attano phalaṃ samāpajjanti	247
Samatha, vipassanā	116
Samathavipassanānaṃ yuganaddhā	258
Samatha, vipassanābalānaṃ visesatā	283
Samathādīni cattāri	89
Samantacakkhu	73
Samaya (3)	228
Sama, sīsaṃ	291-2
Samasīsī	291-2
Samasīsī tividho	39
Samādānavirati	208
Samādhikkhandho	126
Samādhi tayo	116-7
Samādhippabheda	213, 219
Samādhissa pariyāyā	219, 221
Samādhissa pañca aṅgāni	117
Samādhissa lakkhaṇarasādīni	16

Padānukkamo	Piṭṭhaṅkā
[Sa]	
Samānattatā	271
Samucchedavirati	208
Sampattavirati	208
Sampatticakkam	272
Samphappalāpassa dve sambhārā	206
Sambujjhanatṭho	94
Sammappadhānā	261
Sammappadhānā cattāro	155, 270
Sammasanaññaṇaṃ	153
Sammasanappabheda	229, 230
Sammā-ājīva	182
Sammākammanta	182
Sammādiṭṭhādīni aṭṭha	90
Sammādiṭṭhi	181
Sammāvācā	181
Sammāvāyāma	182
Sammāsaṅkappa	181
Sammāsati	182
Sammāsati dhammapadaṃ	272
Sammāsamādhi	182
Sammāsamādhi dhammapadaṃ	272
Savanānuttariyaṃ	65-66
Savīcījarā	140
Sasambhāracakkhu	73

Padānukkamo	Piṭṭhaṅkā
[Sa]	
Sahajekatṭham	124, 255
Sāmaññaphalāni cattāri	126
Sāsanassa aṅgāni nava	8
Sikkhādīni nava	89
Sikkhānuttariyaṃ	65-66
Sīlakkhandho	126
Sīlabbatupādānaṃ	103
Sīlabyasaṇaṃ	143
Sīlassa khaṇḍatādi	200
Sīlassa lakkhaṇarasādīni	15-16
Sukhaṃ	106
Sukhā vedanā	102
Sugati, saggānaṃ visesatā	339
Sutamayaññaṇaṃ	153
Senāsanasantoso	271
Sotāpattimaggādīni aṭṭha	99
Sotāpattiyaṅgāni cattāri	10
[Ha]	
Hadayaalohitassa nānāvaṇṇatā	314-5
Hānabhāgiyacatukka	131
Heṭṭhimā uparimānaṃ	
cittaṃ na jānanti	316
Hetu, paccayānaṃ visesatā	222

Paṭisambhidāmaggaṭṭhakathāya paṭhamabhāge

Nāmānaṃ anukkamaṇikā

Nāmānukkamo	Piṭṭhaṅkā	Nāmānukkamo	Piṭṭhaṅkā
[A - Ā]		[Ja - Da]	
Akaniṭṭha	217, 271	Jambudīpa	198
Anāgāmī	99, 251, 257, 283, 284, 286	Dīpaṅkara (Buddha)	191
Appamāṇābhā	217	Devadatta	139
Appamāṇasubhā	217	[Dha - Na]	
Arahattamagga	99, 257, 284	Dhammaguttā	104
Arahattaphala	99, 301	Nandopananda (nāgarāja)	285
Arahanta	283	Nevasaññānāsaññāyatana	83, 128, 289, 300-1
Avihā	217	[Pa]	
Asaññasatta	105, 217	Paranimmita	232
Asokamahārāja	198	Parittābhā	105, 217
Ākāsānañcāyatana	83, 128	Parittasubhā	217
Ākiñcaññāyatana	83, 128, 289	Piyaṅkaramātā	104
Ātappa	217	Punabbasumātā	104
Ānandatthera	6, 8, 132, 185, 191, 210	[Pha - Ba - Ma]	
Ābhassarā	105, 217	Phusī	192
[Ka - Kha - Ga]		Phussamittā	104
Kosala (rājā)	198	Bārāṇasī	70
Khujjuttarā	6	Bimbisāra	198
Gavaṃpati	192	Brahmapurohita	104, 217
Gotama (Buddha)	192	Brahmapārisajja	217
[Ca - Ja - Da]		Mahākaccāyana	6
Cātumahārājika	142	Mahākassapa	6
Cunda	195	Mahākoṭṭhika	6

Nāmānukkamo	Piṭṭhaṅkā	Nāmānukkamo	Piṭṭhaṅkā
[Ma]		[Sa]	
Mahābrahmā	104, 217	Sakadāgāmi	99, 247, 251, 253, 257
Mahāmoggallāna	6, 285	Sakka (devarājā)	196
Māra	195	Sāriputta	1, 6, 8, 118
[Va]		Sudassa	217
Vasavattī	232	Sudassī	217
Viññāṇaṅcāyatana	83, 128	Subhakiṇha	105, 217
Visākha	43, 186, 283	Subhadda	10
Vehapphala	105, 217	Sotāpatti	99, 294, 299
		Sotāpanna	246-7, 251, 257

Paṭisambhidāmaggaṭṭhakathāya paṭhamabhāge

Nānāpāṭhā

Paṭhamo mūlapāṭho, Sī = Sīhaḷapotthakaṃ, Syā = Syāmapotthakaṃ,
Kaṃ = Kambojapotthakaṃ, I = Iṅgalisapotthakaṃ, Ka = kesuci
Marammapotthakesu dissamānapāṭho, Ka-Sī = kesuci Sīhaḷapotthakesu
dissamānapāṭho, Ṭṭha = Aṭṭhakathā.

Paṭisambhidāmaggaṭṭhakathāya paṭhamabhāge

Nānāpāṭhā

Piṭṭhāṅkā

[A]

Ajjhosannā = Ajjhoppānā (Ka)	245
Aññāṇasseva cariyā = Aññāṇameva cariyā (Ka)	267
Attanopi = Tam attanopi (Visuddhi 2. 245 piṭṭhe)	229
Attābhinivesaṃ = Abhinivesaṃ (Gaṇṭhipade)	249
Adhiṭṭhānā = Adhiṭṭhānacittena (Visuddhi 2. 18 piṭṭhe), Adhiṭṭhānāya (Syā, Ka)	309
Anupapatti = Anuppatti (Sī, Syā)	148
Ante = Tadanantaraṃ (Sī)	50
Apanītaṃpi = Apanītaṃ (sabbattha)	176
Apalokanakammādīsu = Ñattikammādīsu (Visuddhi 2. 349 piṭṭhe)	288
Apunappavattivasena = Apunappunappattivasena (Sī), Apunappunappattivasena (Syā)	234
Appeti = Apoti (Sī), Āpoti (Syā)	75
Abhibhūyamānāni = Abhibhūyamānāni (Sī)	68
Ariyaphaleva = Ariyaphaleneva (Syā, Ka, Visuddhi 2. 73 piṭṭhe ca)	7
Arūpasattakādivasena = Rūpasattakādivasena (Visuddhi 2. 336 piṭṭhe)	98
Avikkhipamānā = Avikkhipamānā (Sī, Syā)	16
Avitathāni = Tathāni avitathāni (Visuddhi 2. 126 piṭṭhe)	58
Asanivicakkābhihatassa = Asanivissatābhihatassa (Gaṇṭhipade), Visuddhi 2. 337 piṭṭhe pana passitabbaṃ.	115

Nānāpāṭhā

Piṭṭhānkā

[A]

Asīti khandhakavattāni = Dvāsīti khuddakavattāni (Abhi-Ṭṭha 2. 283;
Am-Ṭṭha 1. 23 piṭṭhesu), Vi 4. 239 piṭṭhe
pana passitabbarā. 156

[Ā]

Āyavanti = Āsavanti (Sī) Pāḷiyampi āsavantveva dissati. 301
Āyāvantipi = Āsāvanti (Sī) 301
Āsīsītāpi = Āsīsātapi (Sī) 111

[U - E - O]

Uddhaccathīnaṃ = Uddhaccamiddhaṃ (Visuddhi 1. 147 piṭṭhe) 215
Uparimaggavajjhe = Uparimaggattayavajjhe (Visuddhi 2. 316 piṭṭhe) 28
Upādiṇṇappavatti nāma = Upādiṇṇakarūpaṃ nāma (Abhi-Ṭṭha 1. 348
piṭṭhe.) 74
Ekapatthapūrappamāṇaṃ = Ekapattapūrappamāṇaṃ (Sī, Syā) 77
Ekavavatthanāti = Ekavavatthānāti (Sī, Syā) 241
Ekavidhavisaya... = Ekavīthivisaya...(Visuddhi 2. 104 piṭṭhe) 230
Okkanditvā = Okkantitvā (Sī) 270
Oḷārikasukhumabhāvo = Oḷārikasukhumabhedo
(Visuddhi 2. 104 piṭṭhe) 230

[Ka]

Katvā = Akatvā (Abhi-Ṭṭha 2. 109 piṭṭhe) 151
Karaṇabhūtāhi = Kāraṇabhūtāhi (Sī, Syā, Ka)
Abhi-Ṭṭha 2. 72; Visuddhi 2. 116 piṭṭhe
pana passitabbarā. 79
Kālantarajā = Kālānantarajā (Sī) 268
Kusalena = Sukusalena (Visuddhi 2. 349 piṭṭhe) 289

[Kha - Ga - Gha]

Khārāpatacchikādi... = Khārāpaṭicchakādi... (Syā, Ka) 133
Gantabbābhāvato = Gantabbabhāvato (Sī, Syā),
Gandhabbabhāvato (Gaṇṭhipade) 115
Gahitapaggahaṭṭha... = Gahitapariggahaṭṭha... (sabbattha) 220
Ghaṭanti = Ghaṭenti (Sī) 78
Ghaṇḍisaddo = Gaṇḍisaddo (Sī) 313

Nānāpāṭhā

Piṭṭhāṅkā

[Ca - Cha - Ja]

Catunnaṃ = Tiṇṇaṃ (Sī)	195
Chinnaṇaṭṭamanupassane = Chinnamanupassane (Syā)	
Chinnaṇaṭṭamanupassane (Sī)	27
Jātivirahe yadato = Jātivirahena yato	
(Visuddhi 2. 132 piṭṭhe)	135
Jinattajesu = Jinatrajesu (Sī)	1
Jīvikāṃ = Jīvitāṃ (Syā)	155

[Ta]

Taṃyeva ñāṇaṃ = Taṃyeva dhammaṃ (Sī, Ka)	13
Tadabhimukhībhūtattā = Tadabhimukhabhūtattā (Sī),	
Tadabhimukhattā (Syā)	51
Tassa hi = Tassa hi paccavekkhaṇassa (Visuddhi 2. 316 piṭṭhe)	28
Tasseva = Tassa (Syā, Ka, Abhi-Ṭṭha 2. 138 piṭṭhe ca)	317
Tividhānaṃ ayaṃ = Tividhānaṃ sayāṃ (Syā), Tividhānampi yaṃ	
(Abhi-Ṭṭha 2. 141 piṭṭhe)	319
Tebhūmakadhammānaṃ = Tebhūmikadhammānaṃ (Sī, Syā)	38

[Da]

Diṭṭhimaṇḍale = Diṭṭhamaṇḍale (Syā, Ka)	73
Dukkhaṃ dukkhaṅca = Dukkhaṅca (Sī, Visuddhi 2. 134 piṭṭhe ca)	137
Dussilyamalaṃ = Dussīlamalaṃ (Syā)	119
Dūre = Dūre vā (Sī, Syā)	19
Dvāsaṭṭhibhedato = Tesāṭṭhibhedato (sabbattha)	255
Dvāsaṭṭhiyā = Tesāṭṭhiyā (Syā, Ka)	256

[Na]

Namayanti = Damayanti (Syā, Ka)	40
Naro = Sāmaṃ (Gaṇṭhipade) Abhi-Ṭṭha 2. 142;	
Visuddhi 2. 117 piṭṭhesu pana passitabbaṃ.	319
Nāmarūpavavatthāpanena = Nāmarūpavavatthānena (Sī)	238
Nimittapavattato = Nimittapavattito (Sī)	93

Nānāpāṭhā

Piṭṭhāṅkā

[Na]

Niyamanam = Paṭipakkhaniyamanam (Syā, Gaṇṭhipade ca)	
Abhi-Ṭṭha 2. 107 piṭṭhe pana passitabbam.	149
Nirasā = Nīrasā (Sī)	21
Nirussāsam = Nirassāsam (Syā, Visuddhi 2. 47 piṭṭhe ca)	329
Nissaṭattā = Nissaraṇattā (Sī, Ka)	113
Nūna = Nanu (Sī)	173
Nūnimassa = Nanvimassa (Sī)	166

[Pa]

Paccayasamuppannam = Paccayasambhūtam (Visuddhi 2. 70 piṭṭhe)	3
Pañcaṇeyyapathappahedaṃ = Pañcaṇeyyapathappahedaṃ (Sī)	54
Paññāpanaṭṭhena = Paññānaṭṭhena (Sī)	12
Paṭipisanti = Paṭipimsanti (Sī, Syā)	137
Paṭiventī”ti = Paṭiventīti passati (sabbattha)	
Visuddhi 2. 266 piṭṭhe pana passitabbam.	235
Patāpanaṭṭhādīni = Pakāsaṇaṭṭhādīni (Sī)	94
Padacchedam = Padapacchedam (Syā) Evamaññatthāpi.	153
Padālatā = Padālatā (Sī)	330
Panettha = Kiñcettha (Abhi-Ṭṭha 2. 139 piṭṭhe)	318
Payogānanti = Yogānanti (Sī) Pāḷiyam pana “maggānan”ti dissati.	91
Parasamharaṇam = Parassa haraṇam (Sī, Syā, Ka)	
Dī-Ṭṭha 1. 70 piṭṭhe pana passitabbam.	204
Parasattavatthuke = Parasantakavatthuke (Sī)	206
Paripūraṭṭho = Paripūriṭṭho (Sī)	88
Parisuddhabhāvassa = Pārisuddhibhāvassa (Syā, Ka)	119
Palibundhati = Palibujjhati (Sī)	222
Pāmukhaṭṭhenātipi = Pāmukkhaṭṭhenātipi (Syā)	100
Pārāpanno = Pārāsanno (Sī, Syā)	26
Piyaviyogo”ti = Piyavippayogoti (Sī, Ka, Visuddhi 2. 136 piṭṭhe ca)	138

Nānāpāṭhā

Piṭṭhāṅkā

[Pa]

Punabbasumātā = Uttaramātā (Dī-Ṭṭha 2. 100; Am-Ṭṭha 3. 163 piṭṭhesu)	104
Punabbhavaṃ = Punobhavaṃ (Sī)	146
Pupphaphalūpajīviniyo = Puññaphalūpajīviniyo (Sī, Syā), Gaṇṭhipade pana passitabbari.	327
Pubbasannicayaṭṭhānesu = Pubbasannicitaṭṭhānesu (Sī, Syā)	218
Pubbuḷakā = Bubbulakā (Sī)	330
Ponobhaviḷkāti = Ponobbhaviḷkāti (Syā)	146

[Pha - Ba - Bha - Ma]

Phalāvasānena = Phalavasena (Sī, Syā)	262
Phassanaṭṭhe = Phusanaṭṭhe (Sī)	33
Phassitā = Phussitā (Syā)	129
Buddhacariyāya = Buddhacariyāya (Syā, Ka)	191
Bhāsā = Aṭṭhārasa bhāsā (Abhi-Ṭṭha 2. 371 piṭṭhe)	5
Bhūtāpagatuppannaṃ = Bhutvāvigatuppannaṃ (Sī, Abhi-Ṭṭha 2. 285; Ma-Ṭṭha 3. 173 piṭṭhesu ca)	158
Macchakhippaṃ = Pacchakhippaṃ (Sī, Syā)	29
Manāpiyesūti = Manāpikesūti (Sī, Syā, Ka)	266
Mudim = Mutim (Sī)	121

[Ya]

Ya'dayaṃ = Yadidaṃ (Syā)	164
Yāvaticchakaṃ = Yāvadicchakaṃ (Visuddhi 2. 53; Vi-Ṭṭha 1. 129 piṭṭhesu.)	334
Yāvassa = Yā cassa (Syā, Abhi-Ṭṭha 2. 287; Ma-Ṭṭha 3. 176 piṭṭhesu ca)	160
Ye keci = Keci (Syā, Ka)	198

[La - Va]

Likkhāmattaṃ = Likhāmattaṃ (Syā, Ka)	76
Lujjanapalujjanaṭṭhena = Lujjanaṭṭhena (Syā)	163
Vicāraṭṭho = Vicayaṭṭho (Sī)	90
Vijjuppādasadisā = Vijjupātasadisā (Sī)	169

Nānāpāṭhā

Piṭṭhāṅkā

[Va]

Vattanipakaraṇe = Vattati, pakaraṇe (Sī)	254
Vitthāragataṃ = Vitthārato (Syā, Ka, Visuddhi 2. 72 piṭṭhe ca)	6
Vidahati = Vidadhāti (Sī), Dahati (Visuddhi 2. 70 piṭṭhe)	3
Viyasatīti = Byasatīti (Sī)	142
Visatṭhacitto = Vissatṭhacitto (Sī, Syā)	35
Visuddhājīvitā = Visuddhājīvatā (Syā, Ka)	242
Vīriyabalapaggahena = Vīriyabalapariggahena (sabbattha)	220
Vosagge = Vossagge (bahūsu)	46

[Sa]

Sakasakalakkhaṇe = Salakkhaṇe (Sī, Syā)	17
Satadhā = Sattadhā (Syā)	152
Sattadhā = Satadhā (Sī, Ka)	185
Santānāyamāne = Sandhārayamāne (Sī, Ka)	159
Sappurisāvassayo = Sappurisāpassayo (Sī, Syā, Ka)	272
Samanvesitvā = Samannesitvā (Ka)	151
Samāpattiyeva = Samāpattivasena (Visuddhi 2. 348 piṭṭhe)	288
Sampatinibbattā vā = Sampatinibbattā (Sī), Sampatinibbattāva (Visuddhi 2. 54 piṭṭhe)	336

[Ha]

Hetavo = Hetuyo (Syā)	225
Hettha = Heṭṭhā (Gaṇṭhipade)	262
Hetuṭṭho = Hetattho (Syā)	89
Hetuphalam samavāyavādīnam = Hetuphalasamavāyavādīnam (Sī, Abhi-Ṭṭha 2. 84 piṭṭhe ca)	184
Hotiyeva = Na hotiyeva (Sī) Am-Ṭṭha 3. 137 piṭṭhe passitabbari.	68

Paṭisambhidāmaggaṭṭhakathāya paṭhamabhāge

Gāthāsūci

Paṭhamapādā	Piṭṭhāṅkā	Paṭhamapādā	Piṭṭhāṅkā
Āṅgānaṃ sithilībhāvā	135	Gaṇhitvā āvajjana	26
Atīte hetavo pañca	225	Gantvāna so satta padāni	
Abhiññeyyaṃ abhiññātaṃ	198	Gotamo	192
Abhisaṅkharoti so ete	319	Gamane vissute tinte	13
Arā saṃsāracakkassa	197	Candaṃ passeyya naro	26
Asaṅkhyeyyāni nāmāni	277	Cittajena hi rūpena	321
Asayhamappaṭikāraṃ	136	Cittassa ca paridahanā	137
Ārakattā hatattā ca	198	Cutūpapāte saṃsāre	319
Iti evaṃ pakārehi	185	Chaḷeva phassā saṅkhepā	322
Iti tacchāvipallāsa	59	Jātippabhutikaṃ dukkhaṃ	138
Iti santā samāpatti	290	Jāyetha no ce narakesu	
Imāni aṭṭhagguṇamuttamāni	242	satto	134
Udakaṃ hi nayanti nettikā		Ñātidhanādiviyogā	138
(Khu 1. 25)	40	Ṭhātuṃ icchaṃ puriso	26
Udayabbayānupassana	26	Taṃ taṃ patthayamānānaṃ	138
Uppādañca pavattañca	243	Taṃ muñciya gotrabhunā	26
Ekaṃ na ekato idha	318	Taṃ vinā nāññato dukkhaṃ	58
Ete saṃvaravinayā	188	Taṇhāya paccayā tasmā	322
Evaṃ ariyasaccānaṃ	186	Tato dukkhadvayassāpi	137
Evaṃ yogāvācaro	26	Tayamidha nirodhasuññaṃ	185
Evamidha maggañāṇaṃ	26	Tibbandhakāre ca asayhasīte	134
Kim bhāsitena bahunā		Disvāva appiye dukkhaṃ	137
nanu yaṃ kuhiñci	135	Dukkhaṃ tiracchesu	
Katattā paccayā ete	321	kasāpatoda	134
Kāmesu chandaṃ paṭighaṃ		Dukkhomeva hi na koci	
vinodaye	215	dukkhito	184
Khandhā nirujjhanti na catthi		Dukkhi sukhaṃ patthayati	322
añño	241	Duve puthujjanā vuttā	189, 245

Paṭhamapādā	Piṭṭhaṅkā	Paṭhamapādā	Piṭṭhaṅkā
Dussīlyaviddhamāsanatā	15	Muhuttajātova gavaṃpatī	
Dvārato vedanā vuttā	322	yathā	192
Dvāsīti Buddhato gaṇhim		Yaṃkiñci dukkham sambhoti	
(Khu 2. 347)	8	(Khu 1. 394)	41
Dhuvasubhasukhattasuññam	184	Yaṃ passati na taṃ diṭṭham	161
Na tassa addiṭṭhamidhatthi kiñci		Yaṃ sokasallavihato	
(Khu 7. 280; Khu 8. 178)	55	paridevamāno	136
Nava koṭisahassāni	188	Yañcāpi gūthanarake viya	
Na hi dhammo adhammo ca		mātugabbhe	135
(Khu 2. 272)	17	Yato yato sammāsati	
Nāññā nibbānato santi	59	(Khu 1. 67)	274
Nābādhakam yato dukkham	58	Yathāpi nāma jaccandho	319
Paṭippassaddhadaratham	249	Yathāpi mūle anupaddave	
Paṭhamam kalalam hoti		dalhe (Khu 1. 62)	147
(Saṃ 1. 208)	30	Yathā pubbuḷakam passe	
Pappoti dukkham yaṃ macco	135	(Khu 1. 39)	242
Passitukāmo candam	26	Yatheva Dīpaṅkarabuddha-	
Pātimokkho satī ceva	14	ādayo	191
Pāpassa pāpakammādi	136	Yadā ca ñatvā so dhammam	319
Pīḷeti kāyikamidam	137	Yasmā tasmā upādāna	138
Pīḷeti yato cittam	137	Yasmā natthi raho nāma	198
Puthūnam janānādihi	188, 245	Yasmā rāgādisaṅkhātā	197
Pubbayogo bāhusaccam	7	Yassete caturō dhammā	
Pūjāvisesam saha paccayehi	198	(Khu 1. 14)	17
Petesu dukkham pana		Yāni sotāni lokasmim	
khuppipāsā	134	(Khu 8. 6; Khu 1. 434)	14, 202
Phalassuppattiyā eva	320	Yo sukham dukkhato adda	
Bhamitamhi cakkayante	26	(Saṃ 2. 409)	165
Bhavo kulam nikāyo ca	132	Rajjum vā daṇḍam vā	26
Mamsaviññāṇaṇṇesu	12	Rūpaṇhādibhedena	322
Maggā aññam na niyyānam	59	Lakkhaṇam tu avikkhepo	16
Majjhatabrahmabojjhaṅga	175	Laddhapaccayamiti dhamma	320

Paṭhamapādā	Piṭṭhaṅkā	Paṭhamapādā	Piṭṭhaṅkā
Vātā viya te candam	26	Sabbe saṅkhārā aniccāti	
Vitthārato daso'pekkhā	175	(Khu 1. 53)	264
Vippavāsā satādīnam	135	Sabbesañcāpi yaṃ sandhi	136
Viruddho cāvīruddho ca	319	Samavāye khaṇe kāle	297
Vuttamhi ekadhamme (Khu 10. 3)	28	Samādahitvā yathā ce vipassati	18
Verabhayāni samayate	27	Samāvahati byādhiñca	136
Saṃvijjamānamhi visuddhadassano	241	Sīlanam lakkhaṇam tassa	15
Saṃsāradukkhajaladhim	27	Soceyyapaccupaṭṭhānam	16
Saṃsāre saṃsaram bālo	319	So tato ārakā nāma	197
Sattānam hadayam soko	136		
Santāne yaṃ phalam etaṃ	320		